

此土著述(冥)

第 156 册

一五·一六三四 憨山大師夢遊全集五五卷(三一至五五)

侍者福善日錄 門人通炯編輯

(軻一—軻十、敦一—敦十、素一—素五)

卷三一(軻一)	一	卷三二(軻二)	二五
卷三三(軻三)	五三	卷三四(軻四)	七四
卷三五(軻五)	九三	卷三六(軻六)	一一五
卷三七(軻七)	一三五	卷三八(軻八)	一五六
卷三九(軻九)	一七三	卷四〇(軻十)	一九九
卷四一(敦一)	二二〇	卷四二(敦二)	二三五
卷四三(敦三)	二五八	卷四四(敦四)	二七三
卷四五(敦五)	三〇三	卷四六(敦六)	三三三
卷四七(敦七)	三五九	卷四八(敦八)	三八二
卷四九(敦九)	四〇七	卷五〇(敦十)	四二五
卷五一(素一)	四四六	卷五二(素二)	四六五
卷五三(素三)	四八六	卷五四(素四)	五一二
卷五五(素五)	五三二		
一五·一六三五 性相通說一卷 天親菩薩造		唐三藏法師玄奘奉詔譯 明憨山沙門德清述	五六五
序(素六)	五六六	卷上(素六)	五六八

卷下 (素六) 五八〇

一五·一六三六 莊子內篇註四卷 (一至四)

明匡廬逸叟慈山釋德清註 五九五

(素七—素十)

目錄 (素七) 五九六

卷一 (素七) 五九七

卷二 (素八) 六〇九

卷三 (素九) 六三七

卷四 (素十) 六六六

一五·一六三七 龍池幻有禪師語錄一〇卷 (一至三)

門人圓悟圓修等編 六九三

(史一—史三)

序 (史一) 荆溪安歸居士吳達可題于長安撫芳亭 六九四

目次 (史一) 六九六

卷一 (史一) 六九八

卷二 (史二) 七二二

閒談晚話序 (史二) 凝菴居士唐鶴徵撰 七四三

卷三 (史三) 七四五



清刻龍藏佛說法變相圖

慈山大師夢遊全集卷第三十一 軻一

侍者福善日錄 門人通炯編輯

題跋

題瑞之麟禪人刺血書華嚴經後 在國中作

雜華統法界之經也直指毘盧果海性德圖

斬一

融無礙廣大自在細微莊嚴以示衆生日用

現證平等心地法門欲因之以廓塵習昭真

境不離當處頓得無量受用耳觀夫佛等衆

生等刹土塵毛染淨等劫念往來三際等迷

悟因果理事等法爾如然居然自在其所以

不等者良由吾人自昧於一念之差究竟有

天淵之隔所謂情生智隔想變體殊故曰奇

哉奇哉一切衆生具有如來智慧德相但以

妄想顛倒執着而不證得若離妄想執着則

自然業智當下現前如一微塵具含大千經

卷智人明見剷而出之則利用無窮由是觀之無論衆生心具不具只在當下眼明不明耳豈更有他哉是以文殊舉之以爲智普賢操之以爲行善財挾之以發心彌勒帶之而趣果四十二位之各證五十三人之全提月滿三觀星羅十門行布圓融事理無礙以極塵毛涉入依正互嚴種種言詮重重法象火聚刀山之解脫臥棘牛狗之堅持乃至異類潛行分身散影無非遊刃微塵之利具也由具利則塵易破塵破則經卷出經卷出則性德彰性德彰則果海足果海足則無不足矣斯則六千道成于言下猶是鈍根三喚普賢於目前豈爲智眼信乎聾瞽封葑識情衆生日用而不知也知則根塵識界草芥塵毛通爲法界真經屈伸俯仰咳唾掉臂總是普賢

妙行以如是經海墨積書而不盡以如是行日用現前而有餘只在當人一念回光返照之力耳今麟禪人用滴血書此經是明見而後書之耶抑因書而後明見耶猶然書之欲見而未及見耶若明見而後書則不待操觚全經已具如臨寶鏡又豈淋漓翰墨區區於簡牘文字之間耶若因書而後明見則現前日用妙境全彰似懸珠網又豈昏沉業識茫茫於水月空華之界耶若書之欲見而未及見則析骨爲筆剝膚爲紙刺血爲墨點染太虛揮灑金屑豈不重增迷悶枉歷辛勤一葉落而天下秋回管灰飛而大地春起是則書與不書全經自在見與不見明昧一如悲夫夜壑藏舟力者負之而不覺覺則透出毘盧全彰法界昭昭然毫端眉睫之間物物頭頭

而與普賢交臂也。依師有言：華藏性海與我同遊者，舍子其誰歟？否則暫閉閻門，試請迴途，重參曼室，大力子行矣。無忘所囑。

題書華嚴法華二經後

毘盧遮那證窮法界，富有無量功德之藏。是與一切衆生同有而應得者，故視一切衆生如一子地，必欲全付自得，所有而始快。雖衆生茫昧而不覺，乃設無量方便種種調伏，必使諦信不疑，而後已。譬如長者具有無量富饒，止有一子幼而逃逝，子雖背父而父未嘗一念忘子也。日月既久，子以傭賃歸來，而不識其父。父既知子，必降身辱志，與子同事，相親而漸通其情，實直至心相體信，父子情忘。然後親爲囑書，全付家業，而後死，方無憾也。由是而知雜華乃我如來法界藏中之曲記。

法華如長者委付家業之囑書，入此二種法門，方爲克家之子也。善男子吳大靜手書二經，豈非能知本有料理如來家業者耶？由是必有應得之日矣。

刺血書金剛般若經跋

般若出生諸佛，故爲諸佛母。而爲衆生之佛性，是則般若所流源源無盡，如海水潛流四天下地，諸佛衆生覲體無二。是知衆生四大根本身肉骨血，皆般若所流，迺其本源一體。無一居士賀學仁氏刺血書寫金剛般若，以報其親，如引細流而歸於海，可謂善於返本而報本者也。世之言大孝者，能有過於此者乎？

又

梵語般若唐云智慧，此乃一切諸佛衆生之

大本也迷之為生死悟之為涅槃諸佛證之為根本智衆生背之為無明流其實體一而明昧異耳故我世尊出世特為開示此智以法大機小不能領荷故二十年後方說此經業已多方開示必欲諦信此智而不疑用為成佛根本而此經以金剛名者以智乃佛之所證金剛心耳方將以果地覺為我因心故以般若為入大乘初門是知持以金剛名經非假喻也嗟乎一切衆生迷此本智流浪生死其來久矣觀者但以經義深奧文字重複為不易入殊不知以空為宗以頓斷疑根直心我念為本元無文字可立故黃梅以此印能頓六祖大師一聞應無所住而生其心便能頓破歷劫疑根及見黃梅即能道本來無一物是乃從此經得入之第一榜樣也是則

此經為禪宗的訣學者槩以文字目之故知之者希惜哉末法正眼難逢今愈見其難也經云若有讀誦受持書寫者不於一佛二佛三四五佛而種善根已於無量萬億佛所種諸善根由此觀之即信受書寫亦非淺淺因緣也曹溪沙彌方覺刺血書此卷真終身受持焚香作禮請予題記因感而言曰六祖入滅十年曹溪道場化為狐窟即出家兒為慧兒牧豎矣予來力揀其弊辛苦十年修崇梵宇漸次可觀而魔僧作孽內自破壞人且謂佛祖無靈即予亦無以自解也今見沙彌方覺乃能刺血書此經則予心渙然氷釋矣何也以經云若人以七寶莊嚴恒沙佛土不如受持此經一四句偈以彼有為功德終成敗壞不若無為之勝益也以此般若為成佛真

種子故佛言若使一人發菩提心寧可我身受地獄苦以其信心難發也今覺沙彌一人能以般若為心寔予十年辛苦所致又何以修崇有為功德為重而以成壞為念乎因有感于此故併記之

題三峰禪人血書法華經

衆生迷佛知見遠逝五道周流惡趣其來久矣釋尊出世特為開示使其悟入警其歸志政若慈父念子望其委付家業故說此經使人速達故鄉耳昔有老宿繫蓮經七軸於梁間人或問之答曰此家書也常熟三峰比丘刺血書寫此經豈特見家書而思歸者邪良以幻化空身即法身此經已有如來全身今以血書如世之真子辨嫡父血滴枯骨必見滲入是則楮乃法身之枯骨乎因贅以偈輕

拋故國不知年一紙家書特特傳留指忽然心痛處思歸徹夜不成眠

題公全禪人血書法華經後

惟我本師和尚遠自大通智勝佛時為十六王子講說此經已下一乘成佛之種而諸闍者迷淪塵點劫來流浪生死直至今日靈山會上方乃悟入各為受記將來成佛是為一代時教究竟之極談譬如窮子久逝他方今始歸來見父心相體信堪荷家業此經大似長者委付家業之囑書故云凡有聞法者無一不成佛是以天台獨重五種法師受持讀誦書寫者皆為成佛之真種以其一悟此心從真所流則凡有所作皆真實行殆非妄想攝持者比也今公全禪人發無上心刺血書寫此經則使幻妄身血滴入法性海中等同

判一

六

一味莊嚴毘盧法身之果而又發願更書華嚴大經以爲究竟莊嚴是猶窮子既得家業之囑書則披閱庫藏之典記按圖求索是則華藏世界無盡妙好莊嚴皆禪人本有受用之大業如此豈非究竟一大事因緣哉禪人親持所書之經具陳本願請益老人故爲具述本末因緣如此

血書梵網經跋

梵網經者乃我法王應運首創之露布也即其所制皆性戒耳故三藏之設從凡至聖所歷諸位皆依金剛心而建立之此戒即所謂金剛心實成佛之大本緬惟吾人遭此末法去聖時遠苟願出生死證真常非此戒不足以證之然此戒非金剛心又不足以持之蓋一切衆生所以久沉生死而不能自出者良

由著我以我見重故諸業交作業作故苦即隨之如影響形聲理不可違故修行要門無論大小三乘皆以破我爲本我空而業無所繫然破我之具非金剛心斷斷乎難矣諦審佛意既曰戒乃自性清淨心又何持犯之有第迷之而爲幻妄蘊蓋情塵所蔽不得不揭而祛之此戒乃裂見網之利器不得不施於最初之創而初學菩薩即上根利智不得不秉此爲最初地也學人眞照以夙習般若緣深自願出家依吾法兄雪浪聽習有年謁余於那羅延窟余政悲末法務本者希乃爲諸弟子誦梵網戒照聞而有感遂哀請授戒且發深重大願刺舌根血書此經志畢命受持余深慨焉因謂吾本師盧舍那佛從初發心以至成佛精進不退以不可說不可說身命

而為布施剥皮為紙析骨為筆刺血為墨書
寫經典積如須彌為重法故不惜身命子苟
知生死難出愛根難斷佛果難期依佛所行
如佛所願又何患不成佛從此以往生生世
世以此身血書寫此經當布滿大千又不止
如須彌之高廣即見聞隨喜發心修學者當
如菽粟遍十方刹土又何止此一會一人一
衆而已耶子宜勉旃特書此以證子之願仍
願此經至盡未來際當處處現身如多寶也
子其志之

重刻華嚴經題辭

毘盧老人于一微塵裏冷坐不禁於青天白
日忽爾盹睡墮入緣生妄想夢中引起歷劫
情塵種種幻網境界盡無盡大光明藏重重
交羅如天帝簾珠互遞影像炳然歷別且自

生大奇特想亦乃驚怪普告十方一切天人
極十虛為口門以大地為長舌說夢中事使
諸聞者瞠目相視有眼者盲有耳者聾其登
地大士自負親為當家長子親履其中尋無
一物了不可得展轉告之傍人但云如空中
鳥跡耳禪人乃又願於一毫端頭欲令人頓
入此中蓋亦難矣雖然大地衆生無一人而
不沉埋此一塵也只須大智慧人冷眼生華
妄想恁麼如是如是種種奇特莊嚴且在一
切衆生日用妄想網中種種光明時時頓現
各各日用而不自知所以不知者但夢未破
耳今於路傍草莽間猛地一人跨跳攘臂大
呼頓使十方世界六種震動同時各各相謂
歎曰奇哉奇哉不知此中果有如斯大希有
事遂剖而出之大家携手通同遊戲自在無

礙無所希求竟亦不知誰之力也知思者當自重之

菩提心願文跋

一切聖凡皆本自住金剛心地具足如來不思議智但以習氣熏發轉變之力而得成熟故一切衆生各各八識田中具十法界種子特隨緣熏發故先後遲速不同耳華嚴經云菩薩有十種習氣見佛習氣於清淨世界受生習氣行習氣願習氣波羅蜜習氣思惟平等法習氣種種境界差別習氣若諸菩薩安住此法則永離一切煩惱習氣得如來大智慧習氣非習氣智故知染淨二業昇沉兩門皆從熏習而生不是無因而得是知從上佛祖善知識教人原無實法與人亦無法可傳可授但凡有親近者獨觀其染淨習氣之厚

薄因其病而調伏之惟執勞辛苦三二十年耳提面命朝夕叅承乃至困辱萬端逆順千狀種種施設無非以大般若光明熏蒸無明業習令其轉染成淨使其自知本有耳苟能自知其本有智光內自熏發日增月盛一旦如大火聚則向之煩惱業習燎之如紅爐片雪如此則日用頭頭遇境逢緣皆大智用是所謂轉染污業習而為般若智習矣若轉之淨盡徹底窮源與十方佛祖轉處無別則但印可之曰如是如是惟此而已豈此外更有別法耶由是觀之則從上三賢十聖皆能轉之而未盡者故從般若所發十種習氣為金剛種子以之劫劫生生熏變無明不淨不休終竟透皮而出此所以昆盧世尊重願行也德宗始發跡於蒲從法親妙峰師因得事老

人於清涼以至海上將二十餘年矣所歷辛苦不可殫述爲法懇誠之心未嘗一念稍間老人唯以不思議智炬照之而已竟未一啓齒向上事也待其自信自肯方不自負已靈耳渠以本願請老人爲敷揚者有年老人未之首肯甲午冬日從老人于京之大慈壽寺雪夜請益哀泣自叙其志願云云老人爲信筆書此明年春二月老人即以弘法因緣致聖天子怒逮及於渠實出九死余戍雷陽宗復自蒲萬里問老人於瘴海間相值五羊乃出此卷老人展之則見其光明奪目也遂贅之以此

普賢行願品題辭

毘盧遮那如來居華藏界菩提場中爲地上菩薩說華嚴經有三十大千世界微塵數偈

一四天下微塵數品即龍勝大士盡出世間智不能數其品目而此品者略本之略本也惟我盧舍那如來曠劫所修廣大因行所感華藏世界殊勝莊嚴其因地本行不出普賢十種大願而此願者乃稱法界心極法界量包攝無遺故曰願王然修行之要成佛之速無越乎此所謂一念消滅無量惡業一念成就無量善根者譬若金轉輪王夢入阿鼻地獄受大劇苦無可哀救怕怖悼惶奔馳狂呼欲逃而不得一旦叱咤極力猛醒向之苦事求之而不得現成受用種種本自具足此所謂夢幻法門以智而入唯在自心不假外求故曰心淨則佛土淨門人鄭擴發菩提心皈依淨土余教之以專誦此品一旦生死夢破何患不覩華藏現成受用乎

柯一

十一

題安樂行品後

余少讀四教儀見天台大師判五種法師爲觀行位竊有疑焉既見法門之有以持經爲行者動則誦法華經百千部及察其律身持心多未能與經溜合是知持經之難矣及予述法華通議至佛讚法師之功德有供養者其福過於供佛有毀謗者其罪重於謗佛此我世尊金口誠言及見持經之法師現在父母所生肉身即得六根清淨按六根清淨當在七信菩薩不退者以永不退墮生死也何持經之功一至此耶是知持者不在紙墨文字而在離言妙契佛心佛之慧命由是相續而不斷者宜其功德殊勝然矣某人受持此經於安樂行中有所契入故專持之此乃世尊教諸末法持經弟子第一妙行即如來之

家法也從是而入法華三昧悟佛知見固無難矣

題刻藥師經後

經以藥師名者蓋依本佛而稱也至聖無名以德彰名然佛爲三界醫王善治一切衆生心病故稱醫師是則一大藏教乃對症之妙藥而衆生之病以痴愛爲根病根不除而欲出生死渡苦海者詎可得乎問曰經云求官位得官位求男女得男女求長壽得長壽求安樂得安樂皆衆生之痴愛也佛意本欲衆生離之今有求而必遂者豈非增益痴愛耶答曰非增益之實欲離之耳以衆生不信自心是佛故顛倒迷途溺於愛河佛以廣大慈悲而拔濟之不能頓出特設方便以引攝之即其所愛而誘進之所謂以楔出楔以毒攻

毒故云先以欲鈎牽後令入佛智則世間之
愛可潛消而默化矣衆生始以不信自心之
惑如貪財者而夢金寶生大歡喜致大欲樂
且金寶欲樂豈自外至耶衆生處此夢宅種
種希求佛以如夢幻法門而調治之痴愛重
則信佛愈極信至極則自心癡變化而爲佛
知見矣又如置醇於乳而成酥酪必轉醍醐
此經是佛以醍醐甘露之藥施衆生能服之
者豈不頓祛百病獲長壽哉居士劉嵩刻經
以施多人正若長者於四達通衢以妙藥施
人但能信受而服之者則心病頓瘳而隨求
必應其藥師之號豈虛稱哉既信自心則觀
此經不屬紙墨文字矣

白衣陀羅尼經後跋

白衣陀羅尼經乃我圓通大士從大悲心中

實際流出故世之善男子女人苦於無嗣志
心持此求無不感應如響且往往應之者非
一而不信者亦非一又有持而不應者亦非
一此何以故以我大士依本師觀音如來授
如幻聞熏聞修金剛三昧現三十二應身十
四無畏功德與十方三界六道衆生同悲仰
故法界衆生欲求男者誕生福德智慧之男
生者皆白衣重胞以示大士不誑衆生之驗
也雖然此男者果何自而來耶若即大士現
身而大士不迷安得所生之男一一如慈悲
現身之士若非大士現身又何以求大士而
得生此理難窺故信之者希不知大士既與
一切衆生共一悲仰是則大士悲仰之心即
衆生願求之心也其求者果如大士之心而
大士之心亦即求者之心如鏡交光影影互

現又如谷響聲叫聲應未有自心而不應自
心者故曰自心取自心非幻成幻法是則所
求之男實是求者自心所變現不如是求故
不應耳所以求而得智慧福德何也蓋尋常
男女純以姪慾之心求之故多愚痴元非智
慧心所生也今不以姪慾心求而求之于大
士則是元出智慧智慧福德之本也所生福
德智慧之男所謂聲和響順形直影端其理
無疑也子寅周伯子篤信此法一日入山焚
香作禮乞書此經然我亦從大士耳門而入
三昧者第恐子寅不能作如是觀故書寫已
又從而解說之

跋姜大隱百城煙水卷

余嘗讀清涼傳至無著入金剛窟與文殊茶
話間見諸大士自雲中冉冉而下因問此衆

龍象何自而來殊曰此吾窟中一萬眷屬各
於十方世界利生緣畢而歸也又問世何不
知殊曰或現帝后妃女國太母身或現宰官
居士黃門長者比丘僧尼隨類皆入化化無
窮安可以迹較之耶今觀聖慈御筆賜姜常
侍百城烟水卷及諸大宰官題味詩則不必
更疑文殊也姜公別號大隱為慈寧宮侍中
其所以荷擔如來輔弼聖化建立三寶者功
最居多故能獲此密印不減髻珠之賞公當
持此以為利生之券他日歸來窟中想文殊
見之必合符驗也

佛頂尊勝陀羅尼呪跋

諸佛同證秘密心印得成無上菩提含之以
為三德秘藏吐之以為萬行莊嚴持之以為
利生事業讀之以為潔已妙行是故一切諸

佛因之而成道一切菩薩因之而轉邪此則凡所謂密咒者皆稱尊勝而此咒者出自毘盧灌頂爲法身所演又尊勝中之尊勝者也若書之幡幢風之所到影之所臨觸之者皆能離苦得樂又况行之持之於心含之而爲心印者耶故首楞嚴曰若有衆生欲習難除但當一心誦我佛頂光聚秘密神咒姪火頓除如湯消冰應念化成無上知覺噫一切衆生皆以姪慾而正性命今一持此咒則命根頓斷生死永離又何况彼區區貪瞋癡慢不十五化爲無上菩提真種子耶行人明寬持此有何一年今乞海印老人書寫此卷將終身佩帶持誦不忘老人嘉其志行助其堅強乃爲書之又贊之以此將以榮前程示來學者

八大人覺經跋

此八大人覺經子昔居海上時時書示弟子輩持誦今來忘矣昨達觀師偶以元雪菴大師擘窠大書刻本寄予讀之恍然如覩故物一向藏之篋笥未嘗拈出示人茲小金山鏡心上人偶持此冊來乞書法語余乃躍然爲書此經一過因歎曰此足以占感應道交時節因緣所會耳佛爲衆生說法唯待機宜故曰久默斯要不務速說所以未曾說說時未至故予初入粵未見有僧徒酷嗜佛法者偶一日過金山上人乃持所請諸名公共書四十二章經一冊請予跋語自是緇白弟子書四十二章經者數人予因爲菩提樹下新學沙彌講說一周得聞此經者不啻百什人矣其機蓋自上人發也此經乃一切世間諸天及人所希聞者予生平喜以此經施人而獨

於此地其機不發今又因上人而發之其事
蓋亦奇矣何也以佛說法唯待機而動迫不
得已而後應如洪鍾簷受隨扣而響是知此
段因緣非特爾也良以一切衆生寢此大光
明藏而沉墮於長夜之夢從來不覺久矣非
大覺不足以破大夢非破大夢不足以稱大
人不唯能覺人者爲大人而能奮力勇猛自
覺者亦大人也是則能大覺而後爲大人唯
大人而後能有大覺以一念之覺而破永夜
之夢豈細事哉嗟乎予觀大地衆生同稟此
覺無非大人第無大人以開覺之耳吾佛世
尊獨稱大人其靈山一會英傑之士與夫拈
花之破顏少林之面壁以至六傳五派千七
百人皆所稱自覺覺他而爲有力大人者也
是皆與人同耳嗟乎一切衆生皆證圓覺所

以迷悶而不入者非覺違拒諸能入者要之
於此八法不能覺悟故於生死關頭不能掉
臂由此甘受沉淪驅馳苦趣伶跼辛苦客作
賤人不能得稱爲大人耳上人能傑然觸發
此機豈非千金之子流落窮途一旦而發思
歸之念者耶吾今所書此八大人覺經實屬
足家音展之即得故鄉消息試時時展之勿
暫忘歸計致慈尊盼盼於常寂之鄉而倚般
若之門也

釋迦觀音志跋

釋氏之學以全體大用盡法界量爲極則所
謂毘盧遮那海印三昧威神之力平等顯現
是故一切諸佛之始終一切菩薩利生之事
業乃至世諦語言資生之業無不從此三昧
流出而有廣大不思議力福慧莊嚴皆悉具

足乃見法界之妙且一切聖凡統不出此是知吾祖乃三昧中之一人所輯釋迦觀音二志乃述三昧之境界轉爲利生之方便即述一代時教之法門又爲三昧中之三昧豈可以世諦文字目之哉智者觀之豈不躍然入此三昧嗟予小子亦從三昧而興讚歎者也詎可以恒情而擬議耶

題普念佛求生淨土圖

世人歷劫久沉生死苦海輪迴三途皆因自心妄想煩惱造種種業故無出頭之時佛說西方淨土一門引攝衆生出離苦趣是爲最妙法門一生取辦楚僧海慧單勸十方真實爲生死人一心念佛更無別緣以衆生煩惱深重妄想甚多皆生死根然非多多之佛不能度多多之人今聞汝東居士刻接引彌陀

佛像一尊通身約圍一千八百每念佛千聲以朱填一圈念完佛身則計念佛一百八十八萬聲雖積劫百八煩惱仗佛消除而淨土可期生死之苦可永脫矣且願所勸念佛之人亦如念佛之數更望大信心檀越施紙印散亦相若惟此功德圓滿則施者念者同歸極樂無疑矣

題化城募緣疏

刻藏盛舉乃自佛法入中國二千餘年一段大事因緣今末法無量衆生種成佛真因乃至深山窮谷無佛法處亦得共親釋迦如來大事全藏惟此功德實震且第一希有之勝事非大悲願力者不能發此心然又非大願力者不能克全其業今方過半已費數萬計故非一人一手一足之力也刻板之地始議

五臺苦冰雪次遷徑山苦霧濕皆非久計未
遷化城可謂得所其建議始馮太史恢復得
吳中丞克荷者未得澹居鎧公皆莫大之願
力也但貯板之房須高廠架使離地透風不
致易壞即板成而安置之功殊非一人一力
可措也今觀馮吳二公疏意甚至頭目髓腦
之不惜此何等苦心哉予嘗謂世有一代之
人皆同心夙願業已久在如來光明藏中所
謂緣熟即現今行乞之僧大似執舊券以訪
同願固知一見而興起者皆往昔同盟且謂
當來同會也其所施又何計金錢幣帛哉心
與此法量等虛空而福亦量等虛空界矣

題雲棲大師小像

至人無身以願力爲身至人無事以利生爲
事故身非我有事非已爲此所以身不能拘

事不能累觀師住世八十餘年建立度生事
業者過半知其未出世前皆操爲人之具也
即其法門攝受無量衆生而同出生死者不
知其幾何人是則師雖隨緣去來幻化死生
而法身常住與山川相爲悠久又豈可以此
色相求之哉瞻者當如空生晏坐石室真見
如來必致天帝散花而興讚歎也

放生文跋

聖人之教以五常治世仁爲首不殺曰仁佛
設五戒以不殺第一是知聖人之心以慈爲
本經云孝名爲戒斯則戒以孝爲本以一切
衆生有知覺者皆有佛性若殺生則斷絕佛
性又不止於冤債相尋而已是故凡在長劫
生死之中往來六道何趣不至何身不受即
其所殺之生皆過去多生之父母兄弟妻子

六親可知也今殺其命而食其肉豈非骨肉自相吞食乎佛以孝爲戒故知不殺則孝之大者豈止惜物命已也悲夫世人之迷相習食噉而不悟豈不痛哉故聖人戒以不殺以全佛性此又不止世間之孝而已此蓮池大師所以普勸放生以稟佛之心人能遵而行之非特得師之心適足以盡大孝全佛性而爲成佛之因矣豈細事哉刻此書以廣化多人此不獨廣大師之心實廣佛之慈悲非世之尋常口語也宜篤信之

題殺生現報錄

佛言一切衆生蠢動含靈皆有佛性又云衆生從無量劫輪迴生死無一類而不受生身是則現見諸有命者非獨慧命皆過去之親因迷而不知也衆生痴迷又不唯食噉而且

以他命網利以養已養親是所殺者豈唯斷佛慧命抑殺害親因向說報在來世今觀此錄則明明目前現報人人共所見聞斯則非斷他慧命殺已親因實殺已身而自速其死也何待未來可不懼哉觀此錄即佛說此是花報果在地獄能持而奉行之即奉三世佛法矣

刻五大師傳題辭

予頃讀錢太史集護法錄見宋學士作國初高僧傳法門之盛何其偉歟恭惟我聖祖開基創業建立三寶崇重法門超越百代而一時名德光揚佛祖之道不滅在昔蓋千載一時自此而降漸漸寂寥而嘉隆之際極矣何幸先皇太聖母身式聖主興揚佛事遍滿宇內四十餘年未嘗暫息亦從前所未有也若

何一

子

法門龍象五大師際會一時雖體用不同理事各別其所以扶樹宗教開人天之眼目作長夜之智燈未嘗不與佛祖同途合轍况巍魏堂堂爲大光明幢哉予幸從諸師之後獨愧薄劣不能拈一莖草第申讚歎願流光不昧照耀末世故作三銘二傳以俟後之執僧史者有所采焉

題法雷遠震卷贈五臺空印法師開化

雲中已下東海遺稿附

佛未出世祖未西來一塵未剖大地凝然萬

柯一

主

象露法身之體虛空演無字之經見之者盲聞之者聾靡不悶悶靈明昭昭業識若昏夜而履磔巖赤身而臨毒壑慈眼視之有不堪其憂者躍然而起影落此中則萬死一生甘苦同受切切三藏廣長舌爲之乾焦吐吐一

拳老婆心爲之滴血此我大師不得已而臨蒞三途現身異類或師子類伸或象王迴顧將無作有弄假成真幻化人天顛倒豪傑此甘露門以之而開大法雷因之而振頓使寒谷生春萌芽漸發三草二木引蔓抽條上中下根花果敷實者不可得而勝數矣即應緣施設敲唱齊行節拍成令無非將機就機以楔出楔豈有實法與人哉後之觀場者認不真爲真執無說而說然而舌亦爲之乾焦心亦爲之滴血悲夫誨者諄諄聽者莫莫且而恃爲真宰將伐全功竟無尺寸之賞方嬰長劫之羈者此何以故蓋亦將無作有弄假成真以不知幻化人天以致豪傑顛倒耳醍醐毒藥生死由誰惟此未嘗不涕下也嗟乎吾師之心誰能師之吾師之行孰能行之能師

者謂之慈父孝子能行者謂之法王忠臣親
親尊尊此余生平扼腕而求之者難見其人
惟法師澄公者宜其人也公早禮空王不軌
人僞長超詣有嚴淨毘尼翩翩濁世挺挺青
蓮寂寂空山峻峻冰雪滿腔肝胆生鐵鑄成
三藏微言一串穿却與文殊爲友故棲遲於
文殊之場以師子爲兒乃戲遊於師子之窟
釀慈雲於空谷垂靈鑿於清涼今也一管灰
飛不萌花發將見春回大地欣看草木皆榮
法雷振于雲中甘露灑於劫外吐青蓮於舌
根溉醍醐於心地直使盲者明聾者聰昏者
惺死者生花者實枯者榮不恃不伐不攝不
驚執金剛劍據涅槃城使諸魔衆盡稽首而
皈命此何以故良由師吾師心行吾師行知
將無而作有解美假以成真故亦能顛倒豪

傑幻化天人望受繫珠之賞將解長劫之嬰
可謂慈父之孝子法王之忠臣苟如是始可
報吾師之恩與公把臂同遊於不死不生不
然則但聞其聲不見其形又何稱爲有力大
人公其不然請聽空中十方諸佛警欬之音

判一
題國朝高僧行脚卷贈慧菴鑒上人

古人爲生死事大故割愛遺榮登山涉水參
訪知識相求於苦空寂寞之濱決擇已躬發
明向上每於明眼人前揚眉瞬目一棒一喝
之下忽然迸裂身心脫落如冷灰豆爆使無
量劫來生死情根一時頓拔當下如斷索師
子跳擲縱橫自在遊戲了無纖毫羈絆所以
稱爲大力量人此吾出家兒發足超方第一
步行徑也自鼻祖西來首行此令凜凜寰中
如唐之馬祖南嶽臨濟德山趙州雲門宋之

判一

圭

永明大慧元之雪巖中峰諸大老一脉相傳
如闔外將軍風行萬里故每遇鉗錘遺毒手
者靡不通身粉碎骨肉俱融悲夫去聖時遙
此道寥寥知音者稀惟我朝漠然無聞居常
以此痛心將謂獅弦絕響矣偶乞食王城幻
住慈氏樓閣 日居士閻君持國初尊宿送
僧行脚偈十八首觀季泐潭大師上堂教語
風規自足不減古人余歡喜贊歎何幸二百
餘年生此末運獲覩先覺廣大三昧於一毫
端頭良夙緣也此卷業已進之秘府因跋數
語願將此話流布人間適唐抑所表玉蟠王
秉白三太史公過訪談及將欲修國朝高僧
傳正博采法門行脚事遂將此托之時慧菴
鑒公見而懇之惟公幼入黃門錦玉叢中志
痛生死一旦棄如涕唾遠遊名山叅訪知識

廣求決擇今隱居伏牛意其必曾遺毒手如
古人者故見此語相親乎不然則如嚼木札
羹咬鐵釘飯耳公將歸故山余亦東還窟中
不惜疲勞爲書一過公能于此一言洞見古
人方始不負出家之志可作出塵標格不然
不但重已靈抑且累及海印也

題竹林大師示門人振宗法語後

宗禪者多毀教習教者多昧禪是以禪教語
爲兩橛古之師匠竟不能一其指歸即圭山
和會宗教猶以爲隔羅見月上下千百年來
學者無能一其趣向此無他乃乏正眼師承
爲之剖破藩籬所謂不是無禪只是無師以
禪宗者之多聞宗教無正眼此大道所以難
明也清涼竹林大師踞華座萬指圍遶善說
法要號當代義龍尋常履踐不涉玄途觀其

示門人語句大有宗門作略苟無正眼安能
出詞吐氣如是之雄健乎可以文字師槩目
之耶嗟乎學者文墮知見網中非金剛王劍
不能一揮裂之大師以此示振宗學人是必
爲當家種草定不負此一段因緣若以尋常
葛藤視之不唯當面錯過抑且辜負法恩多
矣

題三山真侍者行脚卷後

此國初十八高僧示行脚僧語也余竊謂禪
源一脈自中峰後闕其無人空谷而下多帶

柯一

三四

廉纖無復古人作略如脫索獅子也甲午冬
寓大都慈壽方丈西靈閣公持所錄前偈致
予予讀之三復歎曰人天眼目猶在不滅惜
乎不見諸老手澤遂記而藏之明年三月予
即以法罹難遣雷陽于是年十月出覲侍者

福善收予海印草履笈隨度嶺就行間往來
瘴海及曹溪者十有五年矣庚戌春王正月
予喜謝曹溪負身得自由善欲歸省上元後
五日持子數年積草于濛江舟中檢拾殘楮
偶得此卷讀之慨憶當日題墨未乾即有萬
里之行詎意今忽得此故物耶古人云欲識
佛性義當觀時節因緣豈非佛祖冥加以神
力而攝受之耶不然何以始終見此如出方
網三昧彈指警教時也燈下展卷喜而不寐
乃爲侍者重書一過嗟予老朽固不堪與諸
老把臂共行善當不滅三山真侍者行脚事
也古人閒垂一言半語如天普蓋似地普擎
老人信手拈來于一毫端作大佛事則諸大
老似掩耳偷鈴老漢未免畫蛇添足善侍者
縛作一束擲向東洋大海尤較三山百步否

柯一

三五

則未免祖禰不了殃及兒孫也

題達觀禪師送三禪人遊方卷後

從古出家兒爲生死大事不能自決故辦草鞋登山涉水訪求大知識決擇之然其大善知識如踞地師子一毛不敢撻傍纔傍則命根頓斷凡垂一言半句如晴空霹靂閃電使人耳聾眼花自救性命不暇况又敢弄佛法禪道乎此中利害知之者希嗚呼二百年來行脚僧不少犯此令者幾何其人今某三禪者以行脚事自負其志可佳既見達觀禪師爪牙已露命根不斷又欲別求知識余見此卷而笑曰三禪者持此卷行脚如請上方劔討賊不知他時後日何以繳報

題達觀大師祭徧融大和尚文後

昔延陵季子挂劔於徐君墓謂心許於生前

報知於身後以爲義高千古世諦如此况出世乎古人爲生死事大割愛辭親叅訪知識而決擇之每於一言啓迪施者如天普蓋受者如地普擎投機於石火電光之間而生死情塵逆然雷裂豈偶然哉故其恩深似一滴

軒一

三六

佛奴歌跋

吳年少比丘大川發大心願以一鉢供十萬

八千衆其行最苦是故諸長者居士聞而歡喜咸皆讚歎唯顧實甫歌有蕭梁求爲佛家奴之句蓋標其能忘身三寶以略恥天下之自重不若蕭梁者達觀可禪師見而異之乃盡力奴狀聲爲歌以發之余長歌三疊而歎曰藉令黃面碧眼觸此亦當捧腹絕倒况奴奴者乎以宗門向上事不涉玄途尊貴無匹即以尊貴自居猶是奴兒婢子呼爲頂墮况種種意想攀緣流注諸行耳雖然少年比丘何爲處此常憶昔有富主性不易事唯一奴初一當心其畫主極欲以使奴奴苦無當其夜主主夢爲奴奴夢爲主亦極欲以使奴奴亦無當然夢覺等而苦樂異復何怪哉今此比丘將以白晝之奴求爲夢中之主其所供十萬多衆豈亦白晝之主將爲夢中之奴耶噫生死

涅槃猶如昨夢比丘知此可以滴水供養十方恒沙世界諸佛衆生受用無盡矣何區區十萬八千爲其無以限量心自割如來無量境界也

壽昌語錄題辭

壽昌老人生平行履唯放身捨命於空山寂寞之濱墾土地博得滿腔氣息尋常發撒向人天衆前如搥毒鼓使聞聲者聾中毒者死而中毒者幾何人哉憶昔黃面老子在靈山會上領一隊懵懂漢逐日著衣持鉢沿街過巷乞得一搏冷飯歸來飽餐後洗鉢收衣跣而坐間打葛藤如此以爲家常過活若是者三十餘年而人天大衆喁然畢竟不知所爲何事偶於一日被空生覷破遂發歎曰希有世尊世尊見其眼目動定遂爲盡力胡亂

一上直使空生纖疑盡淨命根勦絕而後已
故空生感悟切心涕淚悲泣痛哭稱歎而不
容口至此黃面老子氣悶少舒始不負從前

一片婆心今觀壽昌鑿頭大似黃面衣鉢此
語不減靈山葛藤當知此話大行如毒鼓聲

不知中其毒者能幾何人至其感悟流涕如

空生者又不知能得幾何人也諺語有云相
識滿天下知心能幾人後之讀此語者若作

言語話會則有負壽昌若不作言語話會則
有負自己若兩不相負當於未舉已前把鑿

頭處薦取始得

跋可禪人行脚卷

昔法照齋次見萬佛菩薩現形於鉢中不知
何以故乃問僧云此五臺文殊化境也遂發
足履五臺願見文殊乃至果見文殊授以念

佛法門照可禪人先從雲棲得念佛三昧今
欲往求文殊印證則可倘問南方法衆不可
被前後三三當面瞞却也

又

照可禪人初住黃山以華嚴爲業所謂於一
塵中入正定也今從他方起處欲破塵出經
將誅茅於西湖之上意須長者挿一莖草老
人直謂之不然以無礙法界遇緣即宗隨處
具足但稟明於心又何假外耶
慈山大師夢遊全集卷第三十一

音釋

蒨 裴古切 緬音勉 醇居勅切 簾白許切 礎諸滌切

慈山大師夢遊全集卷第三十二 軀二

侍者福善日錄 門人通炯編輯

題壇經首示智境禪人

從上佛祖爲生死大事出現世間靡不大捨
身命歷盡艱難自萬死一生中來觀吾本師

軀二

和尚釋迦老子曠大劫來爲此法故捨頭目
髓腦不啻恒沙即此番出頭猶向雪山凍餓
六年以至馬麥金鎗何所不受剛剛博得四
十九年粥飯氣息而已猶未見有奇特處且
又未後惹得一場笑具至今流布寰區乃教
碧眼特特西來把作實事賺他神光誤墮一
臂及至老盧俗漢子被他一語調弄刺向黑
漆桶中悶絕至死者又不止萬萬也自黃梅
夜半放下腰間石頭拾得一些子破落索當
作奇貨豈料被他累至於死者又萬萬矣且

幸自獵叢跳出滿目羞慚每每向人申說平
生負墮處即以太虛爲口猶吐露一點不出
直令話柄流落江湖傳者又爲實事悲哉余
亦爲此法故上干宸怒實出九死幸爾絕處
再甦蒙恩貶雷陽以萬曆乙未冬日出帝都
冒雪南行至白下携弟子智境如廣作形影
及至雷陽瘴癘大作飲者萬萬無完人余與
從者俱冒毒癘病而廣竟不起境則再死而
復生苟非仗諸佛神力加持及自願持之蓋
萬萬無遺類矣境病稍瘥余即遺歸廬山省
乃師且以借萬頃湖光千尺瀑布以洗未盡
習氣也臨行無以爲屬案頭鷲拈此卷遂以
付之將見古人大死後如此消息但非真死
者莫可得境當持之於孤峰頂上萬丈巖前
試在措手處定當看苟能真箇大捨身命如

古人則不但不負老人今日之事抑且不負自己萬劫千生種來最勝金剛種子也爾其勉旃無忘所囑時萬曆丙申長至月十九夜燈前記于五羊東郭之壘壁間

觀楞伽記略科題辭

初二

二

科以分經從古製也昔道安法師以三分科經時人譏其離析經義及親光論至果以三分斷其全經時乃歎其雅合蓋經經各有綱宗科乃提綱挈要使觀者得其要領庶離言得意而悟入之令捨筌蹄殆非支分節解逞臆斷也後之義學昧於離言之旨各恃已見駢枝其說以取誇法之愆使學者莫之適從正所謂以多岐亡羊耳楞伽以離言說第一義為宗文博義幽舊解但科其文而未盡挈其義於通途一貫之旨未暢使觀者徇文而

失義以致修心三觀不得其門而入雖古今講演流通盡大地而依之造修者鮮知其要

有負如來開示正修行路也今予妄為通議直欲發心條貫使學者一覽便見指歸其略科但先撮要義以示文外之旨使知問答來源融會一貫了然心目冀可忘言得義不以文句為障礙耳然即此已為剽法後之學者切不得以此為欠而更增益其說自取誇法之罪不淺矣萬曆戊戌孟夏佛成道日沙門德清題於五羊之青門壘壁間

初三

三

題金剛經注解後

佛性之在纏如珠之在懷水之在地然雖固有不指不知不鑿不得也是則善友知識乃指珠之人無量法門特穿鑿之方耳豈實法哉如來出世為一大事因緣所謂開示悟入

佛之知見佛知見者乃衆生之佛性即般若之真智也且此真智吾人本自具足曾無增減正猶衣底之珠本無明昧地中之水源有淺深此其法無頓漸悟有易難由根有利鈍障有厚薄耳上根利智障薄德厚者一觸便了此悟之易故稱爲頓如六祖大師聞應無所住而生其心一語頓悟本有便悟無生是多劫般若緣熟當機一觸即了然自信如披襟見珠原自本有不假外求此豈易見哉嗟乎人者無明之地堅固法性之水益深疏鑿之功未著求其乘順流而歸智海益亦難矣是以聖人不得已而施設因五性而立三乘循利鈍而開頓漸此八部般若之談猶爲創入大乘初步而此經者持八部之一所稱金剛取其能斷耳蓋直指當人佛性堅固不壞

源融會一貫了然心目冀可忘言得義不以文句爲障礙耳然即此已爲利法後之學者切不得以此爲欠而更增益其說自取謗法之罪不淺矣萬曆戊戌孟夏佛成道日沙門德清題於五年之青門壁壘間

題金剛經注解後

佛性之在纏如珠之在懷水之在地然雖固有不指不知不鑿不得也是則善友知識乃指珠之人無量法門特穿鑿之方耳豈實法哉如來出世爲一大事因緣所謂開示悟入佛之知見佛知見者乃衆生之佛性即般若之真智也且此真智吾人本自具足曾無增減正猶衣底之珠本無明昧地中之水源有淺深此其法無頓漸悟有易難由根有利鈍障有厚薄耳上根利智障薄德厚者一觸便

了此悟之易故稱爲頓如六祖大師聞應無所住而生其心一語頓悟本有便悟無生是多劫般若緣熟當機一觸即了然自信如披襟見珠原自本有不假外求此豈易見哉嗟乎人者無明之地堅固法性之水益深疏鑿之功未著求其乘順流而歸智海蓋亦難矣是以聖人不得已而施設因五性而立三乘循利鈍而開頓漸此八部般若之談猶爲創入大乘初步而此經者持八部之一所稱金剛取其能斷耳蓋直指當人佛性堅固不壞室微信不疑臨濟初入黃檗之室三度契棒正似靈山三十年前弟子也及從大愚處命根斷後再見黃檗便能道只爲老婆心切一語此正若空生冷地看破世尊便歎希有時也嗟乎自古師資授受之際誠不易易所謂

柯二

五

見過於師方堪傳授似水投水如空合空觀空生對世尊時莫道不疑只是就世尊舉揚處如良馬見鞭影而行比未開眼時天淵矣此須在空生分上大似畫蛇添足且喜見空生肝膽如空生見世尊處不異如爲幻人歌者擊節耳善侍者執持老人二十餘年其爲日用舉揚此事不減靈山而從患難艱虞又與空生遠矣若此心不似空生見處何能消受種種苦惱耶時以魔業繫芙蓉江上一葉舟中寒夜書此付之大似寒空鴈影耳

物不遷論跋

予少讀肇論於不遷之旨茫無歸宿每以旋嵐等四句致疑後有省處則信知肇公深悟實相者及閱華嚴大疏至問明品譬如河中水湍流競奔逝清涼大師引肇公不遷偈證

之蓋推其所見妙契佛義也予嘗與友人言之其友殊不許可反以肇公爲一見外道廣引教義以駁之即法門老宿如雲棲達大師諸老皆力爭之竟未迴其說予閱正法眼藏佛鑑和尚示衆舉僧問趙州如何是不遷義州以兩手作流水勢其僧有省又僧問法眼不取於相如如不動如何不取於相見於不動去法眼云日出東方夜落西其僧亦有省若也於此見得方知道旋嵐偃嶽本來常靜江河競注元自不流其或未然不免更爲饒舌天左旋地右轉古往今來經幾徧金鳥飛玉兔走纔方出海門又落青山後江河波渺渺淮濟浪悠悠直入滄溟晝夜流遂高聲云諸禪德還見如如不動麼然趙州法眼皆禪門老宿將傳佛心印之大老佛鑑推之示衆

柯三

六

發揚不遷之旨如白日麗天殊非守教義文字之師可望崖者是可以肇公爲外道見乎書此以示學者則於物不遷義當自信於言外矣

重刻佛頂首楞嚴經跋

首楞嚴經者乃無上頂法文該三藏教攝五時徹迷悟之根源究聖凡之要路真修妙門無尚於此故叅禪之士不入此法則正眼不明探教之徒不通此經則重關莫闢自入中土解者固多而通途大旨總未究竟近有邪解之徒甚至曲引玄言以附外論壞正見世莫能辯爲害非細荷擔慧命者爲之寒心頃楚萍圓上人久居豫章攝受有緣深悲邪見之幟難拔乃集緇白法侶捐刻本文梵冊將以豎正法幢冀諸有志法門賢哲之士深究

佛意不墮闡提則法海津梁此爲帆楫其護法之功豈小補哉敬題此以爲先唱

刻起信直解題辭

此論乃禪宗闢論爲大教之宏綱也親教者非此無以知宗要參禪者非此無以開正眼

新二

七

實性相二宗之指南也文簡義深法界一心理事因果修證頓漸包括無遺故法門學者捨此而求悟入是却步而求前也賢首舊疏精詳委悉而長水記亦浩瀚無涯淺識者茫無歸宿子先取本疏略去繁科纂成疏略業已刻行時爲初機指點猶以爲艱故復用疏義隨文直解貴在一貫不假旁引枝蔓而一心真妄迷悟之義了然畢見如晝白黑其實祖述前意不敢妄越但取隨文易會不煩鉤索而直達本源以爲新學之一助云

刻百法論八識規矩跋

百法八識乃相宗指南爲入大乘之門也以佛說惟心唯識道理適該一大藏經而彌勒約爲六百六十而天親約爲百法識論百卷三藏法師約爲頌四十八句可謂至簡至要乃法界之網維也以一切衆生迷一心而爲識無明障蔽現前日用而不知自心之善惡樞機若親教者展卷則見文字遮障而不知所說皆自心本有之佛性參禪者抱持妄想盲修瞎練而竟不達生滅根源是皆不知此論之過也然論約剛五百言而頌止四十八句統收一大時教世出世法無不該盡若教若禪無不揭示正修行路學者有志不費期月之功而通徹無遺嗟無志者不能潛心於此而甘爲愚蒙可不悲哉此論古今解者多

引識論本文初心難入且不便於俗諦故子
反其義而變其文以便初機使其易入文似
闕而義實具是亦隨順說法非敢妄損古德
成言以取誇法之愆也

書四十二章經題辭

柯三

八

此經乃吾佛世尊初成正覺所轉根本法輪
也其旨以一心爲宗故曰識心達本號爲沙
門以斷慾出塵爲用故曰離慾寂靜最爲第
一又曰愛慾斷者如四支斷以酪爲教相以
醍醐出於乳酪而無上佛果皆本於真妄一

心也良由心爲法界之本欲爲衆苦之源今
將離苦得樂故以斷慾爲先世出世間修行
之要無外乎此故爲根本法輪也孔子曰孝
弟也者其爲仁之本歟且順親爲孝敬長爲
弟吾佛亦曰孝名爲戒孝順三寶父母師僧

孝順至道之法豈非以隨順覺性而爲復性
之本耶嗟乎一切衆生皆以姪慾而正性命
顛暝於此其來久矣然性與欲若微塵泥團
耳苟非雄猛丈夫以金剛心而割斷之可以
出大苦得至樂乎孔子曰人有欲焉得剛不

剛則於此法門猶望洋也是以吾佛出世最
初說此離欲法門是猶痛處割錐耳故經中
以此再三叮嚀致意焉凡學佛道有志於究
明此心者捨此而言行是猶却步而求前也

題十六妙觀後

柯三

九

十六妙觀始因韋提希夫人爲逆子阿闍世
王所苦求佛哀救故佛親詣幽宮放眉間一
光遍照十方佛土令夫人自擇隨願往生夫
人獨愛西方極樂世界是以世尊特爲說此
十六妙觀以爲往生之資但得一觀成就必

得如願是故淨土一門最爲超脫生死之徑
路古今造修而取證驗者不可勝數或者槩
以爲中下根設非也佛以一光頓照十方佛
土了然目前豈中下根人之境界且一生頓
脫無量劫之生死豈中下根人所能哉嗟乎
末法人多妄誕但縱口耳以資談柄雖上上
根人何益耶語曰藥不必扁鵲之方愈病者
良況法王親垂證驗之法門韋提已效之妙
行修行捨此而別求玄妙非愚即狂實是自
作障礙耳悲夫吾徒沙門釋子身既離塵而
心源混濁日夜馳想於五欲場中曾無一念
回光返照於自心且又妄談般若輕欺法門
甘心泥犁而不省者豈不悲耶門人某請益
老人特書此頌以爲淨業之資將期實行實
證庶不負此生出家之行脚事耳若捨此法

門別求向上則佛豈誤人而永明大師又豈
欺人耶

題諸祖道影後

諸祖乃傳佛心印之宗師也憶昔世尊說法
靈山常隨弟子千二百五十人及佛末後拈
花迦葉破顏微笑遂傳心印爲教外別傳之
旨是爲禪宗二十八代至達磨大師遠來東
上六傳而至曹溪下有南嶽青原以分五宗
由梁唐至宋元得一千八百餘人皆世挺生
豪傑之士塵垢軒冕薄將相而不爲故歸心
法門一言之下了悟自心使歷劫生死情根
當下頓斷遂稱曰祖豈不毅然大丈夫哉嗟
此末世去佛時遙既不預靈山嘉會而此土
諸祖出世又不能親近入室故沉迷至今而
不返者亦可悲矣久聞大內藏有歷代諸祖

道影新安高士丁雲鵬者丹青之妙不減僧
繇道子偶得內稿本八十八尊達觀禪師命
畫四堂其一置西蜀峨眉其一置金陵祖堂
其一置匡山五乳一置南嶽曾儀部金簡居
士請歸湖東觀察備兵吳公生白一日過訪
隨喜見而歎曰此真光明幢也會荆門畫士
史家善肖像遂命臨一册竊觀公丰彩高遠
有翩翩出塵之度故望影而歸命蓋亦曾親
近入室中來昔裴休見壁間高僧真儀問黃
檠曰真儀可觀高僧何在檠呼曰裴休休應
詰不覺譎然遂大悟予想公夙種般若深根
悟心不在裴丞相後故爲集諸祖略傳名爲
贊以致公將爲家傳心印也

題所書佛心才禪師坐禪儀後

余每向學人說修行法唯教以放下妄念撇

野二

十一

脫情根不隨生滅心轉如此二六時中一切
遇境逢緣逆順關頭愛惡貪瞋習氣發時當
下一念回光返照決不爲他遮障遷流一口
咬定如咬鐵釘相似如此是謂具金剛心名
爲狼心漢即此可名叅禪人手段如力士打
拳渾身上下左右都照管到一些滲漏不放
空如此乃可謂善用其心是爲勇猛伶俐衲
僧此老人尋常以此一段說話示人恰似十
字街頭賣平頂冠一般數十年來空受了許
多起早睡晚不曾博得一文錢買冷飯喫今
日看來不如才老佛心禪師說坐禪儀大似
狀元郎教童蒙上大人丘乙巳相似如此工
夫東道不少果能學得不怕不到狀元地位
回看老慈依舊還是一老骨董也具出世志
正好放下心腸依此老榜樣死做一番豈不

以今日此一片紙作破魔軍出生死一道符
驗耶快叅快叅

題寶貴禪人請書七佛偈後

此七佛偈乃佛佛傳受心法也一大藏經千
七百則公案乃至一切衆生日用現前境界
以及蠶螻蝻飛凡有識者皆向此中流出自
有佛法以來聞見不少而知之者希但益多
聞增長知見未有一人能向此中著脚者洪
覺範禪師被放海外無佛法地寓於廢寺破
壁間見一毘舍浮佛偈範持之久自云平生
學道獨於今日得大歡喜方到休歇安樂之
地由是觀之佛法信乎無多子學者政不在
廣見博識增益多聞障耳昔山谷老人善學
窠大書凡有以佳紙精素求書者必書此偈
以遺之足知古人於此中得真意者別自有

解脫門非言語可到也余於辛丑夏日病起
跌坐藤床寶貴以此紙求書七佛偈余是夜
夢侍一偉人作書余初握管自書有矜持狀
其人笑謂之曰書法政不爾字始於蠹文鳥
跡原非有意求好也余在夢中觀其用筆之
妙運動之勢非凡情可想象者覺來猶恍憶
遂乘興書此乃學夢中人也

又

余始學佛法謂諸法如夢幻觀乃入道第一
妙訣枯坐山林三十年來未曾離此一念今
斬三
觀此卷恍如夢事以此印心則諸法皆然即
此而推水月鏡像空華陽燄種種境界頭頭
皆解脫門也嗟嗟塵俗中人欲以有思惟心
不清淨見求入諸法妙門難矣自無受用地
安能令人歡喜乎後之觀此卷者能作如是

觀不獨入書法亦可入佛法矣寶貴裝潢卷
成見有餘地復作書尾

又

余每謂此七偈乃佛祖相傳心印也極喜書
施諸方不下數百幅矣往往自爲題跋以示

三

三

爲禪門關要但未知翻譯來源今於護法錄
中見宋公此跋足爲禪門千古公據故併書
之以曉近日叅禪者懷增上慢不親教旨之
輩爲秦鏡云

丁右武大叅浮海四詩跋

聞之古人有言曰兕虎不能撓其神獵士之
勇也蛟龍不能動其色漁父之勇也死生無
變於已達人之勇也死生無變於已而況利
害之端乎海內識者皆以右武剛腸直烈雄
才大略稱知己余觀右武當百折之餘投之

海涯曠然不惑於色及赴廣海戍度岷門風
濤大作桅折蓬飛顛覆萬變傍人束手公方
倚舷誦詩諸豎子羣起而譟曰舟覆矣公曰
且住且住待我詩成頃四詩剛成而舟膠於
沙遂得無覆公乃大笑曰豎子幾悞乃公詩
噫此豈剛腸直烈雄才大略所可及哉是有
大於此者率然臨之而本體自現在公寢處
蓋亦不自知其安也故曰造適不及笑獻笑
不及排此之謂歟予因爲公刻此詩於海珠
而書其後如此

爲右武書七佛偈題後

七佛偈乃從上佛祖授受心印也古人悟此
者如大火聚一切死生禍患情塵燎然不可
櫻觸是稱雄猛丈夫秉般若鋒執金剛敵者
也右武居士賦性如此豈非多生習此法門

乎余同難行間相與且夕遊戲以法為娛偶
索書遂以此狀其本色

得包公硯書心經跋

往聞包公守端州一硯不留之說視為漫談
及子來粵詢之父老云昔包公治端革貴硯
之弊偶得一美者携之歸過羚羊峽口風波
大作公云吾生平無愧心之事無虐民之政
何以有此因視其硯云豈山靈格此物耶遂
投之水中風波乃止自後時時光怪發於水
上為漁人網得之自爾光怪不復見羅生持
此硯至余撫摩良久喜而歎曰神物隱顯固
自有時得欣賞者亦非偶爾語曰至誠可以
貫金石視此頑石包公心光能煥發於此况
般若所熏乎其歷千劫而不朽者宜矣因試
墨遂書心經一卷以付羅生

柯二

十四

題東坡觀音贊

曹溪云佛性無常紫柏跋東坡觀音贊亦云
苦樂無常然苦樂乃佛性之變也聖凡又苦
樂之聚也以佛性有受則苦樂以之不受則
聖凡泯矣斯則佛性隨苦樂現故眾生之苦
樂以不受者受之則知苦樂者苦樂所不到
也眾生有苦以不受者而呼則同不受者而
應如空谷答響人若以不受者而遇苦則如
湯消冰應念化成無上知覺何假他力哉是
則受以不受為母生以不生為君重生知所
重則超苦樂而生為贊矣

柯三

主

題鬼子母卷

我觀鬼母愚癡無比祇知貪他不顧自己已
之所愛不捨一絲如何於他絕無慈悲一切
母子本同一體若能等觀癡心早止若非如

來拔其癡根直至窮劫尚墮沉淪縱有神力
總出曠癡用不得處方乃自知愛力極處癡
心頓歇獲湯爐炭當下消滅

書元旦大雪歌跋

予昔同黃龍潭徹空師居五臺叶斗峰前之
龍門時冬大雪風捲埋屋積丈餘擁衲對坐
只覺夜長及起開門則雪堵矣急撥火取燈
相視而嘻將謂活埋適北臺主人探而知之
乃領行者數十操作具裹乾糧而來救除隧
道而入入門相見其樂融融如在黃泉之下
也自予放嶺外二十年中每一思之頓破炎
蒸毒熱者仗此一念冰心也頃予逸老匡山
初得憨宗珏公指五乳以棲之公乃徹師之
的骨孫公視予如若翁子每一見公即如對
徹師於雪窖時也天啟改元歲旦大雪三尺

萬山連凍不減窖中子自別五臺三十餘年
未見此境故感而爲之歌即以書似珏公益
不忘徹師相與死生之際也今珏世黃龍之
家聲能體現前事事皆從乃翁忍凍餓中來
則何熱惱之不清涼何道業之不成辦哉諺
語有之創業非難守業難苟知祖翁田地時
時耘耨不致荒蕪則知我本師釋迦和尚百
千萬劫捨身命財在雪山六年凍餓博得四
事供養以貽兒孫吾徒日用所食粒米莖菜
皆我本師之通身毛孔滴血也審此又能甘
心虛度此生乎然因寫雪詩而及此者大似
因漁父而得見大海波濤也公其志之天啟
元年立春日

題從軍詩後

雷陽正當南極東坡題曰萬山第一所謂水

窮山盡處也。形家稱爲盡龍。故古之忠臣義士被謫者。多在於此。氣使然也。寇公居之未久。至今父老侈談昔東坡謫僮耳。子由亦遷至。而西湖遺事。寇公有祠。蘇公有亭。山川之勝景物。依然然。僧來戍者。昔宋之大慧。徙梅

柯三

十六

陽覺範。戍珠厓。噫。二老去。余五百年矣。今余蒙恩遣至此。蓋亦上下千載奇事。惟我聖朝僧戍者。獨我始祖南洲洽禪師爲護。建文駕獲罪。成祖赦之。以其弟子德錄戍於此。尋即放還。及某二百餘年矣。頃亦爲國祝釐。獲罪而至此。豈無謂哉。余至主於城西古寺。坡公亭中。士子爭談坡公如昨日。及訪覺範故事。則杳然矣。天南風物迥異。中洲四時之氣。亦不與天地準。如乾之純陽。變而爲離。離火方也。萬物皆相見。鬱爲炎熱。豈爲文明人。但見

柯二

十七

景物之鬱不見通暢之妙。故於文章詞賦。不能盡其造化之微。余初至時。遭歲厲。遂於此中注楞伽經。自謂深窺佛祖之奧。蓋寔有資於是也。向不求工於詩。自從軍來。此詩傳之海內。智者皆以禪目之。是足以徵心境混融。有不自知其然者。由是亦知古人之詩妙。在於情真境實耳。紫垣君侯出冊命書之。聊書之以供覆鉢。并發一笑。

題十二首臥病詩後

沙門從戎。昔亦有之。如大慧禪師戍梅陽。冠巾說法。寂音尊者戍崖州。箋註楞嚴。二大老以如幻三昧處患難。如遊戲。予少年驅烏鳥時。即知其事。想見其人。不意予年五十時。亦遭此難。蒙恩賜謫雷陽。其地蓋在二老之間。自慚非其人也。然恒思其風致。初至戍所。即

註楞伽蓋有感焉所寓之時與境未審較昔何如而以僧體慧命爲懷一念保持兢兢弗忘自謂禪道佛法不敢望二老門牆至若堅持法門孤忠耿耿實有啗雪吞糞之志而山林故吾之思形於聲詩者真繫鴈足帛書也千秋之下讀此詩而想見予者能若予之想二老子嗟予老矣書貽侍者廣益持此足見家範也

六詠詩跋

佛法宗旨之要不出一心由迷此心而有無常苦以苦本無常則性自空空則我本無我無我則誰當生死者此一大藏經佛祖所傳心印蓋不出此六法總之不離一心若迷此心則有生死無常之苦若悟此心則了無我無我則達性空性空則生死亦空殆非離此

心外別有妙法而爲真空也從前有志向禪者多槩從心外覓玄妙於世外求真宗所以日用錯過無邊妙行將謂別有佛法殊不知吾人日用尋常應緣行事種種皆真實佛法也但以有我無我之差故苦樂不同而聖凡亦異端在迷悟之間耳以我爲衆苦之本也明府索書禪語故錄舊作六詠詩復記其事且爲他日證此法門之左券云

書懷李公詩後

右詩十首作於乙巳長至月望明年丙午孟冬時在曹溪喜重修祖庭翻然一新禪堂乃

軒三

丈

六祖大師說法南嶽青原諸大祖師安居之所世代變遷化爲鼠壤狐窟今余力求以復舊制規摹軒豁不減昔時而經營伙助則林叅軍知足居士一力以肩之也因思昔日東

海莊嚴妙麗將興法道之際而余遂嬰難放
流嶺外豈意又復幻此道場以開幻衆作如
幻佛事度如幻衆生耶況蒙恩詔湯網大開
當初執縛之始即今解脫之終一期周圓平
等無二所謂東方入定西方起比丘身中入

辨二

九

正定居士身中從定起是名方網三昧者非
耶余今難忘李侍御公最初一念歡喜心適
遂書懷李公詩以付居士以是見區區不爲
險難傾奪不爲境界遷移不以殊形異趣不
以去就介懷不被惡魔之所搖動者如此非
夫踞忍辱地坐寂滅場者何易致此哉箇裏
機緣又爲老人傳家之秘殊非文字所能述
居士其能得此乎

書山居十首跋

此詩書於入滅十
日之前乃絕筆也

此詩蓋作於匡山五乳在壬子春日也侍者

深光即以此卷請書老人慵於筆硯故束之
高閣及復之曹溪濱行付侍者廣攝持來藏
之久矣癸亥秋九月光以書來省因督攝未
完時老人以足疾舉痛且苦於應答攝乘間
頻請老人因念老矣恐作未來之欠故勉強
力疾書之以歸可謂爲憐三歲子不惜兩莖
眉豈非婆心哉若以詩字觀之則辜恩多矣
時癸亥冬十月朔日

紫栢老人觀病偈跋

紫栢老人居常以無性義示人如弄丸之手
觀者莫不心駭目眩此指白雪巖中峰諸大
老後知者尠矣惜平道與時違未遂振起之
願此老人生平之所苦心者嗟乎哲人往矣
後生晚輩安能復觀宗門之標格乎峨嵋海
默禪人持觀病偈予見之不覺潸然泣數行

下手澤依然寶之當作光明種子也

書范蠡論後

此論蓋予於己酉秋日舟泊珠江之滸李叅軍以范蠡歸湖圖請贊余因是有感而作也嘗謂古之文人評論古人物若三蘇之作燦然槩不及此何哉是知求知已於千載之下古人所難而期有且暮之遇者非偶然也蠡之心固難見以予言而發之則蠡亦將瞑目矣奚有古今去來哉余謂丈夫處世抱超世之見者必不易見知於世故龍與麟舉世三尺之童皆知其為神且瑞此約不見而爭誇之也即且見龍人將以為蛇麟一出必見災於虞人又何怪哉余居曹溪之十年蓋嘗一龍一蛇矣唯不免一災時有巨人之圍者兩旬當己酉寒露降霜之候清夜興發侍者某

判二

子

偶於篋中檢出此素卷余乘興捉筆其論適在案頭遂書之併識其意如此

題書法華經歌後

余少時即知誦此歌可謂深入法華三昧者每一展卷不覺精神踴躍頓生歡喜無量往往書之以貽向道者頃來曹溪為六祖整頓道場業將十年忘形從事百廢具舉山門改觀不意魔僧內障自壞法門顛倒狂惑構訟公府以致予羈縻郡城悠悠二載時在郡歸依護法者獨黃居士二年一日朝夕無間和

判三

主

寒溽暑奔走不爽毫髮予因感昔覺範禪師遺海外親知朋友鳥驚魚散獨胡強仲一人為之周旋送至韶陽師為序以別之即今讀其文想見其為人今予以流離患難之身子然處污辱是非之場有居士為之木舌公庭

之事了然如揭日月此緣豈淺淺哉今事竣將行予乃爲書聽誦法華經歌一首以貽之令其誦習以結法喜之緣且以此紙傳之子孫使後世亦知乃公能與憨山老人眉毛厮結即以此善根福及子孫世世享之可謂不虛此會良緣矣故併記之

又

予放嶺外親友疎絕如隔天上萬曆己酉夏日大都慈善寺長老義天孝公特來相慰於曹溪松下一見悲喜交集如異世人也憶予昔乞食長安時過公宣明室洗滌客塵今在炎荒火宅每一思之頓入清涼地當茲塵土欲求滴水盟身心豈易得耶秋初予有事於端州因拉公同行登寶月臺納涼旬月復之五羊食鮮龍眼飽食而歸信可樂也舟行北

風沂流艱澁公出此卷乞書遂爲此歌公還日令諸弟子一一如盤陀石上之僧誦白蓮經以爲常課不唯不負修雅則老人八千里外猶然如在月明松下側耳聽誦時也

題雪浪恩公所書千字文後

予與雪浪恩兄生若同胞少共筆硯子嬾且善病竊慕枯禪兄苦志向學無論刻意教乘即遊心藝苑博問強記食息不倦染翰臨池晝夜無間者二十餘年及登座說法迥邁前修而辭翰壇場亦稱二妙我明二百餘年緇衣之駿指不再屈此予生平心服而敬事者自愧福輕業重至老嫠携惜兄耳順之年竟成千古嗟余苟延七十無補法門偷生何益予隱居南嶽非石禪人携此卷來予一見之不覺興悲三復長歎嗚呼其人徃耳手澤如

判二

至

生觀此端若寂光靚面也

題筆乘顧寶幢居士事後

記云金陵顧寶幢居士名源字清浦少豪雋
不羣詩書畫皆不泥古法信筆點染天趣迥
絕然實自古法中來一日與余論書曰書須
古法四分已意六分乃妙不然縱筆筆能似
古人終成奴書不足貴也中年究心禪理大
有悟入然未嘗以得理而薄修因晚節與名
僧舉西方會社戒律精嚴無與爲儷臨終端
坐而瞑舉室聞蓮香三日始歇居士嘗手書
數絕句余今筆於此十箇蒲團九箇穿誰家
枯井雪難填如今法法成三昧聲色無妨到
耳邊松火炊羹香滿衣雪寒豪士古長飢明
珠不換黃壑氣涕吐光爭日月輝鼎食何人
曉夜忙全機隨處好叅詳漁竿不負秋如錦

詞二

三

兩岫黃花撲棹香短褐長鑊老石門蔬盤容
易度朝昏百年智巧消磨盡慚愧人傳粉墨
痕腕上雙刀照雪花少年曾醉魯朱家揣摩
未展男兒志頭白都門學種瓜雪屋寒蕒有
歲華黃金過斗未須誇若言竹帛功難朽也
是空添眼上花藤葉青莎稱體長菊花新酒
滿瓢香時人若訪龐居士萬樹雲蘿護草堂
布髮曾爲授記人草衣隨處屬閒身十年朋
舊塵勞破香火同酬野寺春雲裏青山古檜
叢枝柯如屋蔽霜風男兒有志投踪跡瓦鉢
依稀在手中此焦氏筆乘所載也余韶年聞
寶幢居士初爲諸生時氣甚豪宕才情敏捷
中年一旦盡棄所習遂長齋繡佛前構一小
樓獨坐其上唯小童奉香花淨水家人女子
絕不見面親知杜絕往來居然一深山頭陀

也每夜五更擊大木魚高聲念佛居士家近市多屠者有一惡少年每聞魚聲即起宰殺一日遲責其妻妻曰道人打木魚念佛爾聞殺性自不悟乃責我耶少年即折刀杖改心爲善一時屠兒回心者衆士曰我抱木魚終夜打驚回多少夢中予年十九依長干西林祖翁出家雲谷先師當代法眼也住棲霞與居士往來特密即乘中所云名僧者師爲予談此事因問居士何如人師云今時龐公也一日偶與同儕閒行松園望見一道者入山門貌清古而雅甚閒閒如孤鶴翔空超然塵表及近而觀之其目不瞬若無意於人間世也余驚喜曰此何人斯若是之也都也識者曰此寶幢居士也余欲作禮而懼焉乃隨而視其所之則見其入寺殿廊之掖門禮如來

三

西

舍利塔也余竊觀之五體翹勤懇倒不可名言及觀塔殿巍峩入雲五色相鮮返照回光赭如寶錯忽悟此境殆非人世也而猶未知所以然既而余問雲谷先師師云此居士觀此作西方淨土境將以資觀行耳自後因先師而得入室焉及臨終時與先師同數名僧相對念佛數晝夜懸西方境於室中余隨衆中正作佛事時居士內人報云滿宅聞蓮花香衆皆驚喜居士恬然無異也此筆乘所載皆余目擊其事也居士有子皆諳生素不信佛至是乃涕泣林前叩首而請曰父即超生死居淨土豈不念及兒孫輩作度脫乎何無一言相囑居士笑曰汝輩將謂我生耶死耶而獨不觀於日乎日出於東而沒於西是果沒乎果不沒乎吾之生死亦猶是也拈筆書

此擲筆端然而嘆此余所親記乘不及此一日偶展乘簡見此因緣遂感而更筆之且以告知言者

題南阜居士書萬法歸一卷

從上佛祖原無實法與人就向衆生妄想夢

聖

聖

中一椎打破使其因地一聲忽然夢覺兩眼睜開回視夢中境界了不可得若於不可得處措心亦是夢事由是觀之豈有一法可當情耶所以道不見一法即如來此則名爲觀自在故云離相離名不墮諸數若喚作一則墮之又墮矣南阜居士潛符此道受用自在蓋已有年切念知音者希特拈古人此則公案往往舉似示人欲人自知落處觀者若向居士未舉以前快便薦取猶在半途若更向萬法一法上團團大似癡人面前說夢慧菴

主久叅居士時入方丈聞說不二法門蓋已習熟且道此則公案與維摩默然處是同是別叅

題圓覺頌

鄒太史公世講陽明之學其子子胤得家傳衣鉢癸丑春謁予於五羊之青門問西來大意子令盡屏胸中宿習知見默坐七日乃爲發藥子胤一聞頓契忘言之旨自信向墮光影門頭躍然而歸及余之南嶽得乃兄子尹書來企稱子胤悟脫近不幸往矣予愴然心悲者久之及子逸老匡山越九年辛酉冬乃卽育侯寄所著圓覺頌一編子閱之是知子胤雖長逝端然未出大光明藏可謂深種般若正因矣信天假之年其所造進未可量也惜哉

題幻子本公塔銘後

幻子本公先叅本師雲谷和尚與予同條生也辛巳歲相晤於五臺見其道貌清臞弱不勝衣其心如大地有荷負衆生之力故能忘身爲人未嘗一念存我相也以善醫視病僧至割肉爲劑可知已子坐冰雪中一日凍餓而死師急拯而生之子則以醫王頌公別來三十餘年公入滅廿三年矣向以刻藏因緣故留靈骨於雙徑之寂照丙辰冬予以達大師入塔因緣至公之上足果公亦乘此葬之予是得以爲公卜地厝骨入土噫此大奇事豈非宿緣哉讀洞觀居士爲公塔銘恍如坐金剛窟對談時也乃詩以挽之曰寒巖凍鐵有誰知絕後重甦賴阿師今日五峰窺塔影恍然猶對坐談時念茲山爲東南法窟八十

卷二

二十六

八代知識說法其中公何夙緣得從達大師後究竟歸寧於此愧子與公同條生不同條死安能得此一培土覆枯骨乎想公將來出世不知爲何代主人倘得宿命必見老朽於涂夜篝燈書此語也

廬山金竹坪千佛寺接待題辭

廬山甲江左之勝自晉遠公開山及唐宋諸祖說法道場獨勝於天下其山形似水上青蓮而金竹坪宛坐花蓋昔爲荒榛近日恭乾法師結茅單棊弔影寒巖其徒續芳聯公苦心竭力以供事之每行乞郡城日往夜歸風行露宿飢寒困苦靡不備歷不十年開荒闢土始建屋宇而乾師謝世聯公守其遺訓忘身豎立遂成叢林三十年中與衆同甘苦共臥起粒米莖菜不私作務以身先之至今老

到三

老

矣坐長連牀絕無寢室真得古人匡衆之體
故十方衲子至者如歸然公不以佛法禪道
標榜唯以一味平等慈悲以法門爲心未嘗
以粥飯氣息鼓諸方矜已能此又深得無我
三昧者是故親近隨喜者無不觀感而心化
也每歲食指數千計公澹然無懷不以四事
爲已憂不專化主但在叢林少有願心者無
不自肯奔走効力行乞以募十方風聲感召
歲計亦未嘗少缺此又深得吾佛隨緣之至
教當此末法諸方建立其人或指難再屈也
老人適來隨喜讚其能窮且見諸行者行乞
歸來絲毫不昧因果不負檀越信心諦觀諸
方幹蠱叢林之行人亦未有如此之真實者
此蓋主者真心所感以致龍天響應非偶然
也老人感念無已故檠書此以告諸檀越至

若四事供養七寶布施如須彌山亦可消受
自有大心菩薩在非老人所敢必也

題臺山竹林師卷後

老人昔居金色界中獨與竹林老漢眉毛厮
結臨行將把糞掃簍子委托叮嚀爲作曼室
奴郎別今三十餘年及老人業遷炎荒已二
十餘年雖萬里相懸出息入息未嘗與這老
漢絲毫相隔今忽見此卷竹林老漢身在老
人眉毛上放光照曜誰謂這老漢入滅殊不
知方網三昧東方入定西方起臺山入定匡
山起正是這老漢家常茶飯且道竹林來也
好著爲諸人依前掃糞學人持此日用一切
處不許污却掃柄始是知恩報恩
題壁光童子沈大裕傳後
衆生本有佛性名般若具大光明常然不昧

良由無始無明故昧而不覺無明深厚故常寢生死而不自知所以菩薩修行但以智慧光照破無明即爲出生死時也故修心之士名爲習般若行世之人智慧明利者從般若中來發而爲忠爲孝性使然也以至死生不

何二

天

見去來之相者常光然也觀沈童子大裕出世八歲種種云爲皆前世習般若行至臨終一念惘然常光不昧此般若現於方死之際足見般若強勝之力也嗚呼觀此豈墮生死之人耶而父母以愛視之是返轉般若爲生死根豈不爲童子所笑乎本以見度而更見累自負童子來意多矣丁巳三月六日其父爾侯居士以此傳相示憨山老人題之以此是以楔出楔也童子有聞定發一嘆

題血書金剛經後

甄一

无

此經乃華亭康孟修妻張氏安人刺血所書者安人王司馬公元美之甥也公之姊適張氏生安人早逝王太夫人自育之幼延女師習詩書工翰墨事康母孀居廿年敬順如一日天生篤孝雖產富貴之室性澹泊不事鉛飾康母老年奉佛益謹禮達觀大師安人從事齋素喜捨王太夫人命司馬公兄弟視安人如已子所分家資以萬計皆悉捨爲福田歸心淨土如蓮花中人晚年刺血書此經一卷臨終命舉家高聲念佛連日夜安然而逝余被放嶺外康君弟季修與余爲方外交頃入粵孟修走書以安人所書此經屬題予觀其手澤端嚴精楷筆意師古纖毫不苟絕無軟暖氣此亦丈夫所難者撫卷三復喟然而歎曰斯蓋心光流溢也夫般若名智慧乃一

切聖凡均賦而同稟者諸佛證之爲金剛心地現爲神通妙用衆生迷之爲生死根本發爲妄想塵勞性同而相異若欲轉塵勞妄想而爲神通妙用非仗般若勝力不能也故曰若有能信此經者已於無量億佛所深種善根由是而知安人生平住世猶如蓮華處淤泥而不染篤信三寶諦奉此經受持不疑自非多生久習般若純熟何能精進之若此悲夫世人咸稟靈明之智負此丈夫血肉之軀但恣貪瞋造無涯之黑業以取沉淪苦趣者多矣誰能灑滴血於智海而與法性同流乎金剛以不壞得名文字般若即法身常住光明赫奕照耀無窮所謂金剛種子歷劫不磨豈直爲傳家寶已耶

題朱太史修南壽報國寺疏後

湖州南壽報國古剎始建於宋五百餘年殿圯久矣緇白過而不問無唱導者寺沙彌某發願重修誓斷一臂以堅衆志朱太史爲文以邕之寺僧持過徑山予三復之大有感焉謂帝王陵墓多屬丘墟而佛剎雖頽尚在即金谷銅駝類可知矣諺云千年田地八百主人誰氏之子能守數百年之業者乎抑有後能如沙彌之捨身世業而重輕者乎經云佛剎堅固金剛所成以有龍神守之弟子世之推原其始皆衆施資財即千秋不泯以較世業之久近皎然明甚人皆知沙彌斷臂誓與佛剎殊不知沙彌一臂爲衆檀那世守不朽之業也明哲君子能捨不堅之財置堅固地則後千百年功德不朽賴沙彌一臂以守之尤勝子孫伯什也况福量如空乎公云荒塚

賴佛寺以久存誠爲法眼子知達人先唱則衆起而響應觀此金利立成當若天帝之拈一莖草即是沙彌現千手眼也

題華山隆昌寺銅殿二碑文後

予友妙峰師早從法界觀入道故生平建立

判二

主

昔從普賢行願法界心中流出無論一往功德即銅殿因緣可見矣以峨嵋普陀五臺三山乃三大士菩提場爲真丹利生最勝處各範銅殿一座以奉尊像其南海偶以緣阻遂置於金陵之華山蓋賴聖祖寵靈故感聖母聖上洪慈爲布金檀越得與三山並緣亦希有其莊嚴妙麗殿堂廣博予以業力遷訛未獲瞻禮適於焦太史黃祠部二宰宮碑文毫端三昧具見一毛端頭現實王刹詎不信歟三災彌綸行業湛然蓋願力所持當與法界

等矣

題孟蘭盆真慈達孝卷

經云大孝釋迦尊累劫報親恩以釋迦多世修行之時皆是報親之地故梵網經云孝名爲戒謂孝順父母乃至一切衆生然戒爲成佛之本而孝又爲戒本是知諸佛菩薩救度衆生出諸苦惱皆修孝順之行也以衆生歷劫生死出沒六道捨身受身無一類而不經過是無一類而非曾經之父母且衆生度盡方受證菩提故所度衆生一一出苦皆菩薩所盡孝道之心也又豈可以一生一身而言哉即目連所救一生之母未盡如來之達孝也教有水陸齋會爲報親設以盡法界所有水陸空行乃至三途六度無不願出苦淪此雖像教是行如來大孝之本也京僧離幻持

建孟蘭盆卷請益予題之曰真慈達孝益孟
蘭以廣戒本之意繼白知此豈可以泛泛世
法觀之耶

弔遼陽將士文題辭

幻人衰朽骨立匿影空山掩室以休適豫章

何三

圭

陶君相如過訪語及時事及出和張太史弔

遼陽將士文且屬爲引幻人三復而歎曰此

古今豪傑忠義之士精神相感於形骸之外

固非世諦恒情也故曰志士仁人無求生以

害仁有殺身以成仁仁者何也即此心之性

真也光明廣大終古常然若認假而失真則

與草木同腐朽雖生不生何益哉苟能守志

忘形形忘而心存當與日月爭光矣此古忠

臣義士以身殉國則國爲身以身殉天下則

天下爲身所以忠義之氣充塞宇宙凜凜而

不昧者固其所也今觀兩將軍之死得其所

則能興一時仁人君子之感不奪者志不晦

者心所謂求仁得仁雖死可無遺憾矣予讀

太史之文心血迸灑慷慨悲歌激烈之氣蕭

蕭如在易水之上也將見豪傑之士由此一

鼓而興起者竦動義概竭忠効死以捍社稷

端有望於今日也豈直爲文而已哉

題龍樹庵主濟川傳公傳後

歷觀古豪傑之士以一身殉國家之急卒以

忠義表於世以丈夫稱者古今不多見豈獨

方內然哉方外亦以之予讀傳公傳圭深有感

焉若夫伽藍所在乃法界之封疆也吳門之

華山封疆之一隅也時公爲居士遂毅然棄

妻子薙髮爲弟子以身殉佛土竟保全以棄

去豈非丈夫之事哉若夫功成而不居又古

之所難也語曰夫惟不居是以不去公實有焉

憨山大師夢遊全集卷第三十二

音釋

眡 音低 厓 音涯 山 邊也 蹠 音侯切 小齒也 飲 音刺 便 利也 潛

師 音切 涕 淚 流 也

慈山大師夢遊全集卷第三十三

軻三

侍者福善日錄 門人通炯編輯

贊

然燈古佛贊 有引

然燈古佛釋迦之師也往昔有緣無心而

軻三

遇因布髮掩泥持青蓮華而作供養得蒙

授記遂證菩提今睹光像欽渴翹仰焚香

作禮以偈贊曰

稽首然燈吾師之師妙用無極故我皈依白

日麗天萬象斯鑒滿月寒空衆星齊現明所

不明照其不照惟此智燈光明朗耀秉法王

令佩實相印磐石晏安十方鎮靜其心如空

靡所不容有扣之者響若洪鐘其容湛寂恬

然凝謐瞻之仰之諸障頓息緣會而遇無心

而得紺髮滿頭青蓮一葉布髮掩泥志誠皈

命持華作供貴乎清淨無上菩提當蒙授記
罔象玄珠不容思議心心相印光光互融慧
命無量功德無窮

貝葉佛母贊 有引

粵東為法道原流達磨航海而來六祖應

識而出盍喇刺臂而裹海眼跋陀忘形而

挾楞伽皆首出仙城初開法運自爾以來

寥寥千載豈出彼沒此古人獨負而今人

絕分耶固在導之者何如耳故曰不是無

禪只是無師斯言有味哉余蒙恩竄嶺海

觀察海門周公以視離至公當代搢紳中

具正法眼人也與余以法相親每談必以

第一義示人為事仲春十之三日同查汝

定過朱氏草堂劉萬諸子畢集大為發揚

此事諸子各發無上道心季子乃曰向不

知佛今也知心既心即是佛吾當以佛為
事仲子請越之高士蔣不任寫此像余歡
喜稽首為贊曰

佛體如空無處不容牆壁瓦礫達之者通秋
水激激朝霞燦燦景落波心光浮素練識之

不見見之不識三譬目空華太虛鳥跡貝葉無

文法身非有萬壑松聲作獅子吼碧眼鬚腮
維摩病骨漏逗形骸分明眉目噴百花深處
鷓鴣啼一聲叫破春山綠

西方三聖贊

稽首寂光主無量壽大師能以寂滅心現形
十方界徧入有情身而作生死宰譬如日月
光無心而成照蒙光照燭者無不遂其生又
如慈乳母能達嬰兒心飢飽各適時不以乳
為病我觀世間人病痛必呼母以母為自心

不呼不自解是故三有中凡在有情者苦樂
不自釋適然念我師以師慈力光先入衆生
心故能一照間必出生死苦况復有大勢而
復得大悲相比而化物物無不化者刀山并
劍樹忽變作寶林鑊湯及爐炭偶成八德水

皆以自心為轉變一念中如醉入乳酪醍醐
不外求何況荆棘林不為清淨土是故念我
師必若子憶母子母相憶時無不相見者念
極諸想滅身心頓脫空寂光忽現前照用一
時發即此苦穢軀便成極樂國始知日月中
無不極樂者

化佛贊

似人非人日面月面從何處來者裏出現見
時不識識時不見病眼空華太虛閃電逢人
箇箇歎奇哉看行一味行方便

雪山苦行佛贊

肝膽冰霜形骸土木生來俊俏天然奇骨不
是不捨皇宮祇因不愛喫肉走入萬疊寒巖
受盡淒涼寂寞一朝餓得眼睛華錯把明珠
換魚目渾身惹得是非深直至而今抱冤屈
幾度逢人話本懷纔欲開言雙淚撲雙淚撲
不知那箇是知音但得相逢心願足

又

不戀王宮不住兜率脫却珍御衣埋身千丈
雪瘦骨如柴剛腸似鐵六年凍餓口難開幾
度思量心未瞥一朝薦地睹明星從前妄想
都休歇便欲挨身入關藍滿目風塵徒覺甕
返惹時人話短長誰知弄巧翻成拙直至而
今怨未申通身是口難分說休分說費周折
肝腸瀝盡空饒舌無限春光百鳥啼杜鵑叫

徹空山血

又

身墮雪濤心寒秋水內外洞然又何彼此思
之不及類之難比夢想不到誰能議擬若欲
求之是非鋒起但莫思量自然法爾

又

骨如柴心似雪念如冰面似鐵不是剛腸疾
惡人爭肯拋家輕失業幸賴明星喚出頭免
教笑折傍人舌

又

世念已枯諸緣盡撇千尺寒巖萬年冰雪一
片身心放下時從前妄想都休歇都休歇但
看幾點疎星一輪明月

又

骨瘦心寒冰枯雪老不是者翻畢竟不好六

年凍餓實難當可幸明星上得早當初錯愛者些些使得兒孫卧荒草

又

拋擲金輪王如棄捨殘涕埋身雪山中絕無一毫事端坐苦思惟不知竟為誰只待明星上當頭下一椎何似當初未醒時皎皎月挂珊瑚枝

舍那如來法身贊 有別

余寓旅泊菴中為諸白衣談楞嚴適門人王安舜持舍那如來畫像一幅高三尺許徧身衣紋并頂上圓光通書華嚴經一部字如鍼鋒芥孔而點畫分明行如遊絲飄如散髮其身當胸闊一尺二寸則計字二百二十行有奇其圓光邊約二寸圍則字幾百行其微密細緻又過於身真有不可

三

五

得而思議者焉以色古而不可讀侍者諦視於左臂辯出一一塵中一切佛則知其經為雜華無疑矣余見之歡喜踊躍而歎曰此非蒙如來甚微細智而加被者決不能至此然豈塵浮想相而可得耶因焚香稽首以偈贊曰

我聞諸佛微細智以此證得妙法身徧在衆生心想中而能造作難思業今見衆生微細智徧入如來法身內於一微細毛孔中莊嚴難思法性海一毛一塵本性如具舍無盡功德藏猶如清淨琉璃餅內盛微細多芥子炳然顯現無障礙無壞無雜各安立假離婁眼極最明窮盡目力不能辯始觀法身本無相今見佛以法為身法身本不離衆生故從微細想中現是衆生心與如來無二無別互相

入如是微妙淨功德久墮沈昏諸暗冥譬如
微塵含大經苟非智眼不能見善哉佛子智
力雄一見即生真實信剖破微塵出此經令
我頓入華藏海佛心既即衆生心我入即同
衆生入我身與佛及衆生互相攝入如珠網
如此圓滿大法界全憑佛子信力持以此信
力作佛事展轉攝化廣無邊見聞隨喜禮念
聞彈指即能成正覺是故我贊佛子德廣大
如空不可量我願法界諸衆生普入佛子信
心住

思惟佛贊

稽首吾師何爲獨步三七思惟如何可度不
用思惟但行平等儻遇知音自然猛省

思議佛贊

默然思惟所思爲誰思之之地人孰知之十

柯三

六

方一念衆生一心但有知者即是知音明月
在天影現衆水不出不入無彼無此如雲浮
空無心而徧於一毫端十方齊現一切圓成
萬緣具足但不思惟即如如佛

無量壽佛贊

有引

余昔誦十六觀經以佛觀爲第一故修淨
業者靡不從事至若工繪家各有所本而
於佛像尤難之蓋以垢濁心鏡現妙相影
豈易致哉越人蔣生太清英年而獨精此
技豈夙觀行所致耶余入粵之二年戊戌
春蔣生亦至所繪佛菩薩不滿十幅獨遺
蓮阜居士陳元譽三聖像精妙絕倫蓋居
士長齋繡佛有年亦精神感通而致耶嗚
呼蔣生尋與物化睹此遂成千古矣居士
焚香稽首請贊余邈焉興懷贊曰

稽首無量光徹照十方際湛然不思議永破
癡暗冥我觀寂滅境清淨絕纖塵大地及山
河竟從何處起刀山及劔林是誰之所造良
以自心迷堅固妄想結譬如水成冰業風鼓
扇力于受想夢中屬此燒炙苦我師冷眼看
自心不耐細觀此比丘身急搗塗壺鼓令諸
耳之者一觸生死絕猶如妙蓮華扶疎出秋
水又以大悲勢左提而右挈直使恐畏塗翻
成極樂土妄想歇滅處正覺即現前猶如湯
消冰但由轉變力奇哉善男子夙習般若深
能以一毫端現此希有事儼若大願時翹勤
共悲仰皎如淨滿月遊於畢竟空心水垢濁
激光影一時現熱惱即清涼諸想頓寂滅真
常妙樂地本不假外求即此幻化身便登安
養國具此難思力是故我歸依願此盡未來

永作大依怙

又

稽首無量壽端居常寂光普照法界空攝受
有情者衆生迷本有逐諸生滅轉輪迴六趣
中如亡子背母慈母憶其子未嘗一念捨子
若暫迴光無有不見者以我出苦願入佛攝
受心猶如空合空似以水投水衆生無明暗
即是常寂光妄想一念歇常光當下現生滅
無去來法性本不動見此法性身無量壽常
樂

接引佛贊

稽首慈尊大光明聚淨法界身不可思議諸
苦衆生入大悲眼眼淨無塵圓明赴感入衆
生心如月墮水心水激清故無彼此不接而
來無生而至是故我師常住在世

又
冷地不禁入屢垂手分明示人人不知有但
肯一念暫迴光蓮華頓現非良久

又
稽首寂光主清淨妙法身如月現星中湛然
印衆水以愍衆生故不受法性樂示現微塵
刹屈垂方便手俯提弱喪者同歸極樂土以
衆生即心土亦非心外惟以心印心如以水
入水是故見聞者一念即歸依但即自心觀
本無心外佛色相如空華猶是醫眼見惟以
清淨空寂然了無相以此見自心即見如如
者

又
踞常寂光坐清淨土垂手入屢為衆生故以
本法身現衆生心故十方界悉知其名憑悲

阿三

八

願力普皆攝受故稱念者必得成就九品蓮
臺為衆生母不借他緣作賓中主

又
稽首無量光徧滿法界身普接諸衆生同歸
寂滅海土本無淨穢淨穢從心變心垢若消
除淨境應念現佛在衆生心以垢蔽不現垢
除佛現前不用他接引自佛自度生元無彼
此相若能平等觀即是寂光土

卧佛贊

無事打眠快活欲死十方界中誰能如此

阿三

九

阿彌陀佛贊

心似寒空面如滿月坐寶蓮華出廣長舌水
流風動熾然常說六道四生無機不攝但有
稱名即得解脫只為當初願力深十方盡是
無生國

又

稽首大師光明無量具足一嚴號尊中上以
慈攝心心包沙界衆生即心本來無外是故
稱名即求自己願見我師如是而已

長齋繡佛圖贊

神存理觀妙契法身想澄淨土即俗而真不
住於相解脫諸塵應如是住降伏其心是則
名為無事道人

釋迦佛贊

稽首本師面如滿月清淨法身湛然常寂是
身若空其心若水空水連天月光如洗月不
離天水不離地以空合空上下無際雲起長
空風行水上彌滿波瀾廣長舌相不信但聽
海潮音翻出龍宮祕藏

又

唯我世尊妙功德聚如空中華隨緣應世法
音若雷聽者心碎不是王宮割捨來誰作利
益人天事

又

從兜率來不是無因為一大事特現此身纔
出母胎大驚小怪走向雪山翻成納敗幸有
明星一聲喚醒若回頭幾墮陷甯復到人
間漏逗不少本大利微空懷懊惱末後掀翻
和盤托出得遇知音方纔雪屈舌上蓮華目
前生事肝膽相投虛空粉碎是故智者深知
苦心故拌身命常轉此經

又

法身之光如日之影照破世間令人夢醒明
暗一空聖凡一覺不透頂顛是為洪縛

刺繡釋迦佛贊

稽首大能仁救護衆生者現身濁惡世如蓮
華出水妙相三十二功德總莊嚴是故見者
悅如觀慈父母良與衆生心平等無差別故
從巧思惟儼隨指端現衆生妄想絲織成惡
道形佛在妄想中化出微妙相手引妄想絲
鍼刺光綾素鍼鍼見法身念念成正覺於此
和合緣頓見不思議是知法界空佛種從緣
起我願諸衆生從妄想鍼綫念念見法身無
不成佛者

毘盧佛贊

於一毫端現微妙相如空中華似鏡中像欲
隱彌彰繞收便放是知我師光明無量

觀佛贊

稽首淨法身無量光明聚最勝蓮華王故號
聖中聖湛然寂滅海應現微妙相端居極樂

柯三

十一

國攝化諸衆生以一心普印一切衆生心是
故衆生心即是如如佛心佛與衆生三本無
差別見心即見佛念佛即念心一睹殊勝容
便悟真實性故從一毫端現此希有事禮念
暫皈依頓獲常住果

經行如來贊

惟我大師胡爲現身爲衆生故作主中賓廣
長舌相如風行空雷音長夜喚醒羣蒙來無
所從去無所至要見我師如是如是

又有二弟子隨之

如來宴坐何爲經行瞥然念起爲度衆生尊
者隨之捕風捉影衆生度盡熱夢未醒

梅檀毘盧佛贊

有引

曲阿長者孫雲翼字圖南宦遊南海適遇
梅檀香一枝徑可尺餘長八尺許世爲希

有喜而購之意效優闡故事持歸施置邑之廣福道場比丘通漆荷擔遂成毘盧妙相建閣以奉復請大藏經一部共成莊嚴余時休老南岳漆持書乞贊余雖未面長者喜其功德難思乃略述其事以贊之曰

海岸梅檀其價無外一銖之微值大千界何處移來至震旦國但有聞熏無不欣悅爰有長者無心而遇欲效優闡作妙相具傾心易之願即成佛擇地而施遂獲廣福時有比丘具大信力發荷擔心衆妙嚴飭三十二相手出一人如從兜率示現威神圓滿毘盧大功德聚無量光明徧一切處如剖微塵以善方便一時涌出大千經卷佛本無相隨心而成法本無住應緣即形以長者心乘比丘願世間三寶於是出現法界蒙熏觸者離垢凡有

歸依頓空諸有法身常住國土豐樂鱗甲羽毛俱蒙解脫草芥微塵同歸華藏故我如來現尊中上

熾盛光如來贊

稽首熾盛光明王普照十方塵刹中所有日月四天下一切衆生皆蒙益有情無情共一體同入如來光網中身心毛孔及微塵一切洞然無不徹衆生夢想顛倒心盡是如來光明藏是故七曜及四餘二十八宿各分布共作衆生有相身生死去來皆寂滅衆生之苦

何三

士

即佛心佛即衆生煩惱海以斯二者無分別是故苦樂隨念轉善哉佛子契佛心能持如來祕密印念念常放大光明能破無始煩惱暗一切妙用悉現前流入如來大願海普使見聞及稱揚盡塌涅槃常樂地

睡起彌勒贊

終日沿街走兩脚不休歇困來樹下眠肚裏
黑如墨被誰喚醒來夢語尚未徹通身疲倦
骨頭酸左右欠伸消不得者等邱僧懶斷筋
如何喚他作彌勒

行脚彌勒贊

柯三

十三

橫擔拄杖挑箇布袋一包破碎絡索當作奇
貨買賣逢人就乞一文錢不知都是來生債
指著龍華樹下莊折合將來還欠在

坦腹彌勒贊

爲甚開口大笑不歇坦腹赤肚想是怕熱

布袋和尚贊

諦觀胸中不有看來手中不無生成如此褌
襪翻却笑人糊涂肩頭橫擔拄杖脚跟自在
無拘若不被小兒搬弄則可稱雄猛丈夫

辟支佛贊

磬陀之上長松之下端悟無生水流花謝

三大士贊

惟三大士隨類現身在天而天在人而人如
月處空影落衆水水有清濁月無彼此智度
爲母故多其子慈能與樂如如意旨大願無
盡真經非字大士之心如虛空是

文殊大士贊

金色界裏月五臺山上雪雲端獅子兒空中
霹靂舌誰識飲牛翁元是甘露滅宴坐金剛
窟似踞猛虎穴玻璃一盞茶聊清煩惱熱借
問窟中多少人前後三三非浪說

又

居寂滅地建大法幢擊涂毒鼓聞者心降七
佛之師衆生之父如獅子王大方闊步

普賢大士贊

蓮華半卷經峨嵋一輪月世界燦如銀頭顱
白似雪萬壑吼松風盡是廣長舌法界任掀
翻空花從起滅佛刹入毫端十方置眉睫香
象奔騰跨步行蹴蹋盲驢與跛鼈

又

稽首普賢法界為身塵毛國土坐卧經行於
法性空大雲彌布以普徧故了無去住故微
妙相曾無隱顯若有見者須是普眼乘大象
王其體純白以本無染是真淨潔一切聖凡
不離毛孔通身徧身如海潮涌大士觀我我
觀大士以空合空本來無二故我敬禮大法
界空願一切時處處相逢

又

稱法界身萬行之宗毛孔刹土何所不容象

十三

十四

王遊行十方無礙稽首如空廣大自在

普賢洗象圖贊

法界為身何所不徃乘此象王翻成鞅掌象
體純白本來無染無故洗之更增塵點水不
洗水白不染白二者求之了無分別何勞奴
兒枉費其功有不到處轉見不通以我觀之
現成最好人象兩忘聖凡齊埽

又

象體潔白何處染塵眼中著屑其汚通身以
水洗之返增其汚不洗自淨莫知其故水不
增潔潔不用水兩不相到本來若此大士三
昧圓融法界何於此塵而生障礙存之非染
去之非淨此幻法門是名無諍

十三

十五

普賢乘象贊

大行闊步十方踏徧毛孔微塵何處不現獨

行獨坐何等輕快要假他力便成狼狽脚下
蓮華鼻孔繚繞不是者些被他累倒身命相
依往來已熟雖是累他却閒我足

普賢大士加持像贊

惟我大士法界爲身有持經者即現其形不
是神通亦非好逞要使衆生當下猛省

大悲觀音像贊

我聞大士本無住但在衆生心想中衆生既
即大士心如何顛倒苦不見若言大士心顛
倒如何能化顛倒人衆生若是不顛倒何勞
大士強說法嗟哉人無智慧光猶如白日酣
酒卧種種夢想恐畏途怕怖悻惶不能脫驅
馳逃遯不可得又如渴鹿奔陽燄愈奔愈渴
心力疲猶不自知在夢想惺眼觀者悲愍生
極力叱之苦不覺不但不覺苦生瞋又復夢

見追逐者畏前怖後盡力呼一呼忽然攘臂
起從此一覺視夢中始信自心生顛倒如是
大士能救苦大都亦似惺眼人縱能恒順諸
衆生疑者及更生驚怖當人若肯暫迴光猶
勝大士千手眼善哉佛子何顛倒若不自求
向他覓若從覓處見自心我亦名爲觀自在

又

至人無名名之在人耳中見色眼裏聞聲六
用惟一亦不立徧界徧空無處不入皓月
在天光印百川如草頭露顆顆皆圓於一毫
端現微妙身坐微塵裏轉大法輪火聚刀山
鐵牀銅柱絕叫一聲忽成淨土不擇淨穢何
分男女若欲求之在我而已

又

我聞大士化身萬億眼見耳聞不知誰是有

苦便叫叫即不受不見去來不知誰救我今
思惟大士無我六根門頭觸者如火火不燒
火塵不染塵無彼此故名觀世音

又

惟大士身在衆生心忝而不雜離而不分故

初三

我有求隨聲而應匪大士來實我自證我不

十六

知苦何以能求即知苦處是為返流我流既

返大士即我以我求我於何不可

又

我觀大士身本離一切相以本離相故故能
現衆身譬如摩尼珠隨緣明衆色是故佛菩
薩及六道衆生乃至異類形一切無不入如
何男女身而作分別見若見大士身平等無
二相了知法性空光明如滿月能令煩惱暗
一切當下除故我依大士頓出生死苦

初三

十七

水月觀音贊

身若浮雲心如水月不動而應無言而說呼
之有聲覓之不得凡有苦求皆得解脫

又

水月之姿空花之表谷響之聲摩尼之寶到

處相逢即現形往來六道無昏曉一片身心

只為人若箇阿師何處討

又

鏡像水月太虛閃電觸而動之瞥然影現

又

一塵不染十方露布通身手眼不須回互

又

心本無事為誰苦思有來問者自亦不知

又

大士無心如響應聲凡有求者隨叫隨應

又

以無相身應有求心無處不現名觀世音

又

水流在海月不離天不思而應為自在禪

又

無相之相相不在我隨應而現如薪遇火三

十二應猶是瑣瑣百千萬億有何不可

又

大士身心衆生即是所以願求隨感而至

又

至人無形真悲無聲感應道交沙白水清

又

以慧為命以物為心尋聲救苦名觀世音

又

身心洞徹猶如琉璃表裏俱淨如月臨池不

感而應不求而至是故我師名不思議

又

無聲而說有求而應如答谷響似臨寶鏡是則稱名觀世音所修三昧名真淨

又

以寂滅心現微妙相滿月寒空光明無量我以精心如澄濁水水清月現不須議擬月不離水水不離月以無去來兩皆寂滅我心既寂大士即我故我所求應念而果

又

柯三

如鏡中像如水中月視之似有取之不得以

大

海潮音出廣長舌此我大士說法之則

又

法身如雲充滿十方從空中生如水月光以身無外故心無礙所以應物得大自在三十

二應人謂是實在我大士如海一滴眾生煩惱如火之狂甘露見酒應念清涼

又

我觀大士如水中月楊柳一枝稱甘露滅十方世界普霑濡能解眾生三毒熱

初三

十九

又

無慮而應不思而徧春到花開水清月現手捉足奔眼聞耳見遠而愈親淡而不厭丈夫若下苦心腸相逢即遂平生願

又

大士之身本來無相隨心應現不狀之狀電影空花鏡像水月作如是觀忽然超越

又

畢竟空中懸清涼月影沉衆水不容分別故大士身與物無二隨所見聞無處不是

又

大士本無身身隨衆生現如月映衆水不分垢淨故昏明在清濁非月有揀擇是故現大士應以淨心觀觀者心既淨衆苦悉皆空若知救苦心應即是觀者

又

大士無思其思以慈為衆生故兀兀如癡癡與衆生膠漆附離兩者相合俱不可知故能救苦影響同時是故大士悲深願重衆生界空其癡無用

又

我觀大士如月在空凡有水處皆現其中不擇淨穢元無彼此以水性空故無塵滓衆生心水亦復如是故有求者應念即至以有衆水知月普照以有衆生見大士妙

觀音大士化比丘像贊

有為而然無方而應何故捨他現此真淨以
佛非法非法誰傳若無傳者聾聵皆眼是故
比丘即法即佛以心如空似響出谷以空無
形盲者能視其響無聲聾者得意視聽不住
聲色兩忘以三昧力醒彼癡狂塵中作主火
裏生蓮稱名禮敬應念現前我師方名得自
在禪

蓮葉觀音贊

苦海無涯誰為彼岸一葉紅蓮隨流汎汎以
此舟航無處不徧萬類有求隨感應念是故
稱名普門示現

又

苦海無涯欲流不竭至人所憑青蓮一葉彼
岸非遙涂程不涉身若空雲心如水月能如

釋三

三

是觀何法可說

慈聖聖母刻瑞蓮觀音贊

聞彼曇華千年一現有聖人出以為瑞驗惟
皇聖母闕產此華以此徵德又何以加

蓮華觀音贊

至人應物如優曇華見之者稀故以為誇青
蓮出水根從淤泥見之者眾不以為奇是故
我說法身周徧十方皆稱普門示現如此周
市人何不識只在目前建大法幟苟非真淨
無以致此故大士身聊復爾爾

又

釋三

三

三界無安猶如火宅至人處之如清涼國五
欲淤泥猶如糞壤蓮華挺生枝葉自長摩尼
寶珠體淨圓潔墮溷廁中光明不缺佛性在
纏染而不污泥中之蓮廁中之珠日用行藏

昭昭不昧火裏蓮花故稱爲瑞

禪定觀音贊

以思惟心入衆生想打水成痕敲空作響
而不雜離而不兩雪裏鷺鴛珠中象罔以如
是觀名尊中上

又

以如幻觀無作妙力從聞思修入三摩地

又

大士無心何有寂亂衆生無情了無干絆應
緣而度元非有心諸苦無住如空谷音是故
大士其悲最廣如空合空似響答響本無去
來亦無起滅大士神通故不可說

白衣觀音贊

衣白心赤已無他有使一切人念不下口

又

本來無染今亦無垢能如是觀十方通透

又

無形之形隨感而現只在一毫光明普徧

又

折竹之枝當吉祥草坐斷十方海枯山倒

又

海竭蓮枯塵消覺證全憑楊枝洒掃清淨

又

我觀大士心欲潔衆生染故自白其衣遮護
衆生短如水但洗塵水不自洗水大士與衆
生其實無彼此若見自己心便識大士面擘
破一微塵大士光明現

又

大士中赤而外白與衆生心全不隔聲叫聲
應即現前猶如濁水涵明月衆生心垢不易

除大士以身爲洗潔日用如觀六士容色相
求之即不得只在聲前一句明耳見眼聞不
可說

又

大士潔白以本不染故入衆生其心不淺如

初三

三三

水清珠投之濁水珠不留影水清見底明月
在空水清即現不邀而至不應而徧故衆生
苦爲大士身凡有所求即大士心身心無外
彼此不二應念現前名不思議

又

湛湛寒空澄澄秋水大士法身實同於此月
不離空空不離水似有兩般實無彼此心本
無染衣非愛白以不白者瞻之即潔大士無
心衆生有想相從想生如月在掌是故有求
隨念即應元無去來自心現證

初三

三三

又

惟我衆生苦即是大士悲由苦與悲合故我
願無違假使百千億隨求一時應何況智慧
男於我而獨怙如水銀墮地顆顆總皆圓我
所求一事事事亦復然我觀大士身如空谷
鳧響大士觀我心其如視諸掌

魚籃觀音贊

籃兒在手脚不佳走十字街頭要人知有

又

手中一物常放不下赤心片片爲人不假是

故我說真慈悲者

又

手提魚兒街上賣眼裏尋人只圖快中心不
愛半文錢多因要了慈悲債

紫竹觀音贊

紫竹林七寶地普陀巖金剛際十方坐斷鎮
常聞有求之者隨聲至不是吾師觀世音誰
能箇箇皆如意

又

紫竹無林大士非身今所見者皆出自心

南海觀音大士贊

碧海蒼崖黃花翠竹魚鼈蛟龍夜又鬼窟隨
類現形沿流出沒如空在地無處不足此是
觀音自在身不枉稱為過去佛

又

踞磐陀石觀寂滅心即彼羣動出微妙音法
離諸相真經無文惟我大士現身如雲有求
必應無類不往以大悲心全同妄想

巖龕大士贊

蒼巖片石苔封雲護大士法身於中顯露觸

初三

十四

目分明略無回互而人別求此何以故

又

片石孤峰清池白月自在法身元無起滅形
不自形本來如幻譬目空花晴虛閃雷非巖
大士有心要為實由幻者妄想思算欲見大
士真本來面但莫思量全體自現

巖樹觀音大士贊

瞻彼蒼崖巍巍不動實我大士法身孤迥盼
彼崖樹枝葉扶疎維我大士慈蔭開敷晏坐
其中無說無求示三十二妙應普周羣蒙驚
起不出大定拔盡諸苦悉令清淨我觀大士
了無諸相於幻化身號尊中上出廣長舌山
高水深日夜常說名觀世音

觀音大士應變相贊

大士之身如摩尼寶五色互現隨緣即了在

天而天在人而人既稱隨求何不現形若有
求男便應男子福德智慧莊嚴無比只在求
者一心顯現是改名為不思議變

自在觀音贊

稽首大悲主圓滿自在身鏡像水月中而作

難思事微細法界塵一塵一切剎剎如塵

衆無處不現形衆生一念間一時平等應如

圓通所說猶是分量數唯我心自知大士全

不覺

又

月影鐘聲妙音色相耳視心聞功德無量

御刻觀音大士贊

惟我大士法身普應從耳根門圓通妙證十

方擊鼓十方齊聞於法界空現形如雲天上

天下無類不入是故求者隨心自足惟我聖

慈宿秉悲願如大士心廣行方便以此妙相

普施羣生令有所願如響應聲

普陀觀音大士贊

我聞大士不思而徧應微塵國廣行方便衆

生即心心即衆生故有求者聲叫聲應水長

船高泥多佛大苦劇悲深應接不暇踞補陀

巖住生死海虛空縱銷此心不改

又

踞補陀巖觀寂滅海普震潮音名觀自在出

廣長舌十方周徧故有求者應念即現衆生

具足何勞往救水澄月現不前不後

慈山大師夢遊全集卷第三十三

音釋

拌音潘購居候 襴上叔代切
下丁代切

憨山大師夢遊全集卷第三十四 軻四

侍者福善日錄 門人通炯編輯

天衣觀音大士贊

稽首大悲主圓滿具足尊晏坐法界空皎若
星中月普應衆生心如月臨衆水衆生日用

軻四

中不知大士力欲現微妙身故借畫工手畫
工與大士同入不思議影現一毫端如春在
百花於最微妙中全體一齊現莊嚴極妙麗
瓔珞百寶光天衣覆其身如薄霧籠月宛在
白毫中觀此希有相故我一瞻依頓入寂滅
海是知求者心清淨如止水感此微妙身隨
念悉成就以此願所生同證金剛體常住照
世間解脫一切縛

草衣觀音大士贊

大士無相胡爲示俗草衣蒲團隨意具足鬚

髮抓搔不是不翦故意留之刺俗人眼大士
非俗俗在觀者如空中花譬之過也能除我
見大士即我既隨類應有何不可又如痛處
痛者自知若知大士真俗皆非

海潮觀音大士贊

森羅普印性海湛然境風一擊波浪滔天圓
滿法身端然常住於波浪中光明彌露是故
衆生識浪作惡法身潛焉見聞知覺是故智
者於見聞中一念返觀業海頓空大士救苦
匪從外來自心顯現不假安排旣唯自心何
用外尋但聞聞性名觀世音

海月觀音贊

海中一月大士
坐於滿月之中

唯我大士圓通妙應入生死海如月普印清
淨光中法身湛然煩惱波浪一任滔天煩惱
愈盛法身益顯故於衆生隨順不遠如水涵

月月不離水光相照元無彼此我觀大士
不離此心汝求之者如響應聲常光不昧死
生不隔寂滅現前自然超越

空海大士贊

生死若海世界如空一片身心放捨此中空

水混融波濤不惡此唯我師是真解脫

現天大將軍身贊

諸佛所證圓通門實從衆生六根入六根一
際有淺深獨有耳根最圓滿大士故從耳門
入根塵兩忘觀亦捨生滅滅已寂滅現一念
與佛衆生等法身平等無不融十法界身一
齊現但隨所願即得見猶如空谷答衆響是
知天大將軍身求者有心即應手一身即具
一切身如海水具百川味智者能離色相觀
一切根塵俱寂滅

降伏六魔大士贊

我觀大士不思議常在生死苦海中身心普
入諸有情降伏魔冤利舍識諸魔不止八萬
餘都以六根爲橐籥六門寂滅妙用全即是
大士威神力魔與大士本不二猶如虛空與
日光若空與光有差別大士即爲魔所攝是
故禮拜及稱名不思議力應念現蒼崖翠竹
等法身如如不動真解脫

降十二魔大士贊

佛未出世魔界空佛一出世魔即有佛魔本
自無差別但從衆生顛倒見根塵對待魔壘
封心境兩忘魔隊滅是故觀音妙智力降魔
但只淨根塵六門洞達法界空佛魔一時俱
不現我今頂禮不思議願以無畏施衆生令
我頓入圓通門常使諸魔爲法侶魔能隨念

建法幢始感大士威神力

圓通大士贊

惟大士身無處不在故大士心圓通無礙十方衆生元非分外色裏膠青水中土塊既無彼此難分疆界所以應求如此便快

刺繡大士贊

有引

嘉禾夏母范氏年五十二持齋三十五年
日夜誦金剛經偶患癩疾苦劇婦馮氏性
至孝願以身代乃刺繡觀音大士三年無
懈成二十餘幅母疾果愈步履勝常婦竟
病且死母思婦言笑如生其子錫書乞爲
之贊贊曰

以無緣惹其身普徧入衆生心如鍼引線媳
代姑病刺大士身隨手而應若影與形姑病
既愈其媳亦死足見體同元無彼此媳託大

士死亦不滅絲絲縷縷出廣長舌

又

法身本無形形隨衆生有衆生妄想與法身
即出現故此有心人不憶念別事專注妙法
身皎潔如光素乃以觀念針牽引妄想絲念
念透法身絲絲成妙相精誠入微細毫髮無
滲漏儼於一真地幻出無相身圓滿清淨心
成就圓通根是故我瞻依頓入不思議

繡渡海大士贊

三毒海中波濤正惡頂顛上行全不濕脚入
衆生心無處不徧從妄想絲法身出現念念
不空心心要透普門示現自然成就

千手大悲菩薩贊

有引

古婁居士正法以夙習緣一心頂禮千手
大悲菩薩心持神呪精勤有年冀仗威神

一生取辦因司諸佛菩薩救護眾生元無定法如溺大海隨得何物依憑必登彼岸又如雪山眾草無不是藥是知眾生有能願出生死者不論參禪念佛持咒誦經苟能的信自心堅強不退未有不出生死者

柯四

況恃大士同體大悲加持之力及神咒力

豈不一生取辦乎居士來叅匡山請益老人無法可說乃爲作此贊貽之若了明暗不二之旨則聖凡路絕生死情枯則日用頭頭通身毛孔皆大士手眼光明赫奕時也居士應如是觀一心具足不假外也贊

曰

眾生煩惱八萬四千以黑暗故六道周旋在大士身變成手眼毛孔光明隨黑暗轉是故眾生有苦必呼隨呼而應其暗頓無眾生大

柯四

五

士元非兩般明來暗去應念現前諸有智者但求諸已凡聖二途本無彼此如燈破暗兩不相到以無二故乃見其妙能如是觀大士即已禮拜持名如水入水但從眾苦極處一提光明照耀日夜無虧

四臂觀音大士贊

通身手眼何只有四於無盡中聊爾如是竇杵空魔真經無字總是神通不思議事

禮空中如來大士贊

空中如來從何出現恰與大士當頭覲面言蚤成佛何必禮他將他顯已畢竟如何示現不一禮念不二普現色身真不思議

火光三昧大士贊

般若光明如火聚大士此中入清涼地眾生煩惱乃般若光是故大士妙應無方

寶掌菩薩贊

問師是誰自稱寶掌伸手摩空忽然作響空
響何聞手摩何觸倘遇毒龍一時難縮

準提菩薩贊

我聞諸佛出生處本從微妙祕密印密印即
是諸佛心散入衆生妄想夢夢想若破諸佛
現猶如寒空見日光若破衆生煩惱雲現仗
如來密呪力持呪即持諸佛心我心元是祕
密呪三緣會合本不二是故一念悉具足但
能日用常現前如子得母不捨離佛心既入
持呪心不用求佛自解脫

日光菩薩贊

有引

曲阿邑東之觀音山廣福寺者有宋神僧
號日光菩薩所建也菩薩初示逆行比丘
不檢戒律時人眇之且責以建立道場乃

柯四

六

處處現身一時募化尋其跡者猶然未出
山門也四方感而異之遂成寶坊臨終自
露其名至今號爲日光菩薩寺廢住持通
漆新之立相安奉請余贊曰

惟日在天光明朗耀山川幽谷無處不照垢
不能濁睛不能昏如水中影似鏡中痕心在
衆生至神至靈與佛無二況比丘僧運出淤
泥香潔不染摩尼處穢光明不滅是故至人
超乎垢淨不處形骸豈拘凡聖破壞威儀示
同遊戲肉眼著相不知誰是不出戶庭身徧
十方本無去來如日之光即生盲人賴以成
事色相莊嚴猶是唾涕其跡如空其應如風
隨處示現不約而同一日千古一心萬劫是
故大士其神不竭

維摩大士遊戲園林贊

不見淨土故不愛住不見穢土故不厭居僧
俗相狀是實是虛男女雜處是有是無口大
如空舌大如口不會說法以默遮醜身不是
病以病病身苟非借用可笑殺人文殊未至
安排等待及至到來一場敗壞千古被瞞見
者圖度不是世尊大難摸索三十二人都被
掉弄幸有文殊悶撕打開我不識渠渠不識
我且待彌勒下生勘破方纔散夥

陳如尊者贊

象王遊行象子隨至聲氣相求緣會而聚以

冤最重爲道至親如車合轍是必有因

三十三祖道影贊

初祖摩訶迦葉尊者

金色之形金剛爲心奉持慧命常轉法輪世
尊拈華破顏一笑至今令人思議不到

二祖阿難尊者

多聞如海飲縮法流諸佛出沒不離舌頭鼓
簧法化節拍成令是故我師爲偏中正

三祖商那和修尊者

般若靈根夙生已證故師將出瑞草先應以
心印心如火投火狹路相逢定沒處躲

四祖優波鞠多尊者

一人心空魔官震動握金剛鋒誰敢輕弄若
肯回光狂心頓歇禮拜歸依諸罪消滅

五祖那提多迦尊者

已悟本心如日照夜示生死夢光明超越師
法本無我心不有如空合空舌不出口

六祖彌迦尊者

都因此來不爲別事鬧市相逢自示其器縣
見未然蚤知今日當行買賣不論價值

七祖婆須蜜尊者

從熟路來忽逢親友一言論義頓知本有乞
甘露味示虛空法若謂有得落七落八

八祖佛陀難提尊者

不是不言言之不及不是不行本無踪跡今

判四

遇其人乃可開口從此便行不墮窠臼

九祖伏馱密多尊者

住母胎中經六十年只待師來方遂前緣頂
上光明元是本有一刮便透如獅子吼

十祖脇尊者

指地變金隨手而現聖人即至何等快便似
呼空谷應聲答響是知我心本無來往

十一祖富那夜奢尊者

佛不識佛眼不見眼更向他覓故遭檢點將
謂渾全蚤被解破猛省將來方知詔墮

十二祖馬鳴大士

馬之悲鳴固自有因地涌女子元非其人魔
本非魔佛亦非佛正眼看來竟是何物

十三祖迦毘摩羅尊者

從異中來得正知見路逢毒蛇慈悲心現更
問毒龍都要調服眼見心知如響出谷

十四祖龍樹尊者

龍中化龍以毒攻毒尊者妙手一言調伏佛
性三昧體若虛空百千法門盡入其中

十五祖迦那提婆尊者

判四

九

以鍼投盃妙契亡言示佛性義滿月現前至
長者家將鍼引綫假他因緣為已方便

十六祖羅睺多尊者

尋流得原水窮山盡忽見其人知其為聖香
飯擎來分坐供食大眾同飲甘露如蜜

十七祖僧伽難提尊者

不樂王宮天開一路直抵窮源不知其故紫雲之下聖者所依果得童子會諸佛機

十八祖伽耶舍多尊者

七日而生不墮諸陰其體香潔本來清淨扣門一語答無者誰猛然喚醒當下知歸

十九祖鳩摩羅多尊者

既生天上不應起愛一念未忘便不自在以般若力復升梵世故來傳燈是其家事

二十祖闍夜多尊者

無生本具不用求真遇緣而發如花逢春求之太急去道轉遠當下知歸就路而返

二十一祖婆修盤頭尊者

明暗同體聖凡一路來處幽微莫知其故熟處難忘更求伴侶忽爾相逢肯心自許

二十二祖摩拏羅尊者

從受記來不為別事同類相從緣會必遇嗟彼鶴眾蜚鳴既久一言之言頓知本有

二十三祖鶴勒那尊者

從須彌頂持金環來嗟彼鶴眾其情可哀得獅子兒作大哮吼有氣貫天試驗其後

二十四祖師子比丘

相見索珠開手便有以先所僅別來不久知有夙欠特來奉贖將頭臨刃白乳橫流

二十五祖婆舍斯多尊者

秉般若劍握如意珠雖云暫到此行不虛偶遇惡人恰得好伴因邪打正兩得其便

二十六祖不如蜜多尊者

從利利種續傳燈燄真嗣不明幾乎失陷從鬧市中忽逢故人函蓋相合乃得其真

二十七祖般若多羅尊者

莫謂無因相逢便見來處自然不假方便今
因其珠乃得其人開池得月買石饒雲

二十八祖菩提達磨大師

師心甚急其來太早一語不投此心不了冷
坐少林幸得神光一臂墜落其道永昌

二十九祖慧可大師

航海特來多少苦心大唐國裏祇得一人覓
不可得如水任器以此傳家是爲第二

三十祖僧燦大師

通身是病不知來處忽逢醫王猛省其故心
空骨剛且便行脚遇有力者一擔付託

三十一祖道信大師

少年出家利根捷疾六十餘年脇不至席學
侶雲臻何待小兒以有夙約觀者不知

新編

十二

三十二祖弘忍大師

來歷不明出身恰好一件未完兩家都了破
頭山中黃梅路上往來自由具大人相

三十三祖慧能大師

樵斧纔拋以石墜腰靈根久植從此抽條源
出曹溪橫流大地直至如今無處不是

十八尊者贊

有引

昔李龍眠白描十八尊者精妙入神觀者
目炫獨趙松雪倣之逼真近代歛人丁南
羽畫諸祖道影不讓古人而白描亦稱擅
美余嘗請作厲揭圖竟未能得項在五羊
南海侯約我王君出此卷索贊展之光明
奪目神情超越如坐蓮華藏中聽如來說
自性法門時也詰其作者乃黃梅伯羽汪
生敬焚香稽首總爲之贊曰

清淨界中出生衆妙大地山河總歸圓照鱗
介羽毛普現三昧何獨應真爲希有事諸阿
羅漢皆幻化身見之不識豈得其真遊戲神
通咳唾掉臂俛仰屈信皆成佛事師子頻呻
凝神壁觀林下水邊生涯無算搦拳手酸降
龍費力但歇妄心自然閒寂抱膝凝眸看他
作怪不若持珠念佛自在坦腹熙怡貝葉在
掌揮塵默談敲空作響聽之如聾說者似啞
不比尋常之乎者也倦倚長松瞌睡打盹伸
手從空忽然提醒骨瘦眉長腰曲脚直動步
全憑荷負之力晏坐林間心閒不過偶爾看
經便成話墮盃盂一具蓮華七軸即此是寶
何須別物自受用處唯此而已天龍恭敬不
以爲喜由人愛憎任他束縛一味隨緣自性
解脫只在毫端現此神力水底魚蹤空中鳥

聖四

十二

跡鏡像空花乾城水月作如是觀妙不可說

又

業識不枯漂流毒海魚鼈蛟龍夜叉鬼怪可
笑爾輩一味駕空不敢類墮謂是神通苦被
佛呵怕見摩詰幸爾此間躲過黃檗渺渺長
波滔滔巨浪不肯放身是何模樣自己占乾
教他下水縱是便宜能得幾幾雖云遊戲終
成虛誑喚不回頭倍增惆悵看爾鬪到龍華
會中將甚鼻孔見我本師和尚

又依次第合贊

人持一經俱在目前道路各別養家一般踞
地而坐兩眼瞪空有何所見樹此門風懸崖
之下以杌爲几香篆騰空如雲作雨骨瘦如
柴精神已竭還要看經此心不歇背癢難抓
聊假一手在恰好處妙不容口有何神通藏

龍在餅手鬆放出任其飛騰猛虎踞地威不可觸用盡神力如貓捕鼠經非文字當人不少莫道眼困昏沉不好耳中作聲似有一物及乎取之拏撮不出明月當空抱膝而坐如是清閒何等快活眉長累墜時時遮眼老手

阿四

十三

無力翻費撩捲肚大難遮甚是襤褸只須放下方得輕快破衲藍衫費心連補一鍼一綫十分辛苦手持明鏡自照其醜忽遇獅子一聲號吼同行渡水脚跟到底何必又要累人累鬼

又園林遊戲圖合贊

吾師神通自己有限全仗大家團頭聚面龍不可撓賴此一盃不是者些縮手縮脚手掐數珠假此念佛捨已從人轉見忽突持一瓣香供養者誰有為功德不若無為擎拳合掌

遞相恭敬臨鏡見頭空響谷應手執如意非無意手觀未執時本來何有猛地迴頭為何顧佇待伴同行便非大步軍持之中不見傾注想是玻璃內盛甘露少不努力老不歇心撥起眉毛還要看經以我觀來都成漏逗雖會騰雲未離窠臼前者已去後者未來趁步不上未免呈懷急走不動恐天落雨先戴笠笠又添辛苦貝葉無文真經無字只解口持不知心悟為他有塵故持白拂彼淨此污兩皆不足擎拳合掌同行獨往看他如意好借爬癢白羽扇頭皎潔如雪已斷煩惱如何又熱為問盃盂有無齋飯若遇肚饑施主便辦猛虎爪牙大開血口幸遇我師馴伏而走一卷真經有無量義未展開時先已見諦種種遊戲皆成虛誑試看虛空是何模樣

又渡海圖贊

苦海無邊惡浪拍天橫身直過誰敢當先惟
諸尊者神通自在拌命不顧往而不害以我
空故無害我者內外無物故無可捨視因如
陵履險若平隨心而至寓目不驚縱有蛟龍

十四

十四

夜叉鬼怪皆為我用以絕對待是知至人處
生死中不與物忤物無不容由是觀之法本
寂滅但不生心稱為妙絕

又各隨其狀而贊之

一右手擎金剛塔左手豎掌如作觀想

以金剛塔聊表此心豎掌諦觀想念甚深

二老病據梧童子擣藥

此身不有病從何生對證之藥不知何名

三手執如意安然晏坐

手執如意如意累手默然自觀畢竟何有

四擎盃伸空若有所乘

本來無物向空妄求求無所得豈不啻羞

五六老清癯若不勝衣倚賴少年扶曳

而行

老瘦難行自宜休息何苦累他拖曳費力

七手持貝葉迅疾而行回顧老者若有

所待

獨行快便替人著急手中貝葉幾乎打失

八九老前行扶杖童子少持香相隨作

供旁有鬼若皈依狀

十四

十五

步履艱難所賴童子此一炷香非為山鬼

十飛錫陵空驚起山神尊者徐行回頭

顧盼

飛錫陵空山神驚起吾師且住法幢在此

十一降龍

因龍性猛師乃現龕但調其性不爲其珠

十二老邁無力手撫孤松

一生行脚于今老矣身若枯松心如止水

十三伏虎

猛虎在山威振林木吾師道高自然馴伏

十四看經

真經無文牛皮遮眼若鑽不透終難放膽

十五自在安禪獼猴獻果

寂然澹泊胸中無物獼猴最狂亦知歸服

十六朝陽補衲十七坦腹相對笑視而

已

鍼綫工夫固是綿密大眼看來終是費力

十八端然禪定

大休歇處安閒自在冷眼看他都是捏怪

又

可笑此僧奈閒不住兩手捉摩不知何故

佛戒威儀端嚴瀟灑張拳舞脚甚是不雅

枯坐壁觀是渠本分如此欠伸想是心悶

雄猛到此弓折箭盡猶張空拳徒勞發憤

袈裟著身本來自在又假按摩似爲捏怪

伸手縮脚左撈右摸元有一物竟捉不著

乞食街頭失却一物尋覓不見槌胸頓足

不愛打眠去弄石頭儻磕破手惹一場愁

反手槌背想是脊痛少年不覺老來沉重

挺挺孤松是僧榜樣如此兒戲是何相狀

十四

十六

雙手抱頭老大龍鍾不是偏風便是耳聾

尊者容儀甚爲雅肅但露脚跟者些不足

瞌睡起來夢境未撒兩眼睜睜望空著楔

是誰趕渠惡氣滿肚忙急走恐怕捉住

不善經行平地喫跌縱跳起來已成敗闕

四肢如拳百骸似絲想遇天寒凍餓使然
請問尊者耆年幾何但看兩眉世上不多
本來安穩自討事做如浪中船是誰之過

又

一對經卷爐香兀然端坐

兀爾忘緣無思無慮經卷爐香是閒家具

二看經

持一卷經貴圖遮眼牛皮若透將長補短

三橫擔拄杖而行

拄杖橫擔獨行獨步但驀直去何須回顧

四倚杖觀瀑布

倚杖閒看千丈瀑布問從何來不知其故

五撫麋鹿坐觀蛺蝶

麋鹿忘機閑來伴坐蛺蝶遽遽熱夢未破

六手執如意坦腹而坐

判四

十七

坦腹頽然百無所有可惜未忘執如意手

七手執經卷而行

既登解脫無礙無罣手中者些翻成話攔

八坐桃花下回首看經

花下諦觀想不爲別要使人知空即是色

九伸手盃中撈月

盃中有水水中有月伸手捉拏畢竟不得

十遙空作禮

平地作禮目前無物莫認虛空是法身佛

十一降龍

雲中之龍變化自在何故降他翻成捏怪

十二無樹觀泉

獨撫枯椿靜觀流水盡世間人閒不過爾

十三仰觀高山流水

流水高山知音者少吾師得之出入意表

十四策杖閒行

策杖閒行信步騰騰世間少有此無事僧

十五騎虎而行

猛虎難馴見之者避吾師跨之視如兒戲

十六坐觀水月

皓月寒潭光明徹底此中著脚翻成塵淨

十七以指點空

以手指空空何有雖爲點破似揚家醜

十八持杖坐磐石上

已到忘懷快活無那手中拄杖何不放下

又金畫騎獸十八尊者遊戲贊

三毒已除生死不繫故得神通自在遊戲猛獸
羴龍各各馴伏信意乘之任其馳逐以已忘機物亦忘我
兩得其忘如火入火十方遊行往來無礙不相識者見之驚怪但瞞愚人

難逃智眼若遇維摩定遭檢點於虛空中妄生分別縱是金塵亦眼中屑

十六尊者應真圖贊

欲行不行若有所思所思爲誰吾師自知拄杖橫擔腰包肩荷猛地回頭恰是者箇
豈然而立望之若遺遙空舉手對面是誰骨瘦如柴衣寬若袋不是忘形誰堪掩藏
盃中之水空中之龍擎雲之手別是神通兀然而坐半恨半思盃水湛然投鍼者誰
飄然若狂愕然若怒縱是無心也落顧佇猛虎易馴迷心難解不是吾師幾成敗壞
骨瘦神疲眉長累極終日撥之手酸無力怯寒掄袖抱膝若思掉頭不顧思之何爲
物之在空與爾無競無故索之豈稱爲聖鞠躬低首合掌向空見法身故作禮真容

筍笠如空柱杖如龍逍遙物外頓脫樊籠
瓶本無物何來光怪自放自收無人管帶
雙手徒搏兩脚急走雖爲他忙却揚自醜
衲被蒙頭冷眼偷視香煙起處只者便是

十四尊者贊

新四

十九

一衲被蒙頭合掌低頭

一衲蒙頭諸緣坐透合掌稽首如是信受

二降伏獅子抱獅子兒引之奮迅

獅子奮迅大威猛力奪獅子兒豈不返擲

三卓錫擎拳獨行獨步

一錫撐空兩拳拐骨法力無邊稱南無佛

四三人共坐如說法狀

無舌而說無耳而聽法音如雷無人肯信

五默然端坐

歷劫妄想忙中不見正默坐時一齊出現

六禪定

衲被如空脊梁似鐵坐斷十方翻成點額

七擎盃

雙手擎盃滿盤托出汝試諦觀此中何物

八大肚坦腹

肚大難遮脚長難縮爾自生嫌非關我錯

九月下看經

月明如晝老眼不困起來誦經聊當解悶

十坐具敷坐

展開坐具畧放一線不爲坐禪和身打欠

十一布袋行脚

肩上即當手中襪襪如此行脚可憎可怪

十二手持如意

手執如意如意累手身著袈裟聊遮其醜

十三持珠念佛

佛自念佛向何處躲以我求我于何不可

十四折蘆渡江

苦海無涯脚跟難站憑此一葉便到彼岸

又

苦海無際蓮葉爲舟倚他當命老不知羞
蘊空愛身心空有質如此顛倒莫道不識
手中如意脚跟蘆葉忙忙碌碌幾時休歇
怕海中怪踏金剛杵張拳努目如見老虎
空中放光脚下踏經笑人長短豈稱爲僧
蠡中測海枝頭尋春覲面不見何名應真
倒海移山伸手縮脚自在神通誰人敢說
自蹋實地看他下水穩穩當當乖不過你
神龍之性元不可觸先奪其珠故不敢忤
大海之中即得淺處念彼觀音時來救護
快活不受被人拖帶老老大大不會自在

判四

于

衲被蒙頭快活欲死任他神通總不如爾

十二尊者屬揭圖贊

一攬衣渡水

行脚遇水路頭差錯沒處迴避直須要過

二能涉負不能涉者

膽大不怕膽小怕倒幸肯負戴兩家都好

三四先登彼岸以杖接不能者

十分過九一步不及賴他拄杖甚是得力

已到彼岸復顧其伴極處一提何等方便

五既涉濕衣童子扭之

判四

于

不知淺深信步奔行濕透衣裳返累別人

六已到樹下卸衣結束

衣衫絡索泥水汨沒雖是拖過翻勞結束

七跣坐樹下作嚏解脫

費盡力氣閒坐打盹鼻孔撩天一噴頓醒

八神疲力倦仰視耽者

神思雖疲兩眼尚開看他昏者甚是癡歎

九繫裙

正涉水時怕他纏身既脫又著枉費精神

十倚杖箕踞而坐

箕踞石上神精軒豁忘却疲勞十分快活

十一閑坐以如意爬癢

自己癢處他人不知如意在手任我爬之

十二倚杖危坐回看行者包裹衣盃

到休歇處何不下累他包裹好沒個箇

補衲尊者贊

破落偏身從新要補鍼線工夫不辭辛苦

又

一領破衲百綴千補一鍼一剗甚是辛苦鍼

鍼要透不透不休縱然補得只好蒙頭

看經尊者

自己不明却鑽故紙清淨界中翻成渣滓

又

生不識字強要看經耳聾眼花說與誰聽梵

策多年蛀蟲鑽透字脚不真都是漏逗

降龍尊者贊

多瞋之物捉拿不住一味慈悲觀想凝注

又

驪龍正睡珠被師偷若值醒時怎肯甘休

伏虎尊者贊

惡性難調威猛無敵放捨全身費盡神力

又

爪牙已露猛氣未逞不是吾師幾驚市井

調獅尊者贊

法窟爪牙誰敢摩觸吾師神通視為玩物

浮海尊者贊

業海無邊滔滔不竭直登彼岸青蓮一葉此
身非身荷擔錫杖空水連天無相之相空非
有外水外無流誰能一喝截斷兩頭踏破太
虛踢翻滄海線斷脚跟心無罣礙

朝四

王二

渡江尊者贊

越無明流猶在半途妄想未斷水上葫蘆
截流而過句可超越何故又憑貝多一葉
芭蕉虛質雖是速朽不是借他幾乎出醜
脚跟未穩瓦器不堅搖搖蕩蕩幸爾兩全
獨往便休何為迴頭若等箇伴就不啣嚼
貝葉在掌碧眼撐空高跨獨步吾師猶龍

燒香尊者贊

老不歇心少不努力撥火燒香不放一息本
來沒事自尋忙如何到得無生國

朝四

王三

慈山大師夢遊全集卷第三十四

音釋

瞳 抽庚切 馴 詳勻切 蛟 上古協切 擲 必蕩切
也 直視也 也 奴登切 也 許容切 也 火惡也 也 人行聲

慈山大師夢遊全集卷第三十五 軻五

侍者福善日錄 門人通炯編輯

達磨大師渡江贊

十萬里西來端的爲何事老蕭乍見時胸中

尚疑似一語不投機掉臂且休去折得一莖

蘆欲將橫大地九年面壁坐寥寥軻五沒意趣博

得神光臂一支通身化作光明聚相逢不必

問前程丈夫自有冲霄志

又

不是徒來胸中有事不遇其人吞聲忍氣捺

起便行絕無顧佇滔滔長江截流而渡折蘆

一枝五葉浮空聊以代步豈是神通前程未

定不知何往誰料少室巖前又落九年妄想

又

特來覓知音相逢不相遇一語不投機抽身

便休去折蘆渡長江脚跟不點地不是少室

巖幾乎大失利幸得赤心兒聊以遮羞愧賺

殺後來人喚作西來意

又半影贊

狀似蒼鷹心如搜兔不是無身不欲全露

又西歸贊

來太忙歸太速憔悴精神慚惶面目落得一

隻破鞋恰又有皮沒骨看爾回見尊堂將甚

言句報覆阿呵呵屈不屈惹得兒孫望空哭

又

此事人人有分何勞持特西來只道將本求

利誰知返見疑猜歸去淒涼無限思到家始

恨手空回

又繡像贊

本無面目枉費針線貫穿將來一毫不欠縱

是全身只得一半梁王殿上少室巖畔決無
如此許多思算人道是鼻祖西來我說是婆
心出現

又達磨大師贊

一片苦心腸遠來當大事不過箇中人好生
沒意趣九年面壁坐冰枯雪已老不得斷臂
漢此心終不了只為當初自著忙今日始知
來太早

又

其來甚遠其心甚苦不遇作家多遭輕侮其
道既光其澤愈溥懸絲命在一莖蘆博得兒
孫不可數普天匝地盡皈依此是吾師真鼻
祖

又

有事在心忍俊不禁十萬西來誰是知音一

河五

二

語不投九年面壁不是神光幾乎狼籍苦海
無涯掀天波浪擬之即墮蹈之即喪五葉浮
空一花不改是知我師至今如在

又

氣蓋乾坤心包六合十萬里西來特特為者
著不是不肯承當止因不愛摸索一語不投
便渡江過水何曾不濕脚九年面壁冷愀愀
謊得神光一臂落至今大地血橫流無限家
私都拋却人道是直指單傳我道是閒家過
活

又

野五

碧眼胡碧眼胡十萬里來胡為乎一語不投
忙折蘆掉頭不顧羞殺吾嵩山石室冰雪枯
九年面壁嘴盧都不愀不采心何孤忽睜兩
眼雙模糊問道立者誰之徒擬待開口喪其

軀一臂墮落心膽蘇滴血橫流滿江湖且道

此事誰人無問君畢竟胡爲乎

又

特特而來尋人不遇忙折一蘆抽身便去少

室巖前全無滋味賴有神光少吐其氣剛留

一隻臭皮鞋惹得兒孫嫌破碎何似當初未

到時長空明月無纖翳

又

其往太遠其來太早知之者希空增懊惱不

是少室巖前幾乎此心不了雖云直指單傳

畢竟門前之繞兒孫至今播揚狼籍家私不

少噴東風吹破樹頭春落花滿地無人掃

又石室達磨大師贊

蒼巖石室九年面壁非是無心祇爲不識太

無聊沒端的直待神光雪沒腰平空一語成

狼籍五葉花開大地春至今滿眼生荆棘

又贊

既赤手來包裹何物把作贓私便成塗毒分

疎不下至今負屈

六祖大師肉身贊

一陽來復暖氣漸臨三陽滿足萬物皆春一

陰初至流火內凝三陰始交草木頓零有力

造化尚使枯榮何況無生念念熏蒸以有入

空四大俱融以空入有有則不朽空有兩忘

適同金剛山河大地盡常寂先是故我師爲

法中王

永明大師贊

有序

清幼讀心賦唯心訣即知師爲光明幢也

既而從雲谷先師聞說大師日行一百八

件方便行將謂尋常勤勞事耳竊慕而行

之因是寓目無遺法以爲善用其心矣及
垂老至西湖淨慈入宗鏡堂禮大師塔影
訪其行事弟子大鑿出自行錄清展卷默
然自失歎曰此廣大無邊微妙法行誠非
金剛心普賢願不能持其萬一也况揭心
宗而鎔教海示法性而攝羣情非稱法界
三輪何能臻其闔闕哉清感歎難思稽首
爲之贊曰

稽首大師光明幢普照法界清淨藏乘大願
輪示三業特爲羣生開正眼親傳佛祖祕密
印融通教海歸一心陶鎔聖凡非比量預入
寶相三昧海百千妙行顯唯心萬善同歸一
真諦思惟自有三寶來此土唯師能護法是
故華夷悉歸仰盡入慈悲心念中飛潛動植
攝無遺即以己身代受苦若非寂滅平等觀

四五

五

何能了無彼此相悲哉末法諸愚蒙不知盡
被願力攝懸此宗鏡照萬法目前何法非佛
事即此放生一種德便入毘盧法界門自心
先入衆生心衆生何能逃淨土我以湖山爲
筆研不能寫師一毛孔普願隨喜見聞者同
證吾師大心力

諸祖道影畧傳贊

康祖僧會贊

法身舍利普徧大地光明照耀無處不是爰
有至人尋光而來懇求出現梵剎初開

天竺佛圖澄和尚贊

至人隱顯其行莫測透體光明其用自別出
入帝庭如狎鷗鳥脫然歸去由來時道

廬山東林遠公贊

曠志高懷遊心淨土創開東林以爲初步蓮

漏清聲流韻至今凡有聞者靡不歸心

寶誌公贊

至人潛行跡不可知從何處來爲厲之兒遊
行世間人莫能測擘破面皮又何必說

傅大士贊

道不在冠儒不在履釋不袈裟無有彼此但
能不生分別心三教宗師即是你

章安法師贊

影響法化雲龍風虎凡立幟者必有其伍一
家教觀至師大昌入多聞海源遠流長

法智法師贊

台之一家遠宗龍樹教觀分明闡者多悟五
百年來其維不張實生吾師大振其綱

不空三藏法師贊

毘盧灌頂是爲心印正令全提佛魔聽命奔

走龍神潛消百怪是故智者得大自在

賢首法師贊

大法界網聖凡羅列獨有一網唯師能擘引
萬派流同歸性海五教齊收終古不改

清涼國師贊

秉大智印範圍法界入總持門具四無礙九
尺長軀百年住世七帝門師事不思議

圭峯禪師贊

萬里封侯投筆而取吾師一投直出生死性
海同遊真子之印入法界門是稱亞聖

初五

六

法照國師贊

曼殊大士將期一見故金色界鉢中先現及
至入門如從舊遊直指極樂是所歸投

玄奘三藏法師贊

大教東流其法未普爰有應真委命往取般

若流光相宗大啓苦海舟航利濟無已

窺基法師贊

唯識幽宗義深且玄惟師揚之如日麗天定
從兜率預稟彌勒不從中來安知其訣

道宣律師贊

如來設教三學為師定慧所發以戒為基大
法東流此教未光南山傑出一振其綱

一行禪師贊

顯密之宗識緯之故大行一成陰陽合度世
出世法靡不該練五地之行於師乃見

南嶽懷讓禪師贊

氣槩冲天心虛沒量攬曹溪水興波作浪睡
者馬駒一甌打起蹴踏橫行觸者皆死

青原行思禪師贊

天然尊貴不落階級一語投機如蠶得蜜曹

溪一脈枝分派衍從此兒孫雷驅電捲

永嘉無相大師贊

金錫孤標生龍活虎不是老盧幾遭輕侮言
前薦得一宿便行縱然超越猶是兒孫

西江道一禪師贊

馬駒如龍牛行虎視百三十人一脚蹋地法
流西江百川東倒一滴瀾漫潤茲枯槁

石頭希遷禪師贊

獨獠佛性元自有因一尋思去即得其真踞
坐石頭其路甚滑縱能行者也喫一蹋

越州大珠慧海禪師贊

自持寶藏更向他求一言指出應用自白越
有大珠圓明通透隨方照耀不落窠臼

天皇道悟禪師贊

那邊不住從何處來一見石頭八字打開以

此示人只貴知有顛倒拈來如弄丸手

潭州馮山靈祐禪師贊

百丈壁立來者望崖惟師直入撥火心開作
水牯牛異類中行仰山勘破父子家聲

杭州烏窠道林禪師贊

乘日光來依自性住故纔出頭天然妙悟巢
居長松人道是險但看他人不自檢點

洪州黃檗希運禪師贊

大雄山下有一大蟲哮吼一聲聞者耳聾疾
雷之機掣電之眼西來門風從此太險

鎮州臨濟義玄禪師贊

黃檗師子爪牙纔露大愚之機如鷹拏兔脇
下三拳腮邊一掌適犯其鋒非為麤莽

瑞州洞山良价悟本禪師贊

本來面目一摸便見無情說法似乎還欠既

見雲巖掀翻窠臼過水觀影方始通透

撫州曹山本寂禪師贊

越格之資不存名跡超方之眼一見便識五
位虛玄宗旨綿密是故至今猶黑似漆

福州雪峰義存禪師贊

熟處難忘疏筍習氣鐘梵經聲聞之心醉師
棒如龍友嘴如鐵故此出身自然超越

雲門禪師贊

纔見睦州閉門推出挨身一拶頓折一足從
此轉身蓋天蓋地雪峯未見早已心契

法眼禪師贊

一切現成了無顧佇萬象之中堂堂獨露一
味平懷目前即是纔落思惟便落第二

汝州首山省念禪師贊

七軸蓮經持之已久一言放下即知本有不

說之說舉著就見拂袖而行何等快便

越州天衣義懷禪師贊

本性慈悲來酬夙帳見了魚兒隨手便放一出塵網便登覺地擔折桶脫虛空粉碎

潭州石霜楚圓慈明禪師贊

西河逆機見者不識親遭掩口鼻孔打失其機迅發脫不可羈明眼稱之真獅子兒

隆興府黃龍慧南禪師贊

西河獅子父子門風倒握太阿誰敢當鋒師一櫻之聖凡情盡室中三關全提正令

袁州楊岐方會禪師贊

荷擔大法網維叢林狹路相逢一語見心異時兒孫徧滿天下源遠流長根深枝大

舒州白雲守端禪師贊

久把明珠祕爲奇貨及遇作家一笑便墮看

破笑處自亦絕倒信手拈來無非是寶

蘄州五祖法演禪師贊

出門不利即撞擔板逢人便問祇好遮眼幸遇作家一椎打破掉轉頭來方知話墮

杭州慧日永明延壽智覺禪師贊

乘大願力出爲法瑞總持門開衆行畢備懸一心鏡朗照萬物佛日中天無幽不燭

天目高峯禪師贊

雪巖之險壁立萬仞惟師登之得其捷徑死關之險又踰於巖故望之者猶如登天

天目中峯禪師贊

天目窟中真獅子兒爪牙纔露百獸奔馳孤風凜凜法海洋洋是故我師稱僧中王

又

居天目之高峯透空中之鐵壁破佛祖之重

關小刹塵之知識示如幻之身心展那伽之
定力打碎衆生生死窠縱是相逢無處覓

千巖禪師贊

問佛何在尋之不見鼠翻猫噐忽然出現躍
身如空應聲若響不是者番幾沉妄想

佛印禪師贊

文字習氣生來漏逗橫口說禪不落窠臼預
畫笑容不知何爲軒渠而化只者便是

徑山無準禪師贊

一語投機十方通透舌根雷奔衲僧雲湊兩
入內庭提挈萬乘不假他力全憑正令

寂照圓明禪師贊

世道交興真人應運雲龍風虎莫之能蒸真
金出礦古鏡生光精明既發照用無方

白雲覺禪師贊

新五

七

坐白雲峯轟霹靂舌性海波翻義天星列奔
走龍神潛消魔孽一點清涼破除瘴熱好箇
阿師十分標格若不是者滿嘴鬚鬚人定認
作靈山迦葉

金剛塔贊

稽首金剛幢般若光明聚一切衆生心故稱
諸佛母普入微塵中能作利益事善哉妙智
人從微細心想建此最勝幢猶若蓮華藏幢
依微塵立一塵書一字塵塵世界圓字字光
明現即於此一幢一一微塵聚具足般若緣
不增亦不減是知衆生心各各皆具足我觀
我此身不異此勝幢日用微細心盡憑般若
力若一念瞻依一切皆具足念念不離心功
德皆圓滿

三教圖贊

即一而三赤子身穿花布衫即三而一沒韻
曲吹無孔笛說謊面不慙瞞人心似漆莫道
肝腸有兩般誰能識破真消息一腔心事總
難言杜鵑血染春山濕

文昌帝君贊

造化之精煥而爲文炳乎長夜日月代明莫
匪爾極寂然爾寧有叩之者如箕斯聲淵淵
不竭若谷似盈帝出乎震此之謂至神

老子騎牛贊

紫氣東來青牛西逝不是尋人端爲何事

老子出關贊

心存太古道違薄俗光而不耀虛而不屈致
虛守靜少思寡欲恬惓怡神蕩然無物羣雄
競爭方事馳逐鼎沸中原緬懷西竺才駕青
牛便騰紫氣關令早知真人將至拜命瞻依

軒五

十三

請發幽祕垂五千言道全德備不居物先不
爲禍始謙道無我知足知止混俗和光莫知
其紀故稱猶龍爲柱下史

孔子贊

百王之師千聖之命萬古綱常羣生正性一
力擔當全無餘剩不是吾師沒量人誰能求
使人倫正

彭祖贊

色若嬰兒氣若哇吸風吹露但餐霞蟠桃一
熟三千歲曾記爲童尚折花

呂純陽贊

宇宙在手萬化生身稟三才之至粹得二氣
之精純負青蛇而遊戲無礙見黃龍而妙悟
乃真朝遊蓬島暮宿崑崙壽同天地德比陽
春夫是之謂人中之聖抑仙中之神者也

漢壽亭侯贊

凜凜若生明明若在耿耿孤忠堂堂氣縈面
上精神胸中磊塊處處逢人愛現身多應未
了英雄債

清涼山玉峯和尚半影贊

柯五

十三

明月半輪浮雲一片雪老冰枯水清沙淺入
傳作鼻祖兒孫我說是文殊侶伴八十年苦
行無窮百千劫圓成一念不知那世舊冤家
奈此人間償夙欠晚得箇俗不俗阿郎却做
出真不真皮面噴今朝一笑再相逢直待龍
華初會見

寶峯和尚贊

是真非真無相不相如珠中色似鏡中像大
千遊徧沒行踪十方壁落無遮障為打陝府
鐵牛觸折邛州竹杖塞北山寒雪正飛天南

地煖花初放相逢不肯露全機只道有無俱
是謗借問何處者沒巴鼻阿師人是天子門
前寶峯和尚

紫柏大師贊

法界網裂其維不張適生大師力振其網踞
獅子窟斫旃檀樹奮迅未伸爪牙已露擊塗
毒鼓醜甘露漿飲之者醉耳之者狂寂滅性
空轟霹靂舌奔雷捲電觸者褫魄以大地心
堅金剛骨眼裏有筋胸中無物臨濟不死黃
檗猶生誰知大師不受其名大方濶步不存
執則翻身擲過須彌峯一拳槌碎無生國

又

獨坐孤峯披襟藏海吐醒魚龍潛消鬼怪拄
撐如意雙眼空十方世界無遮蓋莫道春風
處處同冰枯雪老寒巖在

又

定乾坤眼如懸寶鏡有臨之者妍媸莫遁倒
握太阿與人不悞魔外櫻之喪身失命無手
行拳拳不在手無舌解語語不在口鬚眉畧
露其形似有若扣其中自不能剖

又

面如月心似鐵短髮長髯丰神自別拳頭一
捏雙眼空脊梁纔豎諸緣歇槌碎金剛圍圓
成甘露滅十方世界沒遮攔一道神光閃不
徹驀地相逢鼻孔酸心中有痛難分說

又

通身血汗如獅搜絆迸斷情根卸却重擔外
雖城府內無崖岸兩眼睜睜只見者漢

雲棲大師贊

兼願力來居堪忍界開淨土門了慈悲債建

光明幢粟金剛戒八十年餘半利生臨行落
得空無礙若識吾師住世心是則名為觀自
在

又

我觀大師渾身活潑諸毛孔中光明透脫不
見面目如何描摸縱饒畫得畢竟不著晏坐
如空說法如風捕風捉影不得其蹤聞空中
風見水中影多少癡人開眼打盹

又

以空為居以慧為命入眾生心行普賢行不
論鱗甲羽毛同入平等法性一味慈悲十分
清淨若問吾師甚法門此中三昧名無諍

又

心若空中月形如鏡裏像此是吾師四十年
隨順眾生真榜樣

又

其容寂其心密無內外不出入百千三昧眼
裏空花一切行門空中鳥跡不信分身萬象
中癡人却向毫端覓嘆

無明和尚圓相贊

久嚮無明名未識無明面突出大好山千里
遙相見生涯在鏗頭說法如奔電提張沒弦
子慣用石鞏箭只要射箇人應弦早奔竄忽
撞頑石頭鐵羽一齊陷拋出鐵渾淪見者絕
思算此是吾師老面皮相看只許言前薦若
問當陽向上機雲山滿目難分辯

無邊和尚贊

刹海無邊一塵不立脚跟到處因緣會集隨
身叢林家常茶飯來者充足任意幹辦一蹋
吳江刹竿纒豎龍象奔騰全無回互雙經雲

生單傳月朗誰人大呼師答其響於一毫端
現寶王刹八十八代都沒合殺道運全機賴
師一撥鼻孔半邊誰曾摸著

清涼山空印法師贊

金色界中常隨萬眾唯師匡徒潛施大用五
頂峯高經行顧注萬壑風焱法音彌布遊寂
滅海坐雜花林如師子戲顧欠頻伸名聞九
重風清寰宇十方歸依如海吸水形不象心
真不混俗但見其皮誰得其骨法幢旣傾教
網不密師振其綱如天絲織哲人往矣寂寥

暫

共

千載天寶生師儀形未改千尺寒巖萬年冰
竇我居其前師躡其後我以業驅師以願持
炎涼雖異此中不移劫火洞然冰枯雪老幻
賢旣除空花亦了浮雲散盡碧天高一輪明
月當空皎試問金剛窟裏人前後三三是多

少

又半身贊

問者老漢從何處來不知爲甚滿面塵埃千尺冰雪凍不死留得一半令人猜可怪獅子項下鈴自繫自解真奇哉

紹覺法師贊

以法爲身以慧爲命以三界爲家以衆生爲性其形骸也槁木其三昧也無諍火宅寒灰塵勞冰穿以城市爲山林從語言入正定故熾然常說而不休者以智海橫流自不能禁無怪乎阿師口門不正

靈徹法師贊

骨峻嶒心寥廓鼻孔昂藏眉毛卓索湛若碧沼青蓮挺若長松孤鶴舌根不動語如雷時人莫道無言說

判五

十七

自光長老贊

從金剛窟來王舍城更無別事只爲衆生一身叢林十方粥飯來者同餐不分主伴以無我心作衆佛事遇緣即宗平等無二若求其真真不在此但看現前即真佛子

大歌耆年贊

早年即知離俗老年方能出家以漚和爲妙行以佛事爲生涯五濁世中了無半點罣礙清淨界裏只有一朶蓮華此便是優婆塞衆中第一作家

定宗老宿贊

少入千佛巖即依千佛住起坐常不離人不知其故雖過八十年猶是最初步步入雜華林始是歸家路

雪嶠山主贊

坐斷雙髻峯捏出秤椎汁打破金剛圈咬碎
鐵栗棘幾番凍鐵死復生剛博得些閒氣息
不是殺父冤讐爲甚著者死急落得一條性命
却又東拋西擲走向雙徑峯頭不解埽踪
滅跡露出者箇形容也是眼中著眉縱饒雪
上加霜須知炎天赫日試看端的橫眉鼉鼻
杜鵑聲裏雨如煙東風吹落花狼籍赤脚蓬
頭下翠微相逢誰是真相識

凌霄峯梵懷慧山王贊

從空中來求實處住故向凌霄別行一路身
已在空足未離地若欲超然必須粉碎雲山
滿目葛藤不少雖無干絆終是纏繞一物不
將只須放下小處不存乃見其大不向外求
不從人覓本有現前一切真實知見消亡玄
妙不立一念直透銀山鐵壁

柯五

六

衲雲師贊

其春如鐵其心如空一衲如雲萬事如風早
入方山之室晚荷清涼之宗老而愈壯淡而
不窮非窟中萬人之一安得振如此之高蹤
是以思之而不見寫之而難形容依稀彷彿
似池上放牛之翁

虛谷公贊

外若浮雲中如谷神心爲常住故以爲身七
十九年若夢百千億劫如生留得一片清淨
田地傳之子子孫孫噴珊瑚枝上撐明月海
底波斯夜嚼水

月岸公贊

其出也不來其沒也不去生平覲面人無覓
處雲駛月運舟行岸驚唳一聲長嘯海空秋
金烏夜半啼天璣

雪嶺公贊

面如滿月骨似冰雪望之稜稜層層其中必定崎崎崕崕噴白雲橫斷曉峯青杜鵑啼徹春山血

澹居鎧公贊

軒五

十九

骨稜層心寥廓氣昂藏機活潑那一半沒描摸佛祖郎當衆生絡索拌命橫身一力擔不負家傳者一著

自贊

看教不徹參禪未瞥一味癡憨十分蠢拙沒量如空剛腸似鐵且喜早入寒巖滿拌放身休歇忽過一陣黑風飄墮羅刹鬼國拋入大冶紅爐擲向炎方火宅仰仗佛力加持者條性命拾得滿面風塵一腔冰雪不爲行脚操方多是耐償夙業就中一片苦心開口向人

難說只待龍華會中那時方才明白縱饒描寫將來不是孃生骨血

又

坐楞伽山踞磐陀石聽海潮音入無生國早從金色界中來老年誤作雷陽客馬後驢前風餐露食歷窮火聚刀山且喜干戈寧息感荷君恩復放還一條性命拾得翻身直上萬峯頭晝夜打眠無間歇衆魔心空諸佛耳熱時人若問箇中機鼎湖山上雲長白

又

形似片雲太虛不住來去無心隨風一度坐鼎湖之高峯笑曹溪之露柱任他苦海波翻自信肝腸鐵鑄回看火宅炎蒸何似白雲深處

又

爲僧久慣還俗了欠習氣難忘修行不辦幸
入聖天子大冶紅爐鑄成一箇生鐵羅漢拋
向火宅炎荒大似鑊湯爐炭煉得通身骨肉
鎔剩得慈悲心一片深知恩大莫能酬要報
須憑真實願

又

釋

干

心非在家形還混俗眼裏有珠胸中無物聞
名時是是非非見面後嘍嘍吐吐任他描寫
百千般只有一點畫不出

又

非俗非僧不真不假肝膽冰霜形骸土苴一
味癡憨萬般瀟灑若不是聖天子破格鉗錘
如何得隨伴著將軍戰馬看他別有一種精
神恰不屬之乎者也

又

拄杖長戈鉢盂刁斗一等生涯何分妍醜但
看水月空華此外於吾何有

又

少小自愛出家老大人教還俗若不恒順世
緣只道胸中有物聊向光影門頭畧露本來
面目鬚髮苦費抓搔形骸喜沒拘束一縛楞
伽一炷香到處生涯隨分足

又

心不在髮形不在僧人不足道名不足稱百
無可取一味可憎忍辱法門唯此獨能

釋

三十一

又

愛山不高愛水不深僧不去髮俗不冠巾文
不識字武不談兵實無可取虛有其名此箇
沒用頭阿師只宜賤向雷陽隊裏著他驢前
馬後者一著最能

又

獨行獨坐快活無那凡事無為佛也不做萬里雷陽一擲便過若有相逢問是誰堯率殿中第一座

又

心不在道形不入俗脚無干絆口無拘束如風行空如響答谷一味癡憨千般埋沒幸藉菩提樹一枝此生千足與萬足

又

少小出家老大還俗裝憨打癡有皮沒骨不會修行全無拘束一朝特地觸龍顏貶向雷陽作馬足而今躲懶到曹溪學墜石頭春米穀

又

此老無狀是何模樣打之不痛抓之不癢罵

之不羞謗之不枉兀坐不會參禪一味胡思亂想作佛無分作祖有障只好發付無事甲裏做箇老軍隊長

又

俗不知名僧不在數佛祖隊裏不容衆生界中不住白手操戈赤身露布怕死入地無門要活上天無路都道是没伎倆的阿師誰知是不識字的大措

又

霜鬢蓬鬆冰心冷淡鉗口結舌奔雷捲電作新五東西南北之人受百千萬億之難號是憨僧呼為鐵漢形影相看瘴海濱莫道斯人無侶伴

又

出世六十年當軍三千日住山二十秋畢竟

沒巴鼻爲僧不解修行涉俗又無拘忌是何
等業緣作者般蟲豸最喜是一片癡心把佛
祖門庭當自己家事煩惱無邊苦海無際歷
盡風波隨行逐隊荆棘林裏橫身戈戟場中
作戲到如今不肯回頭闍老子豈不生氣想
待彌勒下生那時方纔理會咄春山夜雨爭
規啼聲聲叫人且歸去

又

其狀龍鍾其中空空佛祖界中不住衆生隊
裏難容諸緣不會一法不通只將尋常茶飯
當作豎立門風枉費癡心沒底落得煩惱無
窮不若貶向無生國土披白雲以高卧抱明
月而長終一切不顧依稀成就箇真正憨翁

又

爲六祖而來因讓師而去來去雖似奔忙法

野五

二三

門本來無住祇爲撐支父子門庭不是妄生
閒氣歷盡艱難參殘竹篔簹落得滿面風塵當
作西來祖意到底一片金剛心尚留再布曹
溪地

又

兀兀無知百無所思全沒伎倆一味憨癡豈
是人天眼目元來粥飯阿師只有一種奇特
處皎皎月上珊瑚枝

又

曾向鉢中見有萬衆問是文殊被他掉弄直
到五臺親承奉重聞說淨土法門恰似開眼
作夢想是此老前身今日重來打闍

又

七十年來夢遊人世隨身叢林空花佛事不
顧危亡全無避忌一朝觸犯龍顏拶得虛空

粉碎擲向萬里炎荒依舊逢場作戲只至弓
折箭盡那時方纔歇氣而今正眼看來落得
一覺熟睡

又

月挂長松影沉秋水有相可窺無物堪比不
可得而親豈可得而取引萬里之長風縱洪
波之一葦大似少室巖前不是毘盧城裏清
絕塵埃了無渣滓聲吼泥牛花開確嘴從他
相識滿乾坤脫體承當能幾幾

又

如鏡現像似雲浮空虛谷聲響止水魚蹤有
眼不見有耳如聾既無可以贊嘆又何可以
形容喚作一物卽不中此其所以爲憨翁

又

威威堂堂澄澄湛湛不設城府全無崖岸氣

新五

五

蓋乾坤目撐雲漢流落今事門頭不出威音
那畔無論爲俗爲僧肩頭不離扁擔若非佛
祖奴郎定是覺場小販不入大冶紅爐誰知
他是鐵漢只待彌勒下生方了者重公案

又

五臺冰雪枯東海波濤惡炎荒瘴癘深曹溪
緣分薄只待心疲力倦赤身走歸南嶽七十
峯頭睡正濃醒來兩眼空落落坐倚長松獨
自看白雲一片生幽壑

又

不屬聖凡本來面目從何處來向毫端出水
澄月照面雲開山露骨要知淵默雷聲大似
響傳空谷有人若問西來的意但向伊道卽
心卽佛

又

面潤口窄眉橫鼻直任爾描摸全無氣息文
彩未露時那箇知端的
不向人天路上來問
君何處曾相識

又

此老其中空無一物不聖不凡非心非佛
兔

軒五

三五

角杖撈水月踪龜毛繩縛虛空骨喚作憨山
則背不喚作憨山則觸仔細檢點將來恰似
枯椿梢杜只是別有一種惺惺畢竟描摸不
出咄咄咄月落不離天鳥歸樹上宿

又

坐五臺之冰雪聽東海之波濤飲炎荒之瘴
毒卧南嶽之高峯拈雙徑之竹篔吹雲樓之
布毛且看者些行脚恰似
月上松梢若問大
人作畧全沒半點求其納
僧巴鼻絕無一毫
只有一副肝膽痛癢不在
皮毛再三捫摸仔

細抓搔求之不得切處難撓且道畢竟如何
喚巫峽猿啼霜夜月斷腸聲使夢魂銷

又

四十七年前曾向江心住今過七十二重來
第二度如空雲去來竟莫知其故相逢舊時
人請問歸家路識破夢幻身便是第一步若
問末後句看燈籠露柱

又觀海圖贊

巨石長松洪波冥壑仰之彌高望之彌濶中
有一人神情軒豁時聽潮音說普門親證耳
根真解脫

又行脚贊

錫杖無環草鞋沒締十方徃來隨足所至世
出世間兩不相似水月道場空花佛事若問
生涯如是如是

胡中丞像贊

僧不僧俗不俗一樣心腸兩般丰骨若問宰
官比丘恰似生米作粥今朝狹路相逢依舊
二三如六不拘南北東西觸著如釘入木往
來生死路頭不知何處歸宿但願同生兜率

何五

美

天此心千足與萬足

王宗伯像贊

水月襟懷空花眼界鐵石肝腸風雲氣槩記
得未入胞胎不是者箇襤襪就中沒處描摸
看來有些古怪當初不合杜口毘耶今日却
來酌償夙債塵勞中轉無盡法輪毛端上現
百千三昧捨已為人將金博塊時人盡道宰
官身我說是名觀自在

憨山大師夢遊全集卷第三十五

音釋

奔音哇烏瓜切
疾走也
犬聲也
驚無寐切
石狀
人眼
筆居疎切

慈山大師夢遊全集卷第三十六 軻六

侍者福善日錄 門人通炯編輯

頌

佛祖機緣 三十則

釋迦牟尼世尊初生一手指天一手指

地周行七步目顧四方云天上天下唯

吾獨尊後雲門云我當時若見一棒打

殺與狗子喫貴圖天下太平瑯琊覺云

可謂將此深心奉塵刹是則名為報佛

恩頌曰

繞出頭來便着忙虛開口說行藏祇知要

吐心中事番惹傍人話短長

世尊因調達謗佛生身陷地獄佛勅阿

難傳問云汝在地獄中安否云我雖在

地獄如三禪天樂佛又令阿難傳問你

還求出否云我待世尊來便出阿難云

佛是三界大師豈有入地獄分云佛既

無入地獄分我豈有出地獄分頌曰

地獄天堂有甚差受恩深處便為家人生適

意即為樂何用閒情檢點他

世尊因黑齒梵志運神力以左右手擎

來合歡梧桐樹兩株至靈山獻佛佛云

梵志志應諾佛云放下著志放下左手

一株佛又云放下著志放下右手一株

佛又云放下著志云我兩手盡空未審

更放下个甚麼佛云吾非教汝放下其

華汝當放下内六根外六塵中六識無

一可捨是汝免生死處志忽然大悟頌

曰

擎來平地起干戈放下教伊沒奈何直到水

窮山盡處縱無一物也嫌多

世尊昔至多子塔前命摩訶迦葉分座
令坐以僧伽黎圍之遂告云吾有正法
眼藏密付與汝汝當護持傳授將來勿
令斷絕頌曰

分明大地露堂堂一片袈裟豈蓋藏二繞說密
時元不密舌頭遍地太郎當

文殊師利在靈山會上諸佛集處見一
女子近佛座入於三昧文殊白佛云何
此女得近佛坐佛云汝但覺此女令從
三昧起汝自問之文殊迷女子三匝鳴
指一下乃至托上梵天盡其神力而不
能出佛云假使百千文殊亦出此女定
不得下方過四十二恒河沙國土有罔
明菩薩能出此女定須臾罔明至佛所

佛勅出此女定罔明即於女子前鳴指
一下女子於是從定而出頌曰
佛前女子路頭差不是文殊力不加縱有拿
龍捉虎手無如打鼓弄琵琶

達磨初至金陵見武帝帝問如何是聖
諦第一義諦磨云廓然無聖帝云對朕
者誰磨云不識帝不契遂折蘆渡江至
少室面壁九年頌曰
遠來一片熱心腸只道他鄉似故鄉豈料相
逢不相識掉頭冷坐最凄涼

柯六
二祖至少林叅承達磨立雪斷臂問曰
諸佛法印可得聞乎磨曰諸佛法印不
從人得祖曰我心未安乞師安心磨曰
將心來與汝安祖云覓心了不可得磨
云與汝安心竟祖於是悟入頌曰

齊腰大雪臂摧殘特地將心強要安借爾拳
頭築爾嘴何曾添上一毫端

六祖大師叅黃梅五祖着入碓房舂米
一日因五祖索偈欲付衣法師書偈於
壁曰菩提本無樹明鏡亦非臺本來無

一物何處惹塵埃祖默識之夜呼入室
密示心宗法眼傳付衣鉢令渡江南歸

曹溪頌曰

碓頭柴斧有何差又向晴空眼見華剛道本
來無一物如何又捨破袈裟

未到黃梅早已知三更入室又何爲祇將衣
鉢爲奇貨引得兒孫箇箇癡

南陽忠國師一日喚侍者者應諾如是
三召皆應諾師曰將謂吾辜負汝却是
汝辜負吾頌曰

三呼三應太分明辜負何曾有重輕試向未
呼前勘破長風日夜吼松聲

南嶽讓禪師初叅六祖祖問甚處來師
曰嵩山來祖曰什麼物恁麼來師曰說
似一物即不中祖曰還可修證否師曰

修證即不無染污即不得祖曰即此不

染污諸佛之所護念汝既如是吾亦如

是頌曰

遠來意氣甚揚揚問著何如雪上霜早向太
揚門下立何須撥火更澆湯

馬師一日陞堂百丈收却面前席祖便

下座頌曰

大將登壇八面風捲旗息鼓四疊空太平氣
象清如許方見王師不戰功

馬師不安院主問和尚近日尊位如何

祖曰日面佛月面佛頌曰

病在膏肓不可醫閉門暗地自尋思傍人不
解難禁處纔問如何已失時

趙州因僧遊五臺問一婆子曰臺山路

向甚麼處去婆云驀直去僧便去婆曰

朝六

好箇阿師又恁麼去也後有僧舉似師

師曰待我去勘過明日師便去問臺山

路向甚麼處去婆曰驀直去師便去婆

曰好箇阿師又恁麼去也師歸院謂僧

曰臺山婆子爲汝勘破了也頌曰

斜陽芳草正萋萋漫把王孫去路迷多少迷

中留宿客五更夢破一聲鷄

趙州問新到曾到此間麼曰曾到師曰

喫茶去又問僧僧曰不曾到師曰喫茶

去後院主問曰爲甚麼曾到也云喫茶

朝六

五

去不曾到也云喫茶去師召院主主應

諾師曰喫茶去頌曰

趙州一味澹生涯但是相逢請喫茶若向梅

花探春色一枝牆外過隣家

遠來經涉路迢遙壘塊填胸氣正驕不用靈

丹并妙藥只須一碗熱湯澆

趙州因僧問如何是祖師西來意師曰

庭前栢樹子曰和尚莫將境示人師曰

我不將境示人曰如何是祖師西來意

師曰庭前栢樹子頌曰

大千經卷剖微塵臘盡陽回大地春拈出庭

前栢樹子西來祖意又重新

南泉因東西兩堂各爭猫兒師遇之白

衆曰道得即救取猫兒道不得即斬却

也衆無對師即斬之趙州自外歸師舉

前語示之州乃脫草鞋安頭上而出師

曰汝適來若在即救得猫兒也頌曰

太阿出匣絕無情觸著須教斷死生偶遇白
拈誇好手却將驢糞換雙睛

睦州示衆云大事未明如喪考妣大事

已明如喪考妣頌曰

長江無際渺風波一任輕帆帶雨過到岸回
頭看白浪愁心轉比在船多

德山一日飯遲托鉢下堂時雪峰作飯

頭見便云這老漢鐘未鳴鼓未響托鉢

向甚麼處去師便歸方丈峰舉似巖頭

頭云大小德山不會末後句師聞令侍

者喚來問汝不肯老僧那頭密啓其意

師乃休去至明日陞堂果與尋常不同

頭至僧堂前撫掌大笑曰且喜老漢會

末後句雖然如是只得三年果三年而

沒頌曰

閒看師子漫調兒顧欠頻呻力盡施觸着翻
身聊一擲低頭歸去令全提末後句莫狐疑
自在遊行更讓誰萬古長空風月在三年未
必是歸期

德山因廊侍者問從上諸聖向甚麼去

師曰作麼作麼廊曰勅點飛龍馬跛驚

出頭來師休去明日師浴出廊過茶與

師師撫廊背曰昨日公案作麼生廊曰

軒六

這老漢今日方始警師又休去頌曰

慣戰深藏陷虎機窮追焉敢犯重圍縱然保

得全身去折盡旗鎗已喪威

馬祖與百丈西堂南泉玩月次祖曰正

與麼時如何丈曰正好修行堂曰正好

供養泉拂袖便行祖曰經入藏禪歸海
唯有普願獨超物外頌曰

月到中秋分外明幾家歌管不停聲漁翁歸
去蘆花宿睡熟江天夢不成

長沙因張拙秀才看千佛名經問曰百

聖

七

千諸佛但見其名未審居何國土還化
物也無師曰黃鶴樓崔顥題後秀才還
曾題也未曰未曾師曰得閒題取一篇

頌曰

黃鶴樓前江水深風波日夜吼雷音百千諸

佛同搖舌覲面何勞別處尋

夾山叅船子子纔見便問大德住甚麼
寺山曰寺即不住住即不似子曰不似
似個甚麼山曰不是目前法師曰甚麼
處得來山曰非耳目之所到師曰一句

合頭語萬劫繫驢極師又曰垂絲千尺

意在深潭離鈎三寸子何不道山擬開

口被師一橈打落水中山繞上船師又

曰道道山擬開口師便打山豁然大悟

乃點頭三下師曰竿頭絲線從君弄不

犯清波意自殊山遂問拋綸罷釣時如

何師曰絲懸淥水浮定有無之意山曰

語帶玄而無路舌頭談而不談師曰釣

盡江波錦鱗始遇山乃掩耳師曰如是

如是頌曰

蘭橈獨倚把關津鈎線閒垂釣錦鱗偶遇獐

龍纔一撞滔天浪裏解翻身

趙州因僧問狗子還有佛性也無州云

無頌曰

長江一望渺寒烟極目中流思惘然可惜夜

深明月下更無人問渡頭船

趙州因僧問萬法歸一一歸何處師曰

老僧在青州做領布衫重七斤頌曰

路到懸崖沒處行轉身一步脚頭輕要尋挂

角羚羊跡有眼鏡君亦似盲

雪峰因三聖問透網金鱗未審以何爲

食師曰待汝出網來向汝道聖曰一千

五百人善知識話頭也不識師曰老僧

住持事繁頌曰

扁舟使盡一帆風到岸何勞又轉蓬若問漁

翁何處宿放歌歸去月明中

僧問雲門不起一念還有過也無門云

須彌山頌曰

天寒霜落月沉西清夜迢迢鶴夢迷海底日

輪紅似火行人猶聽五更鷄

新六

雲門上堂光不透脫有兩般病一切處

不明面前有物是一又透得一切法空

隱隱地似有箇物相似亦是光不透脫

又法身亦有兩般病得到法身爲法執

不忘已見猶存坐在法身邊是一直籠

透得法身去放過即不可子細檢點將

來有甚麼氣息亦是病頌曰

天街華月影珊珊沉醉東風獨倚欄朝罷九

重人靜後六宮猶整尚衣冠

魯祖尋常見僧來便面壁南泉聞云我

尋常向師僧道佛未出世時會取尚不

得一箇半箇他恁麼驢年去頌曰

寒巖雪壓一枝梅無限春光不放開却被東

風輕漏泄暗香吹入夢中來

馮山示衆云老僧百年後向山下作一

頭水牯牛左脇下書五字曰瀉山僧某
甲此時若喚作瀉山僧又是水牯牛喚
作水牯牛又是瀉山僧喚作甚麼即得

頌曰

馬腹驢胎佛祖家大人行處路途賒牯牛若

較瀉山老頭角崢嶸更讓他

雲門因僧問如何是佛門云乾屎橛頌
曰

山河國土露堂堂瓦礫叢林總放光若使一
塵當面立恒沙諸佛盡遮藏

金剛經頌 十八首

世尊著衣持鉢空生嘆希有

著衣持鉢只如斯飯食經行有甚奇何故空
生歎希有令人特地更生疑

應如是住

窮途白眼正悽惶忽漫相逢是歇場放下便
爲安樂地何須切怛費商量

如是降伏其心

壁間燈影弄孩兒黑夜翻疑有鬼隨試到天
明親看破許多驚喜向誰提

實無衆生得滅度者

夜來夢到鬼門關無數羅叉擁鐵山唱罷寒
鷄天大曉回頭一笑破愁顏

不住於相

乾闥婆城落鏡中樓臺殿閣滿虛空但看無
數登臨客倚檻披襟送去鴻

應無所住而生其心

鳥跡魚蹤莫浪尋電光石火豈容心時人但
聽春禽噪誰信頻伽鼓裏音

無我人衆生壽者

傀儡登壇待鼓鑼大家相聚聽高歌不知線
索經誰手線斷羞慚最悽憐

四果不作是念

長途客店暫招商一宿休閒豈久長夜夢忽
登兜率界回頭空費好思量

柯六

然燈佛所於法實無所得

少攜書劍走他鄉主意將來赴選場偶向街
頭遇占卜報言當作狀元郎

持四句偈其福甚多

年年鬼崇請神巫送退還來作穢汚太上老
君如律令諸邪從此一齊驅

須菩提感激流涕

心頭痛處有誰知國喪家亡說向誰回首故
鄉消息斷不堪重聽鴈聲悲

歌利王割截身體

柯六

十一

穆王心愛偃師人歌笑歡娛當是真一怒頓
教支解後始知膠漆合成身

一念信心即得菩提

莫道夷門薦狗屠一言然諾許金軀提鎚直
入中軍帳奪得將軍肘後符

三心不可得

寒空落落鴈孤征望眼昏迷里數生自是本
來踪迹斷勸君不必計途程

無法可說

幻戲場中伎倆多歌聲不斷舞婆娑可憐觀
者增悲喜曾見其中一線麼

如來說非衆生是名衆生

畫工隨意寫形容狀貌衣冠各不同好醜任
他分別盡到頭不是主人公
凡夫者如來說則非凡夫

貴賤元無定準程從來白屋出公卿一蒙天子親宣詔便是當場第一名

如來者無所從來亦無所去

夢向華胥國裏遊到時歡喜轉時愁一聲鷄唱霜天曉枕上空華落兩眸

淨土十六妙觀頌

第一日觀觀落日如懸鼓

白日西沉寄所思夕陽盡處有心知一從別後無消息自此常如見面時

第二水觀觀大水澄清凝冰映徹作琉璃

琉璃想

清涼心地碧澄澄瑩徹猶如水結冰一片琉璃光潔地休教埋沒老胡僧

第三地觀觀冰琉璃成就地想

遊心何處可經行寶地琉璃一掌平未動脚

跟前一步看來元不涉途程

第四樹觀觀琉璃地上作寶樹想

行樹重重七寶林目前羅列氣陰森花舍無量摩尼聚風動常宣妙法音

第五池觀觀七寶池中有八功德水想

如意珠王出涌泉水舍八德注花間金剛池底金沙布念念心開七寶蓮

第六總觀作寶樓閣想

寶嚴樓閣影重重無量諸天集此中不鼓自鳴天樂動法音盈耳樂無窮

柯六

士

第七座觀觀七寶蓮華中含金剛臺想

七寶華含七寶臺摩尼華蓋結胞胎隨心一片光明藏自有金容出現來

第八像觀觀一佛二菩薩想

相好光明水月身恰如亡子見慈親從今

識娘生面不作悠悠行路人

第九佛觀觀佛相好想

毫若須彌目若蓮重重相好總無邊通身毛

孔光明聚照徹三千及大千

第十觀音觀作大士形像佛立頂冠想

長大無邊大士身頂光化佛等微塵細看毛

孔含生土觸目分明是故人

第十一勢至觀作端坐手執蓮花想

光明色相總非差頂上天冠百寶華華裏淨

含諸佛土不知誰是主人家

第十二普觀作自身往生蓮華開合想

心想蓮華量若空託身深處密難通光明照

破華開後醒眼依然似夢中

第十三雜觀作佛大小不定身想

百川月落影參差來去隨人任所之只道兩

頭分二路誰知動處不曾移

第十四上三品觀

心想遙登兜率宮莊嚴妙麗境重重親聞彌

勒談真諦只恐相逢是夢中

第十五中三品觀

天子求才選孝廉鄉評大小共稱賢一朝特

地登金殿白屋公卿豈偶然

第十六下三品觀

劍樹刀山在目前回光一照變金蓮推埋拜

將英雄事始信為官不是錢

本任法頌壽黃檗山無念禪師八十引有

今上御宇之三年癸亥仲春二月十有七

日迺黃檗山無念禪師四百八十甲子之

辰也惟師少志向上早悟自心開頂門之

正眼豎無畏之高幢法門歸重衲子趨風

莫不指歸第一義令入自信之地誠末法之津梁長夜之慧炬也宗門寥落賴師獨振其家聲不慧雖未承顏而心光相照不隔一毫以法忘情無彼我相為日久矣嗟今老矣愧不能一接麈尾以結法喜之緣耳今幸值師示生之辰十方宰官居士緇白衆等各持供養而興慶讚不慧聞而歡喜私謂悟無生者離壽者相非四相之可遷安可以世諦而擬之耶乃說本住法頌敬遣侍者遙持香花用申讚歎是以滴水而稱大海以一隙而覩太虛非敢盡其涯量聊見微忱以法供養之意耳而說頌曰諸法自性常寂滅湛然不動如虛空世界森羅及萬象唯此一法之所印佛未出世祖未來此本住法無欠闕草芥塵毛體自全白拈

新六

十四

驚奴亦知有何况衆生各具足而與諸佛性平等平等自性無生滅又豈四相之可遷不來不去無始終是故名爲本住法若人悟此體如如一超頓絕凡聖見正眼開時生死空迷悟兩關當下關已過關者掉臂行獨蹈大方無滯礙猶如師子自在遊非是野干可隨逐揭開五蘊封蔀茅露地披襟坦然坐是名無畏解脫人從此常依本法住惟師了此本住法獨踞黃檗最高峰巍巍不動若須彌萬象森羅齊額手日月遊行若電光世界山河鏡中影良以心空身亦空混融萬法無起滅是故一塵與空合即與虛空共一體一切微塵亦復然身與微塵等無二身塵既入法界空自性體與虛空等此空即是本住法入此法者壽無量空中世界任起滅一切聖凡從

新六

十五

去來是法不動相常住此是大地衆生壽衆
生既與諸佛同吾師豈與衆生別但願吾師
常化生證入衆生無量壽

箴

座右箴示黃生

欲不可縱志不可蕩性不可僻心不可放身
不可逸學不可浪理不可蔽思不可妄勿佚
豫而外馳勿嗜好而內喪恬憺自居百骸無
恙不爲物誘其神自王

定志箴示江生

勿汨汨於物欲勿鬱鬱於亂想勿矯矯於浮
雲勿逐逐於世網宜定志以素居冀凝神而
靜養藜藿澹以自如山水清而獨賞披玄易
以窮化覽春秋而鑒往誦南華以銷憂叩西
墳而破障觀世態若陽燄聽是非如谷響視

衆物若蟲臂看此身如鼠壤富貴於我何求
得失於人翻掌明明在前昭昭在上不妄不
虞何惚何恍形似木鷄心如象罔孔子曰不
伎不求何用不臧此之謂善長

我箴

一切愛憎皆由我障我障若空光明無量逐
境心生隨情動念心境兩忘物我無辨物無
妍醜由我是非我心不起彼物何爲動靜等
觀貴賤一視凡聖齊平名不思議

身箴

敬咨爾身爾何爲者四大合成內外虛假聚
沫芭蕉塵埃野馬衆苦稠林生死曠野昧之
者多識之者寡一息不來贅疣土苴

心箴

爾胡爲心恍惚杳冥爲物之則爲人之靈昭

昭不昧耿耿常惺善惡之府賢聖之庭無爲
欲蔽勿使妄榮恬憺寂寞其神自寧

性箴

爾體圓明爾形精奧不動不遷無相無貌如
水之濕如火之燥萬化不移名言不到去住

轉六

十六

來今閒忙靜躁卓爾獨存是名真道

命箴

咨爾何從實惟天顧壽夭窮通聽其所遇不
伎不求無怨無惡鷄居穀食龍雲豹霧信乎
爾神浮沉有數安以俟之無容外慕

銘

母子銘

并序

清因弘法致難上千聖天子怒聲若雷霆
私念老母聞之必驚絕矣乃蒙恩宥不死
遣戍雷陽道經故鄉迎老母於江上一見

十六

十七

歡喜談笑音聲清亮胸中畧無纖毫滯念

因問老母聞兒死生之際豈不憂乎乃曰

死生分定耳我尚不憂何憂於汝但人言

參差於事無決定見爲疑念耳相與侍坐

達旦即作永訣老母囑曰汝善以道自愛

無爲我憂今亦與汝長別矣欣然就道了

不相顧余因感天下之爲母有如此者豈

不頓盡死生之情乎乃爲之銘曰

母子之情磁石引針天然妙性本自圓成我

見我母如木出火木已被焚火元無我生而

不戀死若不知始見我身是石女兒

澄心銘示丁右武

真性湛淵如澄止水憎愛擊之煩惱浪起
之不休自性渾濁煩惱無明愈增不覺以我
取彼如泥入水以彼動我如膏益火彼亂我

真亂實我生我若不生劫燒成水是故至人
先空我相我相若空彼從何障忘我之功在
乎堅忍習氣纔發忽然猛省省處即覺一念
回光掃蹤絕跡當下清涼清涼寂靜挺然獨
立恬澹怡神物無與敵

觀心銘

觀身非身鏡像水月觀心無相光明皎潔一
念不生虛靈寂照圓同太虛具含衆妙不出
不入無狀無貌百千方便總歸一竅不依形
氣形氣窒礙莫認妄想長想生怪諦觀此心
空洞無物瞥爾情生便覺恍惚急處迴光着
力一照雲散晴空白日朗耀內心不起外境
不生但凡有相不是本真念起即覺覺即照
破境來便掃掃即放過善惡之境隨心轉變
凡聖之形應念而現持咒觀心如磨鏡藥塵

柯六

六

垢若除此亦不著廣大神通自心全具淨土
天宮逍遙任意不用求真心本是佛熟處若
生生處自熟二六時中頭頭盡妙觸處不迷
是名心要

師心銘

人性本大超乎形器直以有我自生障蔽習
染濃厚故爲物累問學不廣故多自是見理
不明驕矜恃氣輕內重外逐物喪志嗜慾戕
生不知避忌棄已忘真孰稱爲智達人虛懷
應緣無滯與時逶迤龍蛇玩世得失靡驚貴
賤無預恬愴怡神省思寡慮力其未能謹其
未至學其無爲行其無事聽其無聽視其無
視返觀內照念念不住諸妄消亡精一無二
此乃至人師心之秘在我求之恆有餘地不
如是觀名爲自棄

覺非銘

萬里之行步步皆非維人不覺寸步不移人生百歲念念不住昧者冒然孰分新故善惡迭遷如環無端莫知其極誰使之然使不知愈新愈迷脚跟罔措舉足成疲疲之既久

柯六

十九

失其故有變怪百出不見其醜以迷為覺大地皆錯悞母效顰恬然自樂霎時臨鏡忽然猛省但歇狂心不勞施粉天然秀媚眉目清朗本來面皮毫髮無爽無論美惡不須雕琢只任現成自然還樸覺不覺是不知知非是非俱唾萬物齊歸

夢覺銘

善惡無端一心返復聖凡不隔唯存夢覺以覺入夢顛倒滋重以夢入覺當下解脫夢覺俱非寂爾靈知不生不滅何慮何思幻化百

千唯在一念念起不覺太虛閃電煩惱不結業即不生愛憎堅固實生死根因果報應捷如影響根若不生枝從何長業有多種以殺為先好生惡死彼此皆然軀殼雖異佛性是同但平等觀殺念自空心鏡塵埋習染既厚以覺消磨光明自透漸磨漸薄念起即覺覺至無生心境空廓長想馳逐究竟無益諦審思惟死生迅疾生死來往大夢冥冥但隨業轉如不有生有生不著須從夢覺醒眼看來無繩自縛念念迴光心心返照但不隨情是

名要妙

忘緣銘

情有智慧性無明昧凡聖之分實存向背如臣事君如子侍父一念精真不容顧佇顧佇則移移則造迷迷之既久其神日疲不移即

悟悟則不顧獨立湛然妙用常住應緣若響
處世如空逍遙物化頓脫樊籠不入無
去無來空華世相水月襟懷

觀世銘

四大幻身本無一物愚者執之愛憎桎梏妙

軒六

二十

圓覺心彌滿清淨妄想積迷顛倒增病渴鹿
逐酸愈逐愈渴看破即休始知是錯遊戲神
通不離日用貴賤好醜任其搬弄達人大觀
洞然明白離合悲歡了不可得六塵境界如
夢聚寶無量貪求一覺便了音聲色相風月
行空于斯不著豈是盲聾以此處世有何罣
礙身雖凡夫名觀自在

六根銘

身為業媒心為業種從六情根貪奔愛涌眼
流於色失其真明耳流於聲遺其本聞舌非

爽味實多妄語恣意縱情識風內鼓習發竅
鳴如簧有聲不知所自聽者震驚出口入耳
愛憎斯起聲已消亡禍方資始如雷擊糞忽
生毒菌愚者食之誤傷其命維鼻合身同為
一覺總是浮塵身多過惡意乃樞機波流毒
海為彼所漂汨其真宰是故世人雖生不生
若能返觀各得精真精真若復六根無物似
雲浮空如響出谷不被形拘不為心礙迥出
情塵超然自在

念佛三昧銘

軒六

主

念佛念心心念佛佛不外心心不是物自
性光明心心照燭妄想潛蹤形骸空谷淨土
不離目前蓮花常襯兩足何必待身後方生
即現前不出不入此正是普光三昧只在當
人一啖

正心銘

心本光明欲蔽故暗天然之體隨情耗散今欲正之祛慾制情一真既復諸妄不生

誠意銘

意乃妄根乘虛日鑿密察其原潛乎不覺覺則不妄妄息即直至誠無息其善乃敦

修身銘

只體之慾縱情之本酒色之迷陷身之奔迷欲不返身心不固徒有此生誠為虛度

齊家銘

齊家之要惟儉與勤義禮若豐澹薄自醇勤儉傳家澹薄寧志是乃聖賢處世之秘

六妙銘

并引

雪嶠山主結廬雙徑之朝陽峰下千峰如指故顏曰千指前峰紫抱彎環如角子名

之曰麟角且喻獨也菴前有池俗呼洗硯

蓋東坡嘗三遊茲山特附諱乎子易曰來

月古人喻道曰池成月自來池上有齋子

扁曰洗月喻心境也齋後有泉味甘冽而

醇予題之曰過乳以昔聖言却初之水味

過於乳以從金剛際來今峰頂之水其源

必深可喻道脈欲知本也菴後有石子名

大歇謂阿蘭若真修行處為寂滅場乃大

休歇地也此景天然故題稱六妙而卷首

書曰六通四達欲此境中人老人隨不為

斬六

主

妙縛也直須雙奪故曰通達耳手而各為

之銘志不忘也不作境會不落言思是在

賓主自得耳

千指菴

千峰卓立直指此菴此菴如空了沒遮闌問

菴中主不出入有來叅者空中一吐

麟角峰

羣走奔騰一麟自足惟麟所重在乎角獨片
石如鱗萬木若毛可笑騎者不動一毫

來月池

月元不來水亦不去鷺爾相逢不知其故水
底之天池中月去來之相了不可說

洗月齋

月本無塵水自清潔從何處洗求之不得月
墮水中水涵月影可惜觀者熱夢未醒

過乳泉

水中擇乳須是鷺王此不須擇在乎善嘗不
許入口要先知味惟知味者飲之心醉

大歇石

石不善走為何要歇歇之大者為本寂滅跌

軒六

三

坐此中不動不搖吐廣長舌松風夜號

般若軒銘 并序

軒因閱此經以得名也為吳門居士朱鷺
王在公棲息所驚故奇士在公舉鄉進士
為郡司馬唾軒冕棄妻子結隱於天目無
何復過雙徑居此軒閱般若經人有省發
予自南嶽來以達大師末後因緣得至此
山居士見而歡喜執弟子業子歎曰非大
力量欣寂滅之樂者何能頓脫塵累而至
此耶因名朱曰大力王曰大鍤顏其軒曰
般若乃為銘以紀之銘曰
咄哉此軒光明透脫內外洞然了無縛着六
根門頭圓通虛豁世出世間一齊拋却此軒
之味恬憺寂漠軒中主人身心快樂一切情
塵火聚太未問此法門名不可說

毘耶室銘 有序

居士管覺僊生長吳門早歸三寶不畜妻
子不治生產唯結一室顏曰毘耶以延十
方以無法可說但以香飯而作佛事老人
過其室因請銘之銘曰

毘耶離城堅固綿密雖居市鄆而無塵跡中
有居士獨寢一室門不通風六窻虛寂唯有
十方不時雲集有問法者止是一炷香飯不
請隨緣搏食座不用借露地為席諸有屏空
一塵不立身心兩忘世界齊擲萬累俱捐諸
緣頓息在塵出塵斯為第一

鐵如意銘 并引

予別雙徑雪嶠山主以鐵如意并香奩為
供感而為銘

維此如意代我心口我不能談借爾善吼爾

真六

五十四

言不無我法非有兩者既離一亦不守唯法
身香與爾作耦託此金剛用垂不朽

憨山大師夢遊全集卷第三十六

音釋

迺 音乃 忱 與謹同 贅 之瑞切 疣 于求切 戕 慈良切

慈山大師夢遊全集卷第三十七 軻七

侍者福善日錄 門人通炯編輯

偈一 七十二首

唯心偈

淨妙不思議圓滿真實心廣大具威神變現

無量事其體離諸垢不捨染淨緣世與出世

間成就眾善業眾業若空華本來無所有以

無所有故故說即真常善達業性空不為幻

技惑不著亦不厭如理諦實觀起虛即無生

當念自空寂了無前後際一念若須彌動靜

平等如境界風不動寂滅妙常樂清淨若蓮

華深入塵勞泥不染世間垢懷此如意珠隨

求無所乏神光照暗冥普覺諸含識

居山偈

借問山中人居山有何趣日飽三頓粥長伸

兩腳睡磐石作禪牀雲霞為蓋被微風吹幽

松發明西來意撥落雲裏華剷除眼中翳一

念絕中邊了無前後際覺來雙眼空回視夢

中事撈攬水底月却翻成鈍滯凡聖一齊拋

方脫孃生累一物不將來猶是第二義透出

無事闕始遂居山計

大澤禪人三度嶺海參禮因示

萬里為誰來來復為底事鞞裏摸指頭元不

在別處若向外邊尋走盡天涯路來來去復

來此法元無住試問曹溪僧菩提可有樹若

不得一枝枉費費羣布

示道脉原禪人

參禪無祕訣要為生死切生死挂眉毛念念

不暫歇提起金剛圈脊梁勁似鐵努力望前

追直使命根絕妄想頓潛踪身心當下撒要

見本來人如空中釘橛打破黑漆桶方是大
休歇

題恆河圖示恆一林禪人

佛住恆河岸常對河說法至法難思處即以

河沙喻若以沙數多猶未盡佛意直以此法

柯七

二

身乃顯真實義法身常不變隨流性不遷雖

以種種穢體性常清淨乃至劫火燃究竟體

不壞是故法身常自性無生滅佛子識此義

了悟自性身如彼恆河沙末劫性常一是名

金剛地佛子善安住

觀緣偈

諦觀此身無始來皆從顛倒妄想生輪迴六

道苦趣中往返人天無量劫妄念不止苦無

涯妄境不空業如海若能一念暫迴光當下

即令登彼岸妄業積聚如須彌人我是非苦

堅固結成生死鐵圍百劫千生不能出錢

湯爐炭本來無只從一念瞋心起若于起處

即消除火裏金蓮真解脫現前境界若空花

鏡像水月不可喻世人癡迷無慧目錯認爲

真顛倒見妄將四大以爲身六識三毒爲主

宰貪瞋我慢不自知妄逐驅馳諸苦趣自性

清淨即彌陀六塵不染蓮花土一念不生生

死空日用現前真極樂

示念佛

念佛本爲超生死先須要識生死心癡愛便

柯七

三

是生死根不拔其根難解脫癡愛卽是念佛

心卽將念佛斷癡愛癡愛若能念念斷心心

彌陀全身現卽此便是真精進不可一念暫

忘卻淨土就在淨心中不得向外別尋覓

圓明偈示畢一素失明

心光圓明本無量苦彼浮塵眼遮障隔紙不能觀外物返視何曾見五臟譬如白日麗虛空人處暗室如生盲暗中人亦有兩眼如何不與日光通我此四大如茅屋心在身中鳥在籠誰能撤去茅屋封光明照耀元無窮若能自見心光滿了了常明不用眼此是無生無滅光不與四大同流轉君今何幸天見憐特拔遮障天光全不湏白晝怨不見只如有眼黑夜眠夜眠有眼亦如此心光圓明宛自爾若離明暗見自心圓明頓發超生死舉世誰知無眼好昔人曾恨盲不早頓拋四大光明全此是吾家如意寶

登崑山示同遊諸子

崑山城中一拳石大似須彌納芥子我來策杖一登之頓入螭螟眼孔裏時人一望忽不

見紛紛四衆皆驚起忙來試問空中人依然指出舊時底

梁壓譚生示之以偈

屋梁倒塌壓譚生譚生被壓何不死梁若到身身即碎身若到梁梁不避兩者既到何不于試問不干之所以目前幻境不比梁譚生何苦先惶惶若要不要不惶惶看這狗跳墻

示福智字本明修淨土

但觀一句彌陀佛念念心中常不斷若能念念最分明即與彌陀親見面轉七只想淨土在目前日用頭頭無缺欠佛土全收一念中便是往生真方便只在了了分明時不可更起差別見

觀身

是身如水泡乍現亦不久凝兒以爲珠取之

不盈手况復于此中多貪為罪數唯在智眼
觀畢竟何所有

觀心

此心本無形視之不可見起滅了無端迅若
空中電妄想逐塵勞渴鹿奔陽燄堪嗟今古
人都壓良為賤

示眾

幻海無涯沒盡頭塵勞妄想幾時休應知世
相空中電須信人生水上漚唯攝一心歸淨
土全憑萬行作真修目前總是菩提路念念
常登般若舟

示無相老衲

見爾初年六十餘別來十載近何如光陰有
限頻頻覺妄想無邊念念除淨土蓮華禪水
灌心田愛草慧刀鋤百千萬劫俱空度莫使
新七

五

今生又涉虛

示沈生成德 二首

濕寢人必病歟得方不死物性各有宜苦樂
何憂喜

物本無可欲而人自欲之甘苦味不同嗜者
以為奇

示六一居士 二首

世事忽如夢人情空若雲誰知塵市裏心靜
即離群

迹近寧遺俗心空豈在家但看污濁水湛湛
出蓮華

示普闍禪人

不辭行脚苦萬里涉山川今到曹溪路誰酬
不借錢

示金山貴禪人 三首

白髮愁難解紅塵路不通身居人境內心在
萬山中日日塵勞裏朝朝愛惡場不知因甚
事專一為佗忙苦海深無底浮生事有涯不
知三界內何處是歸家

贈本淨禪人結菴白雲

獨坐千峰裏慵披百衲衣靜聽流水響閒看
白雲飛

示本昂字俊無

有我必自高驕矜還恃氣俛而至于無便入
清涼地

示慧珊字海月

大海聚眾寶掌挂唯珊瑚明月時來往清光
竝夜珠

示淨堂禪人

一鉢隨孤杖三山結眾緣曹谿涓滴水酬盡
六

草屨錢

示劉生四休

一味常知足多求總是差飯蔬食飲水只此
了生涯

菩提菴八景

有引

菴在嘉禾之石門顏生生居士所建為智
河行公安居予之徑山過此因而有題

菩提山

不到菩提山安識菩提境獨有山中人忘言
心自省

翠城

蒼翠繞法城宛似金剛圍佛魔俱不入其中
空空然

古觀音像

觀音有後先法身無今古以絕去來心故能

常救苦

羅漢松

挺挺孤松樹堂堂應真相若問涅槃心枝頭

明月上

蓮花灣

蓮生於泥灣其性本香潔瞻彼花中人端坐

無言說

放生池

一片無生心全彰放生處令彼鱗甲類盡躡

無生路

漚生塔

漚生本不生 元不滅獨留無縫塔寒空

照明月

槐樹

以患能除患槐樹愛生長見此槐子珠頓發

離思想

山居示衆

一十五首

獨坐一爐香儵然萬慮忘靜看階下蟻畢竟

為誰忙

寂寂離知覺昭昭泯見聞三更天外月一片

嶺頭雲

世事一局碁著著爭勝負黑白未分前幾個

能惺悟

清淨光明藏俄然一念興無邊生死海盡向

此中生

紅塵路更長青山間不了試問往來人誰識

山中好

湛湛青蓮花居泥而不染明明出世心雪在

玻璃盞

傀儡夜登場觀者生欣嘆祇合醉中心難禁

醒眼看

四大衆緣合妄自分妍醜試看幻化人情識

從何有

微塵含世界不信盡包容莫道微塵小應知

世界空

枯木巖前路行人到此迷應登別峰頂更上

一層梯

岸樹懸崖埤枯藤古井深那堪二鼠噉况被

急流侵

炎炎火宅中熱惱無迴避一念放下時頓得

清涼地

舉世要多求求多轉生惱唯有知足心便是

如意寶

淨土唯心現蓮花性地香目前常不昧卽此

是西方

阿七

八

妄想沈淪趣清心解脫場迴光時迺照靚面

禮空王

逐逐奔陽燄行行入火坑儻能開隻眼當下

了無生

世路多纏縛虛名最困人腳跟絲綫斷古許

出紅塵

山林多奇興寂寞幾能甘不到真休處終成

落口談

我相真難破佗非甚易求一生閒檢點到底

沒來由

阿七

九

自性天真佛都爲妄想纏但能一看破立地

証金仙

萬法唯心造千涂一念差不知未起處苦海

正無涯

寂寂忘緣處心心放下時西來無別意只在

自知之

大海一滴水具足百川味法性本自同昧者
見各異

人道百年長我道百年短枕上夢三更醒人
未轉眼

一片閒田地多爲蕪草侵但能時刻却便是
出塵心

示衆十首 六言

死盡偷心活計做成没用生涯收拾無窮安
想換將一朵蓮花

四大支持骨立寸心寂寞寒空獨有綿綿一
息龜毛綫繫長風

却說百年如夢誰曾兩眼睜開縱是機關使
盡到頭總是癡騃

可惜清涼心地無端迸出貪瞋霹靂心中火

起燒殘自性天真

身是衆緣假合四大圖一虛空動作呼爲真
宰不知誰在其中

陷弄機關自造刀林火鑊誰當只道目前慶
快安知身後苦長

貌是起塵儀表衣爲出水蓮華試看胃中何
物莫教妄想輕遮

蠶蠶自生纏縛燈蛾誰使焦然將謂投明用
巧豈知業力相牽

名是假名非實毀譽入耳如風試聽呼爲賊
草猶人漫罵虛空

荊棘林中掉臂是非場裏袖身落得無窮冷
澹者般全不饒人

偈二 三百八首

園中讀圓覺經四相重

我相

鐘鼓鈴鐸不斷聲聲聲日夜說無生可憐醉
夢傷生者鏡裏相看涕淚傾

人相

突兀巖岨聳鐵城刀林劍樹冷如水誰知火
向冰山發燒盡冰山火不生

衆生相

鐵門緊閉杳難開鎖重亦苦哉可怪呻
吟長夜客不知因甚此中來

壽者相

一條血棒太無情觸著須教斷死生痛到徹
心酸鼻處方知王法甚分明

出園中過長安市四首

長安風月古今同紫陌紅塵路不窮最是喚
人親切處一聲鷄唱五更鐘

體若虛空自等閒纖塵不隔萬里山可憐白

日青天客兩眼睜睜歎路艱

颯風聚雨一時來無限行人眼不開忽爾雨

收雲散盡太虛元自絕塵埃

空裏乾城野馬人目前彷彿似煙邨直湏走

入城中看聲色元來不是真

過吳山經堂寺遇明通禪人禮華嚴因

示

到處山河卽本真大千經卷一微塵開來刮
破輕拈出莫道文珠是智人

過鐵佛菴贈鄒爾瞻給諫

江上青山不斷春門前流水淨無塵開門忽

見菴中主恰是金剛不壞身

示沙彌照理

出家本意緣何事割愛辭親豈等閒不向袈

裘求解脫松門翻作鐵圍關

題東山寺壁

咫尺東山入翠微
深林晴日雨霏霏
市廛流水聲相和
觸目分明向上機

中盤旅邸壁間見達師偈併題

君到曹谿我不來
我到曹谿君已去
來來去去本無心
誰知狹路相逢處

避難石

無端一念惹膻腥
從此形骸累不輕
十載獵叢張網處
石頭滿眼盡無生

命小師大義讀楞伽

玉綫金鍼不易穿
休從明月問青天
玄關路斷無消息
爾去逢人莫浪傳

問丁石武大叅病

舉世誰知病裏身
維摩獨坐見偏真
從教大

智慧河辯一默昭回萬象春

示果弘福堂二侍者歸故山

萬水千山枉問人
腳跟一步最爲親
莫教錯落懸崖去
縱出頭來已失真

渺茫煙水望何孤
底事逢人問有無
回首萬

山清徹骨尚餘春色滿平無

贈蔭亭上人請藏經歸南雄延祥寺

一自南能度嶺時
曹谿御墨尚淋漓
于今重載琅函至
佇看炎荒雨露垂

送誥禪人歸慈化

軀七

士

杯浮一葉森無垠
煙水茫茫苦問津
歸去家山生意滿
百花深處鳥啼春

示查汝定

涉水登山亦壯哉
芒屨逢自敬亭來
入門一笑忘賓主
莫道維摩口不開

題雪山苦行佛

萬山水雪連根凍一片身心徹骨寒不是死
中重發活如何能得識情乾

無端棄却金輪位特爾令生大地疑自是九
重深密事從來不許外人知

軻七

十三

輕拋兜率入王宮一顧迴頭思不窮走向萬

山千丈雪埋身八面不通風

心似冰霜骨似柴六年凍餓口難開誰知忽

睹明星上落得盈盈笑滿腮

答定齋賀明府

箇蓋乾坤一句新晴空霹靂淨煙塵箭鋒在

處難回互狹路相逢是故人

青師白象駕雲中金色銀光出處同若問無

生端的意空山風雨吼長松

示歐生羽仲傳經訶林

斯道幽微若一絲全憑信力以維持苟非一

片金剛地難使菩提葉葉輝

送樂天法師還匡廬

山色湖光一鏡開曼殊誤落此中來莫教師

子輕彈舌恐震當年舊講臺

贈西來梵僧

十萬西來碧眼胡渡江曾折一莖蘆只今石

室猶留影試問前身是有無

輓本來和尚

五年三度叩禪關此日尋師去不還不是白

椎兜率院多應聽法五臺山

送如證禪人造旃檀像還五臺

火雲赤日滿炎荒金色光含古道場不是曼

殊親出現誰知隨處是清涼

海岸旃檀淨法身無邊相好隱微塵分明剖

出諸人看觀面當機一句新

寄大千法師

三十年前同法席別來消息斷
住千峰裏想已心空聞妙香

示曹谿塔主

香火千秋似一朝兒孫終夜守
若生前供不負當年石墜腰

勉曹谿諸弟子十首

千僧和合似靈山大衆依飯豈等閒
家親囑付如何得入祖師關

肉身現在卽如生朝莫茶湯出志誠
明常說法不須苦口再叮嚀

福田種子要深栽因果如臨明鏡臺
山千萬次者回不可又空回

辛勤作務莫辭勞可想當年石墜腰
一息不

新七

十四

來千萬劫善根不種苦難消

莫教輕易過平生如箭光陰實可驚
只恐氣

銷三寸後幾時再到寶山行

功德園林不可輕脚跟步步要分明
莫教錯

落隨他去免使盲人又夜行

寸椽片瓦衆緣成信施脂膏不可輕
切莫貪

他驢糞極等閑換却一雙睛

信心膏血重須彌粒米莖薪不可欺
但看披

毛并戴角酬償夙債苦泥犁

去生中國蚤離塵身著袈裟遠六親
受用空

聖

主

門清淨福如何能報祖師恩

少小能存向上心毫芒終長到千尋
只須歷

盡冰霜苦始得成材出鄧林

示曹谿沙彌能新智融達一淨洗通文

方覺書華嚴經七首

剖破微塵出大經無邊剎海遞相形松風鳥
語分明說只在畜人著意聽

佛境重重不可量毫端三昧豈尋常須知舉
手通身現觸處全彰海印光

行行鴈影落寒空直豎橫斜但信風莫問普

賢求妙行先須識取主人公

毘盧樓閣幾時開彈指應須待善財頃見閣
中無盡藏重重佛境甚奇哉

福城東畔禮文殊知識遙參到海隅五十三
人同一調不勞遠涉費程涂

海波爲墨亦須乾筆若須彌舉不難描寫毘
盧華藏界最初一字許誰看

紙墨文言總不真真經全在剖微塵但能字
字光明現莫道文殊是智人

輓萬固寺一山和尚

二十年前問起居相逢猶是在生初只今逢
望中條月獨有清光照竹廬

寄高常侍

憶昔長安話別時雪中把臂立臨岐而今萬
里炎荒外一念清涼君獨知

贈訶林裔公

菩提樹下久棲遲時復經行繞樹思遙想當
初栽樹日曾經親手一封泥

贈顏杏園醫士

雪山衆草鬱菁蔥信手拈來用得工不是等
閒醫國手肯教狼藉怨春風

贈太和老人

金剛堀裏舊相逢雪鬢蓬鬆氣更雄一盃玻
璃茶尚醉依稀猶記放牛翁

送暹侍者遊五臺兼訊空印法師

遙從火宅入清涼萬里休言道路長
儻見文殊問消息堀中今空幾禪牀

過法性寺菩提樹下禮六祖大師

菩提樹下舊相逢千載重來氣尚同
鐘鼓聲沈香不斷兒孫何處覓玄蹤

十七

送離際禪人叅方

十六

汝持一鉢曹谿水徧灑諸方五味禪
莫道老憨無法說而今不直半文錢

送若惺炯公禮普陀

波流不動白華山滿月寒空
大士顏若向巖前相見處瞻依須聽普門還

喜法侄行廣至

憶昔離家別祖年爾應猶是未生前
今從萬里相看處一笑還追宿世緣

問游石陽病

十七

十七

借問毘耶病裏身就中檢點孰為真
只須剝盡重陰後始見陽和大地春

送惺來裔公行脚

瀰漫煙水森無窮回首山城歷百重
祇為尋師叅底事德雲不在妙高峰

懷大都千佛寺

憶昔千華七寶臺一華一葉一如來
不知近日華間佛可以當年震法雷

示能哲禪人

爾到曹谿路不差眼前行脚未為賒
試看初出門前望芳草漫漫何處家

寄王居士

清涼雪夜共談禪一別于今二十年
常憶毘耶真面目寒空明月幾回圓

再過法性寺喜炯公禮普陀歸

三年不坐菩提樹一念常懸般若燈莫謂頭

陀擔說法道緣不似獵叢僧

詠楞伽室寄天與孔居士

滔滔毒海渺無涯夜刹羅叉此是家獨有楞

伽無價寶光明日夜照恒沙

八面光明體最圓金剛雖利不能穿時時安

置心王殿照破三千及大千

曹谿雪茶寄金山珍公

摘得先春葉一枝寄將鶴骨病阿師試烹一

盞親嘗過可似初參趙老時

甲辰春奉檄還戎舟泊支江逸炯二公

啟南羽仲仲遷諸子過訊因示

暫繫孤舟旁柳陰端居恰似逝多林菩提樹

下常隨衆怪道能來問法音

示堪輿梁生

山河大地一微塵法眼圓明始見真自是要

求歸著處肯教埋沒世間人

示羅浮山王印宗

羅浮山下繞恒河河畔祇林似普陀若問華

中觀自在試看明月墮清波

贈周相士

落魄江湖一廟緹相心神術自壹丘逢人若

問榮枯事一段真光在兩眸

示性如濟禪人

底事南遊學善財爲尋知識久徘徊妙高峰

轉七

十八

頂無蹤迹莫道文殊錯指來

示普陀勝林禪人

普陀山下白華邨日夜潮音說普門試問菴

居何所有但聞鸚鵡報黃昏

聞惺來裔公于雲樓受具歸以偈訊之

一條拄杖活如龍
相伴曾登天竺峰
自向雲棲闍法後
諸緣可頓一時空

山中夏日

竹牀瓦枕足松風
午睡沈酣夢想空
四肢百骸俱作客
不知誰是主人公

軒七

十九

靜夜鐘聲

鐘聲清夜響
寒空一擊如吹萬
竅風不是閒
催龍聽法多應喚
醒主人公

示忞和周生

大道從來在目前
却于死處覓枯禪
誰知日用頭頭事
盡是無生最上緣
道力何如業力強
就中生熟好思量
臨機遇境能回互
頓息迷塗演若狂

示圓通總持長老

西江一派自曹谿
馬祖頭疼孰可醫
若向圓

通覓生藥虎
貓頭話最堪思

示龔生伯起

數千里外訪知音
只爲從人覓此心
及至相逢親見面
始知昔日費追尋

示慈明賢禪人

一錫遙從多寶來
南詢煙水獨浮杯
歸涂若過曹谿路
路滑休行雨後苔

戊申夏日重過羊城偶成

仙城已度十三載
人世今過六十年
回首塵寰如夢事
不知究竟屬何緣

當年一鉢歷諸方
到處名山是道場
喫盡檀那無米飯
至今酬價費商量
五臺千尺雪
蒙頭只道寒
灰死便休誰想一
星星火種
焚燒大地更橫流
東海曾衝萬里濤
奔雷破石浪頭高
輕乘一

葉隨風去直踏三山釣六鰲

示正位侍者

極盡懸崖百尺竿動移一步最為難只教擦
手翻身去不作狸奴白牯看

示悅禪人誦華嚴經

暫七

干

百城煙水望如天何處相逢問普賢想向妙
峰山頂過不知曾說此因緣

示飯頭

干

德山託鉢幾時來去未存沙莫浪猜休向上
方香積借火爐邊事亦奇哉

寄五臺妙峰師

玻璃世界水晶宮金色銀光處處同獨跨金
毛師子步遊行八面不通風
冰霜鶴骨髮如銀誰識曼殊最後身一自堀
中相別後至今不隔一微塵

拄杖橫挑剎海遊無邊剎土一塵收閒來擘

破微塵看落盡空花剩兩眸

千丈寒巖百尺水當年相對坐峻嶒即今火

宅清涼界一个維摩一个僧

寄五臺空印師

遙思遊戲雜華林獨坐旃檀寶樹陰不動舌
根常說法萬人時聽海潮音

一自拋身瘴海瀾蠻煙毒霧儘加餐歸來渴

飲曹溪水不減清涼徹骨寒

示曹溪紫筍莊莊主

暫七

干

一夕東風紫筍肥無邊春色到柴扉桃花滿
眼無人問誰薦當陽向上機

寄枝隱

白門深隱一枝安山水娛情世念殘曾入維
摩方丈內百千三昧一毫端

示泉禪人閉關

六窓緊閉不通風何事藏身入此中試向文
殊彈指處直教撥破太虛空

贈融禪人住持泰和大司馬郭公忠孝

寺

脫體元從瘴癘天三生又結宰官緣維摩丈
室渾無語莫道無言不是禪

示懷愚修堂主

向上三玄動步疑言前一句許誰知若非擦
手懸崖去辜負孃生兩道眉

寄靈山桂峰師

靈山一會儼然存松栢雲霞滿鹿園自是法
身常說法分明鐘鼓報黃昏

寄東海劫外法師

親受靈山付囑來法筵今向海濱開楞伽山

頂魔羅衆幾度聞經到講臺

示南禪人

爲問毘耶病裏身不知誰是病中人二時粥
飯三餐藥喫得分明意最親

寄賴古軒居士

長齋一室事空王心地時焚般若香遙想日
長趺坐處靜聽鳥語出山光

寄謝青蓮居士

常憶青蓮居士身夢魂時對鏡中人知君深
得無生意自信居塵不染塵

寄湖山居

歷盡風波總是非此心久已習忘機翻身直
入千峰裏坐看閒雲白晝飛

寄明宗法師

曾從兜率白椎來一受金篦法眼開會向今

時傳露布只教平地淨塵埃

寄蘊法師

江頭促膝別君時回首青山入夢思爲問華
臺千百衆言前一句幾人知

寄巢法師

披雲帶月飽風霜清夜迢迢鶴夢長讀罷楞
伽香篆細知君無物可思量

寄雨法師

久從鷲嶺現當機誰問雲興華雨飛莫道法
筵今寂寞堀中君作衆皈依

示中孚表禪人

世緣看破解歸來火裏蓮華不易開直把根
塵都洗盡莫教再入者胞胎

示無知鑑禪人

明明佛性本無遮自是從前一念差失腳久

軻七

三五

沈生死海者回切莫負蓮華

示微密禪人

鉢囊遙自伏牛來度嶺寒梅華正開若問曹
谿親切句菩提無樹鏡非臺

示凝知瀚禪人

圓頂方袍八寶身出家本意要超塵若爲煩
惱輕埋沒再出頭來已失真

寄湛禪人住伏牛

曾持一鉢到曹谿跋涉寧辭獨杖藜聞道萬
山深隱處夕陽斜照鳥爭啼

寄題郭次公如是院

舍衛曾開祇樹林君今重擬布金心法王如
是全提處獨許文殊是賞音

答郭允叔

曾向曹谿問上乘西來密意屬南能莫言杜

口維摩詰不是當年有髮僧

寄題郭叔子太乙囊泉亭

清池明月影沈沈囊水江湖濟度心試問遊
魚真樂處濠梁未必是知音

示弘範禪人

禮謝千華寶座前却從臨濟覓三玄今來更
問曹溪路雲滿青山月滿天

寄袖雲法師

當陽剖破一微塵拄杖閒提用處親明月夜
深崖下虎歸依猶似昔時人

送僧造旃檀像歸茶陵

南海旃檀香一枝法身隨處現雙眉迎歸寂
寂松陰下猶似拈花不語時

贈郭生凌鳥

長齋繡佛禮空王火宅翻為選佛場夜別明

暫七

三四

燈心寂寂蓮花不必想西方

將之南岳留別嶺南法社諸子十首

一落風塵二十年相逢須信是前緣自從衣
鉢南來後今日重拈直指禪

底事分明在已躬不須向外問窮通但能觸

處回光照莫被塵勞困主公

大道從來絕本真多因分別強疎親直須看

破娘生面方是塵中特達人

瘴烟飲盡齒猶寒不記從前道路難此去萬

山深密處雲霞五色座中看

廿載驅馳走瘴鄉年來不覺鬢如霜今乘一

葉扁舟去蹤迹應從萬壑藏

塵勞混迹久和光只為拈提此事忙千尺釣

竿幾斫盡海天回首更茫茫

一自歸依繞法壇時時為乞此心安莫言別

去三千里明月中天靚面看

時把綸竿見素心竹枝唱罷幾知音扁舟歸

去霜天夜明月蘆花何處尋

寒空歷歷鴈聲孤蹤迹從今落五湖無限烟

波寄愁思片駢天際是歸涂

柯七

三五

為法寧辭道路賒豈云瘴海是天涯頻將一

滴曹溪水灌溉西來五葉花

慙山大師夢遊全集卷第三十七

音釋

埤

耻各切

檄

刑狄切

駢

符咸切馬行貌又馮疾衆切

也

熒

古暘切

憨山大師夢遊全集卷第三十八 軻八

侍者福善日錄 門人通炯編輯

示鄒生子胤十首

此事明明絕覆藏普天匝地露堂堂男兒不
突金剛眼覲體相看若面牆

軻八

見聞知覺總空花醫未除時見轉差只待晴
空清淨眼方知別有好生涯

聲色場中豈偶然自將荆棘苦參天何人一

擲翻身出始信隨緣自在禪

妙性圓明自本真從來皎潔絕纖塵不教妄

染輕遮障便是超凡大力人

道心原不離尋常待客迎賓底事忙試看箇

中關捩子何曾透動一毫芒

五蘊山中寂滅場六窓虛敞夜生光只須喚

醒菴中主莫使昏沉自蓋藏

湛湛心光本不迷祇因情想自睽携但看起

處無消息一任猿聲日夜啼

性天雲淨月輪孤身世何須問有無但得真

緣蹤迹斷不勞名字挂江湖

世緣逐逐幾時休棄却家山向外求衣底明

珠任埋沒長途空自抱窮愁

太虛閃電不留情憎愛何容逐隊行孽破癩

生真面目肯教埋沒過平生

寄袁生

曾將書札寄南能問法遙參最上乘三昧知

從文字入不知可記音時僧

示水天禪人

知識相逢豈易哉箇中消息口難開妙高峰

頂經行處不是平空賺善財

示譚復之

曾從授記向靈山今日重來一扣關爲問拈
花當日事頭陀不是易開顏

示鍾生衡穎

曾過曹谿已十年相逢知識總前緣阮生何
必窮途哭自有西來最上禪

示方生覺之

心光獨露形骸外祖意能參機語前想聽巨
山蓮漏熟故來重理舊因緣

示常達禪人

南嶽曹谿一脉來相傳明鏡亦非臺金剛正
眼人人共須向磨鏡一句開

示宗玄禪人

幻成五蘊本來空必欲求之似捕風試向潭
身消散後應須識取主人公

示南嶽庸質山主

萬山深處一茅菴朝暮雲霞當小叅最是谿
聲關不住廣長日夜語喃喃

南岳山居

七十年來夢裏過江湖蹤迹總蹉跎而今喜
得閒田地莫問從前事若何

脚跟蹋徧水雲鄉未離清涼古道場筋力漸

衰心已倦安眠飽食是行藏

大休歇處不尋常妄想消時世已忘都句別

求真極樂誰知當下是西方

但見無生寂滅心了無妄想敢來侵根塵總

是空花影佛祖何須向外尋

觀心生處了無生閃電光中眼倍明爲問西

來成底事今人都只解貪程

示廬陵僧密潔公

廬陵米價近如何問着休全舉似他一粒但

能輕嚼破始知佛法總無多

示杜言禪人

西江一派馬師禪聞道而今久失傳莫言磨
甌堪作鏡自然不墮路途邊

示定水禪人

久依華座覓真詮鍾鼓分明向立若問西
來端的意從前佛祖未曾傳

示量空禪人接待武昌

聞開梵刹向江湄來往風帆正渡時爲問華
亭垂釣者離釣三寸幾人知

題方覺之離垢菴

一芥菴中絕點塵從來無物可相親靜觀寂
滅清涼地頓見如來妙法身

題屢提菴

物我如空不可求無邊大海一浮漚但看起

處無蹤迹苦樂從教當下休

示天淵禪人

已躬下事甚分明不用尋師費遠行只向日
前親薦取是誰見色與聞聲

示六義禪人

兜生大事莫商量說起愁心可斷腸無量劫
來都錯過者回豈忍負空王

寄若昧法師

蓮花峯下住菴人口與雲中五老親瀑布從
空霏玉屑恍如賓主對談論

示雲居常元禪人

出世原爲究此心非圖名字挂叢林話頭參
到無心處不向他家外面尋

寄海會菴主

十方海會此爲家來往經過路不差香飯飽

餐回首去出門煙水更無涯

答雨法師寄法華新疏

靈山一會費商量四十餘年久覆藏今日通
身全吐露分明只在一毫芒

閉門緊閉不通風多少躊躇歎路窮不是輕

勞彈指力安知裏許量如空

窮子歸來見父時此心相委信無疑縱將寶

藏全分付若不掀翻總不知

無邊刹海總蓮花可歎從前盡數沙君向毛

頭親點破自今常御白牛車

示素璞禪人 有引

禪人向叅予于曹谿尋歸吳門項巢兩二

法師以子與若師雪浪爲法門兄弟命禪

人持書遠走南岳迎予終老子感二公高

誼念禪人遠勞因成二偈用以志懷

可八

五

曾禮曹谿走瘴鄉皈依三匝繞禪牀分明一

句無生話莫道當時有覆藏

遙持一紙故人書特向空山問卜居一片身

心全託餘生不必問何如

答巢兩二法師

法門義氣信非常自是青山骨肉香擬向通

立峰頂上忘言相對一繩牀

吳門山水最幽清二朗高風久著聲儻得煙

霞期共老安眠飽食遂餘生

示浮刹禪人

遙向千峰問嬾殘口邊寒涕未曾乾火中黃

獨初煨熟把似君前不易餐

示大智禪人

竹杖芒屨過萬山遠從南岳扣松關石頭路

滑難逐步莫道叅方是等閒

題別峰相見卷

百城南望盡煙波峰頂相逢事若何不是善
財無面目祇緣知識信諸謬

訊專愚衡公病

四大久觀如泡影病魔何處可潛蹤古人自
有安閒法只在無生一念中

示若拙禪人

行徧天涯覓此心從來都向外邊尋縱然未
出門前路須信漫漫草更深

寄徐葦莪

時問維摩病裏身門開不二露天真飽餐香
飯忘言後方信離情道始親

示心聞禪人

本來自性量如空見色聞聲樹過風但使浮
雲消散盡幾曾一物著其中

契

六

示三昧真禪人遊我嶺

歷徧諸方好歇心不虛名字挂叢林歸來滿
面我媚雪雲白山青何處尋

示徑山靜主

電光石火豈爲真瞥地相逢未可親若是本
來消息斷大千隨處現全身

若野音禪人從黃梅走南岳復叅雙徑

示之以偈

遠行南岳覓行蹤喜得黃梅一綫通別向五
峰相見處萬山雪擁白頭翁

示無瑕禪人

策杖遙來雙徑深別峰相見是知音故人若
問餘生事萬疊雲山一片心

示念西居士

南詢煙水百城過知識相逢事若何更向五

峰深處覓須知佛法本無多

示勤如禪人禮我帽

遠從雙徑禮我帽
涉水登山爲阿誰
儻見普賢真面目
莫教辜負一雙眉

示徑山堂主

雙徑單傳佛祖心
蒼崖翠竹古叢林
應知正令常新處
鐘鼓時宣妙法音

輓幻子師

寒巖凍餓有誰知
絕後重甦賴阿師
今日五峰闕塔影
恍然猶對坐談時

示仁安法師

身心一片似冰壺
試看其中是有無
妄想不來消息斷
何須此外覓工夫

過菩提菴喜逢智河禪友

元是菩提樹下人
到來恍忽見前身
谿聲常

說無生法可惜時
人聽不真

樹下相逢舊有緣
別來不記幾生前
入門一

笑心相契始信無
言是祕傳

示詢南禪人看病

出世何爲最勝因
目前看破病中身
知他痛癢相關處
萬行無如此念真

示德門禪人校經

海眼從來絕點塵
大光明藏可安身
只須子細從頭看
纔著纖塵便失真

示非立曉禪人

曾向慈恩理教綱
釣竿拋却歷諸方
于今若識孃生面
不必將心問法王

過甘露接待寺

登山涉水總迷途
未審前村是有無
驀直忽逢甘露灑
纔沾一滴破焦枯

示承拙禪人持明密行

烈火炎炎妄想流醍醐須灌頂門頭會教一

滴周毛孔始是持明祕密修

澹泊齋示雲山居士

廊中一室冷如水跌坐長明午夜燈來往應

真時滿座人人知是在家僧

示蓮西居士

妄想生時當下休了無一念挂心頭忘機便

是真安養極樂何須向外求

題達大師書經墨光亭

聞道蓮華筆底生墨光猶是照虛明閒來為

問華中主滿耳秋濤說法聲

示曹生錫卿

丈夫立志豈尋常刺股懸梁苦備嘗但使六

根無垢濁管教心地自生光

遊浮山於妙高峰下聞智燈禪人誦法

華經因題於壁

水上蓮華舌上經一葢深鎖萬峰青松風日

夜常宣說可惜時人不解聽

示真嗣沙彌

生死無常一息間好將心志在青山但能不

作紅塵業贏得終身物外閒

匡山喜陳赤石大叅過訊

萬疊青山一片心目前處處是雲林不須更

問西來意水鳥時宣妙法音

示修六逸公掩關金輪峰

萬仞峰頭獨坐時身心放下是全提銀山鐵

壁須鑽透徹底分明不許知

送悟心融首座還京口

空山擬伴老餘年何意東歸上法船好待海

門孤月上話頭一爲老僧圓

示達本禪人

勘破塵凡萬劫心歸來遙向白雲深金輪峰
下松濤急日聽無生妙法音

示本懷禪人

身心久在白雲中何事隨緣任轉蓬收拾歸
來全放下萬山高卧日頭紅

示行素侍者

拋却身心禮法王前程不必問行藏但能識
得孃生面草木叢林盡放光

示頓利禪人遊五臺

一條拄杖曳單瓢恭禮休辭萬里遙儻遇曼
殊齋會日休教惡水驀頭澆

示寂知慧林二禪人

學人不必苦馳求妄想消時得自由但自披

衣間處看心心不斷是誰流

空山寂寂絕諸緣不學諸方五味禪
須求向上但能放下自天然

示恒一禪人

此事從來不外求見聞知覺有來由但知日
用頭頭現莫落隨緣第二籌

示克文禪人

空花起滅本無端爭奈人人醫眼看須信晴
空無處覓丈夫切莫被他瞞

示巨壑禪人

坐斷千峰不問禪爐香經卷是生緣但能此
外無餘事自是塵中極樂天

若惺炯首座遠來相訊因示

苦海相從二十年重從廬岳禮枯禪相看莫
問餘生事五老雲霞在目前

念雲禪人遵乃祖命接待吳江今逢六

十初度偈以壽之

塵中覺路敞雲堂徧布身心滿十方一片祖

翁常住地願教永劫作津梁

示眉子

火宅炎炎不易清六根消爍可憐生但能一

念如冰冷便是超凡第一程

送昧法師應講維揚

偶乘一葦截江流法鼓雷鳴彼岸頭無數羣

生開天夢歸來毫相不曾收

示鄭白生居士

一片身心放下時直教內外似琉璃其中無

著纖塵處日用頭頭只自知

示曹谿堂主俛無昂公

常想新州戴髮僧不知一字有何能肩頭柴

八

十二

擔腰間石博得西來無盡燈

道場不必向他求只在當人一念頭自性但

能全體現何愁法海不橫流

示見空禪人

出塵本意在山林四十無聞愧此心今喜腳

跟絲綫斷萬峰深處更宜深

示禪人禮峩峩

無邊法界以爲身觸處相逢意最親若向峩

峩峰頂上雲霞滿目更迷人

西望峩峩雪似銀普賢端坐一微塵無邊刹

海都合攝應現隨緣喜見身

示冶師鑄鐘成

天地爲爐萬象銅鎔成衆竅吼長風一聲響

徹三千界喚醒人間大夢中

示李生

浮世光陰苦不多已躬下事竟如何今生若
不求歸宿依舊從觸墜愛河

示朴行者乞食

市遠山深乞食遥單持一鉢路迢迢莫因曲
折生疲厭應想黃梅石墜腰

示無隱法師

昔依華座繞空王文字時生般若香今向一
毛觀刹海逢人不必細商量

示幻宗老衲印造華嚴經

剖破微塵出大經法門珠網遞相形分明託
出蓮華藏觸處令人夢眼醒

贈堪輿響山老衲

大地山河入眼空一條拄杖活如龍分明指
出無生路直與西來一脈通

示體具禪人

何八

十二

趙州無字死生關鐵壁銀山冷眼看但向未
生前覷破自然不被舌頭謾

示悅禪人清涼菴捨茶

楊枝甘露灑焦枯一滴纔沾熱惱蘇直指西
來端的意相逢但問喫茶無

寄博山無異來公

襟期不隔一毫端千里雲山覲面看最是思
君親切處夜深明月照人寒

示壽昌長老

瓦礫翻成大道場祖翁田地莫教荒應思冒
雨衝寒向粒米莖薪可斷腸

示壽昌闍然謚禪人

墟中師子久調兒轉擲翻身未易知莫使野
狐蹤迹近爪牙切記在當時

示頑石禪人

埋身八百不通風，死盡偷心始見功。但向未生前著力，方知海底日頭紅。

示碧霞老衲

他方行徧又歸來，梵剎家山坐地開。衲子入門無別事，喫茶洗鉢亦奇哉。

示玄樞禪人

已躬下事要分明，一念單提莫記程。但使妄情消盡處，管教心水自澄清。

示蘄陽歸宗老衲

觸目明明般若光，六門常放未遮藏。若能當

念根塵斷，日用端居大道場。

示慧鏡禪人

心見光明不在根，從來諸暗不能昏。三千世界如觀果，那律親登此法門。

示六如坤公掩關

收攝身心緊閉關，塵中不異在深山。好將妄想都拋却，從此勤求出世間。

示戒深澹侍者

憶昔携餅逐杖藜，幾回爲法到曹溪。今來直入千峰裏，更向堂前乞指迷。

示有了明重禮五乳

昔年參罷禮清涼，一見文殊返故鄉。不識三三多少衆，故來重請爲敷揚。

鄭白生重參五乳因示

昨來問法過匡廬，一句全提會也無。但只不

忘歸去路，自然超出聖凡途。

閩沈朗倩掩關城中寄示

鄭居一室豁如空，凡聖交參落此中。獨有主人常寂寂，十方坐斷不通風。

示丹陽觀音山慧空禪人

祇園門外郎迷津來往風波過客頻高揭慧
燈常不昧直須照破一微塵

示岸度禪人

幻海無涯浪未收全憑智楫駕慈舟中流高
挂輕帆去直到菩提彼岸頭

八

十四

寄金貞度

同坐祇園飯食時別來每憶善思惟法緣應
似維摩詰不二相談近是誰

寄普陀昱光禪人

白花山下久踟躕水月光中一念孤正使十
方俱坐斷海枯石爛恰如無

酬心光法師

空山一室白雲封鳥道玄微入萬重不是直
通霄外路安知步步絕行蹤

示深光侍者省親

願別慈親已廿年要明父母未生前而今復
作思歸夢此去應須斷愛緣

示姚星陽居士

心在塵中願出塵直須不昧本來人時時常
想皈依處七寶花間有後身

示了此老衲增臘

濁世浮生莫問年法身三際不能遷但須一
念常光現華藏莊嚴在目前

示護闍侍者

擎茶奉水要真知動靜周旋看是誰須向日

八

十五

前三喚處莫教辜負一雙眉

犀牛扇子骨皮全急喚將來不解拈一語痛
如三頓棒幾能脇下會還拳

示新安仰山本源禪人

割愛應知出世因肯教心地著纖塵直須念

念回光照莫昧當人淨法身

圓明一念沒遮藏觸處逢緣盡寂光拈起一
塵金法界更於何處覓西方

寄鷄鳴寺冲虛上人

湖光山色照牀前樓閣渾如出水蓮遙憶故
人行樂處花中白日坐安禪

寄黃檗山了心上人

禪從黃檗最難參纔着言詮落二三唯有風
光當一掌至今山水語喃喃

寄樊山主

隨緣示現小王身心似蓮花不染塵宴坐深
宮常說法直教不昧本來人

寄袁居士

一向此身都是客而今掉臂始歸家回看奔
走紅塵道何似棲心白藕花

示明海禪人

袈裟之下豈尋常不自求心最可傷曠劫漂
流至今日者回真是好商量

示心悟禪人閉關九年

閉關枯坐九年期好似嵩山面壁時縱有齊
腰三尺雪安心一語幾人知

示性通行人

負春腰石似黃梅夜半何曾正眼開但信本
來無一物方知明鏡亦非臺

送克文禪人少林禮祖

斷臂巖前雪尚紅西來一脈許誰通此行但

得安心法便振當年鼻祖風

饒巢松法師

元從兜率白椎來此去還應坐講臺若待慈
尊下生日知君重理舊胚胎

寄融首座

西江不斷往來船
別後音書竟杳然
惟有牀前松上月
夜深影落在君前

寄孫圖南居士

又落江湖不定蹤
別來今已卧千峯
誰知破盡人間夢
唯有空山靜夜鐘

示深愚字以訥

大道西來本絕言
好從愚訥邁真源
直須參到忘緣處
方信毘耶不二門

寄三白禪人

何時杖錫過東林
入室重論出世心
莫負千峰秋夜月
清光獨照影沉沉

示廣鎧侍者持法華經

一自親聞墨劫前
是時已結大因緣
從今重理多生句
字字心開舌上蓮

八

七

示海藏行人禮法華經

多寶如來舊法身
從空湧出示諸人
若能當處無生滅
法法元來總是真

示江州孝子左福念

佛本多生孝道人
常持一念奉慈親
若將孝道求成佛
萬行無如此念真

示鳴明禪人

遙來爲法到匡山
幾度晨昏一叩關
若問西來端的意
白雲飛去又飛還

示明華禪人字道果

一葦西來五葉花
從茲道種自生芽
但將智水勤澆灌
果證菩提定不差

示歸宗堅音長老

荷擔正法古叢林
須用金剛護法心
但得光明全體現
頭頭物物盡知音

示王居士

父子家傳淨業禪曾從瘴海問真詮而今重
入匡山社見面還如未別前

武夷默初禪人遠來禮請病不赴因示
遙來爲法到匡山瞻戀殷勤重往還莫道老

僧慵說法白雲不放出松關

莊嚴華座擁諸天只待光臨教法筵莫謂法
身曾不動舌根蚤已徧三千

寄示觀智雲禪人

遠持一鉢走他方到處隨緣是道場莫謂塵
勞非佛事原從苦海泛慈航

示鏡玄禪人

當體圓明般若光六根門首沒遮藏若能念
念無生現觸處無心解脫場

示禪人八首

當人一念要精持歷歷孤明不昧時獨有未
生前一著從來不許老胡知

死生大事最堪悲急下功夫蚤是遲但向自
心求解脫不須此外更尋思

往來生死久玲嶼未悟無生不暫停誓向此
身應度脫莫教回首再沈冥

圓明一性絕纖塵只爲從前錯認真但使斷
除煩惱障自然得見本來人

欲海波騰無盡流誰將彼岸一回頭直須高
挂輕帆去不到窮原未肯休

朝八

十

世緣無盡苦無涯一念回頭便到家識得本
來真面目方知不負此袈裟

此心不必外邊求只在當人一念休身世但
從空處看恰如湛海一浮漚

六根門首六塵多舉世人沒奈何但肯心

心常照破自然日用不隨他

示修淨土六首

衆緣消盡絕疎親老眼何容著點塵莫使六
時蓮漏斷花中已有未來身

初因愛念感娑婆淨土應須出愛河要得蓮

華爲父母全憑念念見彌陀

十八

十九

見聞知覺盡常光心地蓮花暗唾香若使六
根無染着自然觸目是西方

眉間一道白毫光諸佛衆生總覆藏但得現
前常不昧蓮花心地暗生香

五濁塵勞可厭離西方淨土是歸期直須念
念光明現便見華開七寶池

淨土元來不外求當人一念要知休回觀妄
想消融處便是西方第一籌

大雪

萬山冰雪連根凍一片身心徹底寒回想六

年飢餓處令人不覺鼻頭酸

答劉三界大叅

千里雲山見此心聊將一語寄東林儻君不

負蓮華約白社幽期尚可尋

華宇居士持華嚴經令甥覺之來請因

寄

華藏莊嚴妙絕倫無邊佛刹一微塵若能念

念光明現便是隨緣解脫人

示在珍行童

生死途中苦最長好從知識覓良方若能掉

臂安然去須向空門禮法王

蘊真禪人時從五臺來叅雙徑

金剛堀裏舊行蹤別後雲山隔萬重今夜長

空千里雪當年曾把洞門封

付頴愚禪人行道

法意簷前草拈來覆大千付君須自重花發

利人天

憨山大師夢遊全集卷第三十八

音釋

湄

謨杯切水 諠 上明茅切言不恭謹 羣

莪

上蒲紅切草木 莪 同 羣 莫白切

慈山大師夢遊全集卷第三十九 軻九

侍者福善日錄 門人通炯編輯

說

雜說

滾滾紅塵漫漫世路多少英雄盡被擔誤賞

覓

心樂事詩酒忘憂琴書雖雅猶讓一籌金谷

蘭亭於今荒矣縱有虛名與人俱已竹下逢

僧目中何有豈但偷閒徒爲借口是知出世

最上一著可惜時人昧而不覺五欲場中種

種惡緣如沸湯裂火能發一念爲生死心如

火中生蓮甚難得也苟不深生厭懼求出離

道難免燒煮

世之聰明之士生來但知世間功名富貴妻

子愛戀之樂以爲人生在世止此而已不知

大有過於此者古之豪傑之士直出生死者

無佗特看破此耳

佛言我於然燈佛所實無授記若有授記卽

爲著我作佛猶恐著我況生死事業乎

但願空諸所有切勿實諸所無此語不獨爲

老龐家傳之祕佛祖皆然

前聖所知轉相傳授妄想無性若妄有性則

佛祖無出頭處刹那刹那生滅之稱也悟無

生者方見刹那此語疑殺天下人

如幻三摩提金剛王寶覺彈指超無學此法

神速若是仰山夢升兜率天白槌與文殊貶

入鐵圍山公案是同是別世尊偏向魔王宮

中說心地法門可笑別無淨土耶

一切諸病從癡愛生癡愛不生顛倒想滅名

爲涅槃一切法不生我說刹那義當生卽有

滅不爲愚者說是可與愚者說耶

夢幻泡影露電陽燄鏡像水月乾城芭蕉此十種喻爲入道基本知之者希

妄想興而涅槃現煩惱起而佛道成此法唯五眼圓明方許知見

三寸氣消誰是主百年身後漫虛名此語如來二十年破執之談無以過之

真歇了禪師臥病詩云病後始知身是苦健時多爲別人忙誠哉是言也

性空非水火寒熱自然生此予昔居海上時病中詩也今寄居海外故病忽作宛若舊態

蓋病不因地異情不爲境遷而趣味自別難以語人

東坡云凡有所好必有所蔽余讀居儋耳集覺範後至海外就舊館訪其遺事有老嫗答曰蘇相公無奈好作詩何老嫗尚知其好豈

新九

二

非蔽耶

東坡初被放至嶺外食荔枝美因云日啖荔枝三百顆不妨常作嶺南人余始誦之將謂其矯余居此幾六年矣每遇時新一度不覺誦此語什伯過

余平生愛書晉唐諸帖或雅事之求之四家猶未經思及被放海外每想東坡居儋耳時桃榔菴中風味不覺書法近之獻之云外人那得知此語殊有味也書法之妙實未易言古來臨書者多皆非究竟語獨余有云如雁

新九

三

度長空影沈秋水此若禪家所說徹底掀翻一句也學者於此透得可參書法上乘

昔人論詩皆以禪比之殊不知詩乃真禪也陶靖節云采菊東籬下悠然見南山山氣日夕佳飛鳥相與還末云此中有真意欲辨已

忘言此等語句把作詩看猶乎蒙童讀上大人丘乙巳也唐人獨李太白語自造玄妙在不知禪而能道耳若王維多佛語後人爭誇善禪要之豈非禪耶特文字禪耳非若陶李超乎文字之外

余少時讀陳思王洛神賦翩若驚鴻婉若遊龍只作形容洛神語常私謂驚鴻可睹遊龍則未知也昔居海上時一日侵晨朝霞在空中日未出紅萬里無雲海空一色忽見太虛片雲乍興海水倒流上天如銀河挂九天之狀大以爲奇頃見一龍蜿蜒雲中頭角鱗甲分明如掌中物自空落海其蜿蜒之態妙不可言世間之物無可喻者始知古人言非苟發因回思非特龍也佛之利生威儀具足故稱大人行履如龍象云

知止

吾師佛聖人出家學道乃止雪山修行及成正覺卽據菩提場中說法蓋雪山清涼處也意其衆生同處五欲都爲煩惱之火晝夜燒煮熾然不息而吾人獨欲出離非夫置於盡絕之地埋此身心於萬仞冰雪之中使之徹骨嚴寒以之凍餓大死而復蘇者又何以止烈燄免銷鑠哉故吾師止此而修行菩提覺場且曰其地金剛所成乃極堅固處也其所說法乃性海法門原夫智海無性迷之而爲業爲識故曰藏識海常住境界風所動悟之而爲覺爲智故曰覺海性激圓圓激覺元妙意願衆生同此法性之原妄有動靜迷悟之別欲令吾人卽動以觀靜卽迷以照悟不爲魔外之感所傾不爲境界之風所動非夫據

乎最極堅固之地又何以摧邪外建大業哉
故吾師據此而說法由是觀之吾師之所據
欲吾人之共據也故予有意于那羅延那羅
延堅固也處臨大海儼乎法門居名海印炳
乎三昧語曰於止知其所止吾人止此可謂
止其所止矣又曰里仁爲美擇不處仁焉得
知又曰緜蠻黃鳥止于邱隅可以人而不如
鳥乎

安貧

語曰貧而無諂富而無驕驕則失富諂則獻
貧是故未若貧而樂也貧而樂則無不樂是
以顏子之陋巷原憲之環堵子路之緼袍菜
公之帶索豈無所樂而樂哉苟得其樂則雖
天下不易已也噫宜乎許由務光嚙缺披衣
而荷決絕之行焉孔子亦曰飯蔬食飲水樂

新九

五

亦在其中矣不義而富且貴於我如浮雲

學要

嘗言爲學有三要所謂不知春秋不能涉世
不精老莊不能忘世不參禪不能出世此三
者經世出世之學備矣缺一則偏缺二則隘
三者無一而稱人者則肖之而已雖然不可
以不知要要者宗也故曰言有宗事有君言
而無宗則蔓衍無統事而無君則支離日訟
學而無要則渙散寡成是故學者斷不可以
不務要矣然是三者之要在一心務心之要
在參禪參禪之要在忘世忘世之要在適時
適時之要在達變達變之要在見理見理之
要在定志定志之要在安分安分之要在寡
慾寡慾之要在自知自知之要在重生重生
之要在務內務內之要在顛一一得而天下

之理得矣稱理而涉世則無不忘也無不有也不忘不有則物無不忘物無不有物無不忘物無不有則無入而不自得矣故曰天地與我並生萬物與我爲一會萬物而爲己者其唯聖人乎噫至矣盡矣妙極於一心而無遺事矣是故學者固不可以不知要

牧心

安心在乎虛持心在乎平用心在乎照悟心在乎忘心體本虛物欲交錯妄想集積了無一隙是以氣蒸體昏熠熠炎炎而不安矣故曰物撒疏明不撒則不虛不虛則不明不明則不安故安心在乎虛心本如如內外平等其不平者由乎重輕是以愚者重其外智者重其內聖人重兩忘重外者墜重內者矯兩忘者平平則無不中故持心在乎平心體本

明無所不照由其汨昏故有所不照觀夫世人日益其汨昏雖用卒無以自鑒耳故用心在乎照心本不迷由失照故迷迷祛則照泯矣故悟心在乎忘

觀心

觀心第一微妙法門也夫心爲一身之主萬行之本心不明欲身正而行端者鮮矣是故世間一切種種苦惱皆從妄想顛倒所生若顛倒不生則生無生矣無生則雖生而無生生而無生則念亦無念無念則顛倒何起有起則非正觀也正觀則無不正

讀莊子

真宰本無形超然塵垢外忍爾一念迷闖入者皮袋如被裏猿猴左右不自在起坐要奉承飢渴索管待名利爲他忙田園盡典賣更

有一種癡將臉要人愛脂粉摸鼻皮恰似精
鬼怪箇箇都爲他惹下來生債傷嗟今古人
誰肯自驚駭惟有漆園生此味少知解

圓扇說

予已丑夏日偶爲狂士所贖寫墨之東郭

有出扇索書者因信口爲說以記之

大大橫流銷金爍石瓮牖兩間者匙不爲其
燒煮矣嗟乎人者苟得吾反骨以自持之則
食息起居唯命是聽使清涼之樂頓生於肘
腋炎蒸之疾卽解於肌膚蟲蚋之隊指揮而
立退嘖嘖之苦壁畫而潛消又何誇生羽翮
以御冷風乘飛雲而遊六合悲夫涼飈一至
委成弃捐霜露纔興視爲長物是豈非爲而
不宰功成而不居者夫何以與此哉

寂寞說

寂寞之爲言易而履之爲難其自得於心尤
難於履行焉卽滔滔世故無論其低昂然在
古豪傑士或出或處行顯而心隱誠難以概
迹見非夫具趨方之眼而持圓照之鑑者又
何以壯其形容哉噫宜乎楚狂行歌於仲尼
許由掉頭於堯舜雖然豈二子之是而三聖
之非耶是各是其是而以是爲得者原於大
道皆影響耳惡影而和響者其難語寂寞之
旨向道君子有寢處焉

誠心說示曇支

心不誠不明性不靜不定精不聚不完神不
凝不逸志不壹不篤氣不養不和忿不懲不
平慾不窒不寡學不講不博問不辯不通節
不立不堅操不持不勁是故君子之學在重
其所輕益其所損取其所弃得其人

所無故道大德弘身裕名貴超然而無對者也

澤山說

聞之莊生有言曰藏舟於壑藏山於澤謂之固矣然有力者負之而趨昧者不覺蓋言有所藏則有所負無藏則無負矣雖然以無藏爲至愚意有所藏則較不藏者勝焉故曰山懷玉而草木潤川貯珠而岬不枯豈非內有所藏而外有所光者耶是故君子貴藏器於身待時而後用也且夫山之積也厚故高而衆美具澤之積也深故下而衆德歸取象君子又有以焉

覺夢說

幻人方乘一葉而泊幻海之顛將與窈窕之衆居廣漠以休焉適有浮遊先生者觸而問

柯九

八

曰嘻異哉吾觀子之難窮也望其形也飄若雲目其容也淒若冰叩其中也空空卽之也溫繹之而困且深緘乎若悶汎乎若乘擬之而似人非人何居何事而至此乎幻人無以應唯唯默默無知無識無示無說與之寢息坐臥飲食起居寤寐無間者旬日先生心燦意消而將與之俱化先生且行有請于幻人曰子風波之民也願假舟楫即浮遊而之彼岬者以憑師無意乎曰居是何說也子獨不見夢人乎方其長夜之寢也必沈酣顛瞑精神昏替魂慮變惛形若尸解而心若魍魎居不返席而百怪生焉時不加項而千載邈焉至其冥冥漠漠徬徨四顧或登無極之顛或臨不測之淵毒龍在前猛兕在後進之而履危卻之而迫險入之而無罅升之而若墜且

柯九

九

將攀枯枝而挹朽藤加以蓬蒿攢眸蛇蠍繫足當是時也窮心困智出之而無方脫之而無術救之而無人呼之而誰與爲親是何惶惶業業現諸形色而發乎呻吟即有覺者竟何以寧惟其猛然叱吒躍然而起一覺而大寤之回視夢事若依稀彷彿然求之而不得語之而不及也是必將與覺者一笑而釋之矣噫豈獨夢人哉世盡然也先生試將持此自覺以覺諸夢者

醫說贈李高士

余被放之八年癸卯冬偶自曹溪隨緣乞食於淩江水西適有丈人龐眉皓髯訪余於旅泊觀其狀類偉然知爲隱者也扣其業則曰岐黃余是知爲達士也或曰昔人有言達則爲良相不達則爲良醫余謂不然蓋達爲醫

而不達爲相耳何者夫相之任燮陰陽而葆元氣劑衆物而仁群生致人君於泰定措天下於乂安此其職也而未必盡卽盡而功未必忘以其先已後物因利輸忠且必外假人主之權資衆多之手以濟其事况兢兢於得失是非榮辱之場終身卒業而道未必光日夜營營勞神焦思以至戕生傷性老死而不悟者衆矣奚其達若夫醫則反是其職也以命爲任以仁爲心以義爲質以物爲己以去邪爲務以正氣爲理以經爲度以權爲用故其治也必致心君於晏然措四肢於調適凡遇危履困運獨斷之智持特立之操不惑於衆口不避其群邪多方緩急進退合宜以大中爲準以至靜爲先及其奏效也不計其利不伐其功斯豈爲而不宰功而不居者耶非

天下之至達者又何以與於此由是觀之忘
己之功大忘利之名高不忘者顯報而出罰
兼忘者先微而後著足知忘功者後必大也
嗟乎人者苟能操良醫之心以治國則何國
不治持忘己之心以御物則何物不容物容
則并包國治則兼善此聖人之成功丈夫之
能事也斯則術異而功一名異而實同又何
以顯晦計其等差貴賤擬其神明者哉以丈
人高其行而神其醫余因論醫之秘以贅丈
人之行李冀觀者不獨知丈人之醫且因醫
以進君子之業將施之於天下國家共觀軒
黃之化也丈人達者也知丈人之心則無往
而不達矣

此光樓說

曲阿曰鶴溪爲紫柏本師演化地居士賀氏

新九

士

聚族而奉師最謹有雲峰長者先於丁亥歲
建樓一區以奉三尊越丙申大師過而看之
曰此光又二十年大師入滅已一紀老人自
嶺外走雙徑會大師入塔期取道溪上諸長
者居士見老人如見師悲喜交集齋款連日
有長者子懋謙得承此光未達本有作禮乞
說志不忘也老人欣然謂曰此大師以斯樓
作廣長舌也且盡十方是常寂光一切衆生
用此光於六根門頭照天照地是故山河大
地日月星辰草木人畜鱗甲羽毛無不從此
光中顯現斯則樓卽此光光卽此樓包含萬
象無不融攝居此樓者敬事三寶禮念皈依
罄罄佛號乃至妻子團圞食息起居十二時
中折旋俯仰戲笑譏呵一切動容無非此光
之妙用雖夢想顛倒猶是此光之所發揮苟

能一念知歸則此光固是吾家本有天然自在不從外得如是現成一切受用豈可自昧甘爲光外之人耶懋謙日用真見善能應用不孤本有不唯大師法身常住說無盡法門盈耳洞心卽可不出塵勞端居極樂矣又何於光外別見此樓耶卽老人此說大似日下挑燈畫蛇添足耳士其識之

無情佛性義說

予養痾匡山閉關謝緣空一子扣關而請曰某甲乞食人間聞士君子談佛性義有不信無情說法者有謂衆生佛性各各分具如大海漚不信圓滿具足者願請大師爲決所疑予曰固哉此義甚深難解難入非宿具上根種子者未易信也卽其所見亦佛所說但非了義之談耳苟不證信了義大乘叅請明眼

新九

十二

知識未悟唯心之旨者則鮮有不作如是解也無情說法教有明言華嚴經如來出現品云辟如諸天有大法鼓名爲覺悟若諸天子行放逸時於虛空中出聲告言汝等當知一切欲樂皆悉無常虛妄顛倒須臾變壞但誑愚夫令其戀著汝莫放逸若放逸者侈諸惡趣後悔無及諸天聞已生大憂怖慚愧改悔且天鼓音豈有情耶而能說法覺悟諸天至若光明雲臺寶網各出妙音說偈讚佛乃至塵說刹說此又誰爲舌相耶卽光音天人全無覺觀語言但以光中出音各各辦事且光中之音豈從口出耶是皆無情說法之實證也又若宗門香巖聞擊竹以明心靈雲觀挑華而悟道又從何善知識口門而入耶又云衆生佛性各各分具此亦教中有說但爲三

乘劣機覆相之談非究竟一乘極則語也卽
如華嚴經云我今普見於一切身中成等正
覺且毘盧遮那一佛也一切衆生非一人也
若衆生佛性各各分具則一切衆生各成一
佛是則齊成有多佛矣若止一佛且是各具
又何言一切衆生身中成正覺耶又云奇哉
奇哉一切衆生具有如來智慧德相然如來
德相法身全體也衆生具有豈分具耶三祖
云圓同太虛無欠無餘此言人人與佛同體
非但言佛也圓覺經云一切衆生皆證圓覺
非特具也故阿難云我與如來寶覺明心各
各圓滿所謂諸佛法身入我性我性還共如
來合一月普現一切水一切水月一月攝一
室千燈光光交映如此圓滿廣大法門昔二
乘在座如盲如聾宜乎曲見驚怖其言而不

第九

十三

信也惜乎俗諦學佛法者多習口耳知見未
有真參實究工夫未悟廣大圓明之體卽有
所見但認昭昭靈靈識神影子把作實事且
又執定血肉之軀封爲我相其實未開隻眼
故生種種分別以權說爲了義以已見爲究
竟耳今不必論無情說法不說法佛性各具
不各具豈不聞法界觀頌云若人欲識真空
理心內真如還徧外情與無情共一體處處
皆同真法界但將此偈蘊在胸中一切日用
六根門頭見色聞聲處一印印定久久純熟
自然內外一如有情無情打成一片一旦豁
然了悟是時方知山河大地共轉根本法輪
鱗甲羽毛普現色身三昧心外無法滿目青
山到此方信趙州有時拈一莖草作丈六金
身用有時將丈六金身作一莖草用古德示

衆云大衆見麼即今十方諸佛歷代祖師一齊向老僧拂子頭放光動地斯乃稟明於心不假外也又何向含元殿裏覓長安耶空一子聞說歡喜踊躍作禮而退

四願齋說

經

十四

四願者衆生無邊誓願度煩惱無盡誓願斷法門無量誓願學佛道無上誓願成之四者乃吾佛弟子修菩薩行者之所發也然菩薩非別人乃大心凡夫於塵勞中有志上求作佛者承教有言若要上求佛果必須下化衆生欲化衆生必先志斷煩惱欲斷煩惱必先廣學法門故此四事相與而有衆生乃佛之對也煩惱者衆生之本也法門者治煩惱之藥也以衆生無邊者因煩惱無盡也以煩惱無盡故法門亦無量也難度者願度難斷者

願斷難學者願學三者既能則佛道雖無上亦可成矣是所謂四弘誓願有大心者方能發此大願具大願者方能建大業立大功成大名是皆以大行資願非虛願耳是四者非假外求乃求諸已而已矣何以明之以吾人自心本來是佛與衆生元無二體也因一念有我我一立則敵我者皆人人又一我衆我聚而衆生成矣衆生所本本乎煩惱煩惱堅執則我相益固我相固則人不亡我喪則人不立人不立則煩惱空是則我心煩惱若盡則返觀人我如空華耳我若空華則覓衆生若邀空華而結空果彼此求之了不可得矣所謂煩惱盡而衆生空斯則不度而自度矣是相與而無也然舉世之人莫不有我有我者皆以煩惱煩惱用事非真心也然煩惱者

經

十五

情也若斷煩惱而以煩惱之心斷之是借賊兵而齎盜糧也以情入情如以火投火名曰益多求欲斷之不可得也故不得不學法門耳法門者乃出情之法爲消煩惱之具所謂空法也空法者佛之心也所明之事佛之行也學佛者以吾人之心體佛之心以日用之事効佛之行是以自心之佛心學自心之佛行斷自心之煩惱度自心之衆生則如湯消冰不勞餘力矣是則四顧固難若返求之吾心中無不具足自不假於外也若知不假於外則吾人現前此身是有我也近而一家之兄弟妻奴遠而天下國家生民物類皆衆生也返求自心現前日用若以煩惱之心而爲之然於自身六鑿相攘况家齊而國治天下平乎苟即此一念現前以空法而用事則念

念煩惱轉爲智光照了衆生同歸自性則與佛同體此則煩惱空而衆生盡衆生盡而佛道成民胞物與浩然大均又豈願爲徒設哉由是觀之出世之法在卽世而成吾人自今已往凡所作爲無論致君澤民未嘗一事一行不出四弘誓願無非成佛之行豈特爲操虛尚事耳目寄興而已哉某以此見志其有得於此乎

感應說

佛說一切世間善惡因果報應如影隨形毫不可爽而世人^{卅九}不信者謂爲虛談^{卅六}孔聖安命之說世有信者每每推算但求福利勝事則喜而惡聞其災患此惑之甚也殊不知死生晝夜三世輪迴如昨日今朝之事耳請以近事喻之譬夫請客凡設席之物無論精麤豐

儉色色預備現成則臨時陳列一一具足若
少有欠闕必不全美此一定之事也人生一
世正報身命延促依報家產資財功名貧富
貴賤秋毫皆是前生修定今生所受用者不
從外來盡是自作自受耳故曰若知前世因
今生受者是若知未來果今生作者是世人
自恃智能才技可以致功名富貴殊不知功
名富貴非才智可致以吾前世修定今世偶
因才智會合而然故得之而喜者惑也又吾
固有之富貴功名而爲人之所破壞者則疾
怨其人深恨其事殊不知我之福量所包者
止此其破壞者皆非我分之所宜有亦或少
欠彼人而失之以爲憂者則反怨天尤人以
致結冤而不解者過也是知孔聖之安命卽
吾佛之因果若知安命則貧富得失一切委

卷九

七

之前定皆我自造則窮達壽夭皆吾命之固
然若明信因果則今生受用一切皆我前世
修成元非他人之可與亦非智力之可能卽
有才智而致之者亦是我分之固有也如此
又何計較得失而勞苦心慮妄積恩怨於其
間哉若明智之士的信因果報應不必計其
前之得失但稱今生現前所有以種未來之
福田如世之農者擇良田而深耕易耨有種
及時則秋成所獲一以什伯計此又明白皎
然者在所種之田有肥瘠之不同耳佛說
供養佛法僧三寶爲勝田孝事父母爲敬田
濟貧拔苦爲心田吾願世之智士不必計已
往之得失但種未來之福田苟能省無益過
度之費節身口侈靡之財種之於三田之中
不惟增長未來福德莊嚴則將現世亦身安

心樂爲第一福人也若能種福於三田再能留心於佛法以念佛而消妄想以慈悲而轉貪瞋以軟和而化強暴以謙光而折我慢如此則是大心菩薩之行也居士果能信此當稱最勝勇猛丈夫

張孝子甘露說

余嘗讀方外志謂混沌初分而人始生體有光明飛行自在吸風飲露不產五穀泉涌露降凝結如脂名曰地肥味若醍醐人食之甘嗜而無厭其體漸重不能自舉故地肥薄而五穀生五穀生而地肥絕矣人始穀食而情竇鑿欲火生故醇氣澆而露不甘泉不醴俟聖帝明王出天德合而醇氣守者故甘露降醴泉涌時則爲禎爲祥爲靈爲瑞感於人而應於天由是觀之今之瑞古之常也堯舜之

詩

大

世數致焉三代無紀春秋不載至西漢武帝降始以爲年嗣是代有之我明洪武八年聖祖詣齋宮祀上帝甘露降於園邱之松杪凝枝垂懸其狀如珠其甘若飴乃敕群臣採而啖之命爲詩歌制論以紀之世廟亦然是知甘露之瑞皆見於王者之德而未聞降於野今龍山張子鳴球以篤孝感甘露降庭槐香美異常經旬不散其故何哉嘗試論之孝者天之經也地之義也民之行也孝德至而中和之氣育中和育而醇氣守醇氣守而天德合天德合而禎祥應故甘露降醴泉涌也夫孝一也自天子以至庶人本無二致第心圓而氣足者應之速久近亦然余故謂張子之孝自有所不知故禎祥應之如此久而說之者猶有所未至也嗟乎人心之溺也久矣然

靡不有此形有此形靡不有此性性既盡而
孝德全而禎祥應而人有若張子者一孝興
於家百孝興於鄉千萬億兆興於國以及於
天下則人不減聖事不減古而天下國家可
登於太上混茫均享華胥之樂吾將必謂露
皆甘泉皆醴而飲啖隨宜不俟謳歌鼓腹又
何以瑞應爲哉

不遷字說

門人梁四相稽首作禮乞表其字余字之曰
不遷意取肇公論旨也余少讀肇論至旋嵐
偃岳而常靜江河競注而不流野馬飄鼓而
不動日月麗天而不周茫然莫知所指萬曆
甲戌行脚至河中與道友妙峰結冬於山陰
道院因校刻此論恍然有所悟入及揭簾觀
風吹樹葉飄颺滿空乃自證之曰肇公真不

吾欺也每以舉似於人咸曰遷中有不遷者
余笑曰若然則爲理不遷非肇公所謂物不
遷也然既曰卽物不遷豈捨物以求理釋動
以求靜哉梁生諦四相然萬物靡不爲此四
相所遷而不遷之物非常情所可測識獨肇
公洞見肺肝今梁生歸心法門其有志於此
乎苟得不遷之妙則日用現前種種動靜閒
忙逆順苦樂得失勞逸利衰毀譽以至富貴
貧賤大而禍患死生則了不見有纖毫去來
相也卽釋迦之分身觀音之隨應普賢之萬
行莊嚴乃至世出世法一口吸盡又奚止於
現宰官身而說法者乎由是觀之堯舜以之
垂拱伊呂以之救民顏子以之簞瓢孔子所
以無入而不自得也子在川上曰逝者如斯
夫不捨晝夜嗟乎夫子此語真長夜夢中木

鐸也肇公引而伸之老人以此字梁生能無負此語可稱聖門的骨子况法門乎

黃用中字說

黃生元衡余字之曰用中因爲之說夫中非有體安可用耶以衡視之其中自見然衡爲

初九

子

天下平萬物之準也人之所必信可不言而喻惜乎人知衡之可信而不知其用中在是猶凡人知食之可飽而不知可飽者味耳以味精而食麤也故曰惟精惟一允執厥中不知味則不知精不知中則不善用能用其中

始稱大用黃生志之

歐嘉可字說

歐生與際遠來謁余少年勤苦余見而嘉其志因字之曰嘉可凡曰可者訓爲僅可僅則有所未盡非也夫人之欲于心者可則嗜之

不可則厭之且心之嗜慾不盡不止亦有欲

盡而不止者豈曰僅哉是古今之人雖在可

中而不知其可也獨禪門向上一路以心印

心謂之印可在聖人則曰無可不可然無不

可者則無有不可者矣故舉世之人與物世

與時時與命皆有確然不易之可苟知其不

易之道則窮達一際險夷一致出處一時如

斯則無不可者矣人能洞見此可則無往而

非所遇也歐生知此之際名爲實際實際豈

小可哉

初九

子

士修字說

鄭生尚志問字于予予字之曰士修蓋志於道非修不足以盡道然道在吾人本來具足無欠無餘良由物欲葑蔽而失其固有以致六鑿相攘六官失職此愚不肖者所不及即

有志者又或賢者行之過智者知之過聖人所以折衷之抑其太過引其不及歸於大中至正之體以完其本有不失其天真故謂之修耳非舍此之外別有修也故曰修道之謂教是知聖人教人非有益於人也但就其所賦而裁成之因其所志而引發之以至於日用見聞知覺之間起居食息之內無非本明獨靈之地苦於夙習而障之故卽其所明以通其蔽如目爲色蔽卽色以通之耳爲聲蔽卽聲以通之舌爲味蔽卽味以通之鼻爲香蔽卽香以通之身爲觸蔽卽觸以通之意以知蔽卽知以通之洗其夙習而發其本明譬如磨鏡垢淨明現然鏡明本具非因磨洗而增益之也以其所習者道故用志以救之苟無專一不拔之志必爲習染所奪而日流於

顛暈邈然而不知返不足以爲人矣又足以稱士哉故子曰士貴乎志志貴乎修也爲士修說

徐子厚字說

徐生天載作禮請字余字之曰子厚因爲之說曰天乃吾性之本然者而言載者義取性能載物也傳曰致中和天地位焉萬物育焉蓋中乃性之體和乃性之德也吾人能致盡其性則體周而德廣則能位天地育萬物此特性分之固然第此性雖本具苟非所養則不能極廣大以盡精微故余取其厚者意欲深其所養以重其厚方能持載而不遺故曰風之積也不厚則負大翼也無力水之積也不厚則負大舟也無力然吾人本具性德雖天然廣大自非積養深厚則負大任也無力

是故古之豪傑之士賦特達之才者靡不刻
苦勵志以淬其利器以待天下國家之大用
以建千載不朽之大業所以光照百世澤流
無窮所謂源遠而流長厚之至也以其性為
天地萬物之本故能盡其性則可與天地參
方盡丈夫之能事能事畢則可名為人否則
與物同腐朽又何以稱丈夫哉是以聖人處
其厚不處其薄居其實不居其華去華取實
厚之道也故余字之曰子厚子其勉之

容我字說

天地至大萬物無所不容而且曰容我豈我
獨不能見容哉雖然必有說矣昔人有云誰
云天地寬出門惟有礙是亦有不能見容者
非天地不能容我由我不能容於天地耳是
以聖人并包萬物而不為己有不為己有是

柯九

三三

無我無我則無物無物則無物與敵無物與
敵則物我忘物我忘則物皆我物皆我則我
混於萬物矣以其混同故能容我此聖人之
能事也唯忘機者似之故以此字李文人

謝汝忠字說

軍貢孺子名曰上嘉請余為字字之曰汝忠
謂移孝于忠固上之所嘉者也以孺子得丙
而生丙火象君德也陽明而剛正外剛而中
柔德之實也故曰柔嘉謂陽剛而陰柔君剛
而臣柔此上下之正天地之和也以大來而
小往陽求陰陰入陽故在卦為離為火在人
為心為目心精而溢於目目視而主於心內
外一也故君之求臣如心之于目臣之事君
若目之於心是則內外一而用不異德合而
功成故可嘉也否則殆已所謂耳視而目聽

則天君失守五官失職求其嘉也詎不難乎哉是知人臣之事君若目之聽命於心者忠之至也故予因其嘉而益嘉之以忠固可嘉也予觀孺子神邁而骨駿氣和而心泰大人之質也語曰大人者不失赤子之心也其實則預秉大人之象業已見乎儀容體貌之間即仲尼之爲兒戲陳俎豆設禮容豈非天有所授而人有以成之耶先生以是月送孺子進小學即詔此名子字之曰以忠先生欲予書此藏之珍襲將爲孺子之左券云

覺之字說

方遺民氏從父宦遊衡禮予問出世法因請法名詔之曰福心以心爲福田之本衆善之所歸如膏壤而生百穀也復請字字之曰覺之以佛者覺也古德云即心即佛以此心本

即心

即佛

來是佛因迷之而爲衆生是迷覺之變也吾人日用現前一念覺則一念佛念念常覺則爲常住佛不覺則永墮迷途失其故有如人有目而居暗室一無所見所謂顛瞑而不自覺者也以心是福田以覺爲種子日用不覺如有田不耕安可以望有秋乎吾故曰覺之覺之者種福之本也方子能覺則不辜本有乃福之大者也

讀達師洞闢字說

洞闢之語則遵文殊擇圓通以觀音耳根爲勝又以普賢心聞洞十方爲準則一以耳圓一以心洞也若在老憨分上看他虛空與眉毛廝結比比說法萬象皆聞則三大士一場懺懾而紫栢此語亦無地可寄矣此處透得方稱洞闢

與堂主天香更字無隱說

堂主明桂舊字天香請海印老人易之以其近於俗也老人笑而應曰名是假名况真非可名凡可名者皆俗耳因而罷去一日偶詣丈室白曰弟子夜來夢師為更其字及問字

何元

于五

何乃忘之矣老人復大笑曰生死涅槃皆如昨夢然所可名字者皆夢語也善知諸法如夢則一切名字語言無非夢事苟觀法如夢則佛法常現前因語之曰無隱意取分明目前六根相對無非佛事且如靈雲見桃華而悟道香巖聞擊竹以明心此皆即聲色門頭而實證者山谷道人依晦堂和尚乞指捷徑處堂曰祇如仲尼道二三子以我為隱乎吾無隱乎爾太史居常如何理論公擬對堂曰不是不是一日侍堂山行次時巖桂盛放堂

問曰聞木樨華香麼公曰聞堂曰吾無隱乎爾公釋然即拜曰和尚恁麼老婆心切此乃者俗漢從香塵而得悟入者堂主莫道從香塵而入者可字無隱其他又有隱耶仲尼又曰吾無行而不與二三子者是丘也參

虛懷字說

五臺竹林大師入滅之明年戊午門人大謙遠來匡山求予為塔銘公授業京都西山碧雲寺碧雲為玉城勝刹四事之豐第一享僧中最勝欲樂者公能捨此而之寒巖冰雪中親近知識潛心佛法竹林門人以千百計獨公以末後光明不朽為念其存心重本可知已及予與坐談扣其所蘊專注理觀謹於律行則其所趨又非世諦碌碌者比予甚嘉之先字愈光子嫌其銜也乃為更之曰虛懷益

取其虛心而能受益也良以衆生長寢生死而不寤者直以沈頤五欲積習濃厚煩滿胸襟故凡所舉措皆爲業資以其執而不化其所有則積垢益深垢益深而業益重積迷不已而苦道愈長終無返省何光之有究其所以其心不虛之過也斬九聖人虛已以遊世者以能捨其所執耳所執既捨則心自空空境則境自寂心空境寂則物我兼忘我忘則無能執之心物忘則絕所執之境斯則心境求之了不可得虛之至也其懷若此則超然獨立而與道同遊又何一物之可拘纖塵之爲累乎然以無有入無有妙行冥符橫身爲物所謂不起滅定而現諸威儀此至人涉世之能事又豈止勞謙而已哉蓋光而不耀者也

聶應如字說

聶生遊於遠觀禪師之門師字曰應如子觀其字因知師所以授生者最上法門也乃爲之說夫如非相似之說蓋直指吾人本體而言所謂真如者乃一心之異稱也然真則不妄如則不變故名真如以其心光明廣大湛若虛空其體寂然乃至日往月來昏明柅代雲行鳥飛風動塵起四時循環日夜無隙種種變幻起滅不停而空體凝然寂然不動吾人稟此真如之性賴以成形而爲妄想遷流榮辱憂喜好惡喜怒疾疢禍患乃至死生代謝種種變幻而爲遮障是則自體本如而今不如矣故禪師因其固有而導之曰子應當如故曰應如謂本來自如而今不如欲復本有不必外求但當如耳苟如其本如更何如哉是知吾人聖凡不隔端在迷悟如與不如

斬九

三七

之間不如則凡如則聖矣般若云所言如來者卽諸法如義由是觀之不獨心體本如而一切諸法近取諸身則四大六根細而披剝則三十六物內外皆如遠取諸物則山河大地鱗介羽毛草木微塵極盡世間一切相狀靡不皆如故曰青青翠竹總是眞如鬱鬱黃華無非般若以此而觀則諸法本自如如諸法既如又何好惡當情取捨而爲生死之業所留礙哉所謂萬境本閒而人自鬧若能轉物卽同如來物轉則心境皆如物我兼忘聖凡平等生死去來如夢如幻與吾靈覺之體有何交涉是故吾人有志出生死者應當如也故曰應如子其識之

何希有字說

何生字希有篤志向道人能向道誠希有也

若眞能見道則更爲希有余嘗讀金剛經至空生嘆世尊曰希有余甚疑之及尋其未歎以前並無甚奇特亦無玄妙語唯言世尊者衣持鉢飯食經行洗足敷座而已更無別奇特也空生何所見而驚歎若是此語千載上下佛祖註解不破忽被空生看破世尊行履處不覺失聲乃爾何生希有果何所見而希有耶苟如空生看破世尊處看破自家屋裏此蓋家常日用過活事耳更指何法爲希有法何事爲希有事耶儻未著眼但以文字相柯九而爭誇讚歎之恐他日回頭一覩則見又不于八希有矣何生乞法語以老人無法可說故因其說而說之以此

香林字說

大都慈善長老名眞孝達師字之曰香林請

予爲說余居五羊時見西洋番舶載旃檀至詢其所產則曰產香之國最毒熱而多巨蛇其蛇自毒熱莫可解獨賴此香以解之故盤附其上以得清涼香因蛇毒而亦盛且其樹孤生生處不生衆草獨香成林故古德云旃檀內絕凡材今達師以香林美孝字豈無謂哉惟我釋迦本師出世說戒定慧三學獨專於戒戒品甚多獨尊梵網大戒此戒乃是教菩薩法非金剛心不能持之伏觀經開戒品以孝爲本故經云孝名爲戒謂孝順父母孝順師僧三寶孝順至道之法孝順一切衆生且律載戒品羅列五百細則三千威儀八萬細行佛獨指孝字爲本意謂佛子能盡此孝則一切戒品一心具足此豈非若旃檀孤生三毒熱惱燒炙身心無可解救至依于戒乃

斯九

三九

得清涼豈非若旃檀能消蛇之大毒耶孝生於衆生熱惱心地自體清淨以消煩惱煩惱逼而戒光圓豈非若旃檀生於毒熱之地自體清涼而因熱毒以成其香耶一孝全而衆戒滿戒滿而孝愈真如旃檀林故曰香林以之爲名不亦宜乎此乃達大師不說而說也余說爲贅

堅白字說

壽公爲京都住持雅志向上喜近知識雖未游歷百城而諸方名行尊宿至者無不隨喜可稱坐叅往親吾法兄古梅法師深器重嘗以堅白字之予因爲之說曰佛性之在纏如摩尼之墮溷蓮華之處泥不爲煩惱穢濁所昏不爲五欲淤泥所污蓋其自性天然本然清淨光明皎潔若此也而人者見穢濁而

不知摩尼之光明見淤泥而不知蓮華之香
潔是以汨汨塵勞而不知自性之圓明也公
生長塵中矯矯有出塵志心期極樂厭離生
死是果一念孤明應緣常照方且卽塵勞作
佛事轉穢邦成淨土又且直以堅白同異目

之哉雖然志不磨不堅心不洗不白吾人志
不堅磨以忍心不白洗以戒若忍至無生戒
歸自性自性清淨卽所謂磨之不磷者是也
若磨之不磷則涅亦不緇矣堅則不壞白則
不渝不壞不渝實相常住淨土無量壽義在
是乎公果以吾言觀自心則懷中之物當自
現前是不負其親友也不然則不獨負他人
抑且自負公其勉旃是爲說

自性說

嘗謂人生而主之者性性一而品不一至有

聖賢之分者以有生知學知困知之不同由
夫習之厚薄故成有難易生知之聖故不世
見學困之知正在習之厚薄耳故曰性近習
遠其是之謂乎吾人多在學地其用力之功
不必向外馳求當知自性爲主于此著力不
能頓見自性當驗習氣厚薄切磋琢磨于根
本處着力譬如磨鏡塵垢若除光明自現吾
人日用工夫最簡最切無過於此故曰學道
之要但治習盡而性自盡耳以其自性本
明更無增益唯在人欲障蔽貪瞋癡愛而爲
種子沈湎其中故爲所困是知困非窮困之
困蓋爲惡習所困耳孔子曰不爲酒困此特
被困之一端凡厥有生所困非一不爲諸障
困便稱大力量人故學道人第一先具勇猛
根骨如一人與萬人敵大似李廣單騎出入

新九

十

虜庭吾人果於聲色貨利物欲場中單刀出入足稱雄猛丈夫以此言學但於不困處便見自性非是離困之外別求學知之功也所以禪家言立地成佛者乃頓見自性而已非是別有一佛可成佛者覺也即自己本有光

柯九

手

明覺性能見此性立地便是聖人到此則不見有生學困知之異始是盡性工夫此性一盡則以之事君為真忠以之事親為真孝以之交友為真信以之於夫婦為真和施之於天下國家凡有所作一事一法皆為不朽之功業所謂功大名顯者無他術由夫真耳已酉冬暮予舟次芙蓉江上章舍黎子見訪觀其光儀瑩然冰玉溫厚和雅是其多生遊心性地習氣消磨故發現于形儀之表者如此即從此增進用力不已直至私欲淨盡之地

聖賢不期至而自至耳若夫功名事業如響應聲似影隨形猶歛唾之餘耳故曰道之真以治身其緒餘以為天下國家是皆自性之真光非分外事也君其志之

懋山大師夢遊全集卷第三十九

音釋

鏢式灼切 闖丑禁切 馬烏貢切 噉上楚切
下作 督其候切 懋其候切 葑方中切

慈山大師夢遊全集卷第四十 軻十

侍者福善日錄 門人通炯編輯

疏

五臺山造沉香文殊菩薩像疏

伏以清涼勝境爲萬聖之道場大智文殊乃
七佛之師表迹垂震旦道化娑婆作衆生之
福田開人天之眼目皈依者福等恒沙禮讚
者德超塵劫況復鏤形範像布施莊嚴者哉
山僧某濫叨形服幸託靈山居中臺之極嶺
開十方之梵刹感大士之威光裂多生之業
網由是發心願造沉香菩薩一軀請置本山
供養前來南粵時歷三秋弔影南遊途經萬
里愧福輕而緣薄且事重而人微荏苒因循
向無寸効今日幸逢南華之勝會仗六祖之
慈光攝四衆之高人結十方之善果伏願貴

官長者達士名流頓開智眼剖破慳囊捨心
香一寸而價重三千嚴法身一毛而福延萬
劫儻三十二相而多人共成則百千億身而
一時頓現如是則人人盡歸金色界個個同
熏般若香功德難思福緣無量謹疏

廣城西小福園募齋糧疏

切以出塵離俗不妨迹繫人間借假修真自
信心超世表但以五行現在四事應須無能
感動天人必欲仰資檀越山僧某挂錫五羊
城外藏修小福園中六時禮誦刻白社之蓮
華三業精勤揭青林之貝葉惟以杜緣日久
時值歲凶貴賤同災賢愚一劫閉門連日獨
看瓦釜生塵兀坐經旬誰問香厨絕粒既難
分衛未免循方是以不惜千里辛勤普化十
方長者幸生歡喜大破慳貪即一粒而至百

千萬粒共積須彌以一人而引百千萬人徑
歸寶所即搏食而為法食功德難量變熱惱
而作清涼福田無盡金剛種子普布人天般
若舟航齊登彼岸逆來順受虛往實回若能
滿載而歸不負望風而至勝緣儻遇嘉會不

常願隨發心諒無虛棄謹疏

造旃檀香佛疏

伏以法身非相托有相以明心妙行無為在
即為而見諦苟非藉假修真何以轉凡成聖
惟我如來應世道化無方捨已從人隨緣利
物建言靈鷲開優益之名華遺範閻浮刻旃
檀之瑞像遂使見聞瞻仰同出迷途禮念歸
依共登寶所爰自金光東曜白馬西來觀像
教以興心用莊嚴而表法所以琳宮徧支那
之境紺像滿祇樹之園尊崇者自天子以至

十

二

庶人悟道者若王公及乎群彙靡不布金殷
重割愛投誠修行八萬四千門作福第一南
朝四百八十寺靈隱居先山從西竺飛來猿
向洞中呼出境同兜率勝出人寰山僧某蚤
離塵俗託迹名山樂蘭若之清修志頭陀之
苦行但以根機下劣未副上乘仰蓮社之高
風效優填之故事敬刻旃檀香像安供菩提
道場借以熏修依為淨業像高尺六表丈六
之法身普化十方植三祇之佛種然雖人人
即佛須見佛而發心縱使個個有緣必遇緣
而成就山僧不辭萬里遠至五羊跋涉艱難
辛勤勞頓顧茲南粵嶺表名區奇珍畢集乃
商賈之稠林山水鬱盤實文章之淵藪況此
殊勝切德計所費不多豈無英靈豪傑脫體
承當定遇勇猛丈夫全身擔荷由一人而勸

十

三

十人百人衆輕易舉從一分而至百分千分
聚少成多雖因一佛以化多人多人各成一
佛伏願貴官長者達士高流共生歡喜各發
誠心直須打破慳囊勿使當面錯過捨身外
之浮雲作自心之真佛但能一念有迴光返
照便見四八妙相端嚴優曇華再現三千菩
提果頓超曠劫功非虛設福不唐捐惟決信
不疑徑登寶所

修南華寺祖塏疏

佛土莊嚴雖是人天善果淨土布施即爲般
若根基若非推果尋因須要求田下種但看
目前世事豈有我作他收何勞分外馳求定
是自修已得千年田地曾言八百主人三十
氣消始恨一生空過何如六祖真身直至而
今未壞十方常住應知歷劫不磨香煙塞漢

顯自性之光明寶塏凌空現唯心之淨土但
以煙雲幻化誰保精色窮年風雨摧殘頓見
柱根破敗若不乘時急救誠恐異日難支苟
能革故鼎新便見轉凡成聖切念功非一力
假衆力以合成事屬多人種各人之福果一
軌片瓦皆爲最上良因粒米文錢盡是菩提
種子只願隨心元無定法儻有勇猛丈夫亦
任一肩擔荷將小就大接短補長同成一味
醍醐圓滿十方海會便見七層妙塏涌現在
於空中多寶全身入禪定於座上人天歡喜
鬼神欽崇祝聖壽以無疆鎮皇圖於億載頓
使西來祖意重拈出於天南東粵宗風再闡
揚於嶺表優曇華現於三千金剛種培於百
億功勛莫算福利何窮願智者早發誠心冀
功果速完當下敬持短疏普告十方儻遇有

緣請顯芳姓

重修曹溪祖庭殿堂疏

伏以如來出世從兜率而降王宮法運開基
自竺乾而來華夏菩提樹下爲成道之場祇
陀林中乃說法之所黃金布地開檀度之門

柯十

四

白馬馱經關昏衢之路開三寶之良謀設一
乘之軌範雖云極則猶在半途既乎跋提示
滅化緣將終乃偃建立之旂翻擊塗毒之鼓
鷲爾拈華發揮要道直指當人之觀體頓見
自心播揚向上之家風發明本性禪道由此
興焉佛法因茲備矣西天四七般若之道大
通東土二三達磨之宗始著自嵩少以瘡源
至嶺南而衍派從此道被寰區化露海寓者
皆我曹溪六祖大鑑禪師之力也恭惟禪師
德秉生知道光前聖遠自跋陀懸識菩提樹

柯十

五

植於宋朝智藥尋流寶林山開於梁代曹叔
良效布金之遺事梵刹聿興陳亞仙捨坐具
之福田叢林大振由是天王降紫泥之詔光
昱林泉名儒施彩筆之文翰垂竹帛華夷瞻
覩史之天龍象蹴經行之路偉哉勝事駕廣
劫之津梁壯矣雄模立萬年之香火真天下
之奇觀實寰中之勝概也自爾慧燈高照破
永夜之重昏法鼓長鳴醒群生之大夢從來
皈依如市崇祀若神歷代相沿于秋一日奈
何盛衰有數興廢由人法化寢微道緣漸墜
僧徒遭魔障以壞清修殿宇被風雨而隳壯
麗柱根腐敗梁棟摧斜慨將傾之大厦殊非
一木所能支嚶未合之良緣必假多人而可
就寺僧某等生叨盛世早入空門託迹名山
忝承末裔朝參夕禮奉真像於當年暮鼓晨

鐘繼香火於晚歲真觀生龍白鳥風氣宛然
悲此破瓦敗椽殿堂頽毀使大士飲煙嵐之
瘴癘如來披霧露之衣裳山色靄清淨之身
鳥語說無窮之偈青蘚徧長廊豈是莊嚴佛
土蒼鼠竄古瓦難云極樂道場境雖觸事而
真人乃即真而俗若不亟其乘屋將恐倏爾
傾湫苟能革故鼎新便見轉凡成聖是以發
弘誓願運廣大心特重開寶地新佛日於中
天冀再轉法輪駕慈航於苦海是以謹擇二
十六年十月望日先啓華嚴勝會選戒僧五
十三人坐千日之長期次化當代名公修殿
堂一十二座祝萬年之聖壽使處處盡是道
場願人人盡成佛果竊念非常之事須待非
常之人希世之功必有希世之哲是以敬持
短疏徧告大檀同修清淨之因共結菩提之

果但以法無定相弘之由人財不拘多施之
杜已嘗聞一滴之水與渤澥之潤性無乖芥
孔之空與太虛之容納匪別離相者福報難
思滯迹者功德不廣儻歡喜發心頓見一毫
端頭現寶王剎若警效彈指即能一微塵裏
轉大法輪如是則使曹溪潤而復漲慧燈暗
而又明優曇華現於三千般若種培於百億
寶林倍價於當年驚領重新於此日贊助者
福壽等於高溪護持者功德同於帶礪布皇
風於八表灑甘露於十方見聞隨喜齊登仁
壽之鄉禮念歸依共到菩提之岫願心既廣
福德無邊仰望仁慈同聲唱和謹疏

修曹溪五代祖師影堂疏

南華禪寺寶林道場六祖真身現在遠磨衣
益儼存由二祖以至黃梅五代之傳至此自

唐以至於今日一派之水隨流爰立五祖之堂用表授受之緒茲者年歲既久苦被風雨催殘月化日遷頓見柱根腐敗若不乘時亟救誠恐異日難支苟能葺故鼎新便見煥然奪目莊嚴樓閣涌現在于目前五祖全身入

禪定于座上人天懽喜鬼神欽崇祝聖壽以

初十

七

無疆鎮皇圖於永固功勛莫莫福利何窮願智者早發誠心冀功果速完當下

書華嚴經接待十方疏

不動一步而心徧十方謂之坐禪不起滅定而現諸威儀名爲妙行是在當人自信不須向外馳求恭聞華嚴大經乃毘盧根本之法輪曹溪古刹爲六祖禪宗之正脈法界是衆聖之玄都叢林作十方之歸宿自古及今雲水高流禮祖而至者無時不有終年竟歲飲

食安居因人而施者一向全無顧我老朽自到茲山最初以此爲念於山門外立十方堂一座資以接納四來其飲食所需皆出禪堂常住奈何一向執事不得其人混集庸流翻成穢土不唯有負初心抑且虛消信施茲者弟子明中發廣大心修普賢行願就本堂安居書寫華嚴尊經一部借此法恩收攝身心即以接待十方賢聖老朽聞之讚歎歡喜而謂之曰昔善財童子參五十三諸善知識猶歷百城今子不離跬步而普禮十方世界諸來賢聖可謂最勝功德何幸生此末法住如是道場書如是大法修如是妙行積如是勝因可謂將此身心奉塵刹是則名爲報佛恩矣所願見聞隨喜者福等恒沙贊助稱揚者功超曠劫何況施七寶而作莊嚴列四事而

爲供養者其福又不可得而思議矣

高州電白縣苦藤嶺建施茶菴疏

伏以人天路上全憑作福爲先生死途中唯以濟人第一嘗聞疾門似澥獨愛富而不敬貧聖道如天但周急而不繼富所以饑者易食故一飯而感千金之饋渴者易飲故壺漿而致扶輪之報此但有情人事尚乃感報如斯何況無爲福田功德豈可思議者乎茲者高州之北神電之南崇山插漢峻嶺橫霄爲澥外之咽喉迺羅旁之門戶當年客旅車軌不得並行今日經商足跡焉能獨往誠名利之畏途實盜賊之淵藪所賴嘉隆之歲已後王師破賊以來變險道而爲坦道易頑風而嚮皇風雖往來有跋涉之勞且進止無豺狼之戒第以炎方赤微瘴厲煙嵐加以毒氣

新十

八

蒸蒸又值溫泉滾滾以致天涯行客如蹈火而赴湯遠戍征人若錯焚而履鑊摩肩接踵聊乘袂以成雲陟巘攀林誠揮汗而若雨屑乾舌燥思勺水如大旱之望雲霓咽餓腸枯得涓滴若消渴而飲甘露況百里而傳一舍窮日而得半食僕夫汗血與馬沾濡舉目無親此苦莫告斯皆貪名逐利見得忘形祇知拈土作金誰解拋甄引玉況夫邊地下賤及蔑戾車俗好鬼而尚淫祠民輕生而喜殺盜雖尺布斗粟而取於人豈粒米文錢而樂施於已此其菩提種子轉見隻枯善根萌芽日嘆腐敗是故惡者愈惡而貧者愈貧迷轉積迷而化更難化比者幸逢當道諸大宰官博愛施仁濟人利物以斯道而覺斯民繼往聖而開來學剏浮屠於郡邑樹最勝之法幢建

新二

九

赤幟於祇園作難思之佛事可謂不世之舟
航迷津之寶筏者也山僧某因弘法而罹難
蒙恩遣於雷陽投萬里之遐荒乃荷戈於電
白爰登苦藤之嶺渴乏高原因思甘露之漿
低回險道偶見苾芻二衆築室道旁乃持香

茗一盃肅恭馬首某也欣然飲泣愴爾興悲

誰知瘴癘之鄉偶值天台之伴即稍憩於林

間遂勒銘於石上比時有茶菴
銘書之於壁由是發願願

於此地大建精藍將即事以明心欲藉茶而

演法自爾歲月云徂候經二載乃於戊戌之

夏遇高州司理萬公邂逅仙羊之城對談靈

鷲之緒言及至此大嘆奇哉遂乞爲護法之

津梁敢請作慈悲之檀越期重建其化城引

衆歸於寶所且欲就穢邦而變淨土將瓦石

以易艸茅縱不勞金碧交輝亦要使法食兼

濟但念功非一力必須緣結多人是以敬修
短疏普告十方託善男信女稽首貴官問訊
長者經商客旅士宦高人伏願發廣大心作
難遭想且人人是佛只要自肯承當法法皆
真何物而非布施不拘多寡無論精麤墜露

可以添流輕塵而能足嶽雖權設門外三車

假名引導使直透向上一路實是慈悲但能

打破怪囊頓見莊嚴佛土往者過而來者息

聊進一盃趙老盞中汎輝輝之白雪渴者飲

而饑者飡強吞七碗盧仝腋下起習習之清

風除熱惱而得清涼解疲勞而消困頓且以

法水而溉菩提之種增長靈苗將善根而栽

般若之田克成聖果從此襟懷灑落去住脩

然可謂極樂之道場名爲懽喜之佛事布慈

風之浩蕩掃盡瘴癘之嵐煙懸佛日之圓明

照破昏衢之幻夢使聞提之輩消除殺盜之邪淫茂戾之儔不墮羅刹之鬼國一人善而多人善善滿邊邦一家安而大家安安攘澣宇同躋仁壽之鄉共覩熙皞之化以斯功德祝聖壽以無疆將此身心禱君恩之罔極福非虛設事豈妄談惟願贊成無勞顧佇謹疏萬曆戊戌仲秋朔旦書於仙城之旅泊齋

重修南雄府太平橋普濟寺疏

伏以嶺表名區一綫引華夷之命脈太平古渡飛虹鎖百粵之咽喉寰中商旅何莫由斯澣外珍奇必經於此悲夫迷津浩劫寶筏誰憑苦解狂瀾慈舟可渡恭惟太平鎮橋普濟寺者勅規徃代事仰前修面迎淩水儼舍衛之恒河背負梅魁宛迦維之祇樹搃南澣之源頭據雄關之勝概誠終古之津梁實長途

十一

十一

之利涉也但以日來月往雨薄風殘世異時遷梁摧棟腐幻華易謝陽燄難留使三寶闕而不彰衆心歸而靡託今者幸逢仁人在位欲革故而鼎新君子存心將救偏而補弊山僧某敢執鐸以揚聲士庶高人冀承風而接響惟其人性皆善必待感而遂通然雖佛化有緣豈不求而自應是以敬持短疏普告十方伏望富貴者竭力用購前世之恩貧賤者施工希植未來之果但願慳囊破處金剛種子露光明愛水乾時般若舟航登彼岸不拘過往無論經商善提種種個個圍成極樂國人可到休言福比河沙且喜心歸寶所功超有漏德載無疆祝聖壽於河山播流光於日月普願霜露所降咸服慈風舟車所通齊瞻慧日如斯利益贊莫能窮請註芳名冀垂不

朽

重建祇園寺疏

伏以十方世界處處盡是道場具眼者能見
八萬塵勞種種無非佛事違心者自知況有
布金之規範遵爲古佛家風嘗思留帶之嘉

謨正是宰官令則但以事隨機會道假人弘
時節難逢良緣偶合茲者祇園古刹剝自唐
朝誌載分明尊崇典祝恨山靈之不守倏墮
荆蕪仗護法之有知忽開茅塞向遭五逆之
子佛祖幾以無依今賴三尺之天神人幸而
有託但以殿宇傾頽金像淒淒風雨香燈泯
沒梵音寂寂朝昏山僧如鑑偶來乞食挂錫
凌江開精舍于恒河敞竹林於負郭但虞大
厦非一木之可成必假高賢合衆力而易舉
拈寸艸而作梵刹自是天帝之爐錘剖微塵

而出經卷除非普賢之作略伏望共出手眼
各賭神通聚少成多由小至大直使鬼神輸
運不讓須彌頓見金碧交輝宛成淨土轉變
隨心受用在已感報以此爲微功德共垂不
朽

湖心寺重建放生普願成佛壇疏

佛大慈悲普度十方盡法界衆生悉皆成佛
故曰如一衆生未成佛者誓不取菩提此佛
度生之願也般若云度無量無數無邊衆生
俱得滅度實無有一衆生得滅度者此衆生

新十

十二

成佛之實證也古今修行願成佛者多而現
在度無邊之衆生者少以各各作念待成佛
後方纔度生殊不知即今現在能以佛心而
度衆生者乃真成佛之妙行也廣度衆生之
行無踰放生一門在昔天台大師次則永明

大師嘗爲吏時將官錢買生放以致不死此目前衆人皆知者自後至今唯雲棲大師能效二師之行其西湖古爲放生池今但濬三潭築隄作池取多分之一耳且西湖從昔以來爲歌舞地實酒池肉林之所今湖中有此三池所放衆生克滿其中是從業澗中變出極樂佛國也而樓船歌舞過其池者曾不返省一觀是猶然醉夢中也一心淨穢苦樂以之如唯與阿相去幾何哉其池有湖心寺寺有三塔寺已建塔未造隄未能防水也予隨喜池上讚嘆玄津法師之慈悲慨其功未底績大有感焉歸夜臥夢行隄上其沙觀足粒粒方面皆有佛字比隨行者不敢措足予曰爾等知大地是佛無下足處此正是汝修行時也因諭衆曰若聚此沙爲佛塔則施者與

所施共登極樂淨土矣覺而思之遂發普度之想謂彼所放之生願彼脫苦成佛也且彼蠢蠢以佛視之況現在人人最靈最明者豈可以衆生視之乎何不願目前易度之衆生先作成佛之想以衆多之願度彼多多之衆生如是不唯所度更廣以合衆心守此池則所守益堅如此行願豈非心佛衆生等無差別之觀乎故設普化之方人施十錢一錢念佛百聲合衆心於一佛集多人成三塔所施者小所成者大是爲福聚功德之澗此則以沙數之佛度沙數之衆生其力更大豈不爲最勝之佛事乎若由此而興起意將來盡此湖爲蓮池則此方衆生無論富貴貧賤一齊同生極樂佛土矣豈不爲妙行哉

重修龍華寺疏

古杭山水靈秀有宋建刹星列鐘鼓相聞而龍華居南屏之西南蓋梁朝傅大士開創千餘年矣司馬溫公昔有祠於此今皆廢矣其地不唯居山水之勝而爲普陀天台之要衝十方雲遊必過之所惟錢塘刹竿相望求行

十一

古

脚息肩之地不易有也前伏牛三空和尚至而愍焉江干居士洪雲泉延之於此勸未成而集者常滿居頃尋罷禪者廣坤發廣大心志願興建爲接待道場丁巳春予偶過此見佛像微妙莊嚴重生渴仰徘徊形勢背御寨而面錢塘最勝處也十方行脚至此正力倦神疲求一暫息而不可得苟獲住足安身滴水露屑如灌醍醐而飲甘露結此功德最勝緣也且見禪人慈悲慨切一時發心善男等各各踴躍乃最勝因也但寺功大而費鉅日

月長而衆多若非廣大檀那作難思佛事未易滿禪者之本願也予感而讚仰爲之開導凡宰官長者居士善男女等果能發希有心生難遭想割破怪囊莊嚴佛土是以不堅之財作不朽之業即捐身捨宅而龍神守之萬

世不絕較之塵世之業千年田地八百主人者何啻天壤哉況作淨土之因緣成當來之佛種冀彌勒下生龍華三會中爲上首眷屬豈不爲出世第一最勝功德哉以人人有佛性各各具夙因定見今日之緣不有當面錯過豈忍寶山赤手歸乎是在諸有智者頓發無量歡喜快著勇猛之力耳

十一

十五

刺血和金書華嚴經發願文

稽首遍法界十方及三際蓮華妙莊嚴清淨微塵刹大覺無上尊分身徧一切演說清淨

澥圓滿修多羅性相了義詮離諸文字相七
處九會中文殊諸大士刹塵數知識清淨賢
僧衆我今布三業敬禮畢竟空惟以無緣慈
照我真實願念我無始來流浪諸生死展轉
處苦趣猶大旋火輪捨身與受身不可思議
數所作諸惡業唯佛自知見今承三寶力儻
來人數中六根賴完具心識多闇冥以宿微
善根早出恩愛海猶入俗稠林如避溺投火
內假善力熏心心願遠離外得法雨潤忽生
清淨芽塵習熾盛故時復見乾枯良哉大善
友與我如天授以此大因緣得出離熱惱同
歸清涼界觀禮曇室尊樂住阿練若最淡寂
靜處心想如猿猴轉見攀緣相般若力微弱
難敵生死軍以是因緣故見行諸事行稽首
蓮華藏圓妙最上乘誓發皈依心盡形頂戴

受曾聞普賢行廣大不思議六種受持中書
寫爲第一骨筆血爲墨經於微塵劫積累如
是經量等大干界我聞如是願難可與等倫
但取血爲墨與金共和書寫大經卷一字
法門澥以此殊勝因苦澥爲舟楫願我此身
血滴滴稱法性融入華藏澥普閻衆生界我
以手書持點畫心自在願此虛幻身恒得金
剛體身似紫金山端嚴最無比聞名及見形
心性大喜悦手如大寶聚恒出世資財七寶
及四事種種皆充滿十方方法界中所有諸衆
生貧窮及病苦所求皆如意願我成佛時國
中極清淨純一上乘人無諸惡道苦恒演此
法輪極盡塵界劫我生末法中信心力微少
恒與癡益俱難逃生死業善根未成熟儻落
輪回中仗此殊勝因不墮諸惡趣常生淨佛

土不離三寶前早悟自性空頓超諸有漏凡
所作所爲永離三毒障我以願力持直至未
來際願我此經卷三災不能壞彌勒將下生
光從此經出普照十方界六種大震動彌勒
下生已初坐龍華樹此經從地出踊在虛空
中字字出妙音說我本所願天人百萬衆咸
稱希有事我時在會中爲演真實義佛佛出
世間最初三七日咸演大華嚴我當機第一
我身雖幻妄從父母所生依此虛妄根作成
真實事願父如淨梵母如耶夫人諸佛下生
時依我父母出師長度脫我法恩最上尊願
諸佛會下我師爲導師我友最誠諦提挈行
正道願友如文殊作第一知識檀那大信力
廣施大資財願此諸智人永離慳愛苦諸佛
出興世最初請說法不惜身命財廣修衆善

柯十

十七

業我作如是行仗諸執持者願此諸賢聖生
生常不離隨在何佛國共興揚佛法凡諸見
聞者讚嘆及稱揚纖悉善因緣同歸華藏解
我發如是願廣大不可窮極盡未來時究竟
心圓滿

放生文

生自生矣何以放爲又何以放生爲佛事耶
裴休有言曰血氣之屬必有知凡有知者必
同體故曰蠢動含靈皆有佛性以性即佛故
殺生者即爲殺佛非曰殺佛謂殺生者無慈
悲心即爲斷佛種性矣然彼蠢蠢之生將謂
可殺殊不知自己本有明明佛性豈可斷耶
以不殺之心慈悲心也慈即名仁悲即不忍
不忍之心仁之端也故見生不忍見死聞聲
不忍食肉聖賢之首唱奚獨佛氏哉儒以素

位故但遠庖廚佛以平等行慈故普及一切
第放生者有執相忘相之差而劫之者不無
放生殺生之弊故法重忘相妙在隨緣宗本
無住功嫌有漏果能過緣即宗則觸目生機
逢場佛事物頭頭皆喜捨之門念念心心
盡慈悲之境又何必拘會約以執功勛設限
期以嚴規則哉明禪人久含此願願以此行
之則慈悲日溥化境日寬持之十年當有無
量童子而作供養復何疑哉

祭陸太宰五臺居士文

嗚呼受靈山之密囑來濁世以利生其來也
不來故不露本來之面目即其去也不去唯
留生鐵之心腸八十餘年逢場作戲恒沙妙
德遇佛即宗以佛心而事君惟君爲佛以真
心而愛物惟物即真故生平向上事不離懺

軒十

六

頭角邊臨行末後向委付兒女子輩惟公現
宰官非宰官之身愧我作比丘非比丘之相
然雖道路各別其實養家一般感公將行未
行之際飛半紙嶺南之書令我於空不空之
中引一滴曹溪之水作甘露之供獻灌頂之
尊嗚呼平湖滿月觀清淨之法身天樂盈空
吐廣長之妙舌納斯法味用鑒蓬心尚饗

祭大中丞順菴胡公文

嗚呼痛哉公其生耶死耶反復求之而不得
其故也忽聞公訃適言公死及讀公易簣詩
則公明以不死告人而人不知唯我明明知
公不死言之而恐人之莫我信也嗚呼悲哉
顧我與公偶爾值於大化之中三十餘年如
一日益亦奇矣始而遇公於首陽之野一見
而心莫逆驟爾語公以一禍福齊生死時則

公已怡然有當于心既而再索我於清涼之
山踟躕於千尺寒巖之下談笑於萬年積雪
之中嚼堅冰而食糲糲浩劫一息時公已有
登天撓霞之思超然遐舉之想矣第未知其
祕也未幾余因訪公於雁門坐轅門如處空

軒

九

谷連牀共被三月不違日夜發以緒言時則
公已了然默契於心由是而知視軒冕如塵
垢身世如蜩翼也遂相期我於東澗之上食
朝霞而結樓居已而公果以我脫塵鞅我則
以公志去就當是時也與公遊戲於海印光
中萬里長波皎然一碧儼若臨寶鏡而履琉
璃坐蓮華而居淨土不知此身之在天地外
物之在此身其樂殊未央也俄爾天帝怒我
以輕鑿混沌散樸澆淳乃罰我於九死放我
於瘴鄉時與公永訣矣公以我爲必死將託

楚些以招之忽爾十年如一息時時知公思
我結想於寒雲我積淚如長河而殊不知
我之與公遨遊如宿昔居然睂睫寤寐無間
於毫髮也嗚呼悲哉是歲五月公走尺素慰
我於萬里我遣侍者訊公於七月我樂懷公
詩則曰酷以維摩病裏身書至而公已示疾
矣公把我書誦我詩時公在口期月而逝是
我慰公以生平公永訣我如對面斯亦奇矣
我昔訣公不若公今訣我也使我思公哭公
豈不若公之思我哭我耶公之生也不偶然
負高明之見抱不世之才忠在社稷心在蒼
生公之世有盡而才未盡形化而心不化也
如公之臨終詩曰靈根常菊月華明以此觀
之視死生如夜旦千古如一日也惟公神遊
太漠聽鈞天而居廣府似飛仙而壽無極其

視昔也如糞壤孰知公今之樂殊絕勝於疇昔耶公既樂矣余復何悲嗚呼哀哉尚饗

祭達觀大師文

維萬曆四十四年歲次丙辰十一月庚子朔

越十有九日丙戌前澣印沙門辱教德清謹

陳香積之供致祭於紫柏尊者達觀大師之

靈曰嗚呼惟師之生也不生乘願力而來師

之死也不死順解脫而去去來不落常情生

死豈同世諦以師之住世也秉金剛心踞堅

固地三十餘年家常茶飯脊骨純鋼千七百

則陳爛葛藤鼻孔殘涕推倒彌勒釋迦不讓

德山臨濟爲人極盡慈悲臨機絕無忌諱誓

護法若惜眼睛求大事如喪考妣不與世情

和合便是真實行履晏坐水月光中獨步空

華影裏初訪予於東澣也頓脫形骸既再晤

於西山也搜窮骨髓當予禍之未形也備告

以隱微及予難之既發也將爲我以雪洗且

躄宿約於曹溪將扣闔於帝里冒炎蒸於道

路兮望影響而進止乃設法以多方冀出予

於九死嗚呼師之爲法門也實抱程嬰杵臼

之心師之爲知己也殆非管鮑陳雷之比予

荷皇仁之薄罰兮在師心猶未已予被放於

嶺表兮師佇候於江沚一見悲歡而交集兮

如九原之復起予與師作永訣兮甘爲炎方

之厲鬼師囑予以寧志兮冀幽禱之再啟予

揮涕以臨長路兮師執手含悲而不語維時

關山一別兮日月若矢心知師之不我忘兮

每丁寧其無以師以願力所持兮誓不負其

本始乃斂太阿之光燄兮不願放於塵滓冀

和璧之必信兮不惜隋珠之輕抵將扣君門

今九重倏颺風兮四起陸澗波騰龍蛇披靡
玉石俱焚法幢傾圮師登八道之康衢兮忽
遇長蛇與封承皇天寶鑿其衷腸兮唯見逞
於庸鄙幸此心之一白兮聊以發其蘊底師
實曠然何憂何喜逆順隨宜死生遊戲何夙
負之相尋兮信前緣之固爾悲五濁之不堪
直一行之可恃乃盥漱以跌坐兮遂寂然而
長往矣嗚呼痛哉師既不以禍患撓寧又何
以去來爲事擦手便行全無議擬惟師以金
剛爲心故留不壞之體有予弟子奉師以旋
兮就雙徑以歸止予聞計以摧心兮望長安
而殞涕欲親禮於龕室兮奈業繫之羈縻擬
生還以慰師靈兮忍星霜之踰紀匪此心之
暫安兮第因緣之不我與頃幸遂其本懷兮
始得陳辭而致誄嗚呼痛哉師何死兮我何

生我不來兮師不寧形骸異兮共此心幽冥
隔兮終合并誓同歸兮踐淡盟寂光朗兮師
安住我頂禮兮展哀慕陳香積兮灑甘露師
臨機兮願來赴光明兮照曜翹勤兮延佇哀
哉尚饗

祭雲棲大師文

嗚呼師本不生亦無所去以力持身順因緣
故欲澗波騰火宅燄熾師展願輪特來救濟
出示塵勞早歸慈父一登覺路如白牛步視
愛如唾觀親若冤彼蠅聚者孰不瞿然法界
爲家含靈是宅物我等觀無二無別開甘露
門指歸淨土鱗甲羽也一齊頓赴悲正法眼
翳彼戒根以金剛篋刮垢剔昏三千威儀八
萬細行於二六時悉令清淨身爲衆目心爲
大宅十方來者癡狂頓歇四十餘年法幢高

軒十

主

登一雨普滋藥草諸樹纔露一滴枝葉並茂
但有得者畢竟成就我觀吾師如獅子王高
臥堀中群走悼惶我又觀師如藥王樹凡有
親者必瘳沈痼嗟我末法慧日久沈師於長
夜持大智燈佛本無心心付在師薩埵無行
行託師持故師應世一味無我即住百劫於
何不可嗚呼師以緣現緣滅即去悲此群盲
失所依怙我數千里遠持辦香展布五體敬
禮寂光師悲同體以我知音願鑒我誠來格
來歎嗚呼尚饗

祭金竹續芳聯公文

嗚呼公秉願輪生堪忍界蚤遇明師頓離恩
愛發堅固心償慈悲債放身空山饑寒是耐
敬守師訓躬身負戴志供十方平等無礙剪
荆棘以成叢林驅狐兔而揚梵唄衲子雲臻

阿十

重

天龍拱衛飯積如山來者飽食如量如空居
者無外具精進力至老不懈一身如寄毫無
沾帶擬將攜手同歸何期先行不待撩起便
行何等慶快遺金剛幢常住不壞法身湛然
寂光自在惟靈不昧鑒此感慨嗚呼哀哉尚
饗

結社念佛修四十八願同生淨土文

伏以唯心淨土處處道場自性彌陀人人具
足只爲塵勞遮障人我是非故感土石諸山
穢惡充滿使本來清淨之體昧却當人圓滿
智慧光明一毫不現終朝業識茫茫逐日境
風浩浩但知受用目前誰解修因身後故我
樂邦教主阿彌陀佛因地發心厭斯堪忍立
四十八願願願度生修十六觀心心心作佛
令人人知心是佛豈向外求使個個了願即

真盡歸自性推倒人我之高山感寶地一平
如掌打破塵勞之幻夢生蓮華廣大如輪我
心清淨彼土現成休教過後追思只在現前
結果不分男女總證菩提但是有緣皆登寶
地但以天生彌勒猶須授記靈山自然釋迦
也要莊嚴佛土痛念生居五濁命不保於須
臾罪業多端苦難逃於長劫雖父慈子孝只
顧各人兄愛弟恭豈能相代縱有富貴榮華
到底總成一夢淡思至此實可悲酸是以發
願修因必欲一生取辦既知諸行無常豈可
仍前貪戀已悟自心是佛只須直下承當攪
長河爲酥酪元在當人變大地作黃金寶由
自己伏望願心如佛即是佛心因果皆真必
成真果發一願而四生九有同出苦輪施一
滴而八難三途通歸樂土花開見佛如母子

十一

二五

之馨香妄盡還源似冰霜之皎潔一心清淨
萬德交歸大地山河總成極樂者矣

祭匡廬徹空師文

惟師之來也何事何爲惟師之去也何心何
慮現比丘身坐斷乾坤作師子吼驚走狐兔
當索我於清涼也雲滿溪山復歸師之舊隱
也月圓蓬戶尚把九曲之珠擬待師而暗度
何其一旦長行哀音忽訃嗚呼使我有口難
開含冤莫訴以其同生而不同死同歸而不
同住賴有匡廬山高法身徧覆彭湖水清三
昧昭著然雖倒却刹竿且幸扶起露柱頓令
五老長呼千峰率舞白鹿悲風黃龍泣雨愈
卷恒舒欲隱彌露是則可贊而不可歎可笑
而不可哭嗚呼師且暫休聽末後句打破寂
光掀翻淨土再來撞著惡辣關梨拖住定不

放師歸去惟靈尚饗

對曾九龍居士靈幃小參文

萬曆三十六年五月廿六日當曾居士五十七之辰同社友各擎香作禮請憨山和尚為居士小參居士聽麼佛說諸行無常是生滅法

判十

三五

生滅滅已寂滅為樂居士會麼居士住世三十七年所作諸行正當作時是無常耶作後是無常耶直至今日是無常耶若言今日是無常則墮斷滅若言作後是無常則不待今日若正當作時是無常則舉世皆無常矣何獨居士居士會麼若了作是無常則無常無性誰為生滅無生滅者又何得而生死哉居士了此則今日正受寂滅樂時此則悲居士者皆生滅見也

為達師茶毘舉火文

性火真空性空真火狹路相逢定沒處躲茶

惟紫柏尊者達觀大和尚偶來人世誤落塵

寰赤力力脫盡娘生布衫光燦燦露出本來

面目荷擔正法純剛煉就肩頭徹底為人生

鐵鑄成肝膽死生路上直往直來今事門頭

半開半掩六十餘年松風水月襟懷千七百

則兔角龜毛拄杖饒他末後風流未免藏頭

露尾撒下賊私誰料落在憨山道人手中今

日特為人天眾前當陽拈出大眾還見麼以火

把盡○柱杖挑開雙徑雲通身涌出光明藏

珍重諸人著眼看者回始信無遮障

憨山大師夢遊全集卷第四十

音釋

搯 乙等切持闕 闕 兵嫌切闕門也 飢 於據切 蠅 四郎切

也 搯 柔轄切 師散也

慈山大師夢遊全集卷第四十一 敦一

侍者福善日錄 門人通炯編輯

楞嚴懸鏡

首楞嚴經懸鏡序

原夫首楞嚴經者乃諸佛之秘藏修行之妙

門迷悟之根源真妄之大本而其所談直指

一味清淨如來藏真心為體蓋此心體本自

靈明廓徹廣大虛寂平等如如絕諸名相聖

凡一際生佛等同迷之則生死無端悟之則

輪迴頓息是以吾佛證此愍物迷之故假大

權發啟斯教大開修證之門曲示歸家之路

是以一部所詮從始洎終不出迷悟真妄二

法然迷途萬狀悟有多門若剋體窮源不無

其要至若從迷至悟之方返妄歸真之指端

在楞嚴大定三觀妙門若欲洞觀法界徹見

自心觀體還源莫斯為要慨夫文詞簡奧義理幽深雖諸家註疏精暢發明而學者貪程罔知捷徑致使理觀昧於陳言修習失於正受清不揆固陋志嘗刻意斯文社絕見聞窮歷冰雪顧智識暗昧非敢妄擬聖心每於一

線通途蘆述鄙意庶潛修之士若攬鏡以照

形願即事安心頓融藏性者矣萬曆丙戌冬

慈山頭陀德清書於東海那羅延窟

將通大義總啓二章 三分大教別具通議茲不繁列

初大開修證之門 從初啟請至結經名

次曲示迷悟差別 從精研七趣至五十重陰魔

初中畧有四意

一示三觀之體 二示三觀之相

三示三觀之用 四結三觀之名

初開修證門中有四意者良以真源湛寂絕

生滅之端法界幽玄泯聖凡之跡本無修證
豈屬悟迷今依不迷之迷故立無修之修斯
有無證之證矣蓋迷真逐妄遂沉生死之流
今欲返妄歸真須建依真之行而此經者蓋
以一味清淨法界如來藏真心爲體依此一
心建立三觀依此三觀還證一心故曰無不
從此法界流無不還歸此法界是以阿難示
同未悟不達此心故一向多聞未得無漏不
能頓拔生死之根遂滿摩登娼舍之難由是
殷勤啓請三觀妙門故我世尊先示一心照
明萬法而首告之曰一切衆生生死相續皆
由不知常住真心性淨明體又曰有二摩提
名大佛頂首楞嚴王具足萬行十方如來一
門超出妙莊嚴路觀此二語足見全經之旨
豈非欲令先悟一心依之建立三觀修此三

教一

二

觀還證一心者乎洎乎一往所答雖多方決
擇委曲搜揚無非顯示一心之源密陳三觀
之體從初卷至四卷中因之起行造修勾引二十五
聖旁通悟入之方勅選耳根正是最初方便
從四卷半至六卷初是使初心創志則知觀相分明然
後任運一心法爾淺深具有斷惑證真高下
之用從七卷初至八卷中修斷已極故結指觀門使始
終一源不出楞嚴大定故以經名而繫之終
焉此實通途之大旨也
初示三觀之體而此體者所謂常住真心性
淨明體即一真法界如來藏心也先示此體
爲所觀之境要依此體啓大智用故然此藏
心具有三意一空如來藏二不空如來藏三
空不空如來藏
一空如來藏者謂此藏性其體本空一法叵

得如摩尼珠其體空淨了無色相雖有隨方之色色不離珠以即珠故真心本淨了絕妄緣雖有隨緣之妄妄不離真以即真故名曰真空故為觀者先示真心以為觀體能觀此體名真空觀經名奢摩他亦名體真止此從經首阿難啓

請世尊許說曰有三摩提名大佛頂首楞嚴王具足萬行十方如來一門超出妙莊嚴路起一徃七微八辯始則決擇真妄且云妄不是真以明五蘊身心不有世界本空破我法二執以顯本覺真如以至三科七大會歸藏性然後真妄和融方顯妄即是真從淺洎深大段總顯空如來藏理從初卷故請至第二卷終

二不空如來藏者謂此藏體雖空具有恒沙稱性功德包含融攝纖悉不遺如摩尼珠其體雖淨具有圓照之用而能隨方現一切色

色即是珠以珠現故藏性雖空而能隨緣顯現十界依正之相相即是性以性起故名不真空故為觀者示此藏性以為觀體能觀此體名不空觀經名三摩亦名方便隨緣止此從富那執相難性三種相續深窮生起之由委明循業發

現之義總顯不空之體始從四卷初至本卷有半卷經文計一千五百餘言故發真如妙覺明性

三空不空如來藏謂此藏性其體清淨能應能現如摩尼珠其體淨圓淨故非色以即珠故圓故能應非不色以即色故非色非珠而此藏性其體淨圓淨故非相以即性故圓故能現非不相以即相故非相非性名空不空非相故空非性故不空非即非離平等如如名曰中道故為觀者示此藏性以為觀體能觀此體名中道觀經名禪那亦名離二遺不別止亦名等持此從四卷

中而如未教非心等起至即常
紫我淨等文有二章幾三百一然上三諦體

雖不二舉一即三終帶名言猶存歷別未及
一心之源難契圓融之旨必若離即離非是
即非即則藏心妙性徹底窮源絕諸對待良
以雙離則雙泯雙是則雙存存則三諦靈然

教一

四

泯則一心無寄寂照同時存泯無礙唯在忘
言者可以神會絕慮者可以心通可謂妙契
寰中泯同法界矣圓融圓融深思深思歷然
不昧故佛開示已畢乃總告之曰上來所說
藏性之理如此深妙如何汝等以所知心而
能測度世間語言而能入哉且此妙理人人
本具然雖本具隱而未現譬如琴瑟雖有妙
音非妙指不能發衆生雖具妙心非妙觀不
能顯且如我今證此真心安住大宅圓照法
界凡有動作皆是大用現前汝等迷之舉措

教一

五

云為皆是塵勞業用故曰如我按指海印發
光汝暫舉心塵勞先起此無他故蓋由不肯
勤求得少為足耳當機遂請何因有妄要顯
妄元無因使悟妄不離真亦似頭非外得然
此天然妙性不假修成但能一念回光方悟
神珠木有故隨結責戲論切勸修持乃曰汝
雖憶持十二部經不如一日修無漏業如何
自欺尚留觀聽而不修之是以阿難聞說疑
惑消除心悟實相遂乃請入華屋攝伏攀緣
冀得陀羅入佛知見等由是觀之大槩一往
開示藏性豈非欲令先悟一心依之建立三
觀妙行然後行成解絕頓證一心者乎

初示觀體屬見道分竟

二示三觀之相者由前開示一真法界如來
藏心而此心體具有廣大智慧光明義故說

名爲智今以即體之智還照寂滅之體理智
 一如離念離相名一心源了無說示今約真
 妄生滅之門會取返妄歸真之路方便施設
 亦有三重以智照理故單以觀名約妄相以
 明故曰觀相

且先畧示觀門

一奢摩他空觀 二三摩鉢提不空觀

三禪那中道觀

一奢摩他名空觀者謂了一真法界如來藏
 心本無生滅亦無諸相蓋因一念不覺而有
 無明因此無明生起三細六麤四大六根種
 種諸法而此諸法唯心所現本無所有但是
 一心心體圓明離一切相如珠中色本來不
 有以即空故故曰色即是空以色非色故色
 不異空故名真空作是觀者名真空觀

二三摩鉢提名不空觀者謂了根身器界一
 切諸法既是一心心體圓明清淨本然周徧
 法界隨緣顯現此則諸法當體虛假如幻不
 實如珠中色分明顯現全珠即色以即色故
 故曰空即是色以空非空故空不異色故名
 不空作是觀者名不空觀

三禪那名中道觀者謂依此寂滅一心照明
 諸法諸法法爾當體寂滅寂故名空照故不
 空如珠與色非色非珠名空不空非寂非照
 如如平等唯一心源湛然不動離即離非是
 即非即言語道斷心行處滅心心無間任運
 流入薩婆若海作是觀者名中道觀

次正示觀相文中入科爲四

初總示迷悟之根 二正示一心三觀
 之相 三略示解結之方 四廣示最

初方便

初總示迷悟之根者由前阿難聞佛開示已悟如來藏性妙覺明心圓滿周徧備在於已不假外求良以一向徒事攀緣不能攝伏今將思而修之不知造進之方故有請入華屋之問冀得直捷之門即可乘便而入因相而修故此科名三觀之相然世尊所示別無其方先令決擇真妄分明然後隨宜調治故欲返妄歸真造端不出二決定義意者蓋原迷此圓明湛寂之真心結爲四大妄分六根根塵和合虛妄生滅引起五濁業用煩惱使妙圓之體隔越而不通若群器參乎太虛湛淵之心渾濁而失照似塵沙投於清水此則本不分而分元不濁而濁矣今欲即生滅以證真常旋虛妄而復妙覺要先以此不生滅心

爲本修因照破生滅之原次審所結之根誰是煩惱之本若生滅入照則當下真常若煩惱知根則迎刃而解斯則能照之一心心心寂滅所照之萬法法法圓通是以頓超五濁旋復一元若依此爲因心可圓成於果證然則所述之一心雖是本圓周徧能迷之六根現前力用不齊今若即迷返悟就路還家固爾門門皆可窮源處處盡堪合轍良以初心昧劣不解圓觀必須直指當陽要在一門深入由是備顯六根優劣令審誰淺誰深淺則逆離而難通深則順合而易入果能入一無妄則六湛圓明諸妄消忘而一心清淨如是則吾家之故物可歸諸佛之涅槃可證矣此後重徵一六意顯粘湛而妄發深窮生滅之根元再起斷見之疑驗出真常之妙性斯

已密揀耳根以為初心方便若一心守真常而棄生滅則無上知覺應念圓成得一旦常光顯現而生滅圓離則根塵識心應時消落此實圓觀之秘訣破妄之神符還元之旨妙在茲乎是所謂返妄歸真無出二決定義也二正示一心三觀之相阿難聞前第二義門生滅即常之說遂起何名結解之疑意謂生滅不常可說為結今既常矣將何物而名結結既尚無從何物而名解耶蓋前以常為斷此則執妄為真皆由不了迷悟同根真妄一體故致斯問此實初心所混故須甄明令其觀相分明不墮空有之見要顯中道之旨方契一心之源故爾諸佛因而同告之曰使汝生死涅槃者皆汝六根所致也豈又更容他物哉直由迷悟之分故有結解之異耳如此

教一

明言當機猶自未悟世尊因而解之曰根塵識性同一真源縛脫兩途元無二致蓋因迷一真而妄見六根知見立知即名生死了六根而本同一體知見無見斯即涅槃此實結解之元豈可更容他物然此雖明空有未極一心何則蓋一真之性不屬生死涅槃如來藏中本無去來迷悟至若有為起而無為滅俱是緣生如目前之幻化無為起而有為滅盡為不實若眼底之空花況非真與非真何有能見所見能見六根所見六塵然而根塵之間元無實體虛有其相故若交蘆是以結解同根聖凡無二汝試但觀交中識性即第八阿黎耶識空有何名蓋由明昧因依真妄互立迷之而六妄同生悟之而一真何寄良由此體甚深微細熏變難思執之則真已非真取之則非幻成

幻苟不取而非幻尚無不執而幻法何立如是則六根圓湛空有雙祛三諦圓觀是非齊泯妙圓之旨盡在茲乎此則是名金剛三昧如幻摩提修之而一念頓超擬之而諸佛同證此所謂十方婆伽梵一路涅槃門若欲徑登彼岨直造妙巖唯此大定法門故應修而證入也

三略示解結之方

上來已示一心三觀之相乃佛佛成道之門今將思而修之爭奈初心不知直捷之方故有六解一亡之問遠故選擇之談故我世尊精宣妙指巧示玄機聊縮花巾將成六結以明依一巾而有六結結若解而巾亦不存要顯依一真而分六妄妄若消而真亦不立何則良以真淨界中本無此事生死涅槃皆即

狂勞顛倒華相故須真妄兩忘方可會歸中道直造一心之源耳故隨請解結之方審明下手之處除結當心以顯二邊無力當陽直入必須中道收功斯實入圓之要術破惑之利具唯其法門甚深恐難諦信世尊因而矢之曰我此說者乃出世微妙之因緣非世俗和合之麤相況我世出世法一一皆了元因矧此修行豈不知其節要如此功用不勞彈指而頓證無生不涉途程而徑登佛地是故阿難隨汝心中選擇憑在何根用此妙術解之諸妄何愁不滅恐汝不能圓觀頓脫是須次第銷鎔先且選擇一根以為最初方便若得此根初解五粘隨脫而先得人空從此觀智增明然後成法解脫若所觀人法雙空則能空觀智亦泯斯實藥病俱遣真俗兩融三

諦靈然一心無寄如斯圓照任運冥樞是名
從三昧以契無生即六根而證常樂直捷之
指無尚此矣初心方便妙在茲乎

四廣示最初方便二十五聖一一皆是
根一門堪合此方
最初方便但觀音耳
之機故曰廣示

阿難聞前開示觀相分明已悟隨根皆可證
入然猶不知隨處下手做作之方抑又未達
的指何根堪作此界當機最初方便且將刻
志進修冀成道果庶不失此嘉會辜負密言
亦爲遠益未來成就最後開示故有請惠秘
嚴之問然此秘嚴之旨乃吾佛自證根本法
門甚深微妙難解難思果海離言了無說示
今茲曲垂指示須藉旁通故假二十五聖各
說最初方便意顯三科七大隨處皆可還源
大小三乘遠近一齊趨入且令諦信不疑托

此將爲證據是以諸聖奉勅用解先登或析
色體色以取單真或即俗離俗要歸中道偏
圓互煥星月交羅深淺齊驅牛羊共渡斯則
門門總是圓通法法盡成解脫苟能入此三
昧證是妙門隨處而常光普照應念而諸佛
現前水流風動共演圓音世界山河普現三
昧至此始知自他不二依正互融消習漏於
剎那廓衆塵於一念無作之行芬披眞常之
樂自現然此秘嚴利器付之勇猛丈夫有何
堅而不破又何結而不解哉然雖正偏兼到
順逆皆通不知此界當根誰爲要妙若是塵
中作主非大智無以潛眸闕裏奪尊非大悲
不能下手故勅文殊揀選誰合此方之機唯
獨觀音耳根可作最初方便何則原夫覺海
澄圓圓澄元妙本無世界及與衆生直以一

念纒與空漚頓起諸緣不息三有齊生是以六處妄分諸塵妄隔使圓通妙體不得而圓通常任真心莫得而常住矣若約妄法全真斯則歸元之性不二奈何根機不一是以方便之路多門在乎聖性順逆皆通屬之初心不無遲速今者若就六塵而入六塵之體本非常住若依五根而入五根之性匪步圖融若憑六識而六識生滅宛然若假五大而五大無知昏鈍若據見性雖則都攝六根然尚在能所未能忘照若觀識性雖則包含萬法猶存分別難以契真今若剋合此方教體的示機宜速取三摩實從聞入何者良以聞根圓妙十處周聞聞處虛融墻垣莫隔音聲生滅聞性恒常寤寐一如身心不及此則可由聞性以證真常從耳根而入妙覺矣況復此

其

注

界衆生此根最利投機之指莫尚於茲良由迷本循聲故此流轉生死果能旋流無妄豈不頓契無生此是金剛三昧如幻妙門如斯秘密絕要真修何不將聞以自聞聞豈肯畜聞而成過誤況聞非有體因聲以名若旋妄遺塵則性何名狀此所以一根既返源六根成解脫也其如六根幻翳三界空華今聞復而翳除則塵消而覺淨淨極光達寂照含虛根境皆空猶如夢事安有夢中之境而能留汝形骸耶大槩世間男女皆如幻以幻成雖見搖動全一機抽若機息而幻消則情忘而執謝圓明妙體當下現前諸佛衆生應時平等矣如斯妙利真實圓通何不旋倒妄之聞機返自聞於真性以成無上之道哉此是微塵諸佛一路妙門三世聖賢修行捷徑非但

觀音獨擅我亦從中證入是若將救末劫求
出生死之人欲速成就菩提無過耳根為最
斯乃大小共由之門淺深同說之法但依此
修超勝餘根真實心要莫斯為妙者矣於是
當機聞說自心了然明見還家歸真道路斯

舉

三

則觀相分明現前無惑奈何未來末法邪道
亂真其有依教信行之輩如何攝心軌則得
正熏修安立道場遠諸魔事故發度人之請
遠益未來之機通會長途猶屬行門之事然
世尊所答別無其方直以毘奈耶中三決定
義所謂攝心以戒定慧是生三者圓明可超
諸漏然前見道明心已開慧性修道方便定
相圓明至其戒為基本尚未明言今若得正
熏修須憑定慧若欲違制行業必稟戒輪且
夫生死之海滔天始於濫觴之念煩惱之林

翳日生於萌蘖之根今若絕末停流端在寒
源拔本戒雖多品四重為根根本不生枝流
自絕然而真修以離欲為本故先媿欲首懲
生死以寬負相牽故次殺盜隨舉妄言矜俗
貪愛潛滋委論酬償殺盜相若為其永殞善
根不成三昧故例屬重尤是須併斷若欲圓
成修學必先持此水清果能四事不遺自然
遠諸魔事正行可成正定可入然而現行易
制宿習難除是須誦我無上佛頂心咒此則
顯密雙修三慧並運庶幾三障可破三惑可
除而三界可超三身可證矣況此神咒功力
速疾冥資但能依教加持破惑如霜過日是
以畧陳軌則令依清淨之師若要詳悉壇場
必使眾緣具足身心俱淨事理齊修庶指日
以取菩提刻期而成聖果妙圓之行誠在斯

矣歸真之要妙在茲乎是故宣揚神咒使衆咸聞廣顯功能策令諸信方盡修道之門統收妙圓之行耳

二示三觀之相屬修行分竟

三示三觀之用者上來所說觀相分明得倚

圓根即可乘便直捷而入依之造修任運一

心法爾不無斷惑淺深證真高下之用是故

阿難聞前顯密開示得正熏修身心快然獲

大饒益然猶不知如是修證未到涅槃始從

凡夫終至佛地中間漸次名目以何而至是

故請問五十五位真菩提路要顯圓妙觀行

有此能斷能證之力用轉凡成聖之功能故

名三觀之用也然世尊所示先明二種顛倒

妄類之因後示五十五位真家之路所以然

者何也良以妙性圓明真源湛寂本無迷悟

安有聖凡蓋由一念纒興則三有之空華亂起寸心方歇則一真之幻影全消是所謂生滅名妄迷之則生死無端滅妄名真悟之則輪迴頓息然且生死界寬總之不一十二類涅槃道遠要之不過五十五程實由迷一

真而爲六想則二種顛倒相因悟六想而本

一真則二種轉依是號是故汝今欲修三昧

直詣涅槃先當識此顛倒之因斯可圓成真

三摩地何則良由迷真覺而成不覺故號無

明遷無生而作衆生是稱顛倒此則本不生

而生斯有無生之衆生本無住而住故有無

住之世界是以迷輪不息則生死之業何窮

妄念不休則遷流之世何已且既能以一念

之迷妄動而六想橫發輪迴於十二類生則

可以一念之悟無生而三觀齊修證取於五

十五位由是觀之則衆生實約四蘊之心世界端指色蘊之質此則全憑正報以顯悟迷總屬衆生以明真妄是所謂使汝流轉生死速證妙常皆汝六根更非他物意此豈非知見立知即無明本知見無見斯即涅槃者乎

細尋大旨詎不信哉然全妄即真顛倒具於妙圓真心全真即妄修證本於元所亂想故三種漸次因之而建立五十五位由是而進趣何也蓋六根相續端由媿殺爲因諸苦長淪直以盜妄爲本今將長揖三界永越四生必痛絕助因使正性剝而不發制止現行令根境偶而不行如是則根塵混合心境俱空身土皎然自佗圓證此則始從觀行以至分真永斷無明而躋妙覺然重重觀察位位研窮莫不皆以首楞大定三觀妙門單複圓修

漸次證入者矣三觀之用無尚此耳一生取辦其在茲乎修斷已極故結歸觀心以終其請故曰是種種地皆以金剛觀察如幻十種深喻奢摩他中用諸如來毘婆舍那清淨修證漸次深入者也

三示三觀之用屬證果分竟

四結三觀之名者由前一徃開示令其先悟妙圓心體依之建立圓妙行門藉此妙行圓修還證妙圓之體此則背塵合覺之行既終返妄歸真之路明矣故文殊請問經目意在結指觀名何者蓋約世諦而談則明無得物之功是即有名無實若就勝義而論則理有當名之實斯即有實有名良以上來所詮之義若理行因果俱屬圓融然則能詮之文若教相名言皆歸究竟由其理趣深立故一言

難盡偏圓互煥五目方周意者前來開示要妙法門若剋體而名乃是如來藏心一實相印海眼真經故名大佛頂薩怛多鉢怛囉無上寶印十方如來清淨海眼若就用而言則凡在有緣皆堪受度惑無不斷真無不窮故名救護親因度脫阿難性比丘尼得菩提心入佛知見若的指因果皆真則佛佛資成之始無非究竟指歸故名如來密因修證了義若合論體用廣大因果同時則含染淨而不易自在難思具性德而無遺出生無量故名大方廣妙蓮華王十方佛母陀羅尼咒若據法身所演中道名言契之而頓紹佛家修之而不出大定故名灌頂章句諸菩薩萬行首楞嚴斯皆稱實以彰名隨德以立號要之不一心統之不離三觀此所謂言雖請問經

教

之

目意在結指觀名是則教理行果皆歸大定之源真妄悟迷總入如來藏心者矣大事因緣莫過於此開示悟入無尚茲乎

四結三觀之名竟

上來七軸半文通科判爲大開修證之門開此四章良有所以顧初心草創誠昧細詳若論宏綱略題大要冀潛修之士同志高人先請熟讀經文然後安心觀法覽斯文而通會忘言象以冥符願一旦常光顯現使根塵識消則佛法身心皆爲餘事矧此妄識依通豈非剝語者哉

已上大開修證之門竟

次曲示迷悟差別

上來開示一心真源已徹三觀妙旨大通迷悟之狀悉陳凡聖之情盡矣然迷唯一念因

情想亂發而取七趣之升沉悟止一心因妄
 見橫生而取五陰之魔擾故曰自心取自心
 非幻成幻法故我世尊真慈痛發摘膽剗心
 精研七趣因情想而分內外多少之不同詳
 辨陰魔約妄見而顯心觀淺深之不一所以
 然者直欲吾人思地獄苦發菩提心知有涅
 槃不戀三界嗟呼人者苟能執此金剛寶劍
 如幻定門斬愛根於當下則三有之空華影
 滅世界乎沉拔見剗於剗那則一心之幻翳
 全消虛空粉碎直使纖塵不立一念不存成
 佛果於今生消習漏於曠劫此所謂圓滿菩
 提歸無所得矣如是信受如是奉持是真精
 進是名真法供養可謂雄猛丈夫大自在安
 樂人也有何恩而不報有何德而不酬耶不
 然則墮復墮矣豈不痛哉

教一

六

憨山大師夢遊全集卷第四十一

音釋

塵 倉胡切 纖 息廉切 百 苦等切 躋 祖稽切 復 方六切
 也 剗 矢忍切 剗 一九切

憨山大師夢遊全集卷第四十二 敦二

明侍者福善日錄 門人通炯編輯

妙法蓮華經擊節

原夫世尊唯以此一大事因緣故出現於世

所謂開示一切衆生各各本有佛之知見令

其悟入即得現前實證唯此一事更無餘事

悟此知見即登佛地故名一乘既如來出世

唯爲此一大事故所說之法唯有一乘更無

餘乘而一代時教其所顯者唯一乘理行因

果而已由前四十年中根機未熟故所開示

者特三乘理行由顯理未圓故行匪真行而

果非真果皆非究竟佛慧但爲資發前導皆

爲方便權設以爲入佛智慧之門耳然言雖

方便而意實指歸一乘寂滅場地如標月指

故云我今知諸衆生有種種欲深心所着隨

其本性以種種因緣譬喻言詞方便力而爲

說法如此皆爲得一佛乘一切種智故是則

凡所言說皆爲一乘奈彼劣解之機如言取

執不得離言之旨故佛於般若會上多方淘

汰根機漸熟故前此於楞伽會上說離心意

識自覺聖智境界以破外道妄想之見以祛

小乘名言之執直示究竟一乘實相離言之

道直欲衆生現前頓證諸佛自覺聖智之地

今則已蒙直指人人本有佛之知見即是諸

佛自覺聖智則諸聞者易信易入根機已熟

故於此法華會上依前智境直示妙行以爲

真因將欲依此真因頓契真果故最初建言

即云說無量義經入無量義處三昧然無量

義者殊非多多之謂也蓋顯示此一乘自覺

聖智境界離心意識限量故此則頓以離言

之智直示衆生令其默識而悟入之可謂先以定動者矣然此智境非中道妙智不能入故放眉間白毫相光要顯示衆生日用根塵識界即諸佛自覺聖智境界故光照萬八千土然生死涅槃本來平等故光中圓現法界

卷三

二

事相生佛始終昭然在目意在顯此實相心境乃諸佛所證衆生所迷即今欲令衆生現證故直指現前纖毫不昧至若天雨四花地搖六震可謂通身吐露徹底掀翻要人人不言而悟當下薦取由吾人未離心識依然眼鈍頭迷難免分別不能諦信以依識分別故彌勒騰疑所以必問文殊者意顯此實相妙境非智莫證故也及啓問文殊迺引燈明之本始證今日之瑞相此則曲唱傍通已爲指點分明說破可謂後以智拔者矣奈何吾

人知見未忘故於不言之道終難領會仍須復以言說而開導之是則凡涉語言皆方便也故世尊出定不得已而又假言說以窅啓之爾迺明告之曰諸佛智慧甚深無量其智慧門難解難入不獨一往四十年中所說皆爲智慧之門即今日入定放光現瑞之事皆入智慧之門也惟此離言之道唯佛與佛乃能究盡殊非心識思量分別可到既曰無量豈心量可知耶昔時曲說容可不悟今持直示尚爾瞽然信乎此智慧門真難解入也何者以前無量無邊方便譬喻因緣種種言詞皆爲顯示一乘欲令究竟皆得佛智慧故奈何聞者隨語生解畢竟不能悟入今日之事以化緣將畢涅槃時至勢不容已故如來極盡神力而大發揚之直欲衆生明見自心了

悟實相見本法身各各現證盡捨如言之執
究竟自覺聖智離言之處故始於一光東照
顯法界之真機終於四法成就證普賢之常
德由是觀之則全經二十八品通爲發揮開
示悟入佛之知見四字而所敷演者皆光中
境界而已此外何有剩法耶所以然者由衆
生本是佛之知見奈何本有而不知觸目而
不見今欲返妄歸真必須先悟本妙明心故
先示理境然後依理起行淨治塵沙無明之
惑方能證入然此真理非智莫照故先依文
殊大智以創始非行莫證故後以普賢妙行
以成終故前二十二品皆顯示一乘圓理意
將依此圓理而爲真因後六品皆顯示一乘
妙行意將依圓理而起妙行依妙行而成妙
德智行真合理智一如方證妙果故以普賢

四行以收功所謂無不從此法界流無不還
歸此法界故華嚴以信解行證爲成佛之基
此經以開示悟入爲成佛之本由方便言說
開示而發信從信而發解依解而起行行成
解絕方能證入二經始終一貫意實相符由
是觀之其顯理之文皆信解之旨也

然顯理有二十二品其序品者乃總示法界
之真機令其開悟而證入者也其從方便至
法師九品經文雖曰三周說法授三根記其
實別爲大開一切衆生平等佛慧也以此佛
慧各各具足無欠無餘但能知此無不頓證
故曰凡有聞法者無一不成佛若有以此法
而教人者即爲大法師意顯此事雖則人人
具足故如高原凡有鑿者無不得水此但正
因佛性耳是須必籍緣因方能顯了而法師

者即緣因也但能心契佛心行契佛行所謂
入如來室着如來衣坐如來座意顯能信解
受持此等法者即是法師也故曰隨順是師
學得見恒沙佛是則緣緣之中慧命不斷則
可終期實證至若譬喻因緣種種之說者皆

教二

四

欲顯此常住佛性第一義諦一心之妙皆光
中之境吾人日用之事耳故但有能信此法
者即入法位所以乃至持一偈一句一念隨
喜者我亦與授菩提之記故皆一一授記成
佛唯是因方便開曉令生信耳非由解行
而證入也故唯授記而已然雖授記而又經
多劫者蓋顯理則頓悟乘悟併消事非頓除
因次第盡所謂頓悟漸修者也以一念頓悟
自心與佛無二即名見性成佛尚有無始以
來歷劫塵沙煩惱無明未能頓淨故須經歷

卷二

五

多劫方能究竟苟能當下一念頓斷無始無
明即名歷多劫矣所謂觀彼久遠猶若今日
以此法中一念不生三際頓斷古今一際凡
聖齊平故法師已前十品經文總爲大開衆
生佛之知見也

然但以言開曉聞者唯信其言而已未能明
見自心之妙即有所悟乃應化之跡耳非見
法身境界也所謂猶處門外止宿草菴終滯
權跡故須宣示法身實報真境使令頓見自
心之妙方爲實證是則現寶塔品乃頓示自
心以顯法身之象也所謂開方便門示真實
相欲令衆生知此見此實相真境耳吾人苟
破無明頓開心地即此五蘊身心便見法身
真佛故見七寶妙塔湧現其前高五百由旬
此真實相妙法乃法身所演以說無所說故

於塔中出大音聲以妙契法身故多寶印證
宗本無住故塔處虛空闡無所聞故怪未曾
有以此佛性常住不滅故塔中有如來全身
以體即無生故凡有說此經處即皆現證以
淨智妙圓故白毫光照十方以此智性人人
本具各各不無故分身諸佛一一蒙光照燭
以心心寂滅故徹照十方世界盡是寂滅道
場以法法皆真故三變八百萬億多國通爲
一佛淨土到此則根境雙亡善惡齊泯故三
途頓空天人不見恒沙性德本自圓成依正
互融自他無礙故十方分身諸佛齊集其中
然雖如是猶在半途以生滅之見未忘取捨
之心未泯此所以願見多寶而未及見也此
正古德所謂直饒做到如寒潭皎月靜夜鐘
聲隨扣擊以無虧逐波瀾而不散猶是生死

岸頭事何以故由生死幽關未能迸裂是須
以無依智隨順覺性而開發之此所以釋迦
住虛空中以右手指開七寶塔戶也直使無
始無明一念頓破圜地一聲虛空粉碎故如
却關鑰開大城門如此則本有法身一念頓
現故多寶如來全身不散如入禪定以感應
道交故爲聽是經而來至此以生滅情亡真
應不二故釋迦多寶共同一座惟此因緣人
人本具各各不無故大衆願見多寶第以生
本無生非情識可到故佛座高遠以住本無
住故接大衆皆在虛空此乃衆生之性德故
直示如此令其共知共見現證不疑斯則諸
佛之本懷已露利生之能事已畢然雖如是
迺空華佛事水月道場豈實法耶故即便唱
言如來不久當入涅槃欲令此法常住終古

同遵意在得人期慧命無窮永無盡故曰
佛欲以此妙法付囑有在由是觀之則現實
塔一品正乃直示一切衆生日用現前佛之
知見也

然此甚深妙法乃諸佛自證境界無上第一

秘密之藏所謂諸佛智慧甚深無量其智慧

門難解難入者此也故偈文廣讚此經最爲

第一若有持者即得佛道方是真佛弟子且

曰能解其義者則爲人天眼目况實證乎斯

則由信發解因開示而了悟此心故此已下

從提婆達多至如來壽量五品經文皆發悟

自心之象也然其此法已蒙開示人人本具

各各不無奈何迷之已久煩惱根深我法纏

眠頓難悟入是必借因緣而悟苦求而得是

則提婆達多品乃顯悟無易難亦無愚智至

若如來大智尚從多劫勤苦中來此悟之難
也若龍女八歲當下頓證又何易易意顯有
求者徒勞多劫亡心者悟在刹那只於生死
海中一念轉變之力耳唯在法愛情忘分別
念息自然了悟便登不退故龍女獻珠之頃

即往南方無垢世界生寶蓮華成等正覺也

若夫憎愛之念未忘取捨之心未泯斯皆法

執未盡我見未消是故不能悟淨圓覺此其

驚子智慧難免懷疑故說持品以顯小乘不

堪受持此法難於涉俗利生意須上根利智

廣大悲心難行能行難忍能忍妙契無生不

言而喻者方堪涉俗故如來默視八十萬億

那由陀菩薩此正激發小機昭廓大見耳而

此菩薩頓契佛心便師子吼而願往返十方

世界如法修行種種苦行皆當能忍且曰佛

自知我心所謂師資雅合水乳相投是則已
得其人矣雖有堪荷之人若求而不得其方
亦不能悟以煩惱根深最難調伏故說四安
樂行以示悟之之方意令悟此法者先以三
業清淨性戒為尊必須心契佛心以大悲為
首故要入如來室行合佛行以忍辱為先故
要着如來衣然佛智如空無所依是必住依
佛住安住法空故欲坐如來座方能頓悟此
法故涉俗無難煩惱方能易破故如戰勝有
功而得髻珠之賞也是須自信自心自恭自
悟方堪紹佛家風故從地湧出品乃顯自心
開發之象也所謂從門入者不是家珍向自
已胸中流出方始蓋天蓋地所以他方來者
雖是菩薩猶尚不堪故云不須汝等護持此
經我自六萬恒河沙衆是時大千國土應

教二

聲震裂而無數菩薩同時湧出惟此恒沙性
德本自圓成只在人人六根門頭放光動地
應用不缺故有六萬恒河沙衆身有無量光
明以根塵同源縛脫無二故先盡在此世界
之下以中間無實故若交蘆故云虛空中住
以現前煩惱皆從法性所流故云先所教化
以事事皆真頭頭盡妙故云大衆皆是唱導
之首以一行徧融一切行一法徧含一切法
故一一皆有多多眷屬凡有所作皆回向法
身故各詣虛空奉覲多寶釋迦二佛頭面禮
足以此妙契佛心故問訊世尊種種安慰而
世尊印許如此方能得聞是經入於佛慧也
斯乃法身邊事非心識可到故彌勒與八千
恒沙大士皆起疑心而如來至此方大開秘
密直示本元常住心地故云如來今欲顯發

教二

九

宣說諸佛智慧諸佛自在神通之力諸佛師子奮迅之力故說壽量一品以示法身壽量竭盡本懷以顯妙明常住真心不動周圓徧十方界隨緣普應妙化無方修短隨緣隱顯無礙以明如來智慧甚深無量以種種方便示現利生以明其智慧門難解難入之意也且云我處靈山常在不滅大火所燒此生安隱以顯實相真境此非佛之知見又何能知此見此哉此佛之真知見力自覺聖智境界所以大地三乘以思量心不能測度也宜矣是則提婆達多持品安樂行從地湧出如來壽量五品經文皆令衆生悟佛知見也明矣若夫分別功德以極顯妙悟自心無爲功德之勝蓋也然持經功德勝刹寶施福者此激勵小乘起慕大之心也多劫修行五波羅密

不如聞如來壽量之功德者此策進權教菩薩令其捨權證實也其有一念隨喜功德福報難思者正顯此法以信得入也其有一念毀謗之罪窮劫不盡者所謂不信之罪衆罪之上此勸發聞提外道令發大乘正信也若有修行之功其福又不可量者意在專令凡夫一生取辦不生佛道長遠之怖也若能精持流通此經之法師則得六根清淨之功德者此迺揭示現證之一班以明精持利益又過於一念隨喜者也若常不輕可謂了悟平等真如深造而自得者故以佛性種子普觀四衆而授記也到此揀擇情忘是非執謝可謂妙悟之極如此方能堪荷大事故說神力品以顯悟心功德難思之象也故地湧之衆至此方誓持經如來極盡神力而大發揚之

以顯悟心功德廣大不可思議也吾人苟能到此徹悟唯心境則無一事而非佛法故如來於大眾前現大神力出廣長舌上至梵天也無一色而非佛身故遍身毛孔放無數色光遍照十方諸佛之身也至此境界則依正互融自他不二矣所謂無邊刹海自他不隔於毫端故十方諸佛亦復如是放無量光也十世古今始終不離於當念故諸佛亦現神力滿百千歲也如我按指海印發光咳嗽掉臂皆冥實際故磬效彈指之聲徧至十方世界也到此則一切衆生皆證圓覺有情無情齊成佛道故彼十方八部天人皆遙見佛說此妙法華經也苟能了悟自心則轉煩惱之具皆作成佛之真因故所脫嚴身之具皆成寶帳徧覆此間諸佛之上也心境廓徹限

教二

十一

量消忘故十方國土通達無礙如一佛土也然吾佛極廣大之神力盡衆生之界門若欲以此顯示妙悟之功德經無量劫猶不能盡者以顯自覺聖智殊非心識之境界也以如來一切所有之法一切自在神力一切秘要之藏一切甚深之事皆於此經宣示顯說此所以極言一切有爲莊嚴功德總不若受持此經之勝也然所以廣讚持經功德之勝如此者言雖顯法勝妙其實發起二乘樂大之心也直欲人人極證心源方堪荷負大法耳故云是人於佛道決定無有疑故此以後即說囑累品以終如來出世說法之本意焉然世尊從法座起即以右手摩從地湧出無量諸菩薩頂安慰而囑之曰我於無量百千萬億阿僧祇劫修習是難得阿耨多羅三藐三

菩提法今以付囑汝等汝等應當一心流布此法廣令增益如是三摩諸菩薩頂囑當受持廣宣此法令一切衆生普得聞知者以一切衆生各各本具佛之智慧如來智慧自然智慧一向迷而不知今如來於此經中盡與

開示無所秘密所謂如來是一切衆生之大施主也且云未來世中若有一人能信如來智慧者即當演說此經使得聞知者爲今其人即得佛慧故也苟能如此方便度生可謂報佛深恩矣由如來叮嚀之意也殷菩薩奉持之心也切故菩薩各各歡喜益加恭敬乃至三反俱發聲言如世尊勅當具奉行願不有慮也是則如來出世本爲開示衆生佛之知見令其悟入而已今重重開示已至忘言而聞者解悟之心亦已洞徹此則衆生悟解

之心已極在如來之能事已周若夫起行造修是在各人自肯耳故令十方諸佛各還本土各隨所安也尚有行證未圓故留多寶佛塔還可如故也此其二十二品通擬開示悟門以成信解之資故後六品通是以行成德是所謂先依圓理以發圓行後依圓行以證圓理解行相資方克究竟之果以顯入佛知見之極致也

藥王菩薩本事已下至普賢勸發六品經文皆明以行成德以顯入佛知見之象也然發行之初必以藥王發揮者以觀智之藥治煩惱之病智起惑亡應念化成無上知覺得大自在故稱藥王衆生所以不自在者以有我法二執爲礙故也二執有二一分別二俱生今既悟妙心以即心止觀之力淨破分別我

教二

十二

法二障即登初地故藥王然身破我執之象也喜見然臂破法執之象也欲破二障非淨智不能故所師之佛名日月淨明德了悟本有法身證平等真如故得現一切色身三昧此從初地以至七地之象也以此真如內熏故服諸香油以頓捨藏識故光照八十萬億恒河沙世界其中諸佛同時讚歎如此方名是真精進是名真法供養也然前七轉識既消則根塵俱泯故其身火然千百二歲此則入正法位不離佛家故復生於日月淨明德佛國中以常光照明故云彼佛今故現在此入八地之象也然而至此雖破俱生我執尚有俱生法執未忘而法身之見未泯故白言世尊猶故在世以法身不許彼此迭相見故雲門云直饒透過得到法身邊若法執未忘

已見猶存亦是光不透脫此亦須泯故本佛於夜後分入於涅槃而喜見菩薩即捨兩臂此分破俱生法執之象也所謂分別二障極喜無法執俱生地地除以但破其執不破其法故兩臂還復如故此皆資法華實相三昧之力故廣讚此經功德真實妙利凡有修者無不獲益故如寒得火如裸得衣如病得醫也若此法華三昧止觀之力深進不已從八地出當九地十地居法師位說法利生妙應無方所謂清淨妙法身湛然應一切故說妙音菩薩品以示現一切色身三昧之實證此示妙行出真入俗之象也問曰說此品時釋迦牟尼佛放大人相肉髻光明及放眉間白毫相光徧照東方百八萬億那由他恒可少等

諸佛世界過是數已有世界名淨光莊嚴其國有佛號淨華宿王智者何耶答曰此舉果以驗一乘真因之象也按楞伽說如來最上一乘禪已乃云若聲聞緣覺能除一切過習覺法無我是時乃離三昧所醉於無漏界而得覺悟既覺悟已復入出世間上上無漏界十一滿足眾具當得如來不思議自在法身此法身即意生身也又云有三種意生身一三昧樂正受意生身謂初地乃至八地盡真如際已捨藏識斷俱生我執安住心海起識浪不生自心寂靜住三昧樂知自心現境界無性是則前喜見者乃住三昧樂意生身之象也而彼現一切色身三昧者乃了唯心境界之象證三昧樂之意生身也此但能受三昧中樂故不能現一切身二覺法自性性意生身

謂從八地觀察覺了如幻等法悉無所有身心得如幻三昧及餘三昧門無量相力自在明如妙華莊嚴迅疾如意猶如幻夢水月鏡像非造所造如造所造一切色種種支分具足莊嚴隨入一切佛刹大衆通達自性法故是名覺法自性性意生身三謂種類俱生無行作意生身所謂覺一切佛法緣自得樂相是名種類俱生無行作意生身由是觀之而妙音菩薩品乃示第二覺法自性性意生身之象也然眉間白毫者表中道妙智乃因心十二之象也頂上肉髻乃無見頂相無上果覺之象也以八地菩薩證一心真如進至九地發真如用得如幻三昧現身說法居法師位故名妙音以真因心契會果覺故肉髻白毫二光齊放以入出世間上上無漏界故光徧照

東方百八萬億那由陀恒河沙等諸佛世界
以法報齊證故名淨光莊嚴以清淨真因妙
契果體故其國有佛號淨華宿王智因果冥
會則能以一音演無量法得十無盡句故此
國菩薩名妙音也此位得如幻三昧及餘三
昧門故得妙幢相三昧等百千萬億恒河沙
等諸大三昧也以果地覺爲本因心故釋迦
牟尼佛光照其身也以此位菩薩能憶念本
願隨入一切佛刹大衆化通自性德故願往
娑婆見釋迦佛及諸菩薩也以此地菩薩能
現無量自在神通如妙華莊嚴迅疾如意故
不起于座身不動搖以三昧力先於座前化
作八萬四千衆寶蓮華也此菩薩非身現身
猶如幻夢水月鏡像非造所造如造所造一
切色種種支分足具足莊嚴故目如廣大青

蓮華葉正使和合百千萬月其面貌端正復
過於此身真金色無量功德莊嚴威德熾盛
光明照耀諸相具足如那羅延堅固之身也
以此地菩薩十方諸佛所有法雲法雨悉能
含受故所師之佛名雲雷音王以根根塵塵
周遍法界具足法樂普於塵勞隨根示現故
萬二千歲以十萬技樂并奉八萬四千七寶
鉢而能承事十方諸佛淨佛國土故親近供
養多佛也不動本際而作度生事業故現種
種身處處爲諸衆生說此經典此正當九地
整
十地以極等覺之象也以此示衆生日用現
證之象故與俱來者八萬四千人皆得現一
切色身三昧而此娑婆世界無量菩薩亦得
是三昧及陀羅尼也以用不離體故還歸本
土圍繞白佛也然此神通妙用只在四大根

塵之間身心轉變之力故四萬二千天子皆得無生法忍此正覺法自性性意生身之象也以出入三昧故有往來之相若夫觀音普門示現齊觀並照則無彼此去來之跡是則觀音妙應乃示種類俱生無作行意生身之象也然此意生身乃從等覺入於妙覺果海已得諸佛自覺聖智善樂深入妙莊嚴海逆流而出現十界身無思而應所謂妙相莊嚴聖種類身一時俱現猶如意生身土自他無障無礙故云種類俱生無作行意生身此乃入妙覺後大圓鏡智平等顯現故名普門示現神通之力也由觀音大士以如幻聞熏聞修金剛三昧力故生滅既滅寂滅現前忽然超越世出世間即得上與十方諸佛同一慈力下與六道衆生共一悲仰故能以一身普

法二

七

應一切故能三十二應四不思議十四無畏十九說法八難二求無不感應此妙行圓滿法華三昧之成功妙極於此矣真心聖旨可謂理極忘情謂如何有喻齊到頭霜夜月任運落前溪信乎是法甚深奧少有能信者惟深造自得者諦信不疑耳由是觀之至此妙行既圓因契佛心故感三種加持防非離過使行人外魔無擾內習無餘方能得二轉依克全妙果故說後三品以終其會也三種加持者謂神力加持法力加持現身面言說加持如次三品當三種加持則陀羅尼品乃神力加持之象也楞伽唯二種加持謂現身面言說及手灌頂神力以此經由開示悟入故須法力耳梵語陀羅尼此云總持謂總一切法持無量義乃一心之異稱而云神咒者乃

一切諸佛秘密實相心印即如世之大將兵符耳上根利智修行之士能一起直入奈何無始習氣微細幽潛難以止觀之力而消磨之蓋有深固幽遠殊非智力可到者苟非仰仗諸佛如來秘密心印咒輪而攻擊之倘內習一發則外魔易侵如此又何能出生死證真常而入寂光淨土哉是故修行者無有一人不仗秘密神咒收功故也蓋行有顯密前正觀之力所謂顯行此陀羅尼乃密行耳首楞嚴云若修行人習氣未除應當一心誦我悉怛多鉢怛囉秘密神咒此所以法華三昧妙行功圓世尊憂慙末法復說此陀羅尼品以深防邪誤是所謂以神力加持也首楞嚴云十方如來因此咒心得成無上正徧知覺十方如來執此咒心降伏諸魔制諸外道十

卷二

六

方如來乘此咒心坐寶蓮華應微塵國十方如來舍此咒心於微塵國轉大法輪十方如來持此咒心能於十方摩頂授記十方如來依此咒心能於十方拔濟群苦十方如來隨此咒心能於十方事善知識四威儀中供養如意恒沙如來會中爲法王子十方如來行此咒心能於十方攝受親因令諸小乘於秘密藏不生驚怖十方如來誦此咒心成無上覺坐菩提樹入大涅槃十方如來傳此咒心於佛滅後付佛法事究竟住持嚴淨戒律悉得清淨又云汝等衆生未盡輪迴發心至誠取阿羅漢不持此咒而坐道場令其身心遠諸魔事無有是處噫諸佛尚然況此末法業垢衆生乎以此神咒迺佛佛心印故皆云六十二億恒河沙等諸佛所說而說咒藥王爲

初者以此密印爲妙行之首故次即毘沙門說者以天王爲護世四王乃生死界之主毘沙門乃北方之天王也北方之卦爲坎坎者陷也以一陽陷於二陰之中以示生死險難之象故行人於生死險難之中而欲頓證菩

卷二

十九

提非神力加持又何以濟衆難出險道乎次即持國天王者持國乃東方之天王東方之卦曰震震者動也東爲群動之首易曰吉凶悔吝生乎動也論云動必有苦是則行人於生死動亂之中而作至靜之行苟非神力加持又何以臻寂滅之境哉至若南方之卦爲離離者麗也虛明之象西方之卦爲兌兌者說也若夫虛明悅豫之境則無庸加持故彼二天王不須說耳而此繼之以羅刹女者羅刹乃幽昧之鬼且飛行而食人肉者女則陰

邪之至此示無明羅刹業習戕害法身今以止觀研窮化無明而作妙明心光故羅刹女亦以身自擁護受持讀誦修行是經者頓令無明三毒淨盡無餘所謂令得消衆毒藥也以妙契法身潛通法界故香供爲尊一切煩惱應念化成無上知覺故種種諸燈供養而爲第一此則六根清淨八識圓明故六萬八千人皆得無生法忍此皆神力加持之益也神力加持外魔既消苟非法力內熏又何能淨除內障證二轉依哉故說妙莊嚴王本事品以示法力加持之象也楞伽經云若不以神力建立者則墮外道惡見妄想及諸聲聞衆魔希望不得無上菩提是故初地至七地有相觀多若不加者則墮外道惡見其八地已上無相觀多若不加者則墮聲聞二乘之

地九地十地等覺不加不能入妙由是觀之則前神咒加持迺從初地至七地之象也故但言遠諸魔事今此品者迺九地已上入妙之象故言二子轉父邪心而同出家乃本覺出纏之象也何以明之妙莊嚴王者乃如來藏在纏之象也今顯發本真故曰本事以如來藏本是妙嚴果體故今迷之而爲阿賴耶識名八識心王由此而有前六七轉識造種種業受種種苦若轉六識而爲妙觀察智則藏識無染污可受故名淨藏若轉七識而爲平等性智則分別之見即消見分亦泯即得法眼清明故名淨眼此轉染令淨之象也轉此二識全仗止觀之力故淨德夫人者止觀之象也以夫人坤德也柔順之至多內助之力又始覺之象也以止觀內資隨順覺性淨

卷二

二十

治無明名曰淨德故所生二子能轉父王之邪心耳蓋以此止觀之力乃法身菩薩得無分別心與諸佛智用相應唯依法力自然修行熏習真如滅無明故故所師之佛名雲雷音宿王華智其國名淨光莊嚴也以無依智淨自心體故二子涌身虛空現諸神變轉父邪心也以六七因中轉故二子先請出家而藏識中種子習氣蒙止觀熏習之力皆轉染令淨故王後宮八萬四千眷屬皆堪任持妙法華經也然如來藏所以不出生死苦趣者皆由六識所造業力牽纏故也今六識既轉則八識之生死因絕以本來無染故淨藏菩薩已於無量百千萬億劫通達離諸惡三昧也所謂無作無造無受者以本無性故以始覺有功本覺乃顯故其王得諸佛集三昧能

卷二

三

知諸佛秘密之藏以六七既轉而五八一時俱轉則四大根塵無不轉者故與王及群臣并四萬二千人一時共詣佛所也由轉染令淨解脫纏縛故解頸瓔珞以散佛上也以妙契法身常樂我淨涅槃妙德故於虛空中化成四種寶臺臺中有大寶牀數百千萬天衣其上有佛結跏趺坐也蓋虛空恒一真常德也天衣適體真樂德也有佛趺坐真我德也放大光明真淨德也四德之象居然可見至此止觀功圓同時出纏故王與夫人二子眷屬一齊出家此蓋借法力熏習真如乃緣因佛性耳故云二子以神通變化轉我邪心令得安住於佛法中得見如來此二子是我善知識爲欲發起宿世善根饒益我故來生我家此其善知識是大因緣所以化導令得見

佛此皆顯示資緣因熏習之力也圓覺經云譬如銷金礦金非銷故有雖復本來金終以銷成就一成真金體不復重爲礦故云我從今日不復自隨心行不生邪見憍慢瞋恚諸惡之心也一切塵勞應念清淨故爾時八萬四千人遠塵離垢於諸法中得法眼淨然非法力內熏又何以臻此哉故此品爲法力加持之象也明矣今行人既仗神力加持令外魔無撓資法力加持令內障不生內外清淨身心解脫妙行功圓則所證真如與法界等是皆借果德以爲因心之力也因心既圓果德亦滿故說普賢勸發品以終其會焉普賢勸發品乃現身面言說加持以顯入佛知見之象也以稱法界心修普賢行初發心時即仗此爲真因故終得妙契常果然普賢

有二一謂道前普賢乃等覺位謂行彌法界
曰普隣極亞聖曰賢此因位也二道後普賢
謂稱真法界曰普彌綸萬化曰賢此入妙覺
果海不住涅槃逆流而出雖居果位不捨因
門迺今之普賢也以初發心時即悟此體依
此起行行起解絕故曰勸發然此普賢以法
界爲身遍在一切衆生動亂妄想塵勞之中
與一切人天神鬼諸魔眷屬而爲勞侶故從
東方而來與無量大衆各現神通之力到此
娑婆世界釋迦牟尼佛所也以法身真際乃
離心識處故云在寶威德上王佛國此離言
之道今以法力熏習而由言說通達故曰遙
聞此娑婆世界說法華經與諸大衆而來聽
受所謂雖復不依言語道亦復不著無言說
故云唯願世尊當爲說之也然而普賢如此

教二

三十二

教二

三十三

請問世尊更無一言加答者正顯離言之道
不容聲矣此正忘言絕證之象也故普賢即
問於如來滅後云何能得是經向來一往諸
大菩薩但問讀誦受持而已然未聞有言得
之者今普賢即云得是經者足知由前解行
於此證入所謂此品顯入佛之知見明矣然
世尊所答得處不多亦不在多劫修行惟在
成就四法於如來滅後當得是經如此而已
四法者一諸佛護念二植衆德本三入正定
聚四發救一切衆生之心如是成就四法於
如來滅後必得是經且既曰當得而又曰必
得是真實決定不易之辭也然此四法者果
何意哉而成就之速如此耶起信論云分別
發趣道相者謂一切諸佛所證之道一切菩
薩發心趣向義故略云發心有三種一者信

心成就發心二者解行發心三者證發心由前云汝等若能信受是語一切皆當得成佛道又云汝舍利弗尚於此經以信得入然而此經諸佛知見甚深秘藏非心所測唯許以信得入由是觀之此四法者乃信心成就發心者也華嚴云知一切法即心自性成就慧身不由他悟即得菩提此信心成就之謂也論曰信成就發心者發何等心略說有三種一者直心正念真如法故此所謂為諸佛護念也二者深心樂集一切諸善行故此所謂植衆德本也三者大悲心欲拔一切衆生苦故此所謂發救一切衆生之心也又云如是信心成就得發心者入正定聚畢竟不退名往如來種中正因相應此所謂入正定聚也既許以信得入是則以文殊大智止觀之力

教二

孟

照自心源諦信唯心無外境界以此研窮是謂妙行以此妙行契乎妙智智行妙圓所謂正因相應其必得是經也宜矣是則前開解行不出信心信極道圓入乎妙覺正所謂啓明東廟智滿不異於初心此妙符華嚴始終無二故此普賢所勸發者唯此信心故言得經之道而如來示之以此四法而已又云是菩薩功德成滿於色究竟處示現一切世間最高大身謂以一念相應慧無明頓盡名一切種智自然而有不思議業能現十方利益衆生故如來滅後有能持是經者我當守護與大菩薩衆而自現身供養安慰其心其人若有忘失一句一偈我當教之還令通利也論云如菩薩地盡滿足方便一念相應覺心初起心無初相以遠離微細念故得見心性

故云得見我身又云菩薩從初發意乃至菩薩究竟地心所見者名為報身此所謂以一切衆生所喜見身現其人前而為說法斯正現身而言說加持也又云若有衆生能觀無念者則為向佛智矣故云以見我故即得三

卷二

三五

昧及陀羅尼名為旋陀羅尼百千萬億旋陀羅尼法音方便陀羅尼此究竟之實證也梵語陀羅尼此云總持謂總一切法持無量義乃一心真如之異稱也論云心真如者即是一法界大總相法門體所謂心性不生不滅一切諸法唯依妄念而有差別若離心念則無一切境界之相是故一切法從本已來離言說相離名字相離心緣相畢竟平等無有變異不可破壞唯是一心故名真如此所謂旋陀羅尼也又云一切言說假名無實但隨

妄念不可得故此所謂百千萬億旋陀羅尼也又云言真如者亦無有相謂言說之極因言遣言此真如體無有可遣以一切法皆同真故以一切法皆同如故當知一切法不可說不可念故名真如此所謂法音方便陀羅尼也旋者楞嚴觀音耳根圓通云旋倒聞機返聞自性旋漩也水之急流最深而有洄旋謂之漩漩以當急流而力能迴流漩洄淵源也謂念念生滅急流中而能念念隨順真如不隨妄念流轉故如水之漩洄也論云若知一切法雖說無有能說可說雖念亦無能念可念是名隨順若離於念名為得入然無念者正念也故終誠以應當一心受持讀誦正憶念如說修行正憶念者萬行之本信心之至也故若有受持讀誦正憶念解其義趣如

說修行當知是人行普賢行也以一乘實相佛之知見備殫乎此法身慧命不外乎是故普賢願以神通力守護是經於如來滅後闍浮提內廣令流布使不斷絕而如來即許之曰若有持受讀誦正憶念修習書寫是法華

其二

三六

經者當知是人則見釋迦牟尼佛如從佛口聞此經典以極種種讚歎迺至不久當得菩提其効之速既如此若有不信輕毀之者其所得惡報之重又如彼是終許其以信得入也所謂信爲道元功德母長養一切諸善法惟此甚深秘藏無上法門唯許以信得入正謂發心畢竟二無別如是二心先心難故此經以文殊爲唱導之首普賢爲勸發之終此如來說法始終一貫之極致也

萬曆乙未春予以弘法罹難被逮園中達

觀禪師在匡廬聞報驚歎乃願誦妙法蓮華經百部以求諸佛神力攝受之也頃子蒙恩宥遣之雷陽是歲冬道經白下達師遲予於江上相晤于旅泊菴中夜談及此且曰願以我之心用公之舌可乎予笑而

唯唯及丙申春抵戍所正值饑劫居不遑處且即從事枵而後又奔走行間未暇了此公案然在白毫光中不離無量義處三昧也戊戌夏日菩提樹下弟子來從遊者十餘輩相與結夏於穹廬同誦此經幾二

卷二

三七

百部予時爲舉揚此事以開示之休夏自恣日弟子性澄請益其綱宗予因提繫吾佛言外之旨以示之且將以報達師知子所轉妙法華經如是而已老盧云心迷法華轉心悟轉法華然不涉唇脣一句正不

在紙墨文字間也時會聽者各各歡喜信
 受奉行梓之以廣法施普願見聞隨喜者
 同得現一切色身三昧云萬曆戊戌除日
 慈山道人德清書於楞伽室

慈山大師夢遊全集卷第四十二

音釋

掀虛言切以窾苦緩切嘗本空切鑿疾各切
 也手高舉也因戶附切音和鏞弋灼切漩上音旋下
 也牽船聲也彈音丹脗音閉也合口也

慈山大師夢遊全集卷第四十三 敦三

侍者福善日錄 門人通炯編輯

楞嚴通議補遺

首楞嚴一經統收一代時教迷悟修證因

果徑斷生死根本發業潤生二種無明名

結生相續頓破八識三分故設三種妙觀

攝歸首楞嚴大定是為最上一乘圓頓法

門直顯一真法界如來藏性稱為妙圓真

心據此大定列為三觀者以如來藏有三

種義謂空如來藏不空如來藏空不空如

來藏由此藏性迷為阿賴耶識變起見相

二分藏性在識名自證分由本性不染名

白淨識為證自證分按論真如生滅二門

此證自證分即是真如其自證分即迷中

本覺見分即前七轉識相分即虛空四大

在外為世界山河大地及五塵境在內為

根身為有執受五蘊之色受二蘊見即七

識意根及六意識及前五識與同時分別

意識今修楞嚴大定端在直破八識但此

識體久迷由相見二分結為五蘊根身及

外世界五塵為分別俱生麤細我法二執

以執五蘊根身為我執貪外五塵為我所

受用及計有所作為法執由此三執纏綿

生死故今願出生死先破二執為最初方

便也故阿難特請妙奢摩他三摩禪那為

成佛之要佛特許以三摩提名大佛頂首

楞嚴王此乃歷別而請佛據一心圓融大

定而說也是知此經始終不出三觀究竟

不離一心耳其經文雖未明言指歸其於

破顯之文皎然明白第流通者未之究耳

三觀者經妙奢摩他卽當空觀三摩卽假
觀禪那卽中道觀也皆云妙者意願圓融
三觀妙契一心舉一卽三言三卽一離卽
離非迴出思議之表也今議此經通以體
相用標顯者意在先悟後修故首標觀體

教三

二

欲令先悟藏性三諦理體依之建立觀相
所謂先悟毘盧法界也次示觀相者意謂
無相真心今全迷爲識結成五蘊根身器
界有相之法要在卽相而修故修道文中
單指五蘊六根次及三科七大一一皆是
悟入之門也證果分中以觀用標者正顯
所修三觀有能斷能證之力用也故愚所
謂始終不出三觀者此也

問曰三觀以體相用分之者何也 答曰
名雖三觀爲約如來藏三諦之理須以三

觀證之其實總是一心故佛以首楞嚴大
定許之意謂三觀不離一心也按起信論
云有法能起摩訶衍信根所言法者謂衆
生心是心總攝一切世間出世間法故不
名心而名法然有法必有義以體相用三

爲一心之義所謂三大是也以此真心其
體廣大故言體大以此本來無相今現十
法界依正因果事相皆是有相之法故相
亦大以迷此心而成六凡悟此心而成四
聖皆一心轉變之妙用也故用亦大謂令
先悟此心之體佛謂開示此體以便造修
故首明觀體也既悟此體了知根身器界
一切妄相皆依一心建立今將所悟之體
一一始破妄相本是妙明真心故修但依
妄相而修故云觀相正當修道之要也其

教三

三

五十五位皆依觀心建立要顯此三觀有能斷惑證真之大用故爲三觀之用也以論勘經明文昭著妙契佛心故予判列無疑以見如來說法之本意且與行人易入也

問曰三觀體中攝經三卷半文且空觀一科卽該三卷經文至若三科七大本如來藏似顯空理其初以徵心辨見發揮以至二種妄見種種微辨者主何意耶 答曰此經統收五教卽此一空觀體備該五教空理徹一代之談文簡義幽殊難領會故予通議條列破顯提綱使知節要至于破妄顯真經文止有卷半其義已收四十年前所說教義非淺淺也以吾佛出世說法四十九年談經三百餘會單爲破衆生我

法三執耳二執若破卽證涅槃涅槃者卽如來藏寂滅一心也以衆生迷此如來藏心不生不滅與生滅和合成阿賴耶識此識具有四分謂一證自證分卽一心真如二自證分卽迷中本覺當論中覺不覺義三見分卽前七轉識四相分卽外器界經中地水火風虛空乃外五大爲世界內之根身卽五蘊衆生以衆生旣迷此真心但認五蘊幻妄身爲己身心妄執爲我名分別我執外世界五塵爲我所受用名分別法執此分別二執皆六識所計以七識乃六識之根依內外門轉其實二識通計也又有俱生我法二執此單屬七識計八識見分爲自內名我執修行妄有證得爲法執此二微細名俱生二執若二種二執破

盡乃可證入一心之原是名為佛阿難既迷真心正為二障所纏必須破盡乃是真菩提路故此三觀乃破麤細二執之具也其經文徵心辨見乃通破麤細二種我執二種妄見及後破和合乃通破麤細二種法執以此楞嚴大定乃圓斷五住煩惱齊了二種生死不比諸經有先後也以統收五教頓證一心故不論先後耳

問曰諸教別說先斷分別二執次斷俱生二執此言總斷者何耶 答曰七識乃我法二執之根依內外門轉若依外門與六識作根則有分別二執若依內門則執八識見分為我此乃俱生我執此執至七地中乃斷八地已上猶有俱生法執者以七識具染淨二分義故七地斷者乃染分末

第三

五

那向執八識見分為我者今此染分一斷則捨藏識名而此八識即轉證真如名白淨識尚有淨分末那執此真如謂我所證得是為微細法執即後經云菩提心生滅心滅猶屬生滅以執真如有所證得能所未忘觀智未泯尚為微細法執此執若斷方入妙覺證一心原此義全合起信勘定甚明故云頓斷頓證

問曰此經破執之文向所未明從來傳者俱云徵心辨見而已至于二種見妄亦不知為何而說也今通議雖明列破顯之科正當破執之義先後次第猶所未明請細言之 答曰所言精麤二執義關真妄二途總不出八識五蘊耳一代時教所破者唯此而已以迷一心成阿賴耶識此識具

有四分其前三分卽五蘊身心世界其證自證分卽所證真如今麤細二執唯破四分唯識攝歸一心爲極耳故勘定經文按此而破先破五蘊屬分別我執其破識蘊而俱生我執卽兼帶其中其二種見妄乃破分別法執此凡夫二乘之所共執者故破二妄之後卽顯本覺真心以此故知俱生我執已帶破在前矣至次章云汝雖先悟本覺明心汝猶未明如是覺元非和合生非不和合等此正破俱生法執卽此經後云菩提心生滅心滅猶屬生滅故此執一破則頓歸藏性矣故下文發明一一皆如來藏者意顯前破所顯者乃但空耳下會三科七大之文乃顯妙有實相真空義耳此實破妄之關鍵也細心深思乃見

卷三

六

其妙

問曰破執經文科雖分截但通途次第尚未了然請詳言之 答曰分別二執卽一切衆生所執五蘊身心世界此屬八識相見二分是也其俱生我執乃八識自證分向被七識內執爲我我者經中見精卽自證體乃迷中本覺佛性故經中二妄旣破卽顯此本覺真心此屬緣因佛性從斷所顯者未是離障真如也以淨分未那猶執此覺爲我所證得此正微細法執所謂法執不忘已見猶存華嚴八地菩薩迷于真如理中必待三巧七勸方能捨者以異熟未空顯最難斷也卽從八地進入等覺勘此經文二妄之後佛言汝雖先悟本覺明心汝猶未明如是覺元非和合生及不和

合意在破和合覺謂始覺合乎本覺名究竟覺猶屬和合對待故此和合一破即顯如來藏性頓證一心之原矣是知八地已上乃破俱生法執耳論說佛有淨分末那義在此也其破分別二執之文從初請定

教三

七

直至破見精後通破五蘊身心而俱生我執亦在所破二妄之文單破分別法執其旨甚明

問曰初破五蘊而如來乃首約微心而科云乃破色受二蘊意猶未明請直示之

答曰八識相見二分相乃四大見乃轉識以最初見分搏取四大少分爲我根身論中所指乃受執處遂成五蘊之衆生故經云一迷爲心決定惑爲色身之內者此也以色受二蘊正是執受所依之處名雖微

心意顯此根身本空非可依處欲修大定先須內脫身心故先破色受二蘊色身既破則無所執受則妄心無依故後進破六識爲想蘊耳

問曰微心之後阿難重請奢摩他路如來放光復詰其心科爲破六識想蘊者何也

答曰初微心爲破色受二蘊正破小乘身見意顯欲修大定必須內脫根身也以凡夫但認妄想爲心外道依此妄計小乘但斷六識上二界天人但滅六識故佛最初卽云一切衆生皆由執此生死妄想誤爲真實雖云修行不成聖果故修大定必首破之以此妄想一向執此根身爲所依處舉此執心在此身內被佛微詰故有七處展轉之執今皆被破已顯四大本空則

色受二蘊已空矣唯此妄想乃生死之本
故次破之意顯此想非空觀不破故阿難
重請開示奢摩他路也未破之先佛放光
明者意以此光爲定體也了此光明則妄
想頓破不待言矣良由衆生昧此光明但

卷三

八

用妄想種種顛倒故先標二種顛倒以爲
所破之本意謂顛倒不生卽是如來真三
摩地故下所破者二顛倒耳仍詰其心者
正顛倒之心耳以顛倒心起顛倒見故舉
拳雙驗心目所在阿難但執能推妄想爲
心故佛咄斥其非心結云皆由執此生死
妄想等此正破六識當想蘊也下文隨破
顛倒之見故阿難重請發明妙心開我道
眼意在破妄見耳

問曰破見之文不知歸著請詳示之 答

曰見乃八識見分爲前七轉識七識爲六
識意根故七隨內外門轉外轉在六識爲
分別見內轉執八識爲我爲推度見但有
麤細不同耳先破凡夫常見二乘無常見
外道斷見皆破分別見也屬第一顛倒猶
係六識故此後文乃屬七識行蘊破推度
見屬第二顛倒然分別見乃分別我執推
度見卽俱生我執直至破識精俱生我執
方盡破耳彼二種見妄乃破分別法執二
妄之後破和合章乃破俱生法執也以證
真如但能所未泯有所證得爲微細法執
科名拂迹入立者意在泯觀心絕對待者
然此二執一破則頓歸一心故下文三科
七大一一皆本如來藏也

卷三

九

問曰破見之文科連六七二識似乎纏繞

學者難分幸指示之 答曰八識三分各識皆具以見分爲前七轉識故論云能現能見能取境界是以大七二識皆有見也前凡夫二乘外道之見在六識者正能取境界者也謂分別見論爲疎所緣緣其七識約八還以辨者正指能見謂推度見的指對相分而言者也其破見量乃約能現蓋能現相分而起見者故猶屬七識此量一破方泯二分而歸見精耳佛意甚深微細非微密觀炤不了此以在破妄門頭故應委曲搜揚耳殊非纏繞之說也

問曰破見文中先約八還以辨科云揀緣後顯見精亦科云揀緣經義不同而科同者何耶 答曰其科揀緣雖同而義亦攸別前揀緣者乃見分雜于緣塵之中一向

能所不分故揀七緣乃所緣塵境其分別緣故特分能所各有所還而見性不無意指諸可還者皆非是見其不還者乃見性耳此但且分能所未的指見性爲見精也其次顯見精而揀緣者乃單揀相分乃八識所現之緣影不言見分意謂種種物像皆八識體中所現如鏡中景景鏡不分故揀去親相分之緣而見分自泯識體猶存故爲見之精者卽識精圓明者也此在通泯相見二分獨指識體爲見精耳此意幽深非麤心可領須細觀之

問曰其見量似屬八識現量故此一破卽云身心圓明不動道場于一毛端則能含受十方國土已至極則何以又有後文約八識破我等耶 答曰見量雖似八識現

量以能現見相二分者識論說為親所緣
緣若見相未泯對待未忘故應在七識耳
其顯真之文身心圓明正約破染污無知
則不執取身心故云圓明一毛含受十方
國土正顯離量故無障礙此乃分見真理
其實未是極則也議疏甚明宜細詳之

問曰佛指見精為第二月且云雖非妙淨
明心如第二月何以見精方顯八識未破
而經即云若能轉物即同如來于一毛端
即能含受十方國土斯則顯理已徹何以
八識未破而能如此耶 答曰此非淺智
可知也只如初地菩薩纔破分別二執而
藏識全在即能見百佛世界此後地地增
進所見漸漸廣大豈非一毛含受十方國
土耶且此識體本是真如但為見相二分

疏三

土

障礙今二分既泯識精圓明十方國土皎
然清淨毛含十方更復何疑

問曰若能轉物之轉與轉識成智之轉為
同為異 答曰轉雖同而所以轉則大不
同也轉識成智之轉乃八識各有所轉次
第先後單約識說此經轉物之轉不說轉
識但約轉物以物轉則見分亦泯見分一
泯前七識一齊頓轉元無先後次第也以
見乃八識了別之行相前七轉識依此見
而立故見泯而七識齊轉也所以然者相
宗以識為本此經會相歸性特顯唯心境
界以一心真源為本以迷一心真如而為
阿賴耶識故有見相二分由相分既立則
見分取相分而為衆生所謂自心取自心
非幻成幻法今見分既泯則離執取故法

法本真一一本如來藏不待轉而自轉矣
所謂不用求真唯須息見見分一泯則相
分自轉為一心真如故即同如來也所謂
不取無非幻非幻尚不生幻法云何立此
意幽潛微密觀焰乃能知之

問曰已知破見之意矣其破八識之文初
云破我則令即物以推之又今文殊約是
非以揀之其破自證則約自然因緣以破
之其破識精又約明暗色空以揀之且皆
科云以顯一真豈非重複耶 答曰非重
複也以如來說教特為破眾生之妄執前
云種種顛倒則眾生之妄計非一端也其
教不比禪宗一悟便了教中必欲委曲揆
揚其妄中自有種種妄計故須一一說破
耳其破我者以此八識二乘執為涅槃我

其未悟時又計蘊即離我外道計為神我
眾生通計為生死我故今欲破此識故先
破其我見也此正俱生我執耳然即物以
令推其是非者以此識體全變為根身器
界之妄相本無二法故令即物以推其是
非要顯本為一真故令文殊發揚以絕是
非之見以悟一真之理耳其破自証乃以
因緣自然破之者以外道不知此識乃妄
計諸法自然而生謂之自生無因生又計
諸法因緣和合而生謂之共生他生皆不
知八識之自體本是妙覺明心也故約自
然因緣以破之此計一破則精覺自顯其
破見精正是前所立二顛倒中識精元明
能生諸緣緣所遺者故追破諸妄至此乃
破又約明暗色空者正顯此識精能生諸

緣緣所遺者故揀緣以破要離緣以顯真心斯實破識之極則也且節節皆科云顯真者皆就破彼妄計則顯其真乃分顯耳非全體也佛言阿陀那識甚微細故非麤心可易會也宜深觀之

卷三

十三

問曰破見精文中又約前塵明暗色空以破且曰說我能見及科顯始覺文中又復揀緣是則此與前破見分揀緣何別 答曰此文似同而義迥別深所難明請細陳之前破見分對揀緣者乃見分執取所緣之境一向混而不分故今將破見分必先揀去妄緣妄緣既離則見無所執此見不泯而自泯矣以相與爲有相與爲無也二分既泯則見精獨存故的破之曰見見之時見非是見見猶離見見不能及而科云

的示始覺者以此見精乃是根本無明言真見見此見精之時真見不是見精意謂真智焰此無明之時無明不是真智且此無明乃真智所變切近於真而智尚離之故云見猶離見豈彼執取之妄見而可及乎故云見不能及此智起惑亡故科云的示始覺然破見精而猶揀緣者乃揀見精離緣也前云識精元明能生諸緣故今離緣方顯見精此緣乃八識親相分爲親所緣緣前見分所揀之緣乃疎所緣緣前乃變帶此乃挾帶了此相宗則此中理趣了然矣

問曰見精既破始覺之智已顯五蘊八識俱破諸妄已離而阿難何以又于因緣自然和合之計心猶未開而于見見重增迷

問以此重請向下世尊徑說二種見妄不
依所問而答而科云以破法執此義深潛
實所難會請詳示之 答曰此中密意從
來所未曉也以教說五蘊有假名有實法
前來一往所破五蘊身心但說破執蘊之
執情其所破者乃假名耳而此五蘊實法
尚存故仍懷因緣自然和合之疑心猶未
開至于見見非見重增迷悶者以見精乃
八識自體爲根本無明故云陀那微細識
習氣成瀑流真非真恐迷我常不開演此
世尊一向不輕談者故二乘一向迷于此
也今云見見非見謂真見見此見精乃真
智焰此無明也此豈二乘可知也且如明
來暗去智起惑亡真妄不容兩立經云此
無明者非實有體豈有實實無明以當其

智哉阿難意謂實有箇見精與真見可見
今覓見精而不可得故迷悶耳况此極則
殊非二乘境界安得不懷疑漠漠乎向下
世尊答辭不循所疑直說二種見妄者以
知阿難未了根本無明故五蘊實法未消

五蘊既存則世界山河大地礙眼此正法
執未亡已見猶存耳若畢竟無明則只用
世尊說此無明者非實有體一語可了今
意在破身心世界之法執故設燈上毛輪
以喻五蘊是假蓋由眼中有膏所見今不
必責毛輪是有是無但只知是眼膏則無
見病意喻但觀五蘊身心是假乃因無明
妄見而有若了無明本空則身心自泯所
以喻中但言知是膏者則無見答卽此一
語的破見見之疑矣若了身心本空則可

例觀世界亦似身心同是妄業之感耳又何有因緣自然見見之疑哉此所以有進退合明之說也所以二妄一破則本覺真心頓顯故經結云若能遠離諸和合緣及不和合則復滅除諸生死因清淨本心本覺常住科云本覺離緣真如出纏豈漫然哉佛意甚明第觀者智暗不易了耳

問曰後章經文從來說者都云重破和合而此科云拂迹入玄况經中猶舉見精言之此則大有徑庭請示其要 答曰議中

甚明此正始覺有功本覺乃顯論云始覺合乎本覺名究竟覺今將顯一心真原絕諸對待直須觀智俱泯能所兩忘故至此乃破和合之覺此正微細俱生法執名生相無明論云此無明者唯佛能了非他境

界故佛無問而自說也但觀經云汝雖先悟本覺妙明則許前已悟矣次云汝猶未明如是覺元非和合等義極顯了下云猶以世間妄想而自疑惑證菩提心此乃的破名言習氣故云以世間妄想而疑菩提所謂以生滅心而辨圓覺而圓覺性亦同流轉故須泯此知見乃入一心真原以真心真智難以措口特借見精以例破耳既破和合而阿難又作不和合見故復疑曰

教三

六

如我思惟此妙覺元與諸緣塵及心念慮非和合耶觀此直須心境兩忘言思路絕乃入一心之妙耳 問曰前會五蘊中首舉色蘊依妄見而有故說目因勞而妄見空華今說六入後拈前兼目其勞共為眼入意旨何如 答曰

此最極微細非前喻可比也以此中乃說
最初六根之元因見分取相吸習中歸和
合結成五淨色根爲浮塵所依本來無入
今始有也兼目卽今眼根爲相分勞卽見
分以此二分本無所有同是菩提瞪發勞
相意顯識體依覺故迷故云菩提發勞二
分依識而顯爲識之行相不離自證元無
二體故云同是故約已成六根自體爲喻
蓋言本無六根因最初見相和合而成淨
色故雙舉之以明六根初結之始故難領
會耳

問曰處者何義 答曰處者唯識說有體
實相分色爲見分所慮託處不拘親疎爲
所緣緣以皆有對待俱有所依今言二皆
無體唯一真如故本如來藏矣

教三

十七

問曰起信三細謂業轉現如是次第今經
三細以見爲轉相列於第三是則先現後
轉豈失論意耶 答曰不失論意各有所
主也論意單說心法生起謂真淨界中始
因一念妄動卽轉圓明真心而爲無明由
此無明乃現分別相續等相若能離念卽
證一心今經重在衆生生起之元故因最
初一念妄動卽轉無相真心頓成有相之
妄相故虛空四大自此而形是爲有所有
相因有所相卽轉本有智光而成妄見爲
取相之妄知由是見相同一元明覺體今
溷雜而不分遂成有情所謂色心和合而
爲五蘊之衆生其意重在妄見執取而爲
生死病根所謂數取趣也故云自心取自
心非幻成幻法不取無非幻故祖師云不

用求真唯須息見論獨轉心故真修端在
 離念此經轉境故云若能轉物即同如來
 故真修端在不取即斷生死根本故破妄
 直專揀緣經重所取故先相論重能取故
 先見故為門不同而修斷亦別也宜深觀
 之

憨山大師夢遊全集卷第四十三

音釋

認 而震切仍去 詰 音乞 泯 音閔 悶 莫困切
聲講物也 問也 滅也 煩也

瞪 除庚切 溷 胡困切
直視貌 亂也

慈山大師夢遊全集卷第四十四 敦四

侍者福善日錄 門人通炯編輯

楞伽補遺

楞伽阿跋多羅寶經者楞伽寶名具云釋

迦毘楞伽此云能勝義云堅固阿跋多羅

此云無上謂此楞伽乃無上寶也聞之梵

師云此寶八楞視之渾圓其體光明瑩徹

最極堅固不可鑽穿世間之寶無過勝者

以能勝一切故云無上寶也西域南海有

楞伽寶山居大海濱以山純此寶所成故

山以寶名山高五百由旬山頂有城亦名

楞伽寶城無門可入爲夜叉王所據山形

下細上大因名不可往有神通者乃能入

此經發起因佛于大海龍宮說法七日出

過山下顧謂衆曰過去諸佛皆于此山說

自證境界我亦當說時夜叉王以神力故

知佛言念故往請佛入城演說此經是則

山以寶名經以處名通取爲喻乃單喻爲

顯也然單約喻明經者第一義如來藏心

亦明寶明妙性又云寶覺明心是爲堅固

法身不動智體名自覺聖智寂滅一心名

大寂滅海亦云智海覺海寶明空海下經

云藏識海謂衆生本具如來藏清淨法身

迷之而爲藏識變成五蘊之衆生自覺聖

智變爲妄想煩惱寶明空海成生死之業

海夜叉乃惡鬼飛行而食人肉者故山高

五百由旬居大海中而爲煩惱生死夜叉

所據也佛在此山說自證境界者謂以自

覺聖智而觀識藏即如來藏生死即涅槃

煩惱即菩提現前五蘊身心即是如來常

住法身頓證一心更無別法此乃最上乘
非心識思量境界唯許上上根人一悟頓
悟不悟則不許意識湊泊故山名不可往
有神通者乃能入故寶乃無上之寶處乃
不可往之處通喻此經顯示第一義心乃

教四

二

離心意意識境界爲無上法門也此經發
明五法三自性皆空八識二無我俱遣直
顯離心意意識境界故達磨指此爲心印
是則全經旨趣在此一題以喻發明及夜
叉王發起因緣已盡甚深妙義矣約天台
五重釋題此經以單喻爲名寂滅一心如
來藏性爲體自覺聖智爲宗專破二乘外
道邪執故以摧邪顯正爲用以無上頓教
大乘爲教相以此經顯示五性三乘無性
闡提皆許成佛爲法華開顯之前茅故判

爲法華先導也

佛語心品者此經直指寂滅一心爲宗以
自覺聖智證入爲趣以此心不屬迷悟了
絕聖凡十法界依正因果一法不立所謂
五法三自性皆空八識二無我俱遣以此

四門皆迷悟邊事所以大慧讚佛偈云若
有若無有是二悉皆離以有是生死法無
是涅槃法此二皆離則法界性空寂滅一
心顯矣故云佛語心品謂佛所說者唯此
一心法耳故禪宗指此爲心印謂之佛祖

教四

三

向上一路名頓教大乘

大慧讚佛五偈半極盡一心之旨故後顯
一心文云空無生無二離自性相故初偈
云世間離生滅猶如虛空華此讚佛能證
一心空義以明了徧計本無也言世間即

該三世間謂智正覺世間有情世間器世間通該十法界依正因果以此三種世間皆生滅法也以唯心所現本無生滅但依徧計而有以性空故故如空華即此一偈已超迷悟因果直示一心之源矣唯佛以自覺聖智證窮此心故云智不得有無之相今愍物迷此故以同體大悲出現世間而開示衆生故云而興大悲心故今所說正示此一心耳

次偈云一切法如幻遠離于心識此示一心本無生義也併後一偈以明了依他無性從緣而有意謂世間現有生滅何以言空故云以一切法本自無生但依他有故如幻耳幻喻生本無生若以妄心分別則見有生滅若遠離心識分別不生則當體

無生了無一法當情豈非空耶

三偈文例應云世間恒如夢遠離于斷常此顯無二也意謂世出世間一切諸法唯心所現外道二乘不了唯心依他而起故妄分有無起斷常有無二見若了唯心則遠離斷常有無二見矣

四偈顯離自性意謂衆生不了唯心則妄執人法二我爲二障根本則起惑造業妄見生死之相既了唯心則人法雙忘二障頓淨唯一圓成則生死之相不可得矣此上四偈讚佛超世間生死有法也然空無生無二離自性相故乃當經一心之旨後文自顯以三性釋者乃清涼意故引義以證之

五偈讚佛超涅槃法意謂一切諸法既唯

一心則本來寂滅不假更滅故云一切無
涅槃然諸法既以本自涅槃則法法皆真
盡是法身真體如此又何別有涅槃爲佛
所證耶故云亦無涅槃佛斯則法身常住
又豈有佛更入涅槃耶何耶以遠離覺所
覺故謂唯此絕待一心本無能所對待故
也唯佛證此所以若有若無有是二悉皆
離也故二譯載夜叉王首即問佛云何捨
法云何捨非法佛答以外道見生死爲法
涅槃爲非法是二應捨故大慧讚云有無
俱離是則全經之旨不出夜叉發起一問
并大慧偈讚而已故向下所破者乃有無
二見耳

悉檀離言說梵語悉檀此云徧施謂佛以
四法徧施衆生四者一世界悉檀令衆生

數四

五

得歡喜益二爲人悉檀令得生善益三對
治悉檀令得破惡益四第一義悉檀令得
入理益謂佛雖以四法徧施衆生然但應
衆生之機本來離言說相意責大慧不達
離言之旨故有此問我今特爲顯示建立
數句離言之旨故向下一一皆曰非
大慧聞一心真如離一切相了無說示是
知十法界相皆唯心所現唯識所變乃生
滅門事故即問諸識有幾種生住滅也七
種自性魏譯云外道有七種自性講者槩
以正教道理釋之昧之甚矣殊不知此經
專破外道不知唯心唯識道理故別立異
法以爲生因以迷真妄不一不異唯識真
因故立異因佛前文責外道墮斷見論故
持出所計生法異因有五言勝妙七大自

在時微塵等乃外道所計之法爲生因者故隨後即出所立妄計各有確定自性爲宗有七耳既出邪宗故後示正教云我有七種第一義也經文上下血脈佛語昭然而昧者妄擬謬之甚矣若七種自性已立正義又何下文重出七種第一義豈不贅耶

七種第一義境界者謂佛以法界一心爲自境也慧境界者慧光無量炤徹微塵刹土也智境界者謂以權實二智窮盡眞妄聖凡也見境界唐本云二見境界謂雙炤眞俗二邊也超二見謂窮盡一心中道也超十地境界者謂等覺後心極盡因門也如來自到境界證窮法界自覺聖智究竟果海也意謂我所建立乃稱一心眞如

敬四

六

平等佛慧以二智見二空證眞如以至等覺入佛果海以爲法門蓋依性自性第一義心而建立故不與外道惡見共也此七第一義心乃單示佛境界不說因心若說因心則失旨矣

問曰說三種識即結果者何耶 答曰前三種識中最初顯識生之由以無明熏眞如爲現識生起因取種種塵等爲分別事識生起因佛意顯此藏識依眞而起乃眞妄和合故特指阿賴耶識爲生死涅槃因立此眞因將破外道無因邪因故即辨明邪正以示唯心如幻觀門顯直觀藏識頓破根本無明頓證一心爲究竟極果故隨便成立唯心一番因果以結三種識相也問曰生滅章中大慧初問諸識有幾種生

住滅佛答以略說有三種識廣說有八種相今前略有三種識已竟而大慧復問廣說八種相中先叙世尊所說心意意識五法自性相且云一切諸佛菩薩所行自心見等所緣境界不和合顯示一切說成真實相一切佛語心然後方請說藏識海浪花身境界者何耶 答曰此通涂問意血脈幽潛最難理會請試言之此經單示寂滅一心離一切相故云五法三自性皆空八識二無我俱遣故大慧初問百八句蓋約五法三自性八識二無我以問故佛指寂滅一心以答故云一切皆非是則直指一心一法不立則不容有說矣此顯一心真如離一切相也故大慧隨問諸識有幾種生住滅是約心生滅門容有言說矣然

生滅門中先問諸識者以五法三自性二無我三門皆依八識轉變而立也故先問諸識一門未及問五法三自性二無我後三門義佛答謂諸藏識略說有三種識廣說有八種相今前答略說三識單顯第八識自體已竟故大慧重請有八種相故問藏識海浪花身境界之由也然請辭先叙所說心意意識五法等乃至成真實佛語心者乃通牒前問答申領佛意以啓前七識生起之問也然五法等乃依八識之所建立也世尊答云一切皆非此已領佛示真實佛語心矣及問生滅門世尊略說三種識世尊說不思議熏變乃八識生起之由且云真識現識乃題識藏即如來藏已領其旨矣意謂五法等皆依八識

建立但不知前七轉識因何而生又不知如何生即無生故問藏識海浪即法身境界又不知五法三自性二無我因何而立故因請八識之相舍問四門之義也故世尊向下先答八識生起之由後又重問

我四

八

五法自性佛一一答畢末後結歸二無我觀以成唯心觀門爲真實佛語心也故答意從此直至後文結果章中以通明五法自性顯正智如如方盡從生滅門入真如門究竟之義也大科甚明當通觀之

問曰大慧問藏識海浪乃問前七識也而云法身境界者何耶 答曰大慧述領一心之旨意謂佛上來說心意識五法自性皆空乃是一切諸佛菩薩自心現量所緣境界一法不立絕諸對待故云不和合

如此說是已顯真實佛語心此已領前識藏如來藏真妄不一不異之旨矣但不知前七識生起之由所以生本無生之義故請說藏識海浪即是法身境界也故下答文中示四因緣故眼識生以緣生性空以

顯生即無生之意即法身境界也合業生相者然業即業識生謂生相無明起信云以依阿賴耶識說有無明初無明熏真如成業識既成業識則生相無明即依業識故云合業生相以生相無明即熏業識遂起染心則深生計著爲我此即七識生起之相也

我四

九

八識偈中佛顯八識即真本來一體雖異而不異以示海浪法身境界故以海水波浪喻浪異而水不異也大慧遂以日月喻

佛說法應當與一切衆生說平等真實之法何以世尊一向與二乘人只說六識爲生死本何故不說八識即真之真實法耶佛答以彼衆生心不真實不堪受真實法耳非不說也譬如海波下十句喻顯其法元有頓漸之不同故說亦因之建立然說雖有頓漸其實無有一定之次第意謂我說六識漸時未嘗不兼帶八識而說但衆生聞者不解耳又設畫師喻以明說法應當隨機先後次第建立也彩色無文二句喻法本離言但爲悅衆生不得不隨機施設非我不說實也下文更顯深義謂不但說權法爲不實即說真實法亦無實法與人以真實離名字種種皆如幻故末後云聲聞亦非分者足徵大慧意疑佛不與二

乘說八識真實之法也哀愍者指佛謂今日乃說自覺之境界也長行結示欲知自心現量自覺境界須要真實修行自悟乃可相應非是說了便休故後文示聖智三相爲修行之要成立唯心第二番因果也問曰佛一往已爲大慧開示八識因緣已顯離心意識境界矣而大慧至此問聖智分別自性經且云爲百八句所依者何也答曰此經直指一心爲正顯五法三自性皆空八識二無我俱遣以爲宗體以大慧初以百八義請問者乃通依五法自性八識無我而問皆屬迷悟邊事故佛答以一切皆非此直示一心真如一法不立是則五法自性八識無我蕩絕無遺矣故大慧

隨問諸識生滅言雖問諸識生滅意實不知空遣故佛爲示生滅因緣隨示以直觀藏識教以離心意境界是則八識之相已遺矣尚不知五法自性無我因何建立如何空遣故特問聖智事分別自性經意謂空此諸法乃自覺聖智事非三乘比智可能耳言百八句分別所依者正顯所問百八義皆依五法自性而問也然舉果德轉得如來法身者乃躡上佛示離心意識所轉果德意在離此五法乃得如上之果是舉真果以證真因也此問意乃經中之血脈學者縱能通達文字而不知血脈亦無歸宿此旨甚微故特示之佛答中即舉外道有無二見者正顯外道不了唯心故於名相上橫計而生妄想乃正破名相妄想

教四

十二

也

離異不異者謂妄想與名相元別故異今妄想乃依名相而起故不異以有心境對待故也今言離異不異者正教以遠離心境絕諸對待心境皆空則五法自性皆空矣此正空名相妄想之要旨也顯正智章中以三佛說法頓漸以明正智者蓋因前八識頓中大慧責佛既云唯心頓現一切諸法則佛當爲衆生直說真實頓法可也何以又說三乘漸法耶佛答謂因衆生心不真實難與說實恐其不信則說之無益以隨機不同不得不施漸法耳故此顯說頓漸之所以以四漸喻機以四頓喻佛在佛以平等大慧教化衆生雖漸亦頓在機有利鈍不一雖頓亦漸故以法證佛則有

三身故法亦有三乘此化儀之必然者以衆生根本實智迷之而爲自心現流故淨現流以成正智然迷雖頓而淨則漸也頓喻四中明鏡喻頓示衆生一眞法界清淨圓明心體日月喻頓破衆生無明業識顯示本有不思議業用藏識喻頓令自心衆生一時成熟究竟佛果自心所現根身器界喻自心之衆生法依佛喻頓以普光明智焰一切衆生心地頓令五性三乘破滅無明頓見本有平等法身三身佛說法乃以法證佛也法依佛者乃依法身所垂之報身佛也說緣生者以顯緣生無性無性緣生乃頓漸漸頓之法也即華嚴經所說四十二位行布圓融之旨法身佛說離心自性法乃直示頓法也化身佛所說乃

教四

十二

六度權行單漸法也結歸法身佛者乃示此經爲頓頓宗也後聲聞外道破邪因以顯正因此又漸中之漸意謂有機如此不得不施漸之漸也然在經文其義甚隱諦觀佛意經旨理實昭著破二種邪因科在二乘云即二乘邪因以示正因者以聲聞乃證聖智差別相但示究竟故即彼所證以示究竟真因故云即在外道云以聖智破邪因者以外道所計常不思議乃別立異因以無常爲常故佛以眞常聖智破妄計故云以舉果驗因者謂舉今現證之果以驗昔日之因也以聲聞所證涅槃以非眞滅爲滅足驗昔因未得聖智究竟相也謂外道今取斷滅爲果者蓋昔以生法爲不生特以

無常爲常故令墮斷滅之見耳五無間種性一章重明爲機稟佛性是一因聞三乘之法名言熏習故種性有五前頓漸章明法一機異故有三乘即一乘法分別說三者也今五無間性乃因聞前三乘法不得離言之義執教四文言熏習成種此又顯機之所稟佛性是一故云無間因熏各別故有五種性耳

如來無間種性有四種一權教事六度二乘乘空慧三實教四即圓教四位菩薩釋者諦觀經大明標如來種性意指如來果法非說因位中事若以菩薩釋之失本指矣蓋以直指一心真如若悟唯心即頓登佛地即圓教之三賢此亦不立況權教空慧乎若以前三位菩薩法釋之則聞熏但

成前三菩薩種性非如來種性矣

結二無我未觀成得果一節此結酬前請也因大慧初聞分別自性觀察無我淨除妄想照明諸地乃至逮得如來法身故此開示五法自性二無我已畢乃顯真因故即證成必得如來之果勸令應當修學乃總結四門番顯正智如如以空遣五法自性證二無我通示三番因果也

結示五法自性二無我果相已竟而大慧陡問建立誹謗二惡見者何也 答因初問五法生起之由世尊即說外道有無二見爲名相妄想之因故今開示已明今即問彼二種惡見從何而起也佛答二種惡見從非有而建立也蓋非有乃無也建立爲有也意謂外道不達諸法本無則以有

爲實有及至壞滅則以無爲絕無故有爲
建立無乃誹謗此二見所由生也此問來
意幽潛若不知來端則經旨血脉不貫也
問曰示二見已後乃重都結前果者何也
答曰佛意總顯唯心無外境界其五法自
性二無我等從迷中來皆因外道有無二
見爲生死本是爲大過故今通遣已畢乃
結真因得果成佛之後當單爲衆生說唯
心法以破外道有無二見爲化儀此所以
爲頓教法門此經頓宗但破外道二乘偏
邪之見不說別斷煩惱以識藏即如來藏
故但了妄想無性則生死涅槃平等更無
煩惱可斷故但離二見即頓證法身故都
結成四番因果也

下第二卷

教四

十四

問曰顯理中示寂滅一心已歸究竟然以
如來藏并上一心總爲顯理且大慧又以
外道我見爲問似與一心之旨不同何以
總爲一科 答曰此有深旨以經初夜义
王問佛云何應捨有無佛既答已隨即示
云寂滅者名爲一心一心者名如來藏此
則總標一經宗本要顯寂滅一心不屬迷
悟究竟不生然所以有聖凡生起者皆如
來藏隨染淨緣轉變爲生因耳然前百八
義一切皆非以顯一心寂滅無生之旨矣
次大慧隨問諸識有幾種生住滅雖問識
之生滅然尚未審識生之因且于一心究
竟處建立誹謗章中云非有因建立因直
說初識前無因如此一心豈不墜于畢竟
斷滅耶故此大慧隨問如來藏者以前雖

教四

十五

明一心之旨尚未明如來藏之義方今將顯如來藏隨緣爲染淨生法之因要明識藏即如來藏故後文如來藏爲善不善因以如來藏即前三種識中之真識也以此經不說無明爲因生八識直指如來藏即

藏識要顯妄即是真實斯經之宗本也不同諸教然大慧疑世尊說如來藏同外道我者正是佛說阿陀那識甚微細習氣種子成瀑流我于凡愚不開演恐彼分別執爲我以外道向執藏識爲神我故今將以如來藏真我以破彼計是則外道計有無二見則前以寂滅一心破之矣向執我見未亡故特以如來藏真我破之以盡破彼計圓滿一心故總科爲顯理究竟義旨深潛誠非蘊浮可見也細尋佛意微妙難知

總示正行章破本無四句可離頌中如是觀三有究竟得解脫末後結云爲淨煩惱爾皎二種障故譬如商主次第建立百八句無所有足證前百八句乃依三界作四句妄計而立然無所有則皆非也

問曰當轉二性教中一向說轉生死爲涅槃轉煩惱成菩提此中但說轉二自性者何耶 答曰此經不同三乘別教直指一心不屬迷悟以生死涅槃本來平等更無可轉但以外道不了言說性空妄計言說有實自性起種種徧計二乘不了諸法緣生無性妄執諸法有實自性以此二種障正知見意謂若了言說性空則徧計情亡若了緣生無性則依他性泯二計既亡則圓成自顯所以但轉二自性計著也後廣

辯四行禪蓋依此而立也

略示邪因果相章末示感應二徵結示果相至究竟地得灌頂位二加持者此正示以真因所得之果如此方為真修也

問曰四種禪皆依惑亂為所觀者何耶

答曰以前云惑亂起聖種性及愚夫種性教四

故愚夫乃外道二乘其禪皆惑亂也觀察禪二種以能觀正智觀所觀惑亂以對待未泯故為漸次其攀緣如禪然攀緣即惑亂也乃名相妄想耳觀名相妄想本如故名攀緣如禪此二種禪以分頓漸名三乘禪故觀察禪果相則從解行入初地漸次上進其攀緣如禪則頓登八地此頓漸之分也然觀察義禪能觀者正智所觀者妄想名相故真妄雙舉此乃對待而觀故要

教四

十七

離四句以外道妄執四大名相以妄想分別作四句見耳其攀緣如禪則直觀五陰本自如如絕諸對待故為頓悟于中主意專破外道計四大造五陰以神我為主諦若觀四大本空五陰無我即此五陰本自如如矣

問曰示正果中說妄想識滅名為涅槃不說轉藏識單說滅六識者何也 答曰此經宗旨說識藏即如來藏不必更轉其藏性寂滅之體所以不得顯現者但因妄想攀名相之過也以藏體本是湛淵之心猶如湛海雖云前七波浪其實只因六識攀緣外境界風鼓動波浪即七識亦因六識所起之波浪其體同是八識精明故本不生是故三性之中依他元自無性其過在

徧計執性耳然妄想乃徧計執性正是六識攀緣種種如幻依他境界增長習氣長養藏識故今特辨妄想過重故六識滅則內外心境一切皆寂滅如來藏性應念現前所以特說六識滅爲涅槃也此經宗趣與相宗迥不相同故不立七識所以世尊隨節說妄想分別通相以顯即妄即真爲如來最上一乘禪也

經旨來意從二卷初示正行科中四方便爲能觀之智二種自性指所破之惑無四句可離無聖智可得乃所顯圓成之理及離過絕非一科四節立定自後略示邪正因果及廣辨邪正因果總是廣釋卷初四節之義其觀察義禪觀察覺即前能觀之智妄想攝受計著覺即釋前所破之惑攀

教四

十八

緣如禪即顯前圓成之理末後如來最上一乘禪即釋前離過絕非細觀經旨前後名應其理昭然

下第三卷

初三種意生身五無間種性乃示因圓宗說二通乃示果滿以果海離言故

問曰斷證科初明妄想不到實破我執言說性空破法執者何也 答曰以外道妄想專以執我見爲本而二乘雖離五蘊假我猶執涅槃爲我故亦云心惑亂故云煩惱障然依言說爲法執者以內教學佛法者不能離言得義但執言說爲實法故今教以離言觀心爲破法執斷所知障也然我執外道居多法執學佛法者居多若起信所說我見亦依所聞佛法而起此經專破

外道神我故經論意異耳

問曰其破法執經文指語義而說其旨甚明若約妄想爲破我執意旨未顯以大慧但問妄想

答曰一往所說妄想多指外道而二乘但

兼帶而已然外道妄想所計者一我見耳

然大慧雖通問妄想生處惟世尊的指攝所攝墮有無外道見計著我我所生此所以妄想爲外道我執之本也其凡夫二乘計五蘊爲我者經文長行未顯至頌中云施設世諦我諸陰陰施設其旨的然明矣更復何疑

問曰大乘教中皆說二執有分別俱生麤細不同且云分別二執從三賢至初地斷盡俱生二執從二地至七地斷我執盡法

執至佛地乃盡今經說麤細二執一時斷盡未明其旨請問其詳 答曰此經頓教大乘意在頓破無明頓證一心故二障亦頓斷耳大經云不了第一義故號爲無明第一義者即此經所說第一義諦寂滅一心也然不了二字即無明也了乃知也經中頻言知自心現量者謂了第一義心也且麤細二障因無明而有今言頓了自心現量則頓破無明無明既破則彼二障又何從而而有耶以真知自體有大智慧光明義故說名爲智此即自覺聖智也若以即心正智獨焰一心寂滅之體則一切皆離今因不了則妄起分別執著故名妄想是以此經不說斷無明單說斷妄想妄想淨處即頓證一心故無漸次先後耳所謂知

幻即離不作方便離幻即覺亦無漸次故
為頓教大乘

問曰轉變章言轉變者乃一切衆生生死
往來捨身受身之情狀也而獨指外道者
何耶 答曰佛說衆生生死往來受報好
醜乃隨善惡業緣故說如乳酪酒果等熟
但是異熟隨緣耳因外道妄計有作者為
轉變主宰此邪見妄計故特曉之曰如是
凡愚衆生自妄想修習生實無有法為生
滅主宰者但如幻夢色生言自妄想修習
生此云邪師邪教乃分別我執以一往所
說乃分別法執也

教四

二十

何耶 答曰此經旨幽潛殊非淺識所易
窺也此由前辨果地覺中佛說覺人法無
我了知二障斷二煩惱離二種死是名佛
之知覺故此斷證科中約破二執斷二障
以顯真因也然所知障單約執言說為法

執故大慧以言說為問而所答十一相續
皆執言說以為所知障以取變易生死者
乃俱生法執也以障有二故生死亦二故
末後總以愚夫三相續乃煩惱障招俱生
我執是乃總結二障二死皆七識執取所
招故歸過于三和合計著識為相續生死
之本也佛意甚明第淺識者未易見耳
問曰前世尊說妄想識滅名為涅槃且云
七識不生今者何以俱生二執歸過于七
識豈不自語相違耶 答曰觀佛立言各

教四

三

有所主非相違也以初云藏識因境界風吹故起前七識浪爲生滅耳今顯藏識自性本來涅槃但因境界風吹故有生死若無境界風吹則自性爲常住涅槃矣然境界乃五塵境界也且此塵境惟心所現本自如如若無六識攀緣執取則諸法如如不動矣但因六識不了唯心妄自攀緣執取則識風鼓扇返吹藏海起七波浪是則起境界風全是六識之過而七識不預以此識依內門轉故故云不生此所以六識一滅則八識爲自性涅槃矣今言俱生二執歸過于七識者以無始來一向七識單執八識爲我名我愛執藏集諸種子相續生死名爲結生相續長劫不斷乃此識之能而六識不預焉以造業者乃六識受報

者八識相續生死者七識耳是各就勝能而說非前後自語相違過也

問曰經中一往節節大慧問中多舉果德以請然世尊結顯果德已非一矣然與正顯果德有何別耶 答曰大慧前于節次

問中所言果者乃爲請說法利特舉果以顯法益也世尊即說果德者乃爲破邪以明真因乃舉果以證驗真因皆在因門非正說果德也今因行已圓二障已破五住已亡永離二死歸極一心因窮果滿已顯教究竟一心之極果此是正說果德說二轉依以顯法身出纏證真常樂我淨四德此返妄歸真之極則也

下第四卷

問曰當明法身常住生死涅槃平等處返

妄歸真業已究竟一心真原矣大慧乃問
剎那者何耶 答曰此正原始要終結歸
一心之極則也以初問百八義佛以寂滅
一心而答曰一切皆非故大慧即問諸識
有幾種生住滅是則迷悟修證皆生滅門
中事也然大慧初問百八義總該十界依
正迷悟因果不出五法三自性八識二無
我四門攝盡故今徵詰諸妄了悟一心以
顯五法三自性皆空八識二無我俱遣究
竟歸趣一心真原以顯法身極則以示生
死涅槃平等此是從迷返悟總屬生滅邊
收皆不出大慧初問二種生滅也意謂以
有相生住滅故有凡夫外道二乘偏邪之
執以有流注生住滅故有七地已前菩薩
之見意顯縱悟法身亦未離生滅妄見所

教四

三三

謂菩提心生滅心滅猶屬生滅今顯生
滅本不生滅義若了本不生滅則前一往
所說皆夢中事乃妄功用中有修斷耳故
前夢中渡河之喻以顯有所修證皆夢幻
法門方顯法身向上極則也以此足見吾
佛說始終不說一字乃頓宗之極則也

大學綱目決疑題辭

余十九弃筆研三十入山絕文字五十被譴
蒙恩放嶺外今十四年矣往來持鉢五羊諸
子謬推為知言時時過從問道余卒無以應
若虛來實往愧矣愧矣間有以禪視者余則
若啞人喫黃檗耳已酉秋日偶乞食來諸子
具香齋于法社余得捧腹是諸子果我也食
訖請益余但吐粥飯氣耳含羞而別舟還曹
溪思諸子飽我非一日矣竟莫齋嘗有以顏

子問仁章請者余咿嗚而已即有言不能徧徧亦不能盡而求悅可衆心者談不易也以諸子之食難消腹猶果然舟中睡足聞侍者讀大學聒我疑焉因取經一章按綱目設問答以自決且引顏子問仁章以叅會之如鼓刀然兩半餉而卒業讀之不成句非文也諦思自幼讀孔子書求直指心法獨授顏子以真傳的訣餘則引而不發向不知聖人心印盡揭露于二百五言之間微矣微矣豈無目耶嗟嗟余年六十四矣而今乃知可謂晚矣恐其死也終于泯泯故急以告諸子諸子牛或過余半未半者幸而聞此可謂蚤矣如良馬見鞭影一息千里有若鵝王擇乳豈不以此爲粥飯氣耶是特有感于一飯而發願諸子持此以餉天下之餓者非敢言博施也已

教四

三五

酉中秋前二日方外德清書于須陽峽之舟中

大學之道在明明德在親民在止于至善

大學者謂此乃沒量大人之學也道字猶方法也以天下人見的小都是小人不得稱爲大人者以所學的都是小方法即如諸子百家竒謀異數不過一曲之見縱學得成只成得個小人若肯反求自己本有心性一旦悟了當下便是大人以所學者大故曰大學大學方法不多些子不用多知多見只是三件事便了第一要悟得自己心體故曰在明明德其次要使天下人箇箇都悟得與我一般大家都不是舊時知見斬新作一番事業無人無我共享太平故曰在親民其次爲己爲

民不可草草半途而止大家都要做到徹底處方纔罷手故曰在止于至善果能學得者三件事便是大人兩個明字要理會得有分曉且第二個明字乃光明之明是指自己心體第一個明字有兩意若就明德上說自己

學四

五

工夫便是悟明之明謂明德是我本有之性但一向迷而不知恰是一個迷人只說自家沒了頭馳求不得一日忽然省了當下知得本頭自在元不曾失人人自性本來光明廣大自在不少絲毫但自己迷了都向外面他家屋裏討分曉件件去學他說話將謂學得的有用若一旦悟了自己本性光明明一此不欠缺此便是悟明了自己本有之明德故曰明明德悟得明德立地便是聖人此就工夫爲已分上說若就親民分上說第一箇

明字乃是昭明之明乃曉諭之意又是揭示之義如揭日月于中天即是大明之明二意都要透徹問如何是至善答自古以來人知見只曉得在善惡兩條路上走只管教人改惡遷善此是舊來知見有何奇特殊不知善惡兩頭乃是外來的對待之法與我自性本體了不干涉所以世人作惡的可改爲善則善人可變而爲惡足見善不足恃也以善不到至處雖善不善故學人站立不住以不是到家去處非可止之地以此看來皆是舊日知見習氣耳今言至善乃是悟明自性本來無善無惡之真體只是一段光明無內無外無古無今無人無我無是非所謂獨立而不改此中一點著不得蕩無纖塵若以善破惡惡去善存此猶隔一層即此一善字

原是客塵不是本主故不是至極可止之地
只須善惡兩忘物我迹絕無依倚無明昧無
去來不動不搖方爲到家時節到此在已不
見有可明之德在民不見有可新之民渾然
一體乃是大人境界無善可名乃名至善知
此始謂知止

教四

王夫

知止而後有定定而后能靜 一節

定字乃指自性本體寂然不動湛然常定不
待習而后定者但學人不達本體本來常定
乃去修習強要去定只管將生平所習知見
在善惡兩頭生滅心上求定如猢猻入布袋
水上按葫蘆似此求定窮年也不得定何以
故病在用生滅心存善惡見不達本體專與
妄想打交滾所謂認賊爲子大不知止耳苟
能了達本體當下寂然此是自性定不是強

求得的定只如六祖大師開示學人用心云
不思善不思惡如何是上座本來面目學人
當下一刀兩段立地便見自性狂心頓歇此
後再不別求始悟自家一向元不曾動此便
是知止而后有定的樣子又云汝但善惡都
莫思量自然得見心體此便是知止的樣子
所以學人貴要知止知止自然定 靜字與
定字不同定是自性定體此靜乃是對外面
擾擾不靜說與定體遠甚何也以學人一向
妄想紛飛心中不得暫息只管在知見上強
勉遏捺將心主靜不知求靜愈切而亂想益
熾必不能靜何以故蓋爲將心覓心轉覓轉
遠如何得一念休息耶以從外求入如人叫
門不開翻與守門人作鬧鬧到卒底若真主
人不見面畢竟打開不得休息若得主人從

教四

王夫

中洞開重門則守門者亦疾走無影而求入者真見主人則求見之心亦歇滅無有矣此謂狂心歇處爲靜耳若不真見本體到底決不能靜故曰定而后能靜 安字乃是安穩平貼之義又如安命之安謂自足而不求餘也因一向求靜不得雜念紛紛馳求不息此心再無一念之安而今既悟本體馳求心歇自性具足無欠無餘安安貼貼快活自在此等安閒快活乃是狂心歇處而得故曰靜而後能安 慮字不是妄想思慮之慮亦不是憂慮之慮乃是不慮之慮故曰易無思也無慮也寂然不動感而遂通天下之故又曰百慮而一致又曰不慮而徧正是者個慮字謂未悟時專在妄想思慮上求即一件事千思萬慮到底沒用也慮不到多思多慮于心轉

見不安今既悟明此心安然自在舉心動念圓滿洞達天下事物了然目前此等境界不是聰明知見算計得的乃是自心本體光明照耀自然具足的故曰安而後能慮 得字不是得失之得乃是不滲漏之義聖人泛應曲當羣情畢炤一毫不謬徹見底原一一中節故謂之得非是有所得也初未明明德時專用妄想思慮計較籌度縱是也不得何以故非真實故今以自性光明齊觀竝炤羣情異態通歸一理故能曲成而不遺此非有所得蓋以不慮之慮無得之得故曰慮而后能得言非偶爾合節特由慮而合故

天

古之欲明明德於天下者 一節

此釋上本末先后之序以驗明明德親民之實效也就成已工夫上說則以明明德爲本

新民爲末蓋從根本說到枝末上去今就成物上說故從枝末倒說到根本處來以前從一心知止上做到慮而能得到此則天下事物皆歸我方寸矣今欲要以我既悟之明德以揭示天下之人願使人人共悟蓋欲字即是願力謂我今既悟此明德之性此性乃天下人均賦共稟者豈忍自知而弃人哉故我願揭示與天下之人使其同悟同證但恐負此願者近于迂濶難取速效且天下至廣豈可一蹴而徧故姑且先從一國做將去所謂知遠之近若一國見效則天下易化矣昔堯都平陽舜宅百揆湯七十里文王百里皆古之欲明明德于天下之君也孰不從願力來余故曰欲願力也 身爲天下國家之本經文向後總歸結在修身可見修身是要緊

教四

三九

的事而此一件事最難理會豈是將者血肉之軀束斂得謹慎端莊如童子見先生時卽此就可治國乎豈是身上件件做得模樣好看如戲場上子弟相似卽此可以平天下乎故修身全在心上工夫說只如顏子問仁孔子告以克己復禮爲仁此正是真正修身的樣子隨告之曰一日克己復禮天下歸仁此便是真正治國平天下的實事若不信此段克己是修身實事如何顏子請問其目孔子便告之以四勿乎且四勿皆修身之事也克己乃心地爲仁之工夫也克己爲仁卽明明德也天下歸仁卽新民也爲仁由己此己乃真己卽至善之地故顏子墮聰明黜肢體心齋坐忘皆由己之實效至善之地也夫人之一身作障礙者見聞知覺而已所謂視聽言

動皆古今天下人人舊有之知見爲仁須是把舊日的知見一切盡要剝去重新別做一番生涯始得不是夾帶著舊日宿習之見可得而入以舊日的見聞知覺都是非禮雜亂顛倒一毫用不著故剝心摘膽拈出箇勿字勿是禁令驅逐之詞謂只將舊日的視聽言動盡行屏絕全不許再犯再犯即爲賊矣此最嚴禁之令也顏子一聞當下便領會遂將聰明墮了將肢體黜了一切屏去單單坐坐而忘忘到無可忘處翻身跳將起來一切見聞知覺全不似舊時的人乃是從新自己別修造出一箇人身來一般如此豈不是新人耶自己既新就推此新以化民而民無不感化而新之者此所謂一日克己復禮天下歸仁正修身之效也不如此何以修身爲治國

其

三十

平天下之本耶 心乃本體爲主意乃妄想思慮屬客此心意之辨也今要心正須先將意根下一切思慮妄想一齊斬斷如斬亂絲一念不生則心體純一無妄故謂之誠蓋心邪由意不誠今意地無妄則心自正矣故曰欲正其心先誠其意 知與意又真妄之辨也意乃妄想知屬真知真知即本體之明德一向被妄想障蔽不得透露故真知暗昧受屈而妄想專權譬如權奸挾天子以令諸侯如今要斬奸邪必請上方之劍非真命不足以破僭竊故曰欲誠其意先致其知知乃真主一向昏迷不覺今言致者猶達也譬如忠臣志欲除奸不敢自用必先致奸邪之狀達于其主使其醒悟故謂之致若真主一悟則奸邪自不容其作祟矣故曰欲誠其意先致

其知 物即外物一向與我作對者乃見聞
知覺視聽言動所取之境知即真知乃自體
本明之智光此一知字是迷悟之原以迷則
內變真知為妄想故意不誠不誠故不明外
取真境為可欲故物不化不化故為礙是則

教四

三五

此一知字為內外心境真妄迷悟之根宗古
人云知之一字衆妙之門衆禍之門是也今
撥亂反正必內仗真知之力以破妄想外用
真知之炤以融妄境格即禹格三苗之格謂
我以至誠感通彼即化而歸我所謂至誠貫
金石感豚魚格也且知有真妄不同故用亦
異而格亦有二以妄知用妄想故物與我相
扞格此格為鬪格之格如云與接為構日與
心鬪是也以真知用至誠故物與我相感通
此格乃感格之格如云格其非心是也且如

驢鳴蛙噪窻前草皆聲色之境與我作對為
扞格而宋儒有聞驢鳴蛙噪見窻前草而悟
者聲色一也向之與我扞格者今則化為我
心之妙境矣物化為知與我為一其為感格
之格復何疑 問真知無物可對如何感格
于物答真知其實內外洞然無物可對而感
物之理最難措口易曰寂然不動感而遂通
天下之故寂然不動知體也天下之故外物
也感而遂通格物也感通云者不是真知鑽
到物裏去以真知蕩然無物當前故也真妄
心境不容兩立外物如黑暗真知如白日若
白日一昇羣暗頓滅殆約消化處說感通耳
以暗感明則明成暗今以明感暗則暗自謝
而明獨立故雖感而本不相到而重在明也
物體本虛以妄取著故作障礙今以真知獨

炤則觸處洞然無物可當情矣以寂然不動之真知達本來無物之幻物斯則知不待感而自炤物不待通而自融兩不相觸微矣微矣故學人獨貴在真知真知一立則明德自明元無一毫造作大學工夫所以言明言知而修齊治平皆是物也

卷四

三十一

問始綱領說明德親民止至善分明是三件事今條目上只說明明德於天下終歸到致知格物上若一件事是何意答聖人此意最妙千古無人會得此中八件事單單只重在一箇知字此知字即明德乃本體也前云第一箇明字有二義吾向所解致知格物乃用前悟明一意工夫已在知中止字即寂然不動之知體知止知字即第一箇明字乃工夫此一段已知致至極處知體既極則誠意

正心修身之能事畢矣如此則明德與新民分明兩事今欲明明德于天下乃用第二揭示昭明之意則致知格物亦可就新民上說且知止而后有定是已立謂知所止則自己脚跟已立定矣慮而后能得是已達謂已十

一切事物通達而不遺目前無一毫障礙則法法皆真豈非已達耶其所以立所以達皆仗真知之力也故今做新民的工夫就將我已悟之真知致達于萬物之中萬物既蒙我真知一炤則如紅爐點雪烈日消霜不期化而自化矣故云致知在格物物自化故謂之格彼物既格則我之明德自然炤明于天下民不期新而自新矣所謂立人達人也如此則明德新民只是一事三綱領者一而三三而一也故此八事只了明明德于天下一句

卷四

三十三

且從家國而後及天下者知遠之近也明甚
問如何格物就能平得天下答且道所格之
物是何物即天地萬物盡在裏許豈除了天
地萬物外別尋箇物來格耶若格物平不得
天下如何孔子說一日克己復禮天下歸仁
且道天下又是何物歸仁畢竟歸向何處去
參參 問致知格物與克己復禮天下歸仁
如何消會答克己即致知復禮即格物天下
歸仁即物格 問學人不會答己是物克是
致知復禮則己化化己豈非格物耶天下歸
仁何等太平氣象是謂物格 問正心致知
何辨答正心乃四勿先將視聽言動絕其非
禮但可修身正己不能化物若致知專在格
物則達人其功最大所以大學重在致知
問格物物格先後之旨答前八事著先字總

歸重在末後致知上此是說工夫今從物格
說至平天下著後字亦是提起知字要顯向
後七事都是知字的效驗耳學人要在知
字上著眼前云致知格物者是感物以達其
知此格字乃感格之格今言物格而後知至
者是藉物以驗知體意謂彼物但有一毫不
消化處便是知不到至極處必欲物消化盡
了纔極得此真知如此則物格之格乃來格
之格所謂神之格思的格字正是天下歸仁
之意物都來格方是知之效驗所以格物物
格學人須要討分曉若物都來格了則一路
格去直到天下平方纔罷手聖人意旨了然
明白只是要真實工夫做出乃見下落 問
自天子以至于庶人壹是皆以修身爲本既
云只一知字如何歸到修身上答不從修身

上做起不道向虛空裏做所以聖人分明示汝克己復禮天下歸仁以己即己身乃是我最親之一物比外物不同克己乃是我致知先致在己身一物上若將自己此物格了然後格天地萬物何難之有故通以修身爲本

致四

三十四

問格有三義謂扞格感格來格答三義通由一人而發也請以喻明昔杞梁之妻善哭夫死哭之初哭則里人惡其聲歎其人故聞其哭則掩耳見其人則閉目以其哭異乎人之哭也其妻亦不以里人厭惡而不哭哭之既久里人不覺而哀痛之亦哭哭則忘其厭惡也厭惡忘則心轉而憐之矣其妻亦不以其人憐已而不哭終哭之不休久則通里人人皆善哭矣人人皆善哭則忘其哀痛而不見若人之爲哭者人人善哭哭久則通里以成

致四

三五

俗俗成則人人皆謂自能哭矣人人自能哭則視杞梁之妻猶夫人也不異已而與之周旋密邇則無不忘也且杞梁之妻之哭非哭其夫也哭其天也天乃終身所依賴者失則不容不哭也慟則終天之恨也以知天不容已故哭亦不已奚以人厭惡而可已耶藉使通里之人日日而詢之哭更哀也殆非有意欲人憐已也豈詢而能止之即白刃在前鼎鑊在後威而止之不能也何耶以此天外無可哭者矣初哭而人惡之者以哭之痛特異于人也扞格也哭久而人人皆痛者以哭之痛切于人心故人人皆自痛非痛杞也感格也蓋久而通里善哭以成俗則不知哭痛自杞出抑視梁妻直類已焉耳斯則來格也此言雖小可以喻大

此 慈山大師所著太學綱領決疑也大
 師居曹溪章逢之士多負笈問道大師現
 舉子身而為說法今年過吳門舉似謙益
 曰老人遊戲筆墨猶有童心要非衲衣下
 事也子其謂何益聞張子韶少學于龜山
 闕見未發之中及造徑山以格物物格宗
 旨言下扣擊頓領微旨晚宋稱氣節者皆
 首子韶由今觀之子韶抗辨經遠晚誦橫
 浦執書倚立雙趺隱然視少年氣節殆如
 雪泥鴻爪非有得于徑山之深而能然乎
 今之謂子韶者願力不同其以世諦而宣
 正法則一也扁鵲聞秦人愛小兒即為小
 兒醫今世尚舉子故大師現舉子身而為
 說法何謂非衲衣下事乎子韶嘗云每聞
 徑山老人所舉因緣如千門萬戶一踏而

開今之舉子能作如是觀大師金剛眼睛
 一一從筆頭點出矣萬曆丁巳四月虞山
 幅巾弟子錢謙益焚香敬題
 慈山大師夢遊全集卷第四十四
 音釋

瑩 禁定切王色 鑽 祖官切穿 攀 披班切下
 一曰潔也 物之鑽也 攀 披班切下
 鞭 卑眠切 鬧 乃教切 滲 所禁切 康 呼回切 黜
馬籃東 不靜也 康 呼回切
音出賊 剗 音產剗 詢 與諾同
斥也 剗 平也 詢 恥辱也

致甲

五十六

慈山大師夢遊全集卷第四十五 敦五

侍者福善日錄 門人通炯編輯

觀老莊影響論

叙意

西域諸祖造論以破外道之執須善自佗

敦五

宗此方從古經論諸師未有不善自佗宗者吾宗末學安于孤陋昧于同體視爲異物不能融通教觀難于利俗其有初信之士不能深窮教典苦于名相支離難于理會至于酷嗜老莊爲文章淵藪及其言論指歸莫不望洋而嘆也迨觀諸家註釋各徇所見難以折衷及見口義副墨深引佛經每一言有當且謂一大藏經皆從此出而惑者以爲必當深有慨焉余居海上枯坐之餘因閱楞嚴法華次有請益老莊之

旨者遂蔓衍及此以自決非敢求知于真人以爲必當之論也且慨從古原教破敵者發藥居多而啓膏盲之疾者少非不妙投第未殄其病原耳是故余以唯心識觀而印夾之如摩尼圓照五色相鮮空谷傳聲衆響斯應苟唯心識而觀諸法則彼自不出影響間也故以名論

論教原

嘗觀世之百工技藝之精而造乎妙者不可以言傳效之者亦不可以言得况大道之妙可以口耳授受語言文字而致哉蓋在心悟之妙耳是則不獨叅禪貴在妙悟即世智辯聰治世語言資生之業無有一法不悟而得其妙者妙則非言可及也故吾佛聖人說法花則純談實相乃至妙法則未措一詞但云

如是而已至若悟妙法者但云善說法者治世語言資生業等皆順正法而花嚴五地聖人善能通達世間之學至于陰陽術數圖書印璽醫方辭賦靡不該練然後可以涉俗利生故等覺大士現十界形應以何身何法得

教五

二

度即現何身何法而度脫之由是觀之佛法豈絕無世諦而世諦豈盡非佛法哉由人不悟大道之妙而自畫于內外之差耳道豈然乎竊觀古今銜道藩籬者在此則曰彼外道耳在彼則曰此異端也大而觀之其猶貴賤偶人經界太虛是非日月之光也是皆不悟自心之妙而增益其戲論耳蓋古之聖人無他特悟心之妙者一切言教皆從妙悟心中流出應機而示淺深者也故曰無不從此法界流無不還歸此法界是故吾人不悟自心

不知聖人之心不知聖人之心而擬聖人之言者譬夫場人之欣戚雖樂不樂雖哀不哀哀樂原不出于已有也哀樂不出于已而已為有者吾于釋聖人之言者見之

論心法

余幼師孔不知孔師老不知老既壯師佛不知佛退而入于深山大澤習靜以觀心焉由是而知三界唯心萬法唯識既唯心識觀則一切形心之影也一切聲心之響也是則一切聖人乃影之端者一切言教乃響之順者

教五

三

由萬法唯心所現故治世語言資生業等皆順正法以心外無法故法法皆真迷者執之而不妙若悟自心則法無不妙心法俱妙唯聖者能之

論去取

吾佛經盡出自西域皆從翻譯然經之來始于漢至西晉方大盛晉之譯師獨稱羅什爲最而什之徒生肇融敷四公僧之麟鳳也而什得執役然什于肇亦曰余解不謝子文當相揖耳蓋肇尤善老莊焉然佛經皆出金口所宣而至此方則語多不類一經而數譯者有之以致淺識之疑殊不知理實不差文在譯人之巧拙耳故藏經凡出什之手者文皆雅致以有四哲左右焉故法華理深辭密曲盡其妙不在言而維摩文勢宛莊語其理自昭著至于肇四論則渾然無隙非具正法眼者斷斷難明故惑者非之以空宗莊老孟浪之談宜矣清涼觀國師華嚴菩薩也至疏華嚴每引肇論必曰肇公尊之也嘗竊論之藉使肇見不正則什何容在座什眼不明則譯

何以稱尊若肇論不經則觀又何容口古今質疑頗多而槩不及此何哉至觀華嚴疏每引老莊語甚夥則曰取其文不取其意圭峰則謂二氏不能原人宗鏡闢之尤著然上諸師皆應身大士建大法幢者何去取相左如此嘗試論之抑各有所主也蓋西域之語質直無文且多重複而譯師之學不善兩方者則文多鄙野大爲理累蓋中國聖人之言除五經束于世教此外載道之言者唯老一書而已然老言古簡深隱難明發揮老氏之道者唯莊一人而已焦氏有言老之有莊猶孔之有孟斯言信之然孔稱老氏猶龍假孟而見莊豈不北面耶間嘗私謂中國去聖人即上下千古負超世之見者去老唯莊一人而已載道之言廣大自在除佛經即諸子百氏

究天人之學者唯莊一書而已藉令中國無此人萬世之下不知有真人中國無此書萬世之下不知有妙論蓋吾佛法廣大微妙譯者險辭以濟之理必沈隱如楞伽是已是故什之所譯稱最者以有四哲為之輔佐故耳

教五

觀師有言取其文不取其意斯言有由矣設或此方有過老莊之言者肇必捨此而不顧矣由是觀之肇之經論用其文者蓋肇宗法華所謂善說法者世諦語言資生業等皆順止法乃深造實相者之所為也圭峰少而宗鏡遠之者孔子作春秋假天王之令而行賞罰二師其操法王之權而行褒貶歛清涼則渾融法界無可無不可者故取而不取是各有所主也故余以法華見觀音三十二應則曰應以婆羅門身得度即現其身而為說法

教五

五

至于妙莊嚴二子則曰汝父信受外道深著婆羅門法且二子亦悔生此邪見之家蓋此方老莊即西域婆羅門類也然此剛為現身說法旋即斥為外道邪見何也蓋在著與不著耳由觀音圓通無礙則不妨現身說法由妙莊深生執著故為外道邪見是以聖人教人但破其執不破其法是凡執著音聲色相者非正見也

論學問

余每見學者披閱經疏忽撞引及子史之言者如攔路虎必驚怖不前及教之親習則曰彼外家言耳掉頭弗顧抑嘗見士君子為莊子語者必引佛語為鑒或一言有當且曰佛一大藏盡出于此差乎是豈通達之謂耶質斯二者學佛而不通百氏不但不知世法而

亦不知佛法解莊而謂盡佛經不但不知佛意而亦不知莊意此其所以難明也故曰自大視細者不盡自細視大者不明余嘗以三事自勗曰不知春秋不能涉世不知老莊不能忘世不參禪不能出世知此可與言學矣

論教乘

或問三教聖人本來一理是果然乎曰若以三界唯心萬法唯識而觀不獨三教本來一理無有一事一法不從此心之所建立若以平等法界而觀不獨三聖本來一體無有一人一物不是毘盧遮那海印三昧威神所現故曰不壞相而緣起染淨恒殊不捨緣而卽真聖凡平等但所施設有圓融行布人法權實之異耳圓融者一切諸法但是一心染淨融通無障無礙行布者十界五乘五教理事

兼五

六

因果淺深不同所言十界謂四聖六凡也所言五教謂小始終頓圓也所言五乘謂人天聲聞緣覺菩薩也佛則最上一乘矣然此五乘各有修進因果階差條然不紊所言人者卽蓋載兩間四海之內君長所統者是已原其所修以五戒爲本所言天者卽欲界諸天帝釋所統原其所修以上品十善爲本色界諸天梵王所統無色界諸天空定所持原其所修上品十善以有漏禪九次第定爲本此二乃界內之因果也所言聲聞所修以四諦爲本緣覺所修以十二因緣爲本菩薩所修以六度爲本此三乃界外之因果也佛則圓悟一心妙契三德攝而爲一故曰圓融散而爲五故曰行布然此理趣諸經備載由是觀之則五乘之法皆是佛法五乘之行皆是佛

行良由衆生根器大小不同故聖人設教淺深不一無非應機施設所謂教不躡等之意也由是證知孔子人乘之聖也故奉天以治人老子天乘之聖也故清淨無欲離人而入天聲聞緣覺超人天之聖也故高超三界遠七越四生棄人天而不入菩薩超二乘之聖也七出人天而入人天故往來三界救度四生出真而入俗佛則超聖凡之聖也故能聖能凡在天而天在人而人乃至異類分形無往而不入且夫能聖能凡者豈聖凡所能哉據實而觀則一切無非佛法三教無非聖人若人若法統屬一心若事若理無障無礙是名爲佛故圓融不礙行布十界森然行布不礙圓融一際平等又何彼此之分是非之辯哉故或遺地語說四諦或隨俗語說四諦蓋人

天隨俗而說四諦者也原彼二聖豈非吾佛密遣二人而爲佛法前導者耶斯則人法皆權耳良由寔化門頭不壞因果之相三教之學皆防學者之心緣淺以及深由近以至遠是以孔子欲人不爲虎狼禽獸之行也故以仁義禮智援之姑使捨惡以從善由物而入人修先王之教明賞罰之權作春秋以明治亂之迹正人心定上下以立君臣父子之分以定人倫之節其法嚴其教切近人情而易行但當人欲橫流之際故在彼汲汲猶難之吾意中國非孔氏而人不爲夷狄禽獸者幾希矣雖然孔氏之迹固然耳其心豈盡然耶况彼明言之曰毋意毋必毋固毋我觀其齊世之心豈非據菩薩乘而說治世之法者耶經稱儒童良有以也而學者不見聖人之心

將謂其道如此而已矣故執先王之迹以挂功名堅固我執肆貪欲而爲生累至操仁義而爲盜賊之資啓攻闢之禍者有之矣故老子愍之曰斯尊聖用智之過也若絕聖棄智則民利百倍剖斗折衡則民不爭矣甚矣貪欲之害也故曰不見可欲使心不亂故其爲教也離欲清淨以靜定持心不事于物澹泊無爲此天之行也使人學此離人而入于大由其言深沈學者難明故得莊子起而大發揚之囚人之固執也深故其言之也切至于誹堯舜薄湯武非大言也絕聖棄智之謂也治推上古道越羲皇非漫談也甚言有爲之害也誠嘗孔子非詆孔子詆學孔子之迹者也且非實言乃破執之言也故曰寓言十九重言十七訶教勸離墮形泯智意使離人入

教五

八

天去貪欲之累故耳至若精研世故曲盡人情破我執之牢關去生人之大累寓言曼衍比事類辭精切著明微妙玄通深不可識此其說人天法而具無礙之辯者也非夫現婆羅門身而說法者耶何其遊戲廣大之若此也糝糠塵世幻化死生解脫物累逍遙自在其超世之量何如哉嘗謂五伯僭竊之餘處士橫議克塞仁義之涂若非孟氏起而大闢之吾意天下後世左衽矣當羣雄吞噬之劇舉世顛隕亡生于物欲火馳而不返者衆矣若非此老踞起攘臂其間後世縱有高潔之士將亦不知軒冕爲桎梏矣均之濟世之功又何如耶然其工夫由靜定而入其文字從三昧而出後人以一曲之見而窺其人以濁亂之心而讀其書茫然不知所歸趣苟不見

教五

九

其心而觀其言宜乎驚怖而不入也且彼亦曰萬世之後而一遇大聖知其解者是旦暮遇之也然彼所求之大聖非佛而又其誰耶吾意彼爲吾佛破執之前予斯言信之矣世人于彼尚不入安能入于佛法乎

論工夫

吾教五乘進修工夫雖各事行不同然其修心皆以止觀爲本故吾教止觀有大乘有小乘有人天乘四禪八定九通明禪孔氏亦曰知止而後有定又曰自誠明此人乘止觀也老子曰常無欲以觀其妙常有欲以觀其微又曰萬物竝作吾以觀其復莊子亦曰莫若以明又曰聖人不由而照之于天又曰人莫鑑于流水而鑑于止水惟止能止衆止也又曰大定持之至若百骸九竅賅而存焉吾誰

與爲親又曰咸其自取怒者其誰耶至若黃帝之退居顏子之心齋丈人承蜩之喻仲尼夢覺之論此其靜定工夫舉皆釋形去智離欲清淨所謂厭下苦羸障欣上淨妙離羣去人而入天按教所明乃捨欲界生而生初禪者故曰宇泰定者發乎天光此天乘止觀也首楞嚴曰一切世間所修心人愛染不生無留欲界是人應念身爲梵侶又曰欲習既除離欲心現是人應時能行梵德名爲梵輔又曰清淨禁戒加以明悟是人應時能統梵衆爲大梵王又曰此三勝流一切煩惱所不能逼雖非正修真三摩地清淨心中諸漏不動名爲初禪至于澁心不動湛寂生光倍倍增勝以歷二三四禪精見現前陶鑄無礙以至究竟羣幾窮色性性入無邊際名色究竟天

此其證也由是觀之老氏之學若謂大患莫
若干有身故滅身以歸無勞形莫先于有智
故釋智以淪虛此則有似二乘且出無佛世
觀化知無有似獨覺原其所宗虛無自然卽
屬外道觀其慈悲救世之心人天交歸有無
雙照又似菩薩蓋以權論正所謂現婆羅門
身而說法者據實判之乃人天乘精修梵行
而入空定者是也所以能濟世者以大梵天
王爲娑婆主統領世界說十善法救度衆生
據華嚴地上菩薩爲大梵王至其梵衆皆實
行天人由人乘而修天行者此其類也無疑
矣吾故曰莊語純究天人之際非孟浪之談
也

論行本

原夫卽一心而現十界之像是則四聖六凡

教五

十二

皆一心之影響也豈獨人天爲然哉究論修
進階差實自人乘而立是知人爲凡聖之本
也故裴休有言曰鬼神沈幽愁之苦鳥獸懷
猶狄之悲修羅方瞋諸天耽樂可以整心慮
趣菩提唯人道爲能耳由是觀之捨人道無
以立佛法非佛法無以盡一心是則佛法以
人道爲鎡基人道以佛法爲究竟故曰菩提
所緣緣苦衆生若無衆生則無菩提此之謂
也所言人道者乃君臣父子夫婦之間民生
日用之常也假而君君臣臣父子子不識
不知無貪無競如幻化人是爲諸上善人俱
會一處卽此世界爲極樂之國矣又何庸夫
聖人哉奈何人者因愛欲而生愛欲而死其
生死愛欲者財色名食睡耳由此五者起貪
愛之心構攻鬪之禍以致君不君臣不臣父

不父子不子雖先王之賞罰不足以禁其心
適一已無厭之欲以結未來無量之苦是以
吾佛愍之曰諸苦所因貪欲爲本若滅貪欲
無所依止故現身三界與民同患乃說離欲
出苦之要道耳且不居天上而乃生于人間
者正示十界因果之相皆從人道建立也然
既處人道不可不知人道也故吾佛聖人不
從空生而以淨梵爲父摩耶爲母者示有君
親也以耶輸爲妻示有夫婦也以羅睺爲子
示有父子也且必捨父母而出家非無君親
也割君親之愛也棄國榮而不顧示名利爲
累也擲妻子而遠之示貪欲之害也入深山
而苦修示離欲之行也先習外道四徧處定
示離人而入天也捨此而證正徧正覺之道
者示人天之行不足貴也成佛之後入王宮

而昇父棺上切利而爲母說法示佛道不捨
孝道也依人間而說法示人道易趣菩提也
假王臣爲外護示處世不越世法也此吾大
師示現度生之楷模垂誠後世之弘範也嗟
乎吾人爲佛弟子不知吾佛之心處人間世
不知人倫之事與之論佛法則儼伺真如瞞
預佛性與之論世法則觸事面墻幾如構昧
與之論教乘則曰枝葉耳不足尚也與之言
六度則曰菩薩之行非吾所敢爲也與之言
四諦則曰彼小乘耳不足爲也與之言四禪
教五
八定則曰彼外道所習耳何足齒也與之言
人道則茫不知君臣父子之分仁義禮智之
行也嗟乎吾人不知何物也然而好高慕遠
動以口耳爲借資竟不知吾佛救人出世以
離欲之行爲第一也故曰離欲寂靜最爲第

一以余生人道不越人乘故幼師孔子以知人欲爲諸苦本志離欲行故少師老莊以觀三界唯心萬法唯識知十界唯心之影響也故皈命佛

論宗趣

教五

十三

老氏所宗虛無大道卽楞嚴所謂晦昧爲空八識精明之體也然吾人迷此妙明一心而爲第八阿賴耶識依此而有七識爲生死之根六識爲造業之本變起根身器界生死之相是則十界聖凡統皆不離此識但有執破染淨之異耳以欲界凡夫不知六塵五欲境界唯識所變乃依六識分別起貪愛心固執不捨造種種業受種種苦所謂人欲橫流故孔子設仁義禮智教化爲隄防使思無邪姑捨惡而從善至若定名分正上下然其道未

離分別卽所言靜定工夫以唯識證之斯乃斷前六識分別邪妄之思以祛闢諍之害而要歸所謂妙道者乃以七識爲指歸之地所謂生機道原故曰生生之謂易是也至若老氏以虛無爲妙道則曰谷神不死又曰苑而不亡者壽又曰生生者不生且其教以絕聖棄智忘形去欲爲行以無爲爲宗極斯比孔則又進觀生機深脈破前六識分別之執伏前七識生滅之機而認八識精明之體卽楞嚴所謂罔象虛無微細精想者以爲妙道之源耳故曰惚兮恍其中有象恍兮惚其中有物其以此識乃全體無明觀之不透故曰杳杳冥冥其中有精以此識體不思議熏不思議變故曰玄之又玄而稱之曰妙道以天地萬物皆從此中變現故曰天地之根衆妙之

門不知其所以然而然故莊稱自然且老乃中國之人也未見佛法而深觀至此可謂捷疾利根矣借使一見吾佛而印決之豈不頓證真無生耶吾意西涉流沙豈無謂哉大段此識深隱難測當佛未出世時西域九十六種以六師爲宗其所立論百什至于得神通者甚多其書又不止此方之老莊也洎乎吾佛出世靈山一會英傑之士皆彼六師之徒且其見佛不一言而悟如良馬見鞭影而行豈非昔之工夫有在但邪執之心未忘故今見佛只在點化之間以破其執耳故佛說法原無贅語但就衆生所執之情隨宜而擊破之所謂以楔出楔者本無實法與人也至于楞嚴會上微細披剥次第徵辯以破因緣自然之執以斷凡夫外道二乘之疑而看教者

教五

十四

不審乎此但云彼西域之人耳此東土之人也有彼此而佛性豈有二耶且吾佛爲三界之師四土之父豈其說法止爲彼方之人而此十萬里外則絕無分耶然而一切衆生皆依八識而有生死堅固我執之情者豈只彼方衆生有執而此方衆生無之耶是則此第八識彼外道者或執之爲冥諦或執之爲自然或執之爲因緣或執之爲神我卽以定修心生于梵天而執之爲五現涅槃或窮空不歸而入無色界天伏前七識生機不動進

教五

十五

觀識性至空無邊處無所有處以極非非想處此乃界內修心而未離識性者故曰學道之人不識真只爲從前認識神無量劫來生處本癡人認作本來人者是也至于界外聲聞已滅三界見思之惑已斷三界生死之苦

已證無爲寂滅之樂八識名字尚不知而亦認爲涅槃將謂究竟寧歸之地且又親從佛教得度猶費吾佛四十年彈訶淘汰之功至于法華會上猶懷疑佛之意謂以小乘而見濟度雖地上菩薩登七地已方捨此識而猶異熟未空由是觀之八識爲生死根本豈淺淺哉故曰一切世間諸修行人不能得成無上菩提乃至別成聲聞緣覺及成外道諸天魔王及魔眷屬皆由不知二種根本一者無始生死根本則汝今者與諸衆生用攀緣心爲自性者二者無始涅槃元清淨體則汝今者識精元明能生諸緣緣所遺者正此之謂也噫老氏生人間世出無佛世而能窮造化之原深觀至此卽其精進工夫誠不易易但未打破生死窠堀耳古德嘗言孔助于戒以

其嚴于治身老助于定以其精于忘我二聖之學與佛相須而爲用豈徒然哉據實而論執孔者涉因緣執老者墮自然要皆未離識性不能究竟一心故也佛則離心意識故曰本非因緣非自然性方徹一心之原耳此其世出世法之分也佛所破正不止此卽出世三乘亦皆在其中世人但見莊子誅堯舜薄湯武詆訾孔子之徒以爲驚異若聞世尊訶斥二乘以爲焦芽敗種悲重菩薩以爲佛法闡提又將何如耶然而佛訶二乘非訶二乘訶執二乘之迹者欲其捨小趣大也所謂莊詆孔子非詆孔子詆學孔子之迹者欲其絕聖棄智也要皆遣情破執之謂也若果情忘執謝其將把臂而遊妙道之鄉矣方且歡忻至樂之不服又何庸大憤憤哉華嚴地上菩

薩于盒灰事火臥棘投鍼之傳靡不現身其中與之作師長也苟非佛法又何令彼入佛法哉故彼六師之執熾非佛不足以拔之吾意老莊之大言非佛法不足以證嚮之信乎遊戲之談雖老師宿學不能自解免耳今以唯心識觀皆不出乎影響矣

教五

十六

此論創意蓋予居海上時萬曆戊子冬乞食王城嘗與洞觀居士夜談所及居士大爲撫掌庚寅夏日始命筆焉藏之既久向未拈出甲午冬隨緣王城擬請益于弱侯焦太史不果明年乙未春以弘法罹難其草業已遺之海上矣仍遣侍者往殘簡中搜得之秋蒙恩遣雷陽達觀禪師由匡廬杖策候予于江上冬十一月予方渡江晤師于旅泊菴夜坐出此師一讀三歎曰是

教五

十七

足以祛長迷也卽命弟子如奇刻之以廣法施予固止之戊戌夏予寓五羊時與諸弟子結制壘壁間爲衆演楞嚴宗旨門人寶貴見而歎喜願竭力成之以卒業焉噫欲識佛性義當觀時卽因緣此區區片語誠不足爲法門重輕創意于十年之前而克成于十年之後作之于東海之東而行之于南海之南豈機緣偶會而然耶道與時也庸可強乎然此蓋因觀老莊而作也故以名論萬曆戊戌除日憨山道人清書于楞伽室

病後俗冗近始讀大製曹谿通志及觀老莊影響論等書深爲嘆服所謂不知春秋不能涉世不知老莊不能忘世不參禪不能出世及孔子人乘之聖老子天乘之聖

佛能聖能凡能人能天之聖如此之類百世不易之論也起元再稽顙

道德經解發題

發明宗旨

老氏所宗以虛無自然爲妙道此卽楞嚴所謂分別都無非色非空拘舍離等昧爲冥諦者是已此正所云八識空昧之體也以其此識最極幽深微妙難測非佛不足以盡之轉此則爲大圓鏡智矣菩薩知此以止觀而破之尚有分證至若聲聞不知則取之爲涅槃西域外道梵志不知則執之爲冥諦此則以爲虛無自然妙道也故經曰諸修行人不能得成無上菩提乃至別成聲聞緣覺諸天外道魔王及魔眷屬皆由不知二種根本錯亂修習猶如鬻沙欲成佳饌縱經塵劫終不能

得云何二種一者無始生死根本則汝今者與諸衆生用攀緣心爲自性者二者無始涅槃元清淨體則汝今者識精元明能生諸緣緣所遺者此言識精元明卽老子之妙道也故曰杳杳冥冥其中有精其精甚真由其此體至虛至大故非色以能生諸緣故非空不知天地萬物皆從此識變現乃謂之自然由不思議熏不思議變故謂之妙至精不雜故謂之真天地壞而此體不壞人身滅而此性常存故謂之常萬物變化皆出于此故謂之

教五

十八

發明趣向

愚謂看老莊者先要熟覽教乘精透楞嚴融會吾佛破執之論則不被他文字所惑然後精修靜定工夫純熟用心微細方見此老工夫苦切然要真真實實看得身為苦本智為累根自能隳形釋智方知此老真實受用至

整

十九

樂處更須將世事一一看破人情一一觀透虛懷處世目前無有絲毫障礙方見此老真實逍遙快活廣大自在儼然一無事道人然後不得已而應世則不費一點氣力端然無為而治觀所以教孔子之言可知已莊子一書乃老子之註疏故愚所謂老之有莊如孔之有孟是知二子所言皆真實話非大言也故曰吾言甚易知甚易行天下莫能知莫能行而世之談二子者全不在自己工夫體會只以語言文字之乎者也而擬之故大不相

及要且學疎狂之態者有之而未見有以靜定工夫而入者此其所謂知我者希矣冀親二子者當作如是觀

發明工夫

老子一書向來解者例以虛無為宗及至求其入道工夫茫然不知下手處故予于首篇將觀無觀有一觀字為入道之要使學者易入然觀照之功最大三教聖人皆以此示人孔子則曰知止而後有定又曰明明德然知明即了悟之意佛言止觀則有三乘止觀人天止觀淺深之不同若孔子乃人乘止觀也老子乃天乘止觀也然雖三教止觀淺深不同要其所治之病俱以先破我執為第一步工夫以其世人盡以我之一字為病根即智愚賢不肖汲汲功名利祿之場圖為百世子

孫之計用盡機智總之皆爲一身之謀如佛
言諸苦所因貪欲爲本皆爲我故老子亦曰
貴大患若身以孔聖爲名教宗主故對中下
學人不敢輕言破我執唯對顏子則曰克己
其餘但言正心誠意修身而已然心既正意
既誠身既修以此施于君臣父子之間各盡
其誠卽此是道所謂爲名教設也至若絕聖
棄智無我之旨乃自受用地亦不敢輕易舉
似于人唯引而不發所謂若聖與仁則吾豈
敢又曰吾有知乎哉無知也有鄙夫問于我
空空如也至若極力爲人處則曰克己則曰
毋意毋必毋固毋我此四言者肝膽畢露然
已者我私意者生心必者待心固者執心我
者我心克者盡絕毋者禁絕之辭教人盡絕
此意必固我四者之病也以聖人虛懷遊世

教五

二十

寂然不動物來順應感而遂通用心如鏡不
將不迎來無所黏去無蹤迹身心兩忘與物
無競此聖人之心也世人所以不能如聖人
者但有意必固我四者之病故不自在動卽
是苦孔子觀見世人病根在此故使痛絕之
卽此之教便是佛者以無我爲宗也且毋字
便是斬截工夫下手最毒卽如法家禁令之
言毋得者使其絕不可有犯一犯便罪不容
赦只是學者不知耳至若吾佛說法雖浩瀚
廣大要之不出破衆生羸細我法二執而已
二執既破便登佛地卽三藏經文皆是破此
二執之具所破之執卽孔子之四病尚乃羸
執耳世人不知將謂別有玄妙也若夫老子
超出世人一步故頌以破執立言要人釋智
遺形離欲清淨然所釋之智乃私智卽意必

教五

主

也所遺之形卽固我也所離之欲卽已私也清淨則廓然無礙如太虛空卽孔子之大公也是知孔老心法未嘗不符第門庭施設藩衛世教不得不爾以孔子專於經世老子顯於忘世佛顯於出世然究竟雖不同其實最初一步皆以破我執爲主工夫皆由止觀而入

發明體用

或曰三教聖人教人俱要先破我執是則無我之體同矣奈何其用有經世忘世出世之不同耶答曰體用皆同但有淺深小大之不同耳假若孔子果有我是但爲一己之私何以經世佛老果絕世是爲自度又何以利生是知由無我方經世由利生方見無我其實一也若孔子曰寂然不動感而遂通天下

之故用也明則誠體也誠則形用也心正意誠體也身修家齊國治天下平用也老子無名體也無爲而爲用也孔子曰惟天爲大唯堯則之蕩蕩乎民無能名焉又曰無爲而治者其舜也歟且經世以堯舜爲祖此豈有名有爲者耶由無我方視天下皆我故曰堯舜與人同耳以人皆同體所不同者但有我私爲障礙耳由人心同此心心同則無形礙故汲汲爲之教化以經濟之此所以由無我而經世也老子則曰常善教人故無棄人無棄人則人皆可以爲堯舜是由無我方利生也若夫一書所言爲而不宰功成不居等語皆以無爲爲經世之大用又何嘗忘世哉至若佛則體包虛空用周沙界隨類現身乃曰我於一切衆生身中成等正覺又曰度盡衆

生方成佛道又曰若能使一衆生發菩提心
寧使我身受地獄苦亦不疲厭然所化衆生
豈不在世間耶既涉世度生非經世而何且
爲一人而不厭地獄之苦豈非汲汲耶若無
一類而不現身豈有一定之名耶列子嘗云
西方有大聖人不言而信無爲而化是豈有
心要爲即是知三聖無我之體利生之用皆
同但用處大小不同耳以孔子匡持世道姑
從一身以及家國後及天下故化止于中國
且要人人皆做堯舜以所祖者堯舜也老子
因見當時人心澆薄故思復太古以所祖者
軒黃也故件件說話不同尋常因見得道大
難容故遠去流沙若佛則教被三千世界至
廣至大無所揀擇矣若子思所讚聖人乃曰
凡有血氣者莫不尊親是知孔子體用未嘗

數至

至

不大但局于時勢耳正是隨機之法故切近
人情此體用之辯也惜乎後世學者各束於
教習儒者拘習老者狂學佛者隘此學者之
弊皆執我之害也果能力破我執則剖破藩
籬卽大家矣

發明歸趣

愚嘗竊謂孔聖若不知老子決不快活若不
知佛決不奈煩老子若不知孔決不口口說
無爲而治若不知佛決不能以慈悲爲寶佛
若不經世決不在世間教化衆生愚意孔老
卽佛之化身也後世學佛之徒若不知老則
直管徃虛空裏看將去目前法法都是障礙
事事不得解脫若不知孔子單單將佛法去
涉世決不知世道人情逢人便說玄妙如賣
死猫頭一毫沒用處故祖師亦云說法不投

機終是閒言語所以華嚴經云或邊地語說四諦此佛說法未嘗單誇玄妙也然隨俗以度生豈非孔子經世之心乎又經云五地聖人涉世度生世間一切經書技藝醫方雜論圖書印璽種種諸法靡不該練方能隨機故曰世諦語言資生之業皆順正法故儒以仁爲本釋以戒爲本若曰孝弟爲仁之本與佛孝名爲戒其實一也以此觀之佛豈絕無經世之法乎由孔子攘夷狄故教獨行于中國佛隨邊地語說四諦故夷狄皆從其化此所以用有大小不同耳是知三教聖人所同者心所異者迹也以迹求心則如蠡測海以心融迹則似芥舍空心迹相忘則萬派朝宗百川一味

憨山緒言

卷五

語

有物者不可以語道夫萬物紛紜非有也有之者人也人不有則萬物何有凡有物者必殉物殉物者幾亡人人亡矣孰與道哉物於人也甚矣夫
忘物者不足以致道夫不有物者達物虛物虛則不假忘而忘矣而云我忘物已我忘物已有所可忘非真忘故云不足以致道
淪虛者未足以盡道夫心不虛者因物有物虛而心自虛矣心虛物虛則心無而有物虛心虛則物有而無如斯則又何滯哉而必以虛爲虛取虛爲極是淪虛也何盡道
忘與不忘俱忘忘矣而必拘俱忘忘矣而不拘俱難噫至矣哉安得無忘而無不忘無俱而無不俱者而與之言忘俱耶
今夫致道者在塵必曰動易體出塵必曰靜

易造以動易者如實石火以靜易者如可急
流石火似有急流似停易此者是不達動靜
之原生滅之本也

被物動者我之招也不有我孰能動哉觀夫
長風鼓於天地木折而竅號於太虛何有焉

故至人無我虛之至也以其虛故不動

教五

三五

心體原真習染成妄故造道之要但治習治
習之要純以智嘗試觀夫融冰者焉火勝則
冰易消智深則習易盡

我信人不信非人不信信不及也人信我不
信非我不信不足信也故我信信心人信信
言言果會心則無不信矣

銖兩移千鈞之至重一私奪本有之大公私
也者圓明之肯生死之蒂也是以得不在小
失不在大聖人戒慎恐懼不睹不聞之地

勞於利勞於名勞於功勞於道其勞雖同所
以勞則異也是以有利不有名有名不有功
有功不有道有道者道成無不備

陸魚不忌濡沫龍鳥不忌理翰以其失常思
返也人而失常不思返是不如魚鳥也悲夫
趣利者急趣道者緩利有情道無味無味
者緩斯急也無味人孰味之味之者謂之真
人

心本澄淵由吸前境濁濁其性起諸昏擾悶
亂生惱推原其根其過在著

一瞥在眼空華亂起纖塵著體雜念紛飛了
賢無華銷塵絕念

至細者大至微者著細易輕微易忽衆人不
識聖人兢兢由乎兢兢故道大功著萬世無
過

物無可欲人欲之故可欲欲生於愛愛必取
取必入入則沒沒則已小而物大生輕而物
重人亡而物存古之善生者不事物故無欲
雖萬狀陳前猶西子售色於麋鹿也

吾觀夫狎虎狼者雖狎而常畏恐其食已也

教五

五

故常畏色欲之於人何啻虎狼哉人狎而且
玩食盡而心甘恬不知畏過矣乎虎狼食身
色欲食性

色欲之於人無敵也故曰賴有一矣若使二
同普天之人無能爲道者吾意善敵欲者最
以智助智以厭厭則懼懼則遠遠則淡淡則
忘忘之者望形若偶人視味如嚼蠟何欲哉
難而易易而難衆人畏難而忽易聖人畏易
而敬難是以道無不大德無不弘功無不成
名無不立

世之皆以功名爲不朽謂可以心致故勞心
謂可以形致故勞形且夫盡勞而未必樹樹
而未必固吁去聖人孰能固哉不固則朽何
固哉吾謂不朽者異夫是知吾之不朽不朽
矣

榮名者跂名榮位者跂位既跂矣辱何加焉
故曰跂者不立不立者無本無本而名位之
兢兢乎得失也何榮哉

富不大以其蓄有蓄則有亡故不大貴不至
以其高有高則有下故不至是知達人無蓄

整

三七

故富莫大焉無高故貴莫至焉
藏迹者非隱迹隱而心未必忘馮名者非顯
名顯而道未必著故隱非正顯非大吾所謂
隱顯者異乎是吾所謂隱顯者隱於體而顯
於用也體隱則廓爾太清萬境斯寂用顯則

森然頓現一道齊觀如斯則逆順隨宜窮通
一致矣噫處此者博大真人哉

君父之命不可逃况大命乎嘗試觀夫負小
技而不達大命者居常爲失意當分爲棄時
故蹕蹕之心憤激託言而要乎世噫過矣夫
達士觀之猶人酣酒夜行而射類於柱抱布
鼓而號救於天也雖然布鼓存焉知命者不
取

以機爲密非密矣以道爲密密也夫吾嘗觀
夫弄弩者岌岌然百發而數獲此善者也而
况不善者乎善爲道者能宥物不發而物無
所逃故密莫大焉勦莫至焉

天地循環千變萬化死生有常人莫之測不
測其常狗物而亡聖人返物故乃昌
人棄我取故人之所有我不有我之所有人

不有人非不有以其不知有故不有設知有
我何異哉

塵垢汚指必濯而後快貪嗔害德而不知祛
是視德不若一指也指汚有生德害失性
負重者累多知者勞累久則形傷勞極則心
竭殆已所以殆者事外也是以重生者事內
不事外循已不循人志存不志亡

變通難言也人莫不以趨利避害爲然而吾
實不然亦有夫利害置前而不可却者變也
何通耶衆人隨之君子審之聖人適之適之

則不有以其不自有故不有

數五

竟

人謂之盜物者爲盜非盜也吾謂之盜心者
爲盜確已夫夫盜盜物未必盡有禦必不入
設入必獲獲則死無容既死矣異盜哉夫盜
盜心必盡失禦急而愈入設獲且生而多又

縱之尤有誨之者慎之哉

道盛柔德盛謙物盛折是以柔愈強謙愈光折愈亡古之不事物者故乃長

密於事者心疏密於心者事達故事愈密心愈疏心愈密事愈達心不洗者無由密是以

聖人貴洗心退藏於密

一刺在膚側掉而不安衆刺在心何可安耶刺膚膚潰刺心心亡

大威可畏觀夫天地肅殺者大威也萬物雖衆靡靡然孰能當之故夫人有威者承天也

天威至公人威効公天威愛物人威主生化人無功化已有功已果化而人不化自化矣徵夫觀德人之容使人之意也消信夫

治逆易治順難逆有對順無知故有知者遇逆如甘露畏順如鳩毒慎之至也以其慎故

教五

无

守不失慎也者成德之人歟

心體本明情塵日厚塵厚而心日昏矣是以聖人用智不用情故致道者以智去情情忘則智泯矣忘情者近道哉

智鉅事微善達事者莫若智故智之器挫銳解紛無不利嘗試觀夫片雲點紅爐清霜消烈日以其勝之也故自勝者孰能禦之

人以大巧我用至拙人巧以失我拙以得故善事道者棄巧取拙無不獲

順我者喜逆我者怒喜怒迭遷好惡競作日益其過推原其由本乎不覺不覺即忘返也忘口體極耳目與物鑠鑠人謂之樂何樂哉苦莫大焉隳形骸泯心智不與物伍人謂之苦何苦哉樂莫至焉是以樂苦者苦日深苦樂者樂日化故効道之人去彼取此

天地不勞而成化聖人以勞而成功衆人因勞而遂事事遂者逸功成者退故曰功成事遂身退天之道

多財者驕高位者慢多功者伐大志者狂勝才者傲厚德者下實道者隨

不了假緣橫生取捨識風鼓扇浩蕩不停如海波澄因風起浪風若不起波浪何生識若不生萬緣何有故致道者不了卽生了卽無生也善哉

源不遠流不長道不大功不固是以聖人德被羣生功流萬世以其道大也有大道者孰能破之

目容天地纖塵能失其明心包大虛一念能塞其廣是知一念者生死之根禍患之本也故知幾知微聖人存戒

教五

下

自信者人雖不信亦信之矣不自信者人雖信亦不信之矣故自信敦誠人信易欺誠者日精欺者日淪智照識惑惑起千差照存獨立故致道者以照照惑貴智不貴識

觀夫市人莽行失足於窪然必惕然揮臂以自誓者爲嫌其污屨也今夫人者處下德而晏然不惕不誓是自短於市人而土苴其道德也悲夫

人皆知變之爲變而爲之變而不知變有不變者存焉苟知其不變則變不能變之矣苟不知其不變雖無變何嘗不變哉請試觀夫聖人身循萬有潛歷四生紘紘竝作而無將無逆者是處其不變而變之也何變哉若夫人者形若槁木而心若颺塵物絕迹而猶呻吟是無變也何嘗不變哉

寢息坐卧所以逸身也止絕攀緣所以逸心也身逸者志墮心逸者志精故養道者忘形師心道乃貞

天地大以能含成其大江海深以善納成其深聖人尊以納污含垢成其尊是以聖人愈

容愈大愈下愈尊故道通百劫福隆終古而

莫之爭

視民爲吾民善善惡惡或不均視民爲吾心慈善悲惡無不真故曰天地同根萬物一體此之謂同仁

見色者盲見見者明聞聲者聾聞聞者聰是以全色全見盡聲盡聞無不融聲色俱非見聞無住此之謂大通

衆念紛紛不止無以會真若以衆念止衆念則愈止愈不止矣苦以一念止衆念則不止

而自止矣吾所謂一念者無念也能觀無念不妨念念而竟何念哉雖然實無念者贊也夫曾不知其爲撥也

心體元虛妄想不有若了妄不有雖有而不有也不了妄不有雖不有猶有之也故妄想如空華其根在眼眚了眚華不無空體常寂滅

夫平居內照似有及涉事即無者直以心境未融前塵未了而爲礙礙也故造道者不了前塵縱心想俱停猶爲趣寂故於至道不取體寂用照不失體即照而寂體不離用即寂而照是以體寂若太虛用照如白日故萬變無虧無幽不鑿

前無始後無終萬劫一念六合一虛人物齊軌大小同狀晝夜不變死生不遷此之謂常

然體此者似人而天誰爲之愆

事小理大事有千差理唯一味善理者即事無外隱顯存亡莫之二是以至人愈動愈靜無不寓

不可以無心得不可以有心求有心執有無

心著無是二俱非則超然獨立所以大人無

對者以其無可當情也

念有物有心空法空是以念若虛鎔逢緣自

在心如圓鑑來去常閒善此者不出尋常端

居妙域矣

大忘不忘無不忘用意忘者愈忘愈著執著

者未喻道果喻道何不忘耶故曰魚相忘於

水人相忘於道

游魚不知海飛鳥不知空凡民不知道藉若

知道豈爲凡民哉吾意善體道者身若魚鳥

心若海空近之矣

一動一靜一語一點揚着瞬目或飲與啄左之右之無時不察察久念裂劃然自得自得者自知人莫之識

天地之功不捨一草滄海之潤不棄一滴圓

明之體不離一念是知一念之要重矣夫

真心至大此身至微是以明真心者返觀此

身猶若片雲浮於太清任往往任來儻然無寄

由無寄故處世若寄焉

爲有爲無能爲爲無爲能有爲是以聖人無

爲而無不爲也吾所謂聖人無爲者蓋卽爲

而不有其爲非若寒灰枯木而斷然不爲也

太虛遊於吾心如一漚在海况天地之在太

虛乎萬物之在天地乎此身之在萬物乎外

物之在此身乎嘻眇小哉以其小故大

天地寂萬物一守寂知一萬事畢處此道者常不忒以其不忒故作做云爲俱不失不失者謂之真人

超然絕待大同也夫不同則物我二物我二則形敵生有形敵者待莫甚焉何絕哉吾意善致道者貴兩忘兩忘則物我一物我一則形敵忘形敵既忘誰待哉絕待故大大故同大同者謂之聖人故曰會萬物而爲己者其唯聖人乎

山河大地一味純真心若圓明天地虛寂故達此者外觸目無可當情中返觀了無一物如斯則空空絕迹物物徒云身寄寰中心超象表矣

靜極則心通言忘則體會是以通會之人心若懸鑑口若結舌形若槁木氣若霜雪嗜果

何人斯願與之遊也

其形似拘拘其中深而虛虛眼若不見耳若不聞昏昏悶悶人望之而似癡若亡人而不知偶誰吾請以爲師

世間所有杳若夢存夢中不無覺後何有故不覺何以超有不超有何以離世吾所謂離世者非離世離世在即世而離世也即世而離世者謂之至人

知有爲始極盡爲終策知以智運極以權權也者涉有也涉有處變古有萬變而不失其正者根本存焉今夫不本而誇善變者是由自縛而解人人見而必唾雖孺子大笑之直達謂之頓密造謂之漸直達詣真密造除僞真不詣僞不除僞不除真不極由是觀夫僞也者真之蔽歟道之害歟德之累歟

圖融該攝廣大交徹全事全理隱顯莫測一
多互舍多一互入舉一通收不妨羅列小大
不殊凡聖不隔常泯常照常起常寂心不可
思言不可議日用尋常曾無欠闕常在其中
不勞途涉此之謂至極

教五

三十四

大言載道小言載名至言忘言載名者近載
道者遠忘言者通是故近則易親遠則易毀
通則莫測以其至故莫測居莫測者謂之神
化

孤掌不鳴不虛無嚮絕待無言由是觀之言
者有待而然也雖然言於無言言即無言
矣無言者言之不及也吾意善得無言者在
遺言言既遺而無言者得矣何言哉

聊城傅光宅曰世之謂子書者則老莊非
其至乎老言簡而意玄莊語奇而思遠後

教五

三五

之談道者歸焉荀楊而下未足擬也茲緒
言將非老莊之倫耶其為文俊偉明潔而
其意旨難以名言或老莊猶有所未及耶
疑者曰子是過矣老莊何可及也余曰老
莊誠不可及也乃所稱谷神和同與疑始
玄珠之類則似有言而未盡又似欲言而
難於言者道信無窮極也西方聖人無法
可說而有說法言之盡矣故觀老莊而知
諸子未盡也觀西方聖人而知老莊未盡
也緒言則旨出於西方聖人而文似老莊
者也故曰或老莊猶有所未及也然是亦
有言也有言則緒也故以緒言名即其言
而求其所不言是存乎人矣不然謂慈山
今人也緒言何奇哉豈唯不及老莊亦復
不及諸子

憨山大師夢遊全集卷第四十五

音釋

賅 明改切 音害
猶 休華切 音旭
狷 尤救切 音右
躡 腫度切 音蕪

憨山大師夢遊全集卷第四十六 敦六

侍者福善日錄 門人通炯編輯

徑山雜言

師在徑山與諸弟子接見散口而談日出
皆證後利生最親切者不宜散落某生平

表六

能領指不能記誦師言波浪深濶而某又
十日後方起此念不復能憶全語始次標
目記其大略前話并續別開示者一一綴
入爲徑山法語以便刻施普及不枉大師
唾沫之慈澹居師及大衆同此一心

弟子朱鷺記

此一大事須平實商量方得受用第一不得
好玄妙唇舌波浪謂之弄精魂

此事不從參究入者不得力不向教上印證
者不得正知見不從境緣上打鍊者亦只是

光影門頭事及臨逆順八風境界便被搖奪
將去都透不過以宗入以教印以日用境緣
爲驗但於境上輕脫無滯着心即是用心得
力處能以境緣自勘亦不必全靠善知識說
話爲實法耳

咬定話頭不是要明話頭只借話頭發疑斬
截妄想其參究須離話頭處參究下得疑方
得力古德云離鈞三寸子何不道前人志之
矣疑至情識不到語言不通時杪逼極處迸
出些子光影謂之電光三昧正好進步不得
歡喜若認此爲是則得少爲足貼體都被者
點光覆住不復能出過後發出都被所使矣
八識中含藏尚有多生習氣微細種子忽現
前用力不得處須借呪力以消之
問智識不同處但最初一念現量卽是智纔

轉第二頭便是比量落情想矣又曰黏帶情來的是識不黏帶情來的是智咬住話頭正是把住情識來路不起第二念

參悟亦非甚難事三箇月一住氣定見下落第一不得先存待悟心纔待悟即爲等待他悟卽此便是攔頭板則工夫再不得入矣又曰者事須是勇猛漢子做

利根人多生得夙慧今生遇緣當下便了有不從參入者但要保任去透脫去如六祖便是其人鈍根人如何只要自肯鈍根不巧就從鈍處得力

咬定話頭一切時中都用得着便刀山火聚上去也用得着者便是得定力處若有絲毫迴避便全身墮落矣

參禪人不得坐在潔白地上此是千生萬劫

教六

二

陷坑我欲爲衆說破故作擔板歌

教眼宗眼原無二眼未明師提宗全撫教語印入恐人一向無義路邊錯下脚若不得教眼便落邪見我註金剛法華楞伽楞嚴等經書從情識不到處沒義路邊進出者拈取却欲以教印宗學者當自得之

在東海時一夕坐入身世俱空海印發光河山震動境界得相應慧有項悟入楞嚴着緊處恍然在目急點燭書之手腕不及停盡五鼓漏而楞嚴懸鏡已竟矣侍者出候見殘燭在案訝之

教六

菩薩全以利生爲事若不透過世間種種法則不能投機利生

學佛先發大悲心破我執爲主

舊公案在今時人以妄想量度則鍼鋒不對

矣縱會得說得亦於已分上無力

動中會易入靜中入無力

從外知見入者無力自性內會入者得力

問從緣薦得者如何緣有二見聞緣有退失

境界緣無退失虛實不同故

衆生欲恐二乘生恐菩薩無生恐佛寂滅恐

只一佛知見是正却有菩薩知見二乘知見

衆生知見外道知見諸皆淆譌所以世尊種

種方便只要了一心入正知見名佛知見

了得生滅心寂滅即了得生死

如何是向上祇有箇放下

祖師語向向活學人當實法則向向死

日用工夫只消看破妄念不被他使無別用

心處

一切空不下時如何只了知是假一切能空

一切能輕

菩薩住在極樂做甚事我要扯他出來

念佛阿彌陀句原同一話頭今人却便會到

西方去也

一切是幻人人曉得須有主張幻的作用方

不爲幻轉在海印時偶想六祖夜半人來斫

頭公案便欲學其定力每夜開門習觀想假

若有人來要借頭便歡喜捨之今夜然明夜

亦然久之覺有定見力在忽一夜報盜入予

曰第呼來明燭正坐無怖怯心其人及門乃

匍匐不敢入一長大漢也予呼謂此間無所

有命取庫中二百錢與之若先無主張便惶

遽了也

住五臺山中喧聲如百萬鏖戰無有一息能

安者一日聽泉極衝激處頃之忽然不聞緣

舉念何故又聞乃向極沸處坐若干日坐久之水聲寂然自此水聲不斷如不聞也此後安住山中不復爲喧嚷動矣

在東海時值皇太后遣內官齎銀若干至弗敢拒也度不可濫承當念地方饑荒可借以普太后之施內官不可予告以各縣該地方受施者造一冊還報如之其後兩宮聞而大喜及至被難時竟得此一事力乃知臨財不可苟也

在嶺南時人情未熟崖岸在不能使人狎無可親者有小孩兒欲近之輒畏我去一日學獅子調兒法勉自倒身昵狎之與之果菽日狎一日遂不我畏自此人不我避忌日來親也

初參謁某總府持揭庭下移時不命起去心

後六

五

解得應自呼名稟見耶顧不能出諸口如千鈞重無可奈何時奮自稱名某稟見乃得起去明日參謁復然竟一歲不少假借旁謂武人何知破常格待善知識也最後約同謁撫院日總撫備一舟裝齋飯果品如賓席邀請過舟作禮揖上坐曰非我不能假借公知公有傲骨聊以相成也謹談促膝以別乃歎宰官中大有深心人在何問武耶

讀書不細心體認不得其用予註老子至天之道其猶張弓乎更數日思其合處不可得乃從他借一弓并拉張而懸之壁間坐卧視之又二日忽悟張字對弛字說弓弛時附高而有餘稍下而不足則無用也及張而用之則抑高舉下損附補稍上下均停可以命中天道全以動爲用主施而不主受適合之也

重爲輕根二句亦稽數年不敢草草鮮正當南行之日孤坐舟中情景無聊輕重靜躁之鮮恍然目前始悟太上語旨蓋身試之而後見未可謂紙上陳言無真味也故道德一註歷十三年乃脫稿非草草也

予著經必是凝神入觀體契佛心機倪忽自迸出者方副之紙若涉思議即不中用

化生儀軌

語曰聖人不出世萬古如長夜故我本師釋迦文佛示現王宮出家雪山六年苦行悟道成佛於鹿苑說法度生當佛未出世時西天外道有九十六種各立門庭皆稱師長及佛成道說法之時諸外道一一歸依出家爲佛弟子依教修行證阿羅漢果故今靈山一會一千二百五十餘人皆是外道之儔也當是

教六

六

時也有信佛者則皈依佛法依教奉行其不信者則生驚疑乃至種種魔害毀謗墮惡道者不可勝數是知今之佛法未行之地皆似佛未出世之時智愚賢不肖雖有疑信之不一是皆不知我佛出世之本懷及度生漸次方便之軌則也故今略述化生方便之次第使未聞未信佛法者知我等爲僧化生之法門非是一事一行一門而可入也故曰方便有多門歸源性無二要之四十九年皆隨機大小淺深之序所謂教不躐等也幸宜委悉勿謂常談

一佛以一大事因緣出現世間所謂開示衆生佛之知見使其悟入惟此一事更無餘事所云一大事者謂要衆生知生死爲一大事也佛知見者乃衆生各各本有之佛性也由

迷此佛性而成生死今要出生死苦必以悟佛知見為第一義如此豈非佛為直指人心見性成佛而出世間是則禪道悟心一路不待達磨西來然佛特為此事而出世也爭奈眾生歷劫以來貪瞋癡愛煩惱惡見迷之已深不堪頓示悟心之大法故將一乘法分別說三以此故有三乘漸次之設所謂小乘中乘大乘也至有不堪小乘之法者則設五戒十善為人天善果且免墮三途地獄餓鬼畜生之苦故曰五戒不持人天路絕今為佛弟子遵奉佛教以度生為事業若不漸次方便誘引入道一旦示之以大法則反使橫生疑謗自取三途之苦是以醍醐為毒藥矣乃不善導之過也故今遵佛所制在家善男子名優婆塞善女人名優婆夷當持五戒以修人

天善果在家五戒者

一不殺生

此戒感將來長壽及如意眷屬和合現在子孫昌盛之報凡不與而取皆名為盜此戒感來世得大富饒衣食豐足所求如意

二不偷盜

如意之報

三不邪淫

非已妻妾妄生淫欲名為邪淫此戒感來世得妻妾貞良父慈

教六

四不妄語

于孝養屬六親和合之報凡言不實關構兩家名為妄語此戒感來世智慧過人言語真實聞者皆信依

五不飲酒

酒能昏迷亂性發狂生禍為眾惡之本此戒感未來智慧明達

右上五戒乃我佛出世初為世間在家之人特設此教令人依戒修因則不負此生免墮惡道能感來世不失人身得長壽大富子孫家道豐盛文明特達之報凡今高官尊爵富厚豐盈聰明利達之人皆從修持五戒中來

然此五戒卽儒門五常不殺仁也不盜義也不邪淫禮也不飲酒智也不妄語信也故佛法有禪王道者以五戒化人則無詞訟省刑罰家治而風淳矣此吾佛最先所設化生之儀也今世俗之人不知佛法全無好善之心

教六

而返生謗佛謗法謗僧之見是自甘愚迷自取苦趣耳又有一等之人雖能喫蔬而不知佛法正修行路聽從無爲外道邪人不敬佛祖天地不孝父母不燒香禮拜三寶專一味邪行邪說盲盲相引相聚妄談以爲傳法全不知有正修行路而返謗佛法僧堅執不化此乃最愚癡人是可憐者卽今奉詔旨所當禁者是也惟願當世高明君子辯白邪正是非凡遇此輩卽當開示令其捨邪歸正不但護佛法是亦有助於王化也然學邪學正總

是一念善心可惜不知是邪而誤墮今若知非又何不捨彼邪徒而爲真正善人爲聖世之良民乎

右前五戒乃佛教修人道之因果又設十善業道爲人天之因果所言十善者

一身三惡業謂殺盜淫若斷此三惡則名

三善道

二口四惡業謂妄言綺語兩古惡口若斷

此四名四善道

三意三惡業謂貪瞋癡若斷此三名三善

教六

九

道

如上十惡乃常人日用而不知者今若能斷此十惡則名十善爲生天之因是爲純善之人此十善法卽儒門正心誠意修身之道也若果能修此則現世爲聖爲賢則定感來世

生在天宮受勝妙樂此萬萬真實之行世人何故愚迷不知而專向邪道爲得豈不辜負此心哉

如上五戒十善乃吾佛特爲世間在家之人所設之教要人依此修因不失人天之福此金口所宣不妄之談若不遵此修總是邪道非正行也總肯苦心修行都無利益反增苦果是謂以苦捨苦吾佛已深痛之矣今世間五部六冊之說乃外道邪人妄稱師長偷竊佛祖言句雜集世俗鄙俚之言以惑愚民所謂邪道亂真者卽今聖旨所禁皆此輩也在家之人既有好善之心何不歸依三寶而必墮此邪法豈智人哉

又觀今世好善男子已能歸依三寶以自恃世智聰明伶俐之見便生下劣魔心薄五戒

十善而不爲以好禪爲上乘三業不修乃以祖師現成公案看了幾則記在胸中便逞利口動使機鋒當自己妙悟以此爲是全不知非又且誹謗大乘經典爲文字不足取又笑真修實行之僧爲小乘妄起種種邪見全不信有因果罪福甚至慢佛慢法慢僧殊不知自墮愚迷業障坑中妻子聚首衆苦熱惱交煎且妄指目前是道如此愚癡之人是爲大可憐憫者既有一念向上之心何不真真實實做些着落工夫所謂說得十分不若行得一分如此妄談譬如貧人妄稱帝王自取誅戮可不哀哉奉勸世之善士聰明利根有志出生死者當自量根器參禪固是向上一著以此乃佛祖專爲上上根人說在諸人試自點檢果是上上根人否果能一一頓悟否果

教六

十

能當下便了百劫生死否如其根非上上即
宜量自己力專心修淨土門回向西方願生
極樂永捨娑婆之苦此一法門從古修因僧
俗依之出生死者不可勝數所謂萬修萬人
去最是穩穩當當一毫不錯之大法門也祖
師云惟有徑路修行但念阿彌陀佛以此法
門全不悞人若能放下身心依此修行所有
應行規則略示於後

一淨土一門徃徃士大夫談說專爲中下根
設殊不知此門三根普攝無機不收最爲廣
大且又簡而易行即古之祖師悟道之後回
心向淨土者不少如永明中峰諸大祖師非
一人也但修行念佛有上中下三根不同故
淨土九品亦因根有別也

然淨土有三種者一常寂光土二實報莊嚴

卷六

十一

土三方便有餘土此即凡聖同居土且此三
土修因不同故所感各別試略言之

一常寂光土即圓覺經所云大光明藏此中
聖凡平等依正不分唯佛法身湛然常寂乃
諸佛所證法身境界此唯從上諸祖一念頓
悟法身妙契同體入佛境界者所居此正上
上根人之淨土豈可輕視爲中下人設也

二實報莊嚴土此即二十重華藏世界乃我
盧舍那佛曠劫修行感稱法界量無盡莊嚴
之妙土即華嚴經所說重重無盡世界莊嚴
者此乃報身佛所居單爲十地菩薩轉大法
輪之淨土即二乘聲聞不見不聞此即法華
會上諸授記之人待多劫修因將來所感此
中一分之淨土此殊非尋常易易可到也
三方便有餘土亦名凡聖同居土此正九品

分別乃阿彌陀佛之化土也。以華藏世界有二十重，從第一重有一佛刹微塵數世界圍繞下，小上大如倒浮屠。從此以上倍倍加增，至第十三重。然此娑婆世界乃十三重之中，心主刹其極樂土與娑婆正等。從中至西華葉邊際，故云過十萬億佛土之外，與娑婆並列者，以十方佛土獨有娑婆為穢惡土。石諸山雜穢充滿，三途八難衆苦所聚，名為堪忍。衆生剛強最難調化，故我釋迦文佛縱以十善化導人天，亦在生死之中，未出輪迴。若參禪悟心，又難頓悟，故設念佛求生淨土一門，名橫超三界，以仗阿彌陀佛因中願力云：十方世界衆生有能念我名號，不生我國者，誓不成佛。以仗此願力，凡念佛者，彌陀定來接引，生彼淨土，故易生耳。然此淨土開有九品

卷六

十二

者若參禪悟心，未能忘心境者，則生上上品。有念佛一心不亂者，則生上中品。有參禪未悟，持名精純，萬行莊嚴，則生上下品。若修萬行，持大乘經，專持名號，志願往生，則生中三品。有精持五戒十善，專心念佛，發願回向，不論僧俗，多生下三品。此雖未斷煩惱，以但得生彼國，見佛聞法，居不退地，永不落三界生死。從此發願再來三界度生，則來去自在，不被生死苦惱羈留。所以永明禪師說：但得見彌陀，何愁不開悟。是也。此一法門，一生精誠，可辦一得生，彼頓脫生死，永出輪迴。如此直捷法門，又何患而不修？且薄之耶。然參禪了生死，難念佛了生死，易。只要當人一念真實，肯切苦心耳。從古生淨土者，無量無數，皆世人眼見而不信，又有何法可信耶。今奉勸高

明智士當信自心不可謬信邪說也卽在法門中有禪淨兼修之士甚多如永明所說念佛參禪參禪念佛所謂有禪有淨土猶如帶角虎現世爲人師將來作佛祖此亦最上之行也與夫妄稱悟道墮大妄語者天淵也

教六

十三

惟夫一切衆生自迷本有之佛性墮落三界生死輪迴六趣苦難之中長劫沉淪不得出離者皆因貪瞋癡愛以資淫殺盜妄諸惡之業捨身受身皆以淫欲而正性命生生世世父母妻子六親眷屬恩愛牽纏三界大火所燒無有一人能免之者故我本師釋迦文佛於常寂光土興起大悲救苦之心捨自性法樂從兜率降皇宮入母胎捨父母妻子割斷世間深重恩愛頓棄金輪王位走入雪山剃除鬚髮六年凍餓苦行修持乃至悟道成佛

此乃是第一箇爲生死出家之樣子也及成佛後又遭魔害受金鎗馬麥之難種種堪忍掉捨身命受盡無量魔怨之難說法四十九年只是一念慈悲爲度衆生救令出苦而已惟此一事更無餘事故靈山會上弟子一千

二百五十人皆一時英靈豪傑之士學佛修行各各捨離世間父母妻子恩愛依佛修行了悟恩愛得出生死證阿羅漢果如阿難爲佛之弟亦隨出家隨衆受苦此乃吾佛所度弟子出家之榜樣也佛在世時投佛出家之弟子不知修行之法故佛因事設戒令其止惡防非得正熏修故初出家者名爲沙彌則設有十戒及至比丘則設有二百五十戒女人出家名比丘尼則設有五百大戒乃至國王大臣宰官居士與在家出家四衆人等進

修菩薩大戒則有梵網經說十重四十八輕戒此諸戒律乃吾佛法門之家法也故云若人受佛戒卽入諸佛位若爲僧不受戒者名爲秃賊盜佛袈裟裨販如來非佛弟子此爲僧奉法之不易也然佛在世時人壽百歲佛

教六

十四

當壽百年以念末法弟子無福止住世八十年留二十年未盡之福與後世兒孫故今之弟子供養四事皆受用吾佛白毫光中一分功德卽施主粒米莖菜分毫之施利皆佛所留之福田今入在法門爲僧者竟不知佛是何人亦不知已爲何事不知爲何捨父母棄妻子剃除鬚髮不在俗家而住寺中亦不知不耕不織衣食從何而來只道是自己有能化得施主供養更不知施主信心膏血難消將來拖犁拽耙銜鐵負鞍疇償之苦此其大

家一齊迷悶而不知者若是如此受用有能麤守戒行持經念佛守本分者猶自可也况又全不知僧體不守戒行縱放身心攀緣俗親出入不忌不避譏嫌乃至違法犯禁全不知非者又非一種矣竟不知爲何出家爲何

捨俗爲何剃除鬚髮也不但不知修行之事卽燒香禮佛敬奉三寶之心絕然忘之混混一生醉生夢死全不知有出家正修行路卽有見者返以爲非此爲最可憐愍者矣佛言三途地獄未是苦向袈裟下失却人身始爲

教六

十五

苦也總之不知僧爲何物耳故四十二章經云佛言汝等比丘每於晨朝當自摩頭若肯自摩頭則返省自己爲甚無鬚髮也以不知佛法出家規矩故師不成師而弟子亦不成爲弟子上下絕分鳥獸同羣但知衣食爲急

全不知有生死之事不怕將來有三途之苦
世間以此習俗成風以爲常事至有離鄉行
脚操方者亦止知有叢林粥飯茫不知有佛
法禪道此又大可憐愍者矣嗟乎去聖時遙
法門頹弊一至於此不可救也雖然十室之
邑必有忠信惟今在在諸山豈無英靈豪傑
之士哉每於一方但有一二肯發心興起者
自然有轉化之機矣故今惟望住刹有志之
士各宜思省回頭當念生死大事痛改前非
發起一念向道之心發心之初先要參請善
知識兼受沙彌十戒若持十戒無犯則進比
丘二百五十戒一一戒條委細檢點乃至進
受梵網菩薩大戒以佛設教以戒定慧三學
爲成佛之本所謂因戒生定因定生慧是爲
三無漏學其諸戒相具載戒經請自檢閱不

必細列既能受戒之後不論獨居隨衆定要
半月半月對佛誦念戒品有毀犯者對衆懺
悔改過自新則身心清淨業障消除乃爲出
苦之要也既能持戒爲修行之本則當親近
佛法縱不能出門他方聽講亦當自己發心
專一持誦大乘經典或華嚴法華圓覺楞嚴
諸大乘經以種般若因緣或有志專修西方
淨土一門則以念佛爲正行誦大乘經爲助
行六時發願回向求出生死苦趣如此方不
負出家之莫大因緣亦不虛度此生矣若有
上上根人發心脫離俗業操方參請知識志
究已躬下生死大事者只須單提一念更不
外求此又最上一乘之根器然但發肯心定
有發明了悟之時是在各人根器志向何如
耳如上所說持戒修行誦經念佛雖不能頓

悟自心亦不空過時光亦不負出家之緣耳
若夫悠悠縱情至死無成可不悲哀也哉空
過今生墮落三途則將來又不知何時出頭
也

如上所說在家出家修行之法雖淺深不同

教六

十六

乃我佛出世初二十年所說之法也然佛說
法四十九年所說之法有三乘謂小中大初
二十年但說有教名爲小乘謂有三界生死
之苦可出有二乘涅槃可求有善道人天因
果有惡業三途之因果一切諸法皆是實有
故云四諦之法諦者實也四諦者乃苦集滅
道四法也謂實實有苦可受集者貪瞋癡愛
煩惱也言此煩惱爲諸苦之因能招苦果故
謂實實有煩惱之集可斷也滅者出三界外
二乘偏空涅槃以出生死證此涅槃樂故謂

教六

十七

實實有涅槃可證也道者乃修行之方法乃
二乘人所修厭苦斷集慕滅修道謂八背捨
五停心觀謂觀身不淨觀受是苦觀心無常
觀法無我又有總相念別相念等觀此名小
根所修出苦之法也名小乘教又有一等根
器少利者名爲中乘卽廣前四諦說十二因
緣之法謂無明緣行行緣識識緣名色名色
緣六入六入緣觸觸緣受受緣愛愛緣取
緣有有緣生生緣老死憂悲苦惱是名十二
有支此十二支該三世因果謂過去二支因
乃無明行現在五支果乃識至受現在三支
因謂愛取有未來二支果謂生老死憂悲苦
惱緣者引也謂三世輪迴因果相緣引而有
也以中根人觀此十二因緣有流轉還滅二
門謂從無明至老死等爲流轉門若無明滅

則十二有支齊滅爲還滅門逆順觀之則悟無生證辟支佛獨覺之果爲中乘之法也此二乘法說二十年以根機鈍劣不堪受大故爲權耳從此二十年後機漸通泰方說大乘菩薩所修六度之法所謂布施持戒忍辱精進禪定智慧此六乃大乘菩薩所修名爲大乘若修此六度單爲下度衆生上求佛果此六度法以般若爲主故佛第二時說般若經有二十二年其經最多來此方者有八部般若共六百卷此經純談般若真空智慧破前二乘生死涅槃之有見廣說六度乃至四諦十二因緣等法皆以般若真空爲極則淘汰前執有之見卽如金剛心經皆般若之宗極也以前二乘所執之空乃偏空所謂斷滅之空今此般若乃實相真空以佛說空假中三

教六

六

觀乃成佛之妙門惟此般若經一部單說一空觀故爲入大乘之初門爲菩薩修行之妙法梵語般若此云智慧故菩薩利生以智慧爲首所謂無慧方便縛有慧方便解然此空觀一門雖載八部般若之中其實提要只在心經一十四行業已該盡心經一卷又單在照見五蘊皆空一句已盡其義此一句之中若下手做工夫又只在照之一字而已此最簡最要之法門然禪門修行最初用心工夫只一照字即此一字法門在吾佛直待三十年方說以此看來修心之法豈是尋常凡夫易說易行哉此一字法門是謂教菩薩乃大乘之法也惟佛出世本懷直是要令一切衆生成佛更無別事卽四十九年所說一代時教今爲一大藏經總是學成佛之法門成佛

之方便雖有六度萬行種種多門正意只是三觀爲成佛之本三觀者乃空假中道三觀也一代教中總只說箇三觀若從前來說到般若方纔說了空觀一門以此故知法不易說亦不易入也然般若會上其在會聞法二

卷六

十六

乘之人皆以般若非已智分全不餐采况親受佛教三十年尚且不信不入如今惡業凡夫口口談空妄說空注無佛無祖無修無證便自稱爲上上根人豈非大妄誕人也惟佛已說般若真空觀然後纔說假觀此一觀門所說之經乃解深密經所說唯識法門所謂迷如來藏名阿賴耶識依此賴耶具有三分變起根身器界一切山河大地衆生世界之假法乃唯識所變之影如鏡中像如水中月有而不實故名爲假問曰然佛因何而說假

觀耶答曰由前二乘之人執涅槃以爲實有是墮偏空故佛說般若真空以破執有之見故令觀般若實相真空又有一類樂空增勝菩薩執但空而不能涉有不肯度生故佛說一切衆生身心世界皆唯識變現全是假法以此唯識法門和會空有要顯即空之有即有之空直觀唯識以證真如此乃教前菩薩出空入假度生之法門也故此一觀門在經有深密密嚴等經當說此經時在菩薩大根已能信受其小根二乘畢竟不敢入俗利生故佛說維摩一經以淨名居士示現處俗有妻子眷屬假託問疾因緣與文殊對談不二法門以呵斥二乘激發入俗度生之心其教名爲彈偏斥小歎大褒圓爲小不思議法門以祛二乘狹劣之見此乃吾佛深慈大悲爲

小根人種種方便權巧引入大乘之意也是知菩薩涉俗利生之事誠非小根劣解之所能堪已經四十餘年教化之功尚費如此方便神力如今現在五濁煩惱生死苦海之人口口談空談禪說道動以向上一着爲已任

致六

一三

蔑視正法不懼因果不知揣已妄自狂誕之如此耶以觀吾佛利生之方便權巧費了多少苦心不敢輕易說教人成佛一字今人動說超佛越祖非妄而何可不懼哉

惟吾佛出世說法四十九年所集諸經有一大藏始終只說了八箇字所謂三界唯心萬法唯識從初至此已經四十年才說破萬法唯識一句之義然猶未敢顯示唯心之旨以唯心乃萬法之極則也從上已來諸大弟子已聞唯識法門故此以後乃說楞伽經顯示

三界唯心法門直欲令人悟此一心以爲極則若攝前二空假泯絕二諦總歸一心然後圓滿一心融歸中道爲理究竟故楞伽經云寂滅者名爲一心一心者名如來藏謂識藏即如來藏非空非有直指一心離名絕相泯

絕聖凡不屬修證階差頓觀藏性名爲自覺聖智境界直離一切攀緣妄心但了妄想無性即悟無生是爲頓教法門達磨祖師傳二祖可大師以此經爲心印故此經獨被上上根人其二乘絕分祖師門下故初學參禪要

致六

三

離心意識參離妄想境界求出凡聖路學是乃純以此經爲宗極也此教乃說一心之極則已經四十餘年多方開示歷過多少法門今方說此經小根尚爾絕分而今之僧俗教眼未明修行無路盲然無知自己心中妄想

攀緣全然不知起滅頭數日夜未嘗一念清涼即以向上離心意識一着以爲已任話頭亦未夢見便開口說禪其自欺之心何如哉可謂大無慚愧人也可不懼哉且今不但俗人無知妄談即吾法門後學僧徒全未聞佛教修心法門全不知用心工夫但只妄想幾時全無正見便稱悟道自以爲足此又誰之欺誰之誤耶戒之戒之慎之慎之在佛過此四十年後方示一心法門足見法不易說不易修不易悟也

惟吾佛世尊特爲一大事因緣故出現世間一大事者所謂衆生佛之知見也以衆生本具佛之知見今迷之而爲妄想生死之知見歷劫以來迷而不知譬如窮子持珠作丐枉受辛勤故佛與同體大悲特出世而爲開

示衆生本有佛之知見使其悟入猶如指示窮子衣裏之珠令其自知得受用耳然佛知見者即是楞伽所說一心名自覺聖智是也一向不敢頓說以觀衆生根鈍不堪受此法故又默斯要不務速說直至四十年後多方淘汰根機已熟且化緣將畢故說楞伽經示一心法門以爲顯理究竟此後即說法華經示諸法實相以顯事究竟此佛說法之次第也以理事究竟方盡一心之極則故諸二乘人到此始信佛心決定不疑亦悟各各自己本有佛性一向不失譬如窮子又逃他國今始歸來見父亦信父家業原是已有心相體信堪紹家業故長者委付嘗謂此法華一經如長者委付家業之囑書乃佛利生究竟之本懷故佛謂諸弟子一一授記將來必定成

佛且云凡有聞法者無一不成佛此一大事
因緣已畢故爲終教過此不久即入涅槃然
在法華一時已盡吾佛出世利生之本懷至
於涅槃一經顯佛性義以收法華未盡之機
以破前來弟子未盡之疑以佛說凡有聞法

數六

二十二

者無一不成佛此恐弟子前聞闡提無信之
人不許成佛於此生疑故此經說闡提亦有
佛性故假廣額屠兒於下屠刀便作佛事此
則的信凡有知者畢竟成佛決定無疑如此
方盡如來出世一番化利衆生之能事至此
已畢故此即入涅槃也如上所說乃吾佛出
世一代始終化生之儀軌漸次修因之法門
雖觀衆生本有佛性各各具足無不願成佛
者但以煩惱障厚罪業根深不堪頓示大法
故將一乘法分別說三此乃一乘三乘之所

數六

二十三

由設也故楞伽已前乃三乘之權教楞伽法
華乃一乘之實教故天台判爲開權顯實之
教是知四十年前所說皆爲權設故爲根機
不等故也

此上所說頓漸不一通爲教義然楞伽頓示
一心爲如來清淨禪而教豈非禪宗也至若
世尊自云我四十九年未說一字末後拈花
示衆人天百萬罔然不知獨迦葉一人破顏
微笑世尊乃云吾有正法眼藏涅槃妙心用
付於汝是爲教外別傳之旨從此二傳阿難
以至西天四七東土二三達磨西來目爲禪
宗不立文字直指人心見性成佛謂之單傳
法門故自曹溪以下二派五宗傳燈所載千
七百人皆悟心大士凡有言句稱爲公案以
禪本難言但留此一言半句爲心印之證據

如世公庭之案牘非是要人以此爲實法口耳流布以當自己之玄妙知見也然吾佛業已說了一大藏教至若一心法門何所不具而必以拈花爲心要者以一心之旨離言說相離名字相離心緣相以從前聞者雖悟本心然猶未能離相故假末後拈花爲遺執言說之習氣乃治執名言之病以此爲金篋耳今人不知教禪一心之旨乃吾佛化度衆生之方便各人妄執一端以爲必當故執教者非禪執禪者非教然執教非禪者固已自誤而執禪非教者又誤之更甚也以執禪者執愚自是妄認已見以爲自誤非毀大乘了義爲文字以致究竟無成更可憐者觀今末法之世講席已微無大師匠故伶俐少年無多聞慧至有志向上參禪又無決定久遠之志

致六

十四

以無明眼知識但只循情欺誑以致誤墮者多此可大爲流涕者也且又有僧徒妄自以爲悟道者誑惑世俗愚夫貪求供養有歸依者即開示參禪爲向上一着有信之者話頭未熟妄想縱橫熱沸便以印正以爲有悟入處以致誤墮邪見如此爲害更甚此尤不可不知懼而自省也愚見不是不要參禪但說參之不真又無久遠決定之志妄自爲悟悞人甚多愚意假若看教不能參禪與參禪之無決定者總不若專心淨業且不空過一生也智者自能鑒之請各自思幸無自欺自誤爲望

竊觀宰官士大夫參禪了悟者從古不少歷歷傳燈所載非一人也今世宰官中有志外護法門多以參禪爲向上者此不比尋常一

槩固自有說蓋昔有法門叅禪之士未大悟
微即發願護持佛法者亦有諸祖有大願力
度生及菩薩示現救世者亦有昔在僧中叅
究未透而以習業牽引故今出世者雖在俗
諦塵勞之中而宿習一念般若種子光明透
露不能自掩故發爲文章功名事業以爲外
護法門者種種方便作用不同其行門亦非
一種有專向上者有專功行者有建立三寶
證願護法者有單爲自己生死者有發而爲
忠孝者種種所行皆菩薩道不可以僧中行
門一槩視之然在僧中不止禪教二宗亦有
苦行頭陀者亦有專修淨業者亦有眞實行
門者亦有隨緣佛事助揚法門者亦有持誦
書寫經典爲求行門者此皆在佛白毫光中
種種因緣而求佛道者亦不可以一槩而取

第六

三五

故宰官中凡有護法深心者但取僧中一行
爲得亦不必定要箇箇叅禪方爲正行耳然
叅禪雖妙其實非小根所能然在佛世人天
百萬獨迦葉一人達磨西來只得二祖黃梅
七百餘人唯六祖一人印心豈細事哉若在
僧中但有一行可以爲法門正事可以教化
衆生即是菩薩故曰種種所行皆菩薩道苟
一事可取則已超乘粥飯常流空過時光者
萬萬矣所謂短中取長則無棄人長中取短
則無全人自古世出世間全人之難得也如
上葛藤乃至佛化生儀軌之次第在佛豈不
要人頓悟自心當下成佛但衆生根鈍不得
不施權接引耳古人云僧徒不能了悟自心
且於教法畱心時光亦不空過予則謂今之
僧徒縱不能叅禪者教有能持戒誦經作福

護法者亦說勝尋常魔種萬萬矣在居士中但能持齋念佛助揚三寶者皆真實行矣是在諸佛之所望也願諸方高明達士當自信之慎毋以愚言爲妄也

化儀之餘

教六

示宜章衆道人

主

老人於癸丑冬日自粵東杖策來南嶽道經宜章善男子鄭紹楨等二十餘輩迎老人於經堂殷勤頂禮而作供養求請開示略說法要一宿而行旣而老人隱寓靈湖蘭若建誦華嚴道場乙卯夏六月紹楨等遠來瞻禮正值老人爲衆講說金剛般若隨喜聽聞大生歡喜拈香請示在家修行捷要老人因示之曰宜章當深山僻地無善知識經過在家善信雖多未聞正法今衆等各宜精持五戒

以爲正行此五戒者乃吾佛專爲在家善男子說此五戒即儒家五常仁義禮智信也故曰五戒不持人天路絕是故在家善士應當奉持旣持五戒不可聽信邪師邪教妄說法空撥無因果斷滅佛種造地獄業只當專依

佛教修西方淨土法門一味以念佛爲正行然淨土一門接引衆生利益最廣古今念佛得往生者甚多但以專精爲主不是一月一兩會念佛幾千聲如此便作正行也第一要發心深厭娑婆是苦志求捨離存想西方淨

教六

主

土蓮華化生念念定要往生彼國親見彌陀以爲本願每日早晚要刻定功課或持金剛經或持彌陀經或持往生咒定要念佛回向西方發願往生以此爲定規二六時中無論閑忙動靜將一聲阿彌陀佛持在心中念念

不忘心心不斷乃至睡夢之中亦不忘失如此打成一片無有間斷名爲一行三昧此念純熟一切境緣不被打斷開眼合眼一聲阿彌陀佛明明現前將一切世間父母妻子種種恩愛妄想業念都被一聲佛號消磨清淨如此即得自心清淨經云心淨則佛土淨如此念佛如此用心念到臨命終時單單只有一聲阿彌陀佛現在目前一心不亂自然得見阿彌陀佛親來接引一念之頃即得往生淨土從此即得永脫生死之苦高登極樂蓮華化生便是一生念佛之效驗也如此精專若不往生則諸佛墮妄語矣若是悠悠歲月口說念佛心無實行是爲自瞞自欺豈有效驗之時耶善男子等既發信心當行實行萬勿自欺

涌泉寺湖心寺十二時念佛規制

佛說衆生生死長時以積日夜以至劫數輪轉不休不息由念念妄想攀緣曾無一念之暫已者以妄想不斷故生死無窮長劫迅輪無暫停寢職此之由也佛說種種制心之法皆止輪之墊耳法門雖多以衆生垢重識昏難以攝入故唯念佛一門最爲捷要所謂憶佛念佛現前當來必定見佛以衆生一切妄見皆屬生死獨許見佛之見爲出生死法然見佛必從憶念而至妄念日夜無間斷時特以念佛斷之此遠公之匡山蓮社六時刻漏所由作也是時社中百二十人稱高賢十八而已斯則真實念佛者又不多得今之視念佛爲末品豈真知也哉近代惟牛山以念佛爲行且以煉魔爲名則苦於鉗錘太緊雖日

夜不斷歲止三冬而人非一律亦難於長久
頃雲棲力主念佛雖日以四時然於夜有睡
眠又費呼喚警醒法欠微密今法師佛石玄
津各發心以十二時爲請此法固綿密而動
靜飲食似難歸一若調理有度設法得宜此
又古今之良規也請益老人因爲創立規制
庶事不繁而人心一致此乃微密妙行也乃
爲之制條牒如左凡念佛會建立隨人隨願
廣狹不一若力大則堂多力微則堂一人亦
如之但人不論多少均派六班晝夜班各二
時照香輪流出班禮誦行道懺悔而餘皆靜
坐隨聞默念或習觀門願者隨之此則靜多
動少不繁不亂而佛聲不斷則妄想不生如
相呼相喚不昏不散久則動靜一如自他不
二寤寐恒常此則不起於座頓見彌陀是爲

教六

壬九

第一如意妙行至若飲食亦宜如法調之務
使內外一如則人我兩忘是非俱泯而道場
之安恬寂漠亦無如此之妙者老人深思此
法愧脚跟未措尚未遂心故特示之代爲前
驅他日觀聽者衆必處處建立而淨土將徧
震旦矣是有望焉

宗鏡堂結修證道場約語

佛說一大藏教備列衆行總歸修證以爲究竟
所謂依一心以建立萬行以萬行還證一
心故云無不從此法界流無不還歸此法界
原夫法界不屬迷悟聖凡良由無明不覺迷
此一心從迷積迷造種種業自取輪迴生死
之苦所言修證者但以淨除自心之三障復
還自心之本體故名爲證非離修外別有證
也是以佛祖教人修行之訣必先了悟一心

淨除三障以心難悟故設觀以通之障難除故設懺以淨之卽華嚴法界圓宗尊普賢爲毘盧長子而十種願王以懺悔業障爲前列也是以從昔以來若天台親悟法華三昧猶尊懺法爲妙行設有儀軌卽永明大師乃淨土中人尚謹遵而力行之况其他乎嗟哉末法去聖逾遠衆生垢重積迷逾深旣無了悟參究之功又乏懺摩悔罪之行將何法可望出生死乎惟永明大師鑄一大藏歸唯心之旨著書百卷名曰宗鏡至今尚存淨慈其書廣明一心如揭日月於中天朗萬法之幽邃學者苟能親習則微見自心不俟更悟證入之要無出此矣大師生平自行日課誦念法華經一萬部秉天台法華懺儀依法修持率以爲常故現住世時則冥府帝君圖其像以

瞻禮之以其行超生死實證唯心者乃其人也今也其書現行堂具存孰能過而問焉者乎茲玄津壑法師乃其的嗣自幼出家於其寺薙髮之日卽問大師之名何如人遂發心願禮其塋是豈徃曾親近爲侍者乎大師塋已湮堂已圯公能力起而恢復之大師之眉光復放於山川草木之間者非無因也今諸緣小集公願暢明宗鏡之旨精懺悔修證之業將結真實法侶一十二人效圓覺之軌則誓爲長期歲分四時每時撥二十一日爲懺

教六

三十

法遵法華懺儀餘則日披宗鏡錄了悟唯心疑則爲衆發明的旨不假枝葉但取直捷爲本衆冀其實證其以入期之衆爲表率將引本山弟子爲禪雜調其羽翼雙舉飛騰法性空遠登覺天而朗慧日在斯舉矣其結制規

約因事施設務簡而易行真而無偽以踐實地然四事所需力不自持以安居不能效如來逐日行乞之軌又不敢觀天人送供之儀而覈名取實發心供給則有望於發心之檀越今有居士譚孟恂力任先登則一切有緣

表六

三

靡不歡呼響應矣以諸法從緣生佛種從緣起是則今日之緣雖近而成佛之遠蹈實借此為最初之方便也諸人聞而歡喜遂破其端則究竟之果是在諸同緣同行同事同心一發勇猛之力耳若以世間生死之心而易出世之心以滋罪之財而養定慧之命諸有智者何慮而不為耶苟生一念疑心則當而錯過百千萬劫矣

憨山大師夢遊全集卷第四十六

音釋

塵

於力切

蘇

即果切

廊

古見切

覲

几利切

音

憨山大師夢遊全集卷第四十七 敦七

侍者福善日錄 門人通炯編輯

夢遊詩集自序

集稱夢遊何取哉曰三界夢宅浮生如夢逆
 順苦樂榮枯得失乃夢中事時其言也乃紀
 夢中遊歷之境而詩又境之親切者總之皆
 夢語也或曰佛戒綺語若文言已甚況詩又
 綺語之尤者且詩本乎情禪乃出情之法也
 若然者豈不墮於情想耶予曰不然佛說生
 死涅槃猶如昨夢故佛祖亦夢中一人一藏
 經千七百則無非寢語何獨於是僧之為詩
 者始於晉之支遠至唐則有釋子三十餘人
 我明國初有楚石見心季潭一初諸大老後
 則無聞焉嘉隆之際予為童子時知有錢塘
 玉芝一人而詩無傳江南則予與雪浪創起

雪浪刻意酷嗜遍歷三吳諸名家切磋討論
 無停晷故聲動一時予以就枯禪蚤謝筆硯
 一鉢雲遊及守寂空山盡唾舊習胸中不留
 一字自五臺之東海二十年中時或習氣猛
 發而稿亦隨棄年五十矣偶因弘法罹難詔
 下獄濱九死既而蒙恩放嶺海予以是為夢
 墮險道也故其說始存因見古詩之佳者多
 出於征戍羈旅以其情真而境實也且僧之
 從戎者古今不多見在唐末則谷泉而宋則
 大慧覺範三人在明則唯予一人而已谷泉
 卒於軍中所傳者唯臨終一偈曰今朝六月
 六谷泉受罪足不是上天堂便是入地獄言
 訖而化大慧徙梅陽則發於禪語有宗門武
 庫覺範貶珠厓則有楞嚴頂論其詩集載亦
 不多顧予道愧先德所遭過之而時且久所

遇亦非昔比也丙申春二月初至成所癘饑
 三年白骨蔽野予即如坐屍陀林中懼其死
 而無聞也遂成楞伽筆記執戟大將軍轅門
 居壘壁間思效大慧冠巾說法構丈室於窳
 廬時與諸來弟子作夢幻佛事乃以金鼓

卷

二

鐘磬以旗幟為幡幢以刁斗為鉢盂以長戈
 為錫杖以三軍為法侶以行伍為清規以納
 喊為潮音以叅謁為禮誦以諸魔為眷屬居
 然一大道場也故其所說若法語偈讚多出
 世法而詩則專為隨俗說也雖未陞法堂踞
 華座拈槌豎拂而處塵勞混俗諦頓入不二
 法門固不減毗耶特少一散花天耳其說不
 純以對機不一乃應病之藥固無當於佛祖
 向上關其實為上下千載法門一段奇特夢
 幻因緣及蒙賜還初服之南嶽匡廬又若夢

遊天姥也二十餘年侍者福善日積月累門
 人通炯從居五乳編次成帙向有求者未敢
 拈出恐點清淨界中新安仰山門人海印請
 先以詩次第梓之予知醒眼觀之如寒空鳥
 跡秋水魚蹤若以文字語言求之則賢目空

華終不免為夢中說夢也天啟元年歲在辛
 酉春王正月上元日匡山逸叟憨山老人釋
 德清書於枯木菴中

征途述懷十章章四句

矯矯冥鴻載飛且鳴哀哀求侶悲此遠征

一

三

火雲若流白日如矢遐征不歸誰其念只

濯泉洗耳采薇充饑我豈無心彼何人斯

紫芝英英白石燦燦邈矣懷人夜以達旦

誰云滴水可以穿石孰云忘憂我心如織

日亦可冷風亦可繫憂從中來不知所自

六

五

四

三

二

亭亭長松猿鶴依只悠悠白雲我心逝矣七

載饑載渴易食易飲嗟彼醉夫難以獨醒八

有酒有旨實為友朋惟玄惟漠尊壽久空九

嗟彼行人往來相顧扣其所以莫知其故十

感時詩十五章章四句有序

頃聞四方連年水旱加以蝗災民生惶惶

朝不待夕有司請告皇慈愍之内外公府

齊發金穀出賑百僚仰德各捐俸一年以

助昔所未有感之以詩

上天好生胡為其愆斯民求安曷為不然一

滔滔洪水禹則治之淫雨橫流孰能禦之二

甘露瀼瀼時雨如漿片雲不興我民惶惶三

兩澤愆期民之瘁矣矧此旱魃為崇甚矣四

蝗飛蔽天胡為而然嗟膏食脂使民暵暵五

民之所親食逾父母易子而食斯言良苦六

維皇之天斯民是愛斯民之命皇天是賴七

皇仁浩浩施金與穀誰能嘆水使天雨粟八

以敬其天雨暘時若以哀其民所施逾博九

報功之資上天所司匪曰同胞孰能畀之十

邈矣上古嘉禾自生哀哉末運播種不登十一

蠢蠢之生予實同之皇皇上天予共戴之十二

安得地肥不勞民力安在軒皇任其食息十三

康衢之民無時不有陶唐之化孰云匪久十四

時之往矣不可執也民生苦矣不可緩也十五

咏懷國中作

大塊總微塵滄溟一滴水茫茫宇宙間代謝

無停止達人縱大觀上下千萬紀歷覽在目

前賢愚可屈指美惡不足稱是非安可擬仲

尼重知命老聃貴忘已惟我大雄尊超然出

生死世界等浮漚身心類塵滓幻化祇如斯

榮辱何憂喜顛倒任空華吾視此而已

廬陵淨土菴受王性海諸居士齋因懷

汪使君

廬陵一粒米價重過須彌須彌尚可碎此粒

無壞時化為香積飯轉作淨土資拈來信口

食一飽忘百饑如食金剛屑終竟透出皮此

土多蓮華衆妙香芬披一人坐一華左右相

追隨光明映日月彈指超僧祇華中少一人

悠悠勞我思

廬陵喜再逢王塘南翁 有引

余二十五歲曾遊青原晤翁時年五十今

復晤之又過半矣宛然在昔以翁精心白

業色若嬰兒感故念今喜而賦贈

人生一百歲四分二十五初逢半之半再會

十之五君已過三分宛然似初觀面如嬰兒

敦七

五

色骨似金剛股心想入蓮華音聲出天鼓端

坐七寶臺經行衆香樹不離五蘊身便是清

淨土打破頻伽瓶即見華中主與君雖別離

恰是相逢處

六詠詩

心

金翅鳥命終骨肉盡消散唯有心不化圓明

光燦爛龍王取為珠照破諸黑暗轉輪得如

意能救一切難如何在人中日用而不見

無常

法性本無常亦不墮諸數譬彼空中雲當體

即常住聖凡皆過客去來無二路是生不是

生非新亦非故智眼明見人此外何所慕

苦

夢入大火聚怕怖多憶惶正當苦惱時滴水

便清涼水盡火復然念慕何慨慷及至醒眼
觀向者誰悲傷

空

須彌橫太虛大地浮香海六塵蔽性天四大
遍法界劫火洞然時此箇壞不壞何必待燒
盡然後無障礙

無我

一水作衆味酸醎苦辣具以本淡然故而能
成衆事若實不隨者安肯隨他去唯有不隨
者誰能識此趣

生死

生死不流轉流轉非生死若實不流轉生死
無窮已諦觀流轉性流轉當下止不見流轉
心是真出生死

苦熱行

整

入

人世苦炎熱余心何清涼直以無可觸故能
安如常譬若火浣布得之愈增光視彼區區
者錯然誰敢當

月夜過三峽

扁舟載明月隨流競奔頽帆影似轉變月光
無去來心境本寂滅死生安在哉所寓即常
樂此外俱塵埃

懷淨土詩四首

嗟哉堪忍土多慮而爲人憂來百念結網繆
役其形衆苦集微軀臭腐搏青蠅憤憤不自
知營營竟朝昏明潔日以虧汨沒疲精神安
能滌情垢一旦返而真長揖大火宅從此謝
鷲塵逍遙清淨土其樂方無垠

我聞至西極有國名極樂妙嚴飭宮殿寶網
珠絲絡天人普集會光明相映奪園林敷維

華空中散天樂蓮開八德池香浮七寶閣微
風吹簷端雲間響金鐸衆鳥相和鳴法音恣
宣說凡情一經耳衆苦當下脫

極樂本非遙駕言十萬億但能一念淨觸目
現前是蓮華生欲泥清涼發焰熾瓦礫等瓊

瑤寶林出荆刺念結阻山河想銷破幽滯險

道登坦途情根證初地誰知微密中淨穢苦
樂具試觀空中華起滅了無際

苦因增愛生樂從清淨得譬若夢中人貴賤
匪外覓情想本無端苦樂非預設瞻彼晴空

雲倏忽多變滅愚者執爲真逐境勞欣感達
人貴朗照了罔淨陳習一悟永不迷靈淵常
湛寂願乘白毫光端居極樂國

采珠行

灼灼明月珠產向深淵底從空撈撓之魚龍

盡驚起鮫人相抱泣洒淚忽成雨腥風撲遠
岸鯨波奔萬里密網垂天雲輕帆展鵬翼一
擘川后愁再擊海若徒盡剖蚌蛤腹不補蒼
赤髓安得如意珠持歸報天子神光發中夜
龍顏大欣喜七寶隨所求四事盡豐美展轉
濟孤貧利樂無窮已用賞戰勝功傳爲灌頂
祉罷此批鱗役聊以釋附解滄海不揚波溝
瀆清塵淨願祝吾皇壽量同東海水

咏龍

變化無端倪噓吸作雲雨膏澤潤蒼生滂沱
霑下土倏忽遍九垓頃刻被寰宇豈若沙中
蟲與物同臭腐

咏虎

長嘯發空山悲風振林木颯颯秋雨寒淒淒
夜鬼哭腥膻徒自矜皮毛甘可服何如偃鼠

安飲河期滿腹

贈曹溪行脚僧 有引

南韶觀察祝公下車之初痛念祖庭荒廢
極意整頓且自號爲曹溪行脚僧感而賦

贈

卷七

八

曹溪行脚來元自曹溪去久假而不歸忽憶
曹溪路即墮宰官身依然無所住任運大化
中樵櫟安能獲猶記別時言菩提本無樹以
是不迷人觸目多感悟隨緣到故鄉萬山滿
烟霧未入曹溪門此心已如故况見昔時人
淒然瀝情素提起屈眴衣宛若初分付椎碎
墜腰石打開寶藏庫搬出如意珠獨誇長者
富三車隨所施諸子忽驚怖一喝泣鬼神片
言逐狐兔魍魎頓潛蹤龍蛇喜交錯經行寂
滅場往來憑杖屨穿破磧底雲踏乾草頭露

瓦礫盡生輝靈源永不涸誰知先後身主賓
自相顧願執漚和鞞長驅白牛步

酬董國博崇相過訪曹溪

君向曹溪來直入曹溪路溪上忽逢君乍見
已如故一笑心眼開主賓忘禮數促膝坐更
深歷歷披情素高懷皎冰雪清言振金玉俯
視六合空長軀千里步歲暮事遠遊理冥無
去住把手送君行溪橋獨延佇

綠槐社諸子過訊予時掩關未面而去

示之以此

卷七

九

炎炎火宅中一片清涼地雖從長者施寶條
君王賜法侶喜相過高懷發幽秘洞見未語
心直達無生意何必問毗耶此中真不二
董太史玄宰寫雪山圖贈予之雷陽賦

答

五臺三伏天江南鵬月樹孤蹤空裏雲餘生
草頭露寒熱本無端南北任去住隨地足清
涼此中何所慕

癸卯初度自五羊之曹溪舟中作

今朝五十八明日五十九未來不可思過去
何所有世相空裏花毀譽鏡中醜不推羊鹿
車喜隨牛馬走自愧膝穿蘆却怪肘生柳髮
散少冠束面厚多塵垢戰退生死軍打破無
明白使盡老婆心笑破虛空口兩岸既不
容中流非所守來往任風波去住絕偕耦天際
望長安寒空一回首回首問時人誰是儂家
友

遊方廣寺

朝披南嶽雲暮宿方廣寺岩堯一徑深千峰
鎖幽秘儼坐青蓮華頓入清涼地流泉和松

聲如對談不二但絕世間心莫問西來意安
能結枝棲以滿居山志休息芭蕉身涕唾空
華事從此謝塵氛永絕生人累

遊南嶽登祝融峰

我懷南嶽山夢想四十年天際七十峰居常
在目前自愧無羽翰況爲形纏牽須踐故人
約始得恣遊盤攝衣登祝融一望空楚天湘
流引足練星斗如腰纏去天不盈尺恍惚隨
飛仙睥睨萬衆小世界如彈丸身已入空虛
足底浮雲烟若御冷風去從此超塵寰回首

兼七

十

思古人三生竟何緣曹溪一滴水化爲霖雨
露焦枯發靈芽法鼓醒瞋顛如何獅子窟今
令狐兔潛梵宇空寥寥慧燈昏不然誰秉照
天燭一破長夜眠徘徊轉悽惻飲泣如流泉
安得巨神通彈指變大千頓成七寶土遍地

敷金蓮一觀空中雲普集諸聖賢

別南嶽山人鄭慕一

我從曹溪來擬向山中老山靈不我欺滿目
雲霞好歷覽古道場金沙墮叢篠嬾殘煨芋
處幽蹤莫可考遙想磨磚師成佛苦不早獅

子窟中王誰能犯牙爪法雨久不潤靈苗竟
枯槁嗟我來何遲臨風增懊惱幸遇食霞人
相期出世表欲與坐深巖玄言窮要眇愛此
高尚心真能謝紛擾蓮華社未開又取東歸
道良以天屬情日火繁懷抱今暫辭雲山此
心終未了我登江上舟君隱山中豹因思李
鄴侯君閒恐不保但留窻前雲待我歸來掃

從南嶽東遊江上留別方覺之

與子江上逢擬結山中好相期臥白雲可共
終休老山靈不我留棹杖辭窈眇子亦倦遊

歌七

士

人志在烟霞表潛神衆妙門久欲辭紛擾衷
情繫所天未即恣懷抱今我駕慈航揚帆涉
浩渺與子雖別離因緣猶未了假我未窮年
重拈一莖草遲爾婚嫁畢歸來時尚早

別衡山解嘲

空林臥不堅復理象歸權縹緲辭雲山縷縷
繫懷抱衡嶽七十峰久欲恣幽討適來即便
去返遺山靈誚歸來既已遲言別亦何早我
本山中人丘壑宿已飽杖屨烟霞生坐臥麋
鹿遠眼耳不容塵心光離昏曉四大如空谷
六根絕紛擾到處即深山何必戀枯槁試問
山中人靜縛何時了打破琉璃瓶始識隨緣
好

武昌逢石浪岷嶽二禪人還蜀省親因

示

我本行脚僧忽逢行脚客借問行脚事相視
無言說匡廬一片雲峨眉千尺雪箇是行脚
心去來水中月因思母子情念念不相隔今
歸承歡顏恰似未曾別奉旨不奉甘問冷不
問熱劈破娘生面乃見不生滅方是行脚人
到家之時節

示聞子與病中

病從有我生我因煩惱集煩惱癡愛滋生死
輪不息情根如機梭妄想相交織織成幻妄
身衆苦皆叢積求出苦方便慧劍急揮斥斬
斷妄想絲根境當下寂一念了無生四大各
歸一求我不可得病從何處覓

歸匡山

余少志遠遊三十住山倏二十年忽被業
風吹入幻海二十餘年而此一念未離寒

卷七

十三

巖冰雪中也頃幸晚歸匡山以遂投老蓋
年七十有二矣嗟嗟浮世人生幾何視此
餘生如西山落日浮光瞬息乃爲詩以紀
之

浮世無百年夢遊七十餘幻海渺洪波彼岸
無方隅一葦隨天風飄飄任所如歷覽周八
荒險阻非一途神疲力已倦削跡爲遠圖烟
霞結夢想巖穴心久辜垂老方遂志拂袖歸
匡廬一超濁世緣衆念悉已枯千峰抱幽壑
邈與人世殊七賢列雲中五老頻招呼眉目
時相對嘯傲多歡娛明月有時來一鏡懸空
虛清光入蓬華照我顏色舒白髮對青山形
影如水壺頽然踞石牀日夜雙趺趺返觀未
生前本來一物無了知幻化緣胡爲有生拘
從此脫紛紜高登常樂都

寄錢太史受之

匡廬列雲霄江湖邈天際地湧青蓮華枝葉
相鮮麗睽彼華中人超然隔塵世夢想五十
年良緣圖未遂偶乘空中雲隨風至吳會東
南美山水醞藉多佳士一見素心人精神恍

牧七

十三

如醉未語肝膽傾清言入微細相對形骸忘
了然脫拘忌精白出世心太虛信可誓苦海
方洪波願言駕津濟把別向河梁遂我歸山
志長揖迈匡廬藏蹤杳深遠五老與七賢日
夜常瞻對誅茅臥空山烟霞爲衣被視此芭
蕉身一擲如棄涕緬想未歸人馳情勞夢寐
安得駕長虹凌風倏然至暫謝塵世緣入我
真三昧

歸宗登金輪峰禮舍利塔

我登金輪峰一覽乾坤窄衆山如蟻奔彭湖

小如櫟萬壑吼長風吹落天邊月夜靜俯下
方燈火自明滅身一入空虛諸想頓消歇遥
念救世尊法身遍一切舍利自西來至人布
三業峰頭立浮屠莊嚴以金鐵爰感大丈夫
建刹捨居宅遂爲光明幢法緣從此結上下

千餘年清涼解炎熱嗟彼衆生界四相轉成
劫禪宮委荆榛金碧成瓦礫叢林遺斧斤孤
松獨挺特根株半剝斷枝柯將天祈何期至
人來呪願施膏澤以此卜重興法雷震前哲
皮骨日夜長密茂迈生色果滿金剛心荒蕪
從此闢法藏自天來龍光照巖穴梵宇如雲
興四衆增歡悅始知淨穢土轉變隨心別

東林懷古

少耽遠遊志夙慕東林師青山開白社高賢
畢在斯惜晷刻蓮漏清修禮六時淨念絕塵

想極樂爲歸期高風振千載翹首結遐思光
容如在眼夢寐相追隨垂老始攀陟撫景增
餘悲荒林翳頽垣草莽重紛披徘徊三笑處
莓苔露華滋影堂列羣彥彷彿見芳規古砌
鎖寒烟白蓮開汚池香谷發清響地籟天風

卷七

十四

吹丘陵有遷變至道無改移師有未了願重
來亦何遲開林儻如初高蹤尚可追山靈又
呵護神運常在茲我已畢命待濁世從此辭

感遇詩奉酬南康袁使君

有引

九淦袁使君治郡南康匡南湖山盡歸化
育不唯斯民戴德即巖穴之士儼若端居
白毫相中也棲賢古刹又墮荒榛一旦舉
而新之又架籥雲橋以濟險道此名山不
朽勝事法雲開創實感護法精心承惠寺
記一言足垂千載勒石告成俚言致謝

匡廬高入雲乾坤鍾秀氣千峰列重霄青蓮
擁天際往多滄霞人藏形養幽秘一自遠公
來開林結真契高賢集如雲清脩期出世山
色映湖光人境兩相媚憶昔龍象儔法幢列
如市瞻彼棲賢老舌根如鼎沸拈棧豎拂間

直指西來意誰知千載下造化潛更替寶塔
墮荒榛諸天委荆刺長者一莖草雖拈未見
諦況復野干鳴難同獅子戲鐘磬寂無聲山
空神鬼泣天假至人來靈山親授記示現宰
官身隨緣作佛事法雨潤焦枯甘露澤羣卉

卷七

十五

一片金剛心廣布如大地斯民若嬰兒慈母
相盼睇吐哺不啜甘調劑剔所忌凡在指顧
間鮮不爲生計千里坐春風荒村無犬吠頓
置舍齒眠儼在葛天氏政暇多幽況尋山探
靈異覩此祇陀林慨發重興志一舉運斤手

丹樓若雲翼不日梵宮成恍忽如天至神力
尚有餘莊嚴若未備絕壑架飛梁長虹帶蒼
翠玉淵臥虬龍形影如顧視五老與七賢鬚
眉雲中墜慈航設險道往來無困躓緬懷利
濟恩豈特居方內每接款唾餘玉屑灑肝肺
琬琰勒佳章片石鐘鼎寄功德載名山匡君
應列祀樵歌接梵音誦祝千萬禩空谷積雲
霞盡爲供奉器感此希世緣短吟寫胸臆願
言保遐齡永錫天人類

有所思

與君一別數千里思君不斷如流水流水東
馳去不還我心如環之無端舉首望長空長
空杳無涯揮手邀明月明月有來時光影縱
相顧可望不可攀安得君容如滿月使我一
見開心顏

觀侯生画山水詩

侯生貧壓夷門客執轡何人過其宅獨有丹
青思入神風流足可稱癡絕一室懸磬冰雪
清烟雲時向毛孔生空中麋鹿時時走暗巖
山靈夜夜驚書長閉戶門卻掃梁肉不足烟
霞飽含濡墨汁當醍醐時人却怪形容好類
年甲子六六支居間一半常苦饑尺布斗粟
博美酒清泉白石令人嗤有時獨向街頭立
見人未語先羞澁都言窮骨軟如泥誰信剛
腸勁似鐵三江五湖波浩蕩千巖萬壑爭奇
狀閒披絹素淡揮毫一齊撮在眉尖上入山
尋討檄木株松下一見歡相呼喫茶只恨千
鍾少問法從來半字無老夫肚大舌頭長吞
吐萬里明月星光星辰散落無收拾君堪與我
爲笑囊留君且向山中臥白雲片片青天暮

教七

六

渴飲清流嚼紫芝海枯石爛從他那

曇花精舍歌贈祇園逸史杜將軍翰英

我昔遨遊妙嚴國眼見曇花白似雪花下林
林大士身容儀光照黃金色此花不是等閒
開千年一度方苞胎至人將現花先發獨爲
因緣大事來大事因緣非一類千百億身皆
度世三乘八部應念周十方法界隨心至或
現天大將軍身威風八面如天神萬里橫行
畧無敵擾搶盡掃清烟塵變化無端甚希有
亦似曇花開笑口月下吹笙鳳鳥來馬上揮
戈獅子吼一開便作人間瑞人與花神兩無
二人效祇陀布地心花作園林功德事將軍
用武不離禪精舍小築祇園邊對花心入無
生國閉戶身居極樂天殺機盡是降魔智色
香妙露西來意見色聞香法界空當場戰入

卷七

七

三摩地氤氳造化花中主文彩縱橫邁今古
陽春號令發雷霆風雲變態驅龍虎園林廣
大花無恙精舍剛剛方一丈古今天地芥裏
空世界山河鏡中像曇花入鏡倍精神將軍
亦是鏡中人萬里懸空如對面眼觀何如耳
見真我亦祇園花下史時時灌溉禪那水五
蘊蔓草又芟除四大幻身沒依止拋向炎荒
如露布鑊湯爐炭無回互忽見花間舊主人
寄聲莫忘來時路

木菴歌

淨泰禪人更字木菴南阜居士有贈因戲
書之

枯木菴枯木菴象嶺巖前獅子龕拳枝奇曲
無可攀霜葉雲披何藍甃望之若杌不足取
就之枯槁如真叅雪老堂中如着此文殊前

後何三三我已老朽識海乾與爾同坐枯木
蒼

烏夜啼

寒林積雪白日西慈烏啞枝上啼鴟梟在
巢未敢棲饑不得食情慘悽虞人網羅亦何
密飢烏之肉不足食何事網繆日夜求返哺
不遂情何極母子分飛兩不全況復母死歸
黃泉啼聲不絕如杜鵑令子抱恨遺終天啼
烏啼烏真可憐虞人忽死鴟梟殲明明天道
何昭然

遊浮山歌

空中一鳥攢青霞宛如香海浮蓮花巖龕石
竇簇花蕊又如帝網珠交加我來遙登華藏
界一開雙眼無遮礙周圍行樹影重重分明
炳若瓶中芥橫空殿閣雲中影法身不動青

數七

六

山穩飛來花氣暗香浮習習侵人重袖冷拽
杖撥開巖中霧怪石淨潔若棋布指點還如
數列星一噴青天洒飛唾石門磴道一線通
側身半壁足不容猿行鳥度亦不易如何使
我筋力窮攀蘿直上妙高頂眼底湖光霞布
錦足未離地身舍空回看一似冰壺影小轉
還過會聖巖巖廊石室何奇哉遠祖因棋差
說法黑白未兆令人猜度溪西上蓮華石朶
朶金蓮從地出徘徊不見華中人但聽松風
廣長舌回禮金谷丈六身虛明無地容纖塵
劫火洞然此不壞始信蒼巖是本真我欲誅
茅依石室餘生借此藏蹤跡儻得安眠白日
高身心世界都拋擲如何捨此從他去一葉
浮空都是寄不若快便早歸來休教猿鶴常
相憶華藏從來是故宅行盡十方出不得潛

身頓入一微塵何人於此知消息

擔板漢歌 有引

徑山法窟白大慧中興臨濟之道相續慧
命代不乏人近來禪門寥落絕響久矣頃
一時參究之士坐滿山中至有一念瞥地

整

十九

當體現前得大自在者惜乎坐在潔白地
上不肯放捨以爲奇特不知返成法礙也
教中名爲所知障所以古云直饒做到如
寒潭皎月靜夜鐘聲隨叩擊以無虧觸波
瀾而不散猶是生死岸頭事所謂荆棘林
中下脚易夜明簾外轉身難名抱守竿頭
靜沉死水尚不許坐住況有未到瞥地偶
得電光三昧便以爲得美識神影子者乎
此參禪得少爲足古今之通病也恐落世
諦流布疑誤多人因有請益者乃笑爲擔

板漢歌以示之歌曰

擔板漢擔板漢如何被他苦相賺只圖肩頭
輕不顧脚跟絆縱饒擔到未生前早已被他
遮一半者片板項上枷渾身骨肉都屬他若
不快便早拋却百千萬劫真冤家行也累坐
也累明明障礙何不會只爲當初錯認真清
門淨戶生妖魅開眼見閉眼見白日太虛生
閃電乾闥婆城影現空癡兒認作天宮殿要
得輕須放下臭死蝦蟇爭甚價烏豆將來換
眼精魚目應須辨真假有條路最好行坦坦
蕩蕩如天平但不留連傍花柳管取他年入
帝京捨身命如大地牛馬駝驢不須避果能
一擲過須彌劊樹刀山如兒戲若愛他被他
害累贅多因費管帶一朝打破琉璃瓶大地
山河都粉碎我勸君不要擔欄體有汁當下

乾分身散影百千億從今不入死生關

聞沈朗暉掩關姑蘇城中歌以寄之

火宅炎炎夢未醒塵中一片清涼境但見燎
空烈焰高道人一念如冰井市聲喧闐奔萬
馬日夜不休何爲者耳根寂滅心不生看來
盡是空中假妻子對面如化人返觀亦似鏡
中身終朝相見不相識兩眼何處容纖塵有
時神遊華藏界揮毫一灑胸中塊朝善
丹青水光
山色影重重交羅攝入無障礙有時坐入蓮
華土地平如掌金沙布八德池中菡萏開香
風一觸心開悟方丈一室無壁落量舍法界
同寥廓十方海會入其中坐叅更不勞行脚
匡廬萬丈懸太虛與君恰似同室居不出不
入不來往問君此際心何如

從軍詩 有引

致七

二十

余以弘法罹難蒙恩遣雷陽丙申春二月

入五羊三月十日抵戍所時值其地饑且

癘已三歲矣經年不雨道殣相望兵戈滿

眼疫氣橫發死傷蔽野悲慘之狀甚不可

言余經行途中觸目興懷偶成五言律詩

若干首久就枯寂不親筆硯其辭鄙俚殊

不成章而情境逼真諒非綺語聊紀一時

之事云

楚澤非炎徵行吟愧獨醒瘴烟千嶂黑宿草

四時青颺觸秋濤怒人斬厲鬼靈從來皆浪

跡今日更漂萍

致七

五

火宅誰堪避清涼自可求天低偏近日樹老

不知秋海月心何寂空雲思欲浮却憐無住

客今復寄炎洲

舊說雷陽道今過電白西萬山嵐氣合一錫

瘴烟迷末路隨蓬累殘生信馬蹄
那堪深樹裏處處鵝鳩啼

遠道經行地孤雲獨可憑
有家俱是客無累即爲僧
毒霧熏心醉炎風透骨蒸
翻思舊遊處儼若履層冰

月脚元吾事擔登固所能
心懸萬里月肩荷一枝籐
乞食愁蠻語安禪喜俗僧
降魔空說劍今日始先登

出世還行役誰悲道路難
長戈聊當錫短髮不勝冠
沉瀝餘三島炎蒸厲百蠻
天南回首處落日長安

皇天無不覆豈獨外避荒
曲折吾生短驅馳世路長
但知心似雪忽覺鬢如霜
隨地甚埋骨君恩詎可忘

昔住清涼界今登熱惱天
煥寒風氣別南北

地形偏萬里同明月
千山隔暝烟塞鴻書縱寄不過鴈峰前

髫年從白業垂老脫緇衣
豈是君恩薄多應世道違
烟霞行李少冰雪眼中稀
莫問前途事家山到處歸

晚起占天候星河曙色分
潮吞丹鳳日山吐毒龍雲
漂泊還鷗侶棲遲憶鹿群
誰知逃世客臨老學從軍

此日天涯道艱虞祇自憐
海風腥釀雨山氣毒含烟
畏路從人後衝泥向馬前
始知行役苦多在戍兒邊

旅宿悲寒食兵戈老歲年
身經九死後心是未生前
北伐思山甫南征憶馬淵
梅花何處笛聽微不成眠

寬逐辭金地窮荒到海涯
雲容飛赤鳥星尾

曳舟蛇棄杖林成久揮戈日未斜天南并塞
北是處有胡笳

一鉢從師旅孤征任轉蓬形骸乘野馬心事
托冥鴻雲出蒼梧白霞蒸海日紅吾生久已
棄不待此時空

數七

二十二

浮世甘爲客勞生恨此身舌存終是苦道在
豈稱貧渴鹿爭趣酸饑鳥習近人滄桑雖未
變何地不飛塵

一息餘生贅千山去路長問途逢牧馬挾策
耦亡羊衷熱三秋日心寒六月霜所經如蹈
鑊安敢任踈狂

幻跡元無住逢山即當歸因看前路窄轉見
此生微時抱桑間餓常懷漂母飢所欣無臘
月不望寄寒衣

獨坐

數七

五

浮世吾身外勞生逆旅中誰能一隻眼豁盡
十方空碧海飛涼月青林散曉風胡牀箕踞
坐蕭洒意無窮

晚歸管門

混俗希忘象臨戎想牧羝前驅劉忍草左袒
拘伽黎落日江空醉歸雲樹色迷行藏同倦
鳥漸漸向人低

庚子歲即事四首

豺虎中原遍星輶日夜馳詔無哀痛字人有
向隅悲遠探驪龍窟深批弱木枝乾坤聊俯
仰愁絕一雙眉
清海初收捷珠厓始罷征劍門飛赤羽閣道
走羗兵帝聽懷柔遠王師耻戰爭蠻夷應繫
長不見請長纓

滿目黃塵暗披肩短髮垂江湖歸路杳鷗鷺

傍人疑康濟思今日安危望此時從來貂珥
重寧不愧恩私

生事人甘拙干戈鼎沸騰金珠欣積累菅草
畏追徵國是誰堪定天心未可憑南熏何日
奏一為洗炎蒸

過三峽

萬壑奔流下千山紫翠連帆飛三峽兩人八
九秋天客路浮雲外歸心落日前吾生猶未
已江漢是餘年

宿清溪驛夢得草蟲鳴斷岸沙鳥宿寒

汀之句因續成詩

遡流遠渚旅泊傍孤亭月隱山容淡魚潛
水氣腥草蟲鳴斷岸沙鳥宿寒汀最惜飄零
者浮生夢未醒

酬朱叔祥惠斑竹禪几

秋七

古

半榻供禪寂支頤臥白雲虛心偏愛我高節
獨憐君細拭含湘淚精裁泣楚文最宜調病
骨從此絕塵氛

林叅軍從余入山

戎馬身經老風烟鬢已班骨疲仇鐵甲心冷
愛青山木札禪離味茶香事儘閒白雲欣共
住肯放出松關

重修曹溪採木入山

一水縈紆入羣峰夾岸迴人疑秦代住僧似
竺乾來竹樹連雲長田疇逐地開誰知五嶺
曲亦自有天台

伐木

百尺由萌蘖孤根出草萊歷窮烟瘴苦聽盡
鶴聲哀用大應非折裁成豈是災抵憐今夜
月工自照莓苔

小金山坐月

藏海浮香刹華幢湧梵宮青螺呈寶髻滿月
現慈容世界平如掌江流淨似空應憐驅逐
者俱墮法身中

腰沽道中

其

荒途無遠近曲折似兼程地逐河流轉人依
鳥道行雲間孤鶩沒木末片帆輕回首長安
路難聞塞馬聲

太平驛

策馬望郵亭長途舊所經終朝嵐氣白十月
燒痕青面熱檳榔醉神昏海霧腥孤城笳鼓
動悲壯不堪聽

曉行

殘月掛城頭征笳慘客愁北風吹短鬢涼露
溼重裘野燒連營壘邊烽暗戍樓孤雲聊淡

汀瀟洒竟如浮

化州道中

尚蠻盤廣漠曲折不知層夾路疑函谷居人
似武陵林深藏虎豹天遠擊鸛鷹何事風塵
道驅馳一老僧

化州

孫征過萬里道遠慨逾深山色蝸蛇氣人言
鴟舌音遽虛今日事冰雪一生心縱有參天
木難同祇樹林

石城

行穿窮谷口樹杪見天涯野曠留殘照城荒
帶落霞飢驅忘力倦欲速較途賒薄暮投山
館安眠似到家

橫山堡

群山低赴壑一水倒迴村平野間炎微邊陲

輶
車也
音姚小

憨山大師夢遊全集卷第四十八 敦八

侍者福善日錄 門人通炯編輯

凌江喜雪 有引

嶺南自古無雪癸卯臘月偶過凌江一見

喜而志之

一

凍雨灑柴扉寒聲漸覺微乍疑梅影瘦不信

雪花飛重壓芭蕉葉輕欺薜荔衣八年勞夢

想今喜見光輝

示寂空鑑禪人

腰包從萬里七載遲炎方居卜恒河畔心牽

一水長有身堪荷負無物可思量斷臂崖前

樹重聞桂子香

自曹溪檄還戎所

委形隨大化去住豈容心縱使驅炎海遠同

坐寶林偷生根蒂淺絕跡道源深極目寒空

色浮雲自古今

登瓊州明昌塔

大地浮香海孤標湧梵幢水天靈鷲現火窟

毒龍降日月懸空鏡乾坤照夜缸望雲彈五

指花雨墮虛窻

丙午夏日自曹溪乞食度嶺至虔州因

熱致病寓陳文績將軍池亭時觀魚戲

新水清猿嘯月鶴鹿依人宛若深山相

與夜坐感懷賦詩五首

冷落將軍署樓遲放客過懶輸塵事少閒勝

白雲多揮塵慵調鹿臨池學愛鵝不知幽谷

裏似此更如何

白日炎如火高眠夜氣寒夢醒回月窟心想

入冰盤鼓角轅門曉星河曙色闌覺來方散

髮愁見籜皮冠

池水江湖思遊魚樂未忘未懷臨大壑幽思
寄豪梁新月沉鈎細垂楊引線長夜來風雨
發鱗甲幾飛揚

易謝諸塵累難消大患身行藏容混俗老病
豈饒人牛馬齒將缺猿猴心未純六根如割
據不識與誰親

老被閒心使生爲業力驅虛將三寸氣連絡
百年軀藥石元非命心齋豈是愚祇愁人世
苦願作佛家奴

山行

仄徑山腰細清流水帶長迎風松子落泥露
稻花香村舍青蓮蕊人家白板房桃源如未
到不必問漁郎

晚下高峰遇雨宿蓮花寺

薄暮下高峰山深暑尚濃氣蒸三伏日涼灑

數八

二

一林松風急催寒雨雲腥起卧龍促歸華藏
宿夢醒上方鐘

蓮花寺

一片通香海千峰擁化城青蓮開細葉慧月
朗高明世遠諸緣息心閒五濁輕微塵如可
破即此證無生

凌江雨過放舟還山二首

驟雨驅炎熱新秋爽氣生岸沙隨水沒江月
傍人行聚沫勞生事浮雲過客情臨流觀泡
影轉見此身輕

數八

三

一葉乘風去扁舟趁水還山盤旋若蟻江宛
曲如環身與空雲合心將水月閒萬峰歸臥
穩寂寂掩松關

烏遲果深寺

山市依雲集花宮傍水開調生閒不住策杖

偶行來飯待檀那供蓮須社主裁可中清淨
地堪結講經臺

乞食晚歸

落日晴偏好歸途寒更遲閒心雲不厭倦意
鳥應知世路終無盡勞生信有期回看萬峰
裏誰嚼紫莖芝

佛成道日

今夜明星上當初夢醒時雪山仍在眼覺樹
正垂枝遙想鮑飢瘦因思獻乳糜六年寒徹
骨心苦有誰知

夜發凌江

虛舟隨所適一水絕間關月色看逾好江聲
聽轉閒浮雲身外事白髮鏡中顏莫謂漂零
久前途即故山

舟過瀕陽峽

不住元爲客虛舟信轉蓬夾江千尺岸帶雨
半帆風掠石如飛燕乘流似履空迷津終古
意都在去來中

宿英州

自笑何爲者棲棲苦問津試摩三寸氣可繫
百年身大地皆遷客勞生總聚塵請看江上
月曾照幾多人

春日苦雨二首

炎微多寒熱清和賴此辰可憐連夜雨斷送
十分春易破關山夢難禁羈旅人桃花三月

兼八

四

水自古會迷津

滴滴心無緒絲絲意轉工一舟迷遠浦雙眼
暗長空已失千村樹還吹萬竅風愁添新積
水滾滾急流中

擬投老南嶽初至湖東與藏六支公夜

話

投老依幽勝真期有道林百年今夜話歷劫
此時心雪覆衡山白雲埋湘水深歸休今已
矣不復費招尋

病中示諸子

厭世心成癖那堪病作魔已知餘日少更見
此身多藥石充香積呻吟當羯磨文殊如有
問一默竟如何

湘江卽事

春雨過瀟湘輕帆挂曉霜急流迴石鼓新水
度衡陽嶽色看來近湖天望去長誰知塵海
裏隨處是津梁

宿橋口

落照浸湖天沙明月在船鳥棲臨水樹人語
隔林烟浮世止一宿餘生能幾年如何衰暮

數八

三

日猶滯楚江邊

過龍鬚湖宿鬼子口

湖淺不難渡風帆未易施羊腸沙曲折鳥羽
岸參差地折雙輪轉天空一鏡垂還看棲泊
處新月照娥眉

過天心湖

群山連地肺衆水注天心浩蕩乾坤大浮沉
日月深帆飛隨獨鳥野望入平林儻遂扁舟
去烟波何處尋

龍陽縣

粉堞隱朝霞孤城傍水涯沿堤多柳色遠郭
是桃花天遠飛黃鸝江清走白沙武陵知不
遠渡口見漁家

德山禮祖四首

師據空王令余來愧晚年遙瞻于載上常見

一燈懸鳥語言前向山光格外禪手中生鐵
棒刮盡野狐涎

脫盡廉纖見來叅古作家棒敲獅子骨舌吐
鉢羅花光相合秋月靈龕隱暮霞室中方丈
地曾辨幾龍蛇

堂前閒托鉢獅子漫調兒覲面難回處低頭
不語時未明末後句翻使至今疑爲問三年
事因何得早知

頂具金剛眼胸藏粟棘蓬片言轟霹靂四海
走英雄祖意機前薦凡情當下空宗門生殺
手凜凜見真風

山居十首

天地存吾道山林老更親閒時開碧眼一望
盡黃塵喜得無生意消磨有漏身幾多隨幻
影都是去來人

英

一六

髮不如心白形還似木枯衆緣閒處盡一念
看來孤天已容疎拙禪應離有無餘生當落
日步步是歸途

生理元無住流光不可攀誰將新日月換却
舊容顏獨坐唯聽鳥開門但見山幻綠消歇
盡何必更求閒

混世多生厭歸山念自休幾曾千載計特爲
一人留浩浩成空劫消消積巨流但觀清淨
理身世總如浮

身已難憑藉支離各有因暫時連四大終是
聚微塵萬籟含虛寂諸緣露本真從來聲色
裏迷誤許多人

斗大一菴居其中任卷舒雲霞生戶牖星月
挂庭除念息心愈寂塵消境自如南熏時入
座颯颯六窻虛

飽食無餘事高眠書不分晦明珠未覺鐘鼓
幾曾聞四面幃青嶂和身臥白雲誰言茶力
健能遣睡魔軍

無意人間世遊神極樂天唯餘可漏子耻放
拍盲禪獨羨搏風翼堪多出水蓮回觀塵土

客誰不爲纏眠

此性元無着何爲不自由祇因生管帶故被
世遷流不識空花影堪憐大海漚但開清淨
眼明見一毛頭

揮塵元吾事閒心奈懶何聊將精進力調伏
睡眠魔寂寂吹天籟悠悠逝水波從來無一
字應不怪維摩

別南嶽

面帶烟霞去中懷愧色行止綠酬舊約豈是
逐浮名猿鶴休怨別松風不住聲唯留廣長

古日夜說無生

舟行

湘水通巴漢孤帆入楚天片雲低遠樹晴日
照斜川處世常如寄浮生莫問年縱違歸去
路亦似渡頭船

曉發湘潭

曉發清潭曲揚舲信水流帆飛隨去鳥岸轉
逐行舟樹遠疑天盡江空見地浮洞庭看咫
尺漸近岳陽樓

借風亭

天運移炎祚爭馳逐鹿秋誰知雲臥客借筓
爲前籌帝業三分定雄心一火酬東風千古
恨江漢水悠悠

過嘉魚

舟停蒲水宿侵曉過嘉魚山露城頭小江舍

樹影踈天垂疑近日水遠若憑虛一箭乘風
去飄飄任所如

舟發武昌

覽勝歷瀟湘乘流過武昌江山雄漢口雲雨
誤襄王遠跡飛黃鶴輕帆挂夕陽生涯隨逝

水不必問行藏

過黃州

七澤控荆襄連天一水長江流迴赤壁山色
擁黃岡作賦推漁父行歌憶楚狂向來思濯
足今已在滄浪

喜歸匡山六首

山是前生住林從此日開誤嬰塵累去喜仗
夙緣來骨立羣峰瘦心閒百念灰烟霞今已
足何必問天台

遯世元無悶居山不厭深密雲晴帶雨幽壑

晝嘗陰乳鹿眠豐草歸鴉集暮林峰頭墮明

月照破一生心

垂老脫牽纏剝心易入禪偷生至今日怡逸
感餘年夙負麟應盡良緣信未愆潛神一坏

土當處湧青蓮

盟主舊烟霞歸來便到家雲生如足練山擁
似蓮花熟睡忘昏曉癡禪閱歲華可中投足

地不用一袈裟

白髮照衰顏潛形賴有山餘生唯待化一息
總歸閒禪爛難開口雲深易掩關圓通入流

水日夜響潺潺

老與懶相宜形銷氣不支見聞渾似夢起坐

忽如癡日月從朝暮榮枯任歲時所存唯一

念寂爾入無思

夜坐納涼三首

夜色喜新晴迎秋爽氣生
雨餘林葉重風度嶺雲輕
靜慮觀無我藏修厭有名
坐看空界月歷歷對孤明

萬籟寂無聲心源似水清
爐烟通夜細山月入窻明
樓草蟲偏穩眠雲鶴不驚
坐深諸想滅忽聽曉鐘鳴

滅忽聽曉鐘鳴

炎熱不須辭清涼信有時
雲飛山色墮雷動雨聲隨
短葛休嫌重商飈莫怨遲
但依松下坐自待好風吹

壁觀

兀坐諦觀心來源未易尋
動時分朕兆起處絕幽深
寂寂敲空響綿綿出數音
應知雜念相總不屬浮沉

病一首

苦集是生因難消大患身
支持唯賴骨動轉

不由人一息微如縷殘軀
恥若塵從來皆假借究竟與誰親

久厭形爲累那堪老病侵
自慚禪定淺轉覺病源深
了法離諸相觀空見此心
欲超生死路不向外邊尋

泉粥罷經行因示

粥罷漫經行沿流不問程
脚如絲線斷身似片雲輕
踏去山光透歸來月色明
無勞重入室聽取夜鐘鳴

秋聲

秋深寒氣重擁衲正相宜
人老骨偏勁松枯杖更奇
黃花生意淡白髮世情離
獨坐忘緣後寥寥祇自知

夢遊詩集下

丙申二月抵廣州寓海珠寺

天涯歷盡尚遐征，百身風烟不計程。
涉險始知塵海濶，道窮轉見死生輕。
暫依水月光明住，偶向琉璃寶地行。
到岸舟航今已棄，上方鐘鼓爲誰鳴。

丁右武王惟吾同遊星巖諸勝未還賦

數八

懷

覽勝探奇讓謾卬，况逢簫史是同遊。
千山繫附雙龍翼，萬壑爭超一葉舟。
洞裏丹砂誰可覓，雲中芝朮幾時收。
莫看松下彈棋者，半局令人易白頭。

將之雷陽暫憇小金山

人間瓢落事多非，聊向江心擬息機。
有寺不容僧暫住，無家應與鶴爭歸。
慈雲暗覆空生室，香霧閒侵過客衣。
千古迷津懸寶筏，急流肯止便皈依。

數八

十

記公自廬山遠問曹溪

遙向曹溪問鏡臺，入門一見笑顏開。
身將廬嶽閒雲至，心帶燕山白雪來。
生死歷窮天外路，寒暄寫盡嶺頭梅。
故人但得如君思，此念令余早已灰。

甲辰曹溪奉臺檄還戎

烟霞元自邈風塵，渴愛林泉敢認真。
老去心如無火木，生殘形似再陽春。
乾坤不許逃禪輩，禮法難忘出世人。
獨有空山猿鶴侶，頻隨清夢伴閒身。

舊同妙峰師遊河東萬固寺今聞重新

賦此寄懷

四十年曾乞食過，祇陀精舍傍恒河。
中條山湧青蓮髻，華岳雲騰碧海波。
城郭千家還舍衛，法身三展變娑婆。
何時重荷降龍錫，麻谷

牀前再羯磨

登烏邏水樓

穿雲過峽度平田行盡溪源見市鄣一線河
流通大海四圍山色擁青蓮樓當水月清涼
土人入空居自在天可似桃源避秦地往來
但不是漁船

端州壽馮元成使君

廊廟江湖向各天相逢豈是此生緣居官善
用慈悲行應世安心自在禪止有祿金堪布
地更無塵跡可隨眠曇花一現三千歲今春
重開北斗邊

舟中苦雨謝鍾二子見過

積雨陰雲晝不開遙窻深喜故人來松花獨
許攢眉釀蓮社寧辭作賦才世事只看如指
馬此心不說比寒灰坐聽日暮城頭笛陣陣

其六

上

輕風送落梅

江上感懷

風雨蕭蕭江上舟飄零纔見養空遊夢回松
頂棲雲鶴閒看沙頭戲水鷗書札不須勞北
鴈世情早已付東流百年已過三之二縱有
餘生總是浮

南征道中遇雨

北風吹雨暗山城歲暮天涯尚遠征避世想
從麋鹿隊畏途心折鷓鴣聲十年瘴海孤蓬
轉一夕霜華兩鬢生策馬衝泥投野宿不堪
回首暮烟橫

寄燕都慈壽寺別山長老

當年一鉢久過從長夜披衣聽曉鐘飯食每
懷香積界經行常憶妙高峰潛消瘴熱心舍
雪暗記流年手種松烏掃蓮花師子座待余

重舉絕言宗

結夏法性若惺炯公蕉園

蕉園何似坐祇園為借清風暫解煩綠葉幾

供懷素筆重陰猶覆譯經軒有房公諱經筆投軒護生

不許朝持鉢習定還應晝閉門聞道本來無

一物故今終日對忘言美十三

鄒子能過訪因示

為叅向上訪曹溪底事分明本不迷曉院風

生吹翠竹春山雨過長青藜閒來始覺諸緣

靜悟後方知萬物齊最是喚人親切處五更

夢破一聲雞

德山禮祖後過定王陵

當年一棒聖九分的真機泯見聞香火千

秋占王氣河山終古覆慈雲空林麋鹿仍隨

塵淨土蓮華已屬君杖倚春風還佇立夕陽

紫翠正氤氳

衡陽湖東結菴初成劉存赤鐘衡穎遠

來相慰遂同度歲

十載神交費所思相逢喜見歲窮時扁舟雪

夜來千里淨土蓮花種一枝已老形骸俱長

物從頭日月是新知匡山莫謂當年社此地

重開定可期

將東遊赴花藥寺齋二首

舍衛城西古道場偶過三匝禮空王觀心已

入唯心土說法還登善法堂香飯能令多眾

飽醍醐獨許利根嘗當人未即輕拈出儻可

重來再舉揚

祇園開向大江西地湧蓮花最可棲佛國遠

超諸相外法身高與四天齊暫來即請登華

座又住應頻信杖藜可惜過從歸去日不堪

回首重懷悽

過花藥寺梅雪堂遜菴宗師故居

梅雪堂開骨更清齋餘閒步一經行香浮石
室花初放影入冰壺月倍明斷臂巖前留舊
跡懷人笛裏憶新聲只今若問西來意隻履
誰能識去程

過九峰禮無念祖師

梵王宮殿隱烟霞門外紅塵世路賒山自九
峰開淨土僧從千葉坐蓮華光浮石室留宸
翰影落諸天護絳紗若問西來端的意分明
全付一袈裟

宿九峰方丈貽聞圓長老

遙向名山禮法壇此心須乞祖師安九峰夜
月侵人白萬壑松風入骨寒已滅慧燈重發
焰獨留衣鉢許誰傳應知天帝歸依日獅子

教八

十四

音聲話未殘

率諸弟子赴漢陽王章甫齋

郊園遙訪漢江湄一似毗耶集眾時香飯飽
食天上供立言喜見郢中辭平田舊是裁衣
式高柳新垂洒露枝風雨夜深心境寂清涼
疑坐藕花池

信宿天光上座接待寺

荆棘叢中古道場廿年辛苦為誰忙堂開四
海來龍象梵唄三時禮法王域內圓成華藏
界眉閒常放白毫光瞻依已入唯心土向上
何須再舉揚

共

上

過曲阿喜逢王東里明府

出水青蓮住世心軒車亦似在山林空花鏡
像塵何寂孤月寒江意更深鷺嶺想從親受
記毗耶應是舊知音相逢一句無生話覲面

分明不用尋

登徑山凌霄峰

獨上高峰倚杖藜
侵人空翠轉淒迷
西來二日如鵬翼
東去千山似馬蹄
絕壑久稱獅子窟
空林終許象王棲
只今欲說無生法
塵尾纔揮萬象低

寄五嶽蔡使君

曾向曹溪結勝緣
別來冷落祖師禪
時談不二思摩詰
每話無生憶大年
自信宰官爲示現
誰知案牘是真詮
雪峰枯木堂前月
此夕因君缺又圓

喜歸匡山

歷遍江湖久倦遊
青山直到老方投
形骸已謝空花影
世事都從逝水流
寂寂閒身雲作伴
蕭蕭白髮雪蒙頭
餘年不必論多少
一念

無生曠劫休

林觀海明府陳赤石大叅入山見訪

匡山白社憶當時
此日高軒最可追
入處卽能忘世慮
到來全不用攢眉
身披萬壑雲容溼
坐待千峰月色遲
一夕清言成勝跡
乾坤自古重心知

鄉人至

少小離鄉不記家
回思往事總堪嗟
故人猶想兒時面
枯木難開舊日花
河畔柳枝垂曉露
門前山色帶朝霞
唯餘此景年年在
不必從前問歲華

送脩六逸公歸家山

廿載殷勤伴瘴鄉
又隨瓶錫走諸方
叅玄直上金輪頂
入室還依大法堂
歸去家山雖有意
老來泉石豈能忘
餘年儻未填溝壑
遲爾

同棲寂滅場

心光法姪持雪浪恩兄手澤讀之有感
君來忽憶故人情究竟難忘出世盟乍見遺
言猶對面細思談笑似多生知從堯率居高
座直入菩提豈計程儻再相逢如昔日肯教
同伴不同行

中秋喜陳祠部無異入山見訪

遙問空山鹿豕群巾車入谷到斜曛披襟細
語論衷曲煮茗焚香坐夜分喜對月明心似
鏡深觀世事脩如雲當機若問西來意一物
全無把似君

示衆

平生蹤跡任前緣慚愧形骸未脫然一片閒
心隨處見無端白髮暗中遷自知來日皆除
日誰信添年是減年回首家山歸去後萬峰

莫

十七

高枕石頭眠

壽覺休繆居士

居士由來應現身金剛心地淨無塵調生久
悟無生忍住世還同出世人摩詰法門非昇
默龐公妻子不為親精神已入蓮華藏劫念
何須問大椿

山居十首

平生蹤跡任東西投老那能擇木棲縱使脊
梁剛似鐵奈何脛骨軟如泥閒從絕壑看雲
起坐倚千峰聽鳥啼不必更拈言外句現前
鱗色是全提

依巖結構草為菴乍可容身止一龕但得心
源歸湛寂任從世事付癡憨三竿日上還高
臥丈室雲封不放叅佛祖直教蹤跡斷何須
前後列三三

回看五濁氣氤氳群鬧啾啾器裏蚊督念未
興迷悟絕一微纔立聖九分青山自許容藏
拙火宅誰能爲揀焚翹首長空雙碧眼不堪
大地總浮雲

堪嗟往事夢中遊瞥眼空花不可求心跡信
如雲散月形骸任似水浮漚生存一息餘三
寸老入千峰勝十籌從此人間蹤跡斷更無
憂喜上眉頭

藏脩今已遂初心自昔居山不厭深空外任
從千嶂列目中豈受一塵侵松風時說無生
法流水長鳴太古琴入室何勞重豎拂當機
薦取在知音

幽巖蘭蕙有餘芳習習松風送暗香暫借聞
熏開性地勝傾甘露灌枯腸心心直入蓮華
藏念念常明般若光知足便登兜率界何勞

美

六

此外覓西方

春深寒谷笋生芽又見松梢漸發花一鉢待
來充午供衆僧專等試新茶空無神力諸天
飯富有莊嚴五色霞爲問長安歌舞客幾曾
飛夢到山家

三冬擁衲坐枯禪喜見春光最可憐瓦鼎野
蔬將獻供地爐松火漸無烟青山覆雪重開
面白髮防寒已及有幸作太平雲臥客焚香
朝暮祝堯年

舊遊恍惚是前生每憶行藏暗着驚此日青
山當日夢今時白社舊時盟酬機但用無星
秤娛老唯留折脚鐺若問西來端的意曹溪
一派水盈盈

何事當年愛離家難忘舊着破袈裟祇因未
了多生欠不是從前一念差半世業緣同夢

幻百年妄想等空花歸來剩有青山在豈忍
將金去博沙

臥病

蒲團香案日生塵老病難容世外身入夢泉
聲清徹耳到牀月色冷侵人閒心不與諸緣
合白業唯存一念真究竟要知歸宿處蓮華
已結未來親

酬陸使君景鄴

高車幾度過空山歷盡千峰直破關有舌不
能酬密諦忘機正可對衰顏飛來白雪寒相
照望入青雲思更閒遙憶轅門端坐處匡廬
時在兩眉間

寄仰山靜光禪人

一自匡廬問法歸別經歲月信音稀顧予已
入無生忍知爾常參向上機兩過雲開山骨

瘦春深日暖蕨芽肥何時再振牀前錫拈示
西來屈胸衣

憶山居六首

有引

余園中宛居深山因而有述

捐拙千年火支撐獨木橋往來人境絕菴主
澹無聊

白雪在簷前飛來日如故不是爾無心如何
常共住

明月挂寒空光徹寒潭底上下本自同看來
無彼此

流水不是聲明月元非色聲色不相關此境
誰會得

風從何處來衆響動巖穴靜聽本無聲如何
有起滅

身在千巖裏門前路不通寂寥誰是伴唯有

數株松

舟泊珠江

月色澹如水潮平寒似空孤舟橫野渡人在
有無中

軍中道場吟四首

數

二十

朝聞鑿鼓聲暮聽金磬響動靜雖不同唯在
知音賞

旌旗蔽浮雲幢幡影朝日試看生殺機兵不
似禪密

法鼓震龍宮喊聲動天地何似衆竅風噫出
大塊氣

曾坐東海上驚濤怒破山今聞震天雷入耳
心逾閒

寄王金吾

偶會忽言別再晤應更難思君心似雪飛夢

薊門寒

喜友人至

人生會合期杳如風雨夕與子未見時宛似
雲中日

偶成四首

風吹楊柳花東西南北走豈是愛隨他自身
元不有

野雉在樊中梁食亦不少何似處山林飲啄
隨時了

豹隱南山霧常恐羅網侵只以皮毛故是爲
身累心

數

三十一

膏火照夜行人益已受損豈不自愛惜生質
固所稟

憶家山竹池

萬竹飛晴雨雙池引石泉別來三十載日日

憶栽蓮

瓊山

奇甸香為國珠崖玉作山人從塵海渡儼若

出天關

五指山

一葉浮天外千山落鏡中誰人揮五指劃破

太虛空

金粟泉

粟泛黃金屑泉流白玉漿我來持一鉢足可

獻空王

明昌塔

瓊海開龍藏香幢出梵天即看火宅內從地

湧青蓮

劉將軍邀觀玉龍泉二首

清泉寒似玉嘉樹密如雲人有羲皇樂心同

鹿豕群

混沌何年鑿淵泉此地開人依空界立山入

鏡中來

題墨香深處四首

碧草橫書帶幽蘭結佩香虛亭人獨坐心已

到羲皇

竹色侵簷綠荷花照水紅夜深涼露下人在

暗香中

芙蓉開似錦黃菊疊如錢醉眼熏心處端然

自在禪

教八

三三

雪逼梅舒萼春催草發芽目前生意事誰識

在山家

寄膠東李生

萬里路不遠寸心空更聞不知思我者如隔

幾重關

懷丁右武大參

落葉千山兩寒空一片雲舉頭聊縱目何處
不思君

咏松二首

樹老心逾赤楓凋葉更紅可憐霜雪裏獨有
一枝松

霜幹龍鱗老風枝馬尾長濤聲清響發瑟瑟
滿虛堂

詠梅二首

叢林秋已晚萬木盡凋傷獨有寒梅樹飛來
雪裏香

雪色春先到寒香夜更清一聲幽鳥語忽使
夢魂驚

詠竹五首

寒飛千尺玉清灑一林霜縱是塵心重相看

數八

三三

亦頓忘

矯矯凌雲姿風生龍夜吼霜雪不知年真吾
歲寒友

霜幹寒如玉風枝響似琴瀟湘一夜雨滴碎
客中心

葉落根偏固心虛節更高一林寒吹發清夜
伴松濤

淇澳春雲碧瀟湘夜雨寒虛窻人靜聽颯颯
響瑯玕

喜雨三首

涼雨洒炎天飄風振林木輕雷響簷端隱隱
似空谷

元陽如烈火群有若陶鑄忽然風雨來炎蒸
在何處

山空泉更寒暑氣無來往颯颯風雨生毛骨

更清英

山中吟六首

塵隔三千界心超十八禪
鐘聲清夜發聽徹不成眠

日月不知去此心應合空山樓時獨坐彷彿

在鴻濛

枝頭春已動草木氣相鮮
靜裏觀時化心忘

有漏年

時折寶林松旋汲曹溪水來煮雪中茶此味

無可比

萬山寒色破地氣暖生春花
落曹溪水何人

肯問津

無事晝打眠松風吹不徹
何處木魚聲夢中

響更別

偶占

一滴曹溪水千株逼漢松
人依空界立宛在畫圖中

示知事僧二首

斷臂巖前雪而今血尚濃
黃梅腰下石能得幾人春

積雪苦凝寒叢林盡凋
返一陽纔動時枝頭春已露

董國博過訪曹溪因贈

曹溪一滴水流浪滿江湖
隨君化霖雨到處酒焦枯

教八

二十四

夏日王癡過訪

炎熱毒如火茶香冷似冰
誰知天壤內除癡盡輸僧

送悟心融首座二首

一片江南雪來清瘴海
炎君今度嶺去寒色

帶眉尖

七尺藤過頂三食飯滿瓢何時萬峰裏倦飽

臥雲霄

對月

雪嶺孤松老曹溪滴水寒誰知今夜月猶是

昔時看

癸六

三五

舟過小金山四首

一度一回新重來不厭頻秬因貪佛日時禮

法王身

青山常不改流水去還來獨有松間月清光

照綠苔

漁火夜深白沙鷄清晝喧江空人境絕長日

掩柴門

階下魚龍穩沙頭鷗鷺閒盈盈剛一水隔斷

萬重山

喜黃生公亮歸自薊門五首

人生無百歲逢君時過半忽別又三年離合

安可算

昨日乘虛舟夜來忽風雨今朝喜逢君杳然

如夢許

塞上草頭白燕山楓葉丹唯餘寒雪色君尚

在眉端

驛路千行柳江湖萬里波往來空歲月誰不

為蹉跎

羅浮半輪月曹溪一滴水與爾共冷之意味

無彼此

喜雲欣慶公至

君從白下來慰我炎方熱火宅喜相看如對

燕山雪

招慶公嘗荔枝

長夏火雲紅五月荔枝熟與君坐珠江日日
敲寒玉

對慶公懷舊

蒼居與君隣水竹清同好一別三十年相看
今已老

秋八

寄蒲坂襄垣震崧二宗侯三首

三五

一派黃河水遙從天上來滔滔東入海借問
幾時回

華嶽雙峰出高空碧玉寒遙聞天樂響應是
禮仙壇

中條山色青朝霞散晴綺知有忘世人獨坐
觀無始

夢遊天台二首

忽到天台山相遇雲中老想是避秦人顏色
如此好

飛上華頂峰忽聽天鷄叫遙望蓬萊山掀髯
發長嘯

懷舊

夢坐龍華樹聽殘長樂鐘醒來空谷裏萬壑
吼松風

懶殘老衲住山

菴小山藏寺心虛芥納空嬾眠松下石坐斷
最高峰

將之雷陽別曇公于江上

送別芙蓉江秋水秋逾碧歸舟遡寒流來往

秋八

三五

心如織

詠月

湛海光如有寒空色若無誰知俯仰內千古
照迷塗

詠雲

一點如纖翳瀾漫塞太虛但知已起後不見
未生初

試端硯三首

君子愛佩玉溫潤象其德此石尤過之所寶
在翰墨

詞海萬里流筆峰千丈雪盡向此中生時時

飛玉屑

浩浩清江水磊磊紫石山誰知千古意元在

混茫間

化城菴二首

山色自朝昏榕陰閒古道多少往來人紅塵

空浩浩

鑿井在高原土深水難得施工極盡時淵泉

流不息

鑿室

斗室懷幽壑窮交見古人雖餘方寸地無處
着驚塵

明禪人施茶

此心元不住白足本無塵時汲源頭水清涼
熱惱人

寄慶堂首座

憶爾栽茶處滿園春雨滋何時掃松葉相對
一烹之

寄宗遠西堂

曹溪春水漲衡嶽鴈歸時憶爾跣趺夜松門

月上遲

寄題龍興寺禪堂

王氣鐘山嶽經聲徹帝宮法筵龍象眾萬世
祝堯風

寄皇陵供奉

乾坤開帝業日月轉河山香火勤供奉晨昏
仰聖顏

題畫小景二十一首

流雲覆春山輕寒凍欲坼何處踏青來歸時

月華白

芳樹夏初長輕舟湖水碧携琴訪故人雲深

何處覓

斷橋人影橫扁舟霜月白回首望雲山悠然

塵市隔

烟樹春雲綠江天落日紅不知何處醉歸向

月明中

風雨孤舟夜微茫草樹春茅簷驚犬吠定是

渡江人

江閣流雲細孤村白日閑小橋橫野水隔斷

萬重山

廿八

廿九

晏坐桃花塢幽居遠市塵祗綠春色好不是
爲逃秦

高樹咽新蟬深林掩茅屋斷橋人影橫白雲

滿山谷

瀑布寒空外孤亭水石間日長無個事結伴

看春山

秋水碧如玉遠山疑似脂夜深魚不食釣餌

爲誰施

浙瀝寒林瘦潺湲水石清白雲千萬里相對

總忘情

萬木流雲密千山落照寒衡門長日掩酒伴

暮相看

遠樹晴烟合江空草閣寒行吟同澤畔始信

獨醒難

古木蒼松老清泉白石奇携琴問知己遙望

酒家旗

江閣坐忘機凭欄望夕暉沙頭人竚立擬待

月明歸

雲白天垂練江清水合空相携尋酒伴同過

石橋東

秋山雲氣薄紅樹曉霜清一帶湖天濶空留

待月明

山似天台路花無秦代春漁郎坐溪口不見

問津人

彤雲四野迷層水萬木折衝寒訪故人踏破

連山雪

萬山凝積雪高樹折輕冰何處寒梅發香勾

一個僧

秋山新雨霽遠水澹無垠湖上幽人宅悠然

隔市塵

慈山大師夢遊全集卷第四十八

音釋

堞音牒城上轟呼宏切羣舩離呈剝空胡

也女牆也漚鈕連切颺音標暴風從穀苦豆謾蘇

切水澆聲瓠洪孤氤氳上伊真切塵音主擊音擊騎音騎上音上鼓

也

憨山大師夢遊全集卷第四十九 敦九

侍者福善日錄 門人通炯編輯

南嶽逢何玄圃

相逢南嶽前坐對中秋月清光徹夜看疑是

燕山雪

玉山

敦九

一

閒登玉山頭城中見烟火萬井密如雲蓮花

青朵朵

望江樓

獨上望江樓四面山如織中有食霞人相對

不相識

高山寺

山城枕江流梵刹雲中起鐘鳴萬戶開人在

蓮花裏

愚溪

愚溪何似我我愚溪不愚流泉日夜響說法
聲嗚嗚

華嚴菴

菴近恒河水僧依舍衛城經聲和人語總是
說無生

雜咏二首

白鶴飛冲霄倏然任去住可惜無礙身不知
生死路

螻蟻慕羶腥逐氣呼伴侶忙忙不暫停所得
能幾許

偶成二首

法侶千峰影生涯數畝田信知人世裏難結
此中緣

青山待人歸本欲求深契誰知來者心動靜
多相戾

山居十三首

片雲浮太虛，倏忽遍大地。試看未生前，清淨

無纖翳。

萬境本寂然，因心有起滅。一念若不動，靜

何處覓。

長夜無燈燭，修途總暗冥。可憐酣睡者，大夢

幾時醒。

青山容易入，白業不難修。獨有降心法，英雄

讓一籌。

一枕黃梁夢，千秋汗血功。祇知常不朽，誰信

轉頭空。

雪老蒼松古，僧閒水石清。坐來忘百慮，眼見

一身輕。

酷暑不可人，清風來竹下。颼颼涼氣生，毛骨

頓蕭洒。

風靜蟬聲急，龍歸雨氣腥。乘涼高樹下，閑寫

換鵝經。

雲深便野寺，僧老愛扶筇。乞食歸來晚，愁穿

十里松。

真氣入疎林，萬山秋色好。貪看溪頭雲，忘却

來時道。

獨坐長松下，悠然太古心。高山流水意，誰復

是知音。

日月如飛鳥，乾坤似轉丸。浮生忙裏度，誰向

靜中看。

長明一碗燈，夜對心更寂。多少醉眠人，夢中

狂未息。

山居二十首 六言

松下數椽茅屋，眼前四面青山。日月升沉不

住，白雲來去常閒。

雪裏梅花初放暗香深夜飛來正對寒鐙獨
坐忽將鼻孔衝開

幾片白雲不去一輪明月飛來伴我山中寂
寞笑他世上塵埃

一片寒心雪夜數聲破夢霜鐘爐內香銷宿
火憊前月上孤峰

滿面清霜冽冽盈頭白髮蕭蕭世上空花影
落目中幻瞥全消

淅淅泉聲入耳明明祖意西來不動舌根常
說何須再歎奇哉

幽谷蘭香馥馥中宵月色娟娟一段清塵勃
勃無端打破枯禪

一念忘緣寂寂孤明獨照惺惺看破空中閃
電非同目下飛螢

雲散長空雨過雪消寒谷春生但覺身如水

洗不知心似冰清

衰朽應憐骨弱看來轉覺心強午夜眷梁似

鐵常時一念如霜

空谷諸塵盡謝止留一片閒雲伴我松根揮

塵堪多麋鹿成群

文字眼中幻瞥禪那心上浮塵內外一齊拈

却大千世界全身

靜夜鐘聲不住石牀夢想俱空開眼不知何

處但聽滿耳松風

清淨涵空寶鏡春來水滿彭湖照徹廬山面

教九

日月如額上明珠

蓮漏六時猶短長香百刻安排日夜真常流

注識神早托華胎

一片雲封谷口千峰劃破虛空中有數椽茅

屋深藏白髮山翁

可惜青山常在堪嗟白髮時新盡是塵中逆
旅誰爲物外閒人

山色愁含宿雨松聲冷咽清霜乞食僧同倦
鳥娥眉月上新粧

世界光如水月身心皎若琉璃但見冰消澗
底不知春上花枝

門外青山朵朵窻前黃葉蕭蕭獨坐了無言
說回看妄想全消

舟中卽事

空水連天一葉舟卽看身世等浮漚鴈聲叫
破綠生夢明月蘆花古渡頭

大姑山

霞帶雲裳月偃眉江湖滿目少相知寒流徹
底心如洗莫問夫君是阿誰

姑山塔

數九

五

空裏浮圖水月身太虛中點一微塵行人兩
眼重添屑幾個男兒認得真

鄱湖寶陀寺

玻璃宮殿水晶盤面面青山碧玉欄中有一
人常說法西江吸盡夜潮寒

過桐江輓曾健齋光祿

龍華樹下舊相逢每夜談心聽曉鐘今日覓
君桐水上空含血淚洒春風

清江漁父詞二首

水清沙白月如鉤影落波心釣未收無限遊
魚吞不得空教漁父抱深愁

一葉輕舟逐浪翻五湖風月任加飡夢魂常
在深深處最苦離釣水更寒

舟次橫浦

五雲一水入南安萬疊山迴六六灘行到水

窮山盡處梅花無數嶺頭看

登南安城

城頭辦辦湧青蓮花蕊香舍萬戶烟身在鏡
中人不識更於此外覓諸天

度大庾嶺二首

一徑雲霞閣道深梅花松雨氣陰森翻思昔
日宵行客何似今朝度嶺心

嶺上寒梅正發花枝頭雲擁舊袈裟試將拄
杖重拈出香逐天風遍海涯

曹溪謁六祖大師二首

曹溪滴水自靈淵流入滄溟浪拍天多少魚

龍從變化源頭一脉尚泠然

樵斧纔拋石墜腰黃梅夜半寂無聊自持一

鉢南歸後從此兒孫氣日驕

廣州道中二首

庚九

六

烟水南遊歷百城相逢知識總無情挨身纔
欲須臾住又指前途向別行
兩岸中流總不容扁舟逐浪任天風直須高
挂孤帆去自信恩波到處同

抵雷陽戍所

瘴海嵐烟日夜浮龍蛇氣吐混清流到來盡
是無生國愈見君恩未易酬

寄少林無言宗師二首

五乳峰頭草木深春來花發滿空林峰頭積
雪仍千尺誰似當年斷臂心

清涼會罷復長安一度相逢一度歡別後天
南望天北炎風朔雪兩相看

放舟波羅江

片帆東去海波平蕭鼓如從天上鳴遙望三
山天外落不知人在鏡中行

寄小金山珍公

天風吹上妙高臺
午夜乘潮載月回
洒掃楞伽山上石
待余重為寫經來

小金山三首

萬里長波萬里流
誰將拳石砥中洲
不因禹

鑿開三級自是魚龍會點頭

致九

七

水晶宮殿絕塵蹤
香霧氤氛露氣濃
明月空中浮客棹
夜深塔下臥魚龍

山浮水面寺依空
樓閣虛無杳靄中
不是幻成人世界
多應天湧梵王宮

寄河東妙峰師三首

首陽山色枕河流

師住中條最上頭
麻谷林前章敬錫
至今風韻鬼神愁

黃河一線自天來
流入中原洗劫灰
把斷要關看砥柱
慈航不數濟川才

天涯行盡路途難
毒霧炎風任飽飡
忽憶龍門千丈雪
猛然提起徹心寒

答高常侍寄香

一瓣名香出上方
封書遙寄到炎荒
夢聽刁斗疑鐘磬
夜起親焚禮法王

懷五臺龍門舊居

萬年冰雪擁茅廬
一別于今廿載餘
叶斗峰頭明月夜
不知誰在此安居

憶匡山

遙憶匡山五老峰
白雲深鎖萬株松
寒空月照彭湖水
瀑布聲飛幾度鐘

懷匡山天池憑虛閣主人

空中樓閣閣中人

宛似花間自在身
午夜天池浸明月
不知此際與誰親

五羊喜譚子文至自薊門二首

西山雪擁薊門寒，曾憶圍爐坐夜殘。一別杳然如隔世，相逢疑是夢中看。
炎風朔雪兩無憑，火宅何如大地冰。相對莫驚鬚鬢改，此心元是五臺僧。

憶家山并諸舊遊有引

余別家山三十餘年矣，今被放嶺外，適法兄珂公同廣姪遠慰，因成三絕書還懸之。舊壁以見人生幻跡如此。

萬竿竹遶舊菴居，樓上仍懸讀遍書。夢見四簷青不改，空留明月照庭除。

長安陌上舊行蹤，吹盡微塵曉夜風。別後消磨三十載，不知幾許出虛空。
憶昔兒童共聚沙，百千嬉戲笑如花。風霜縱使形容變，此念渾同未離家。

本寺回祿，余亦遠遊，久抱修復之念。今教九

聞恩兄已新寶塔而殿宇尚在，荆榛感念，嬰心遙寄以詩。
洞然劫火憶當年，寶塔如生火裏蓮。今見優曇花再現，何時重覩率陀天。

獨坐

七軸蓮花一炷香，晝長趺坐倚匡牀。市塵門外深千尺，唯任輪蹄日夜忙。

送劉貽哲還鄉兼柬諸故人三首

瘴海三年共此心，形骸總不屬浮沉。君歸獨載秋江月，影落寒波思更深。

教九

九

身任驅馳心自閒，窮廬獵隊等青山。故人儻問余消息，只道婆娑鬢已班。
世路崎嶇不易行，幾能真見是浮生。君歸儻過西湖上，試看蓮花出水清。
軍中寄懷虛谷師

禪板輕拋事鼓鞳，跣趺鞍馬不相宜。
夜深月照轅門下，恰似松陰對坐時。

懷天台山二首

天姥雲霞傍海多半生，夢想竟空過何時。
一曳撩天杖，打醒癡僧寂滅魔。

華頂峰頭月倍明，石梁橋下水偏清。
能持一滴來炎海，猶勝曇花盞內生。

曹溪四時詠

祖意明明百草頭，春林花發鳥聲幽。
朝來雨過山如洗，紅白枝枝露未收。

四山密密綠陰濃，窻下風來水面松。
午睡正鼾纔欲夢，長廊忽聽一聲鐘。

刀耕火種是良方，秋到家家晚稻香。
放不下時擔取去，何如老偃在韶陽。

夜深旋煮雪中茶，此味天然最可誇。
更有一

般奇特處，滿林寒月浸梅花。

軍中吟二首

鐵甲天教當敝裘，從軍元不爲封侯。
身經赫日如爐冶，傲骨而今鍊已柔。

緇衣脫却換戎裝，始信隨緣是道場。
縱使炎天如烈火，難消冰雪冷心腸。

陳生讀書天寧寺

跡寄祇園已出塵，夜眠應與佛相親。
夢魂忽被鐘敲破，始信元爲聽法人。

海月樓

海天空處一樓居，方丈中涵無盡虛。
夜起關窗放明月，波光霞氣滿襟裾。

劉生讀書石湖

心似寒泉色若冰，幽居不讓石巖僧。
夜烹一滴源頭水，乞火頻分照佛燈。

奇雲樓大師

長眉鶴髮久棲雲
麈尾時揮繞鹿群
遙寄旃檀香一瓣
想師拈對法王焚

寄屠赤水居士

維摩家近白花山
烟水微茫海印寒
聞道文殊又東去
不知香飯對誰飡

殊又東去不知香飯對誰飡

寄馮開之太史索楞伽經序

憶昔千華一對談
珍衣脫却久毳毳
楞伽山上摩尼聚
何日重開百寶函

讀達觀大師末後偈

一念從來絕覆藏
通身不落是非場
試看撒手輕拈出
始信阿師熱肚腸

懷五臺舊居

叶斗峰頭雪未消
別來音信久寥寥
災方屢夢經行處
曳杖閒過獨木橋

秋九

十一

軍中寄懷黃羽李侍御六首

十年戎馬走炎荒
常憶同遊海印光
大火聚中求著脚
與君別處最清涼
聚散浮雲不可期
此心未離別君時
兩輪日月如飛鳥
來往無停促夢思

大海長江一脈通
烟波浩渺總如空
萬山縱使能相隔
恰似空花落鏡中

虛空大地可消亡
此念如何屬斷常
試問維摩方丈內
近來諸有置何方

君先待漏紫宸朝
遙把楞伽問寂寥
侍者飽飡香飯後
至今一粒未曾消

世事虛空最是閒
乾坤何地沒青山
知君正眼相看處
不在音聲色相間

寄水田南阜鄒給諫

門前一片福田衣
時折松枝當麈揮
山色溪

聲常說法不知若個是當機

題香爐峰紫雲菴

香爐峰下紫雲深
松竹層崖白晝陰
門帶長江接溪水
清流洗盡世間心

山中夏日

如焚夏日晝偏長
渴想菩提樹下涼
一陣風從空裏過
送來何處藕花香

懷九華山

九江江上秀芙蓉
一帶雲霞六六峰
迴首瘴鄉明月夜
無端清夢挂寒松

繹公自衡陽來參

遙向曹溪獨問津
溪頭秋水淨無塵
持來一片衡山月
猶照當年獵隊人

寄茶陵劉存赤居士

見面何如未見真
揭來消息嶺頭春
衡山月

色曹溪水徹底相看是故人

舟次螺江訪僧鍾公不遇

曾坐江樓待雪消
螺江春水急於潮
今看白鷺洲前月
猶似當年伴寂寥

蒙恩省還山

少小爲僧五十年
老來特地混塵緣
從今走斷天涯路
此去千峰白晝眠

夜坐

露洒幽蘭撲鼻香
風吹毛骨夜生涼
坐來已覺心如雪
月色還疑地上霜

夏日過法性寺二首

菩提樹下風祛暑
般若臺前雨送涼
一盞清茶諸想滅
更於何處覓西方
覺樹當年向此栽
初心爲待至人來
千秋衣鉢今仍在
說法誰登舊講臺

懷雪峰枯木堂

枯木堂前冷似冰當年曾坐半千僧
遙思一片寒灰地何日重挑午夜燈

題畫二首

飛來山色掩湖光烟樹新晴帶夕陽
遙聽上方梵率界半天鐘

歌九

十三

一片烟波十五橋雲山落木晚蕭蕭
孤城半壓吳江水水上人家夜聽潮

將之雷陽江上別曇公

相逢庾嶺日初遲欲折梅花第幾枝
忽逐秋風度炎海別君不似見君時

懷舊居

安居舊住竹林西明月溪頭幾杖藜
常想夜深松露下不知猿鶴向誰啼

寄浮山澹居鎧公

浮山九帶事如何回首當年已爛柯
爲問夜深跌坐處白雲明月是誰多

舟次小金山志感

常思半月經三度倏爾睽携又五年
此日重來峰頂坐德雲元不是生前

憶山中梅二首

曹溪梅花每至盛開如坐香積世界
今冬以魔作祟牽次芙蓉江上望山
中咫尺不得坐享香供詩以憶之

寒梅帶雪嶺頭開冉冉天花落講臺
好遣上方香積園爲予一鉢盡擎來

梅花香樹積成林香氣熏人悅可心
樹下現敷獅子座風聲誰解海潮音

得東海門人江吾與書二首

從空一紙故人書萬里遙來問起居
爲報親

知零落盡滿頭霜雪更愁予

十五年來坐瘴鄉海萸相對未能忘時看萬

里中霄月一似同遊海印光

古佛松林

松陰幕幕淨無塵山色雲光自法身日夜風

濤廣長舌不知聽徹是何人

開元曉鐘

明河清淺澹踈星古寺虛簷宿百靈一擊曉

鐘驚大夢不知誰最獨稱醒

平原古塔

浮屠何代擁諸天傳是隋朝大業年蒼蘚剝

封殘碣盡平原荒草布金田

奇愚菴法師

遙想華臺坐講時四天彌覆法堂垂座中龍

象清如許可記炎荒老赤髭

教九

十四

寄草堂法師

瘴海還從坐寶林常懷法窟舊知音遙看一

片燕山月盡是隨緣度世心

山居偶成四首

百年世事空華裏一片身心水月間獨許萬

山深密處畫長趺坐掩松闌

滾滾紅塵世路長不知何事走他鄉回頭日

望家山遠滿目空雲帶夕陽

闌藍誰肯急抽身自古青山隔市塵莫謂桃

源無路入落花流水是知津

教九

十五

日夜烟霞護翠微相將猿鶴待忘機青山莫

道閒無主自是閒人不肯歸

送隱知禪人還蜀

一錫冷冷過瘴鄉巫山西去思茫茫峨眉峰

頂新秋月知爾看時到上方

寄題杜將軍曇花精舍二首

鼓吹轅門獨晏然曇花樹下晝安禪誰知可
汗歸王日正是將軍破有年
鐘鼓胡笳總道場旌旗影裏坐焚香思君力
破群魔壘自許心空見法王

送慈公還五臺

一別臺山三十年眼前冰雪尚依然君來細
說窟中事又結多生未了緣

寄空印法師

憶昔臺山百尺氷與君對坐骨峻嶒翻思三
十餘年事夢裏相看似不曾

別曹溪二首

爲泐曹溪萬里流歸心常撫大師頭因思血
浸齊腰雪千古令人痛未休
自爲曹溪杖策來坐看山色笑顏開從今一

別千峰去鳥語溪聲不盡哀

初至衡陽喜雪二首

七十峰頭雪正寒到來深見此心安回思火
宅驅馳地盡入氷壺影裏看
五熱場中幻化身廿年來往任風塵今歸一
片瀟湘雪原是清涼徹骨人

山居二十八首

余生平抱烟霞之癖早年行脚三十住五
臺冰雪中者八稔及居東海一十二載知
命之年乃被業風吹墮瘴鄉將二十年嗟
乎人生幾何忽忽往來已七十歲浮光幻
影豈能長久頃蒙聖恩賜還初服特來南
嶽作投老計因緣未偶乃就湖東古道場
地伏諸檀越助營安居創始于甲寅九月
既望落成于臘月逼除草草苟完從此一

片身心始得休息之地如久客還家以釋
重負其逍遙洒落何快如之隨有口占命
侍者錄之以志幽懷非言詩也與來即筆
畧無次第云耳

祇園借得一枝安從此無論道路難日上三
竿高臥穩相看不必勸加餐

雪壓衡門夜擁爐此身雖寄恰如無不知日
月從何去回首人間歲已徂

灌木叢中小菴石牀爲座草爲龕杜門口
似維摩詰莫問前三與後三

形如枯木念如灰雪滿頭顱霜滿腮不是老
來偏厭世眼中無處着塵埃

身心放下有餘閒垂老生涯在萬山不許白
雲輕出谷好隨明月護柴關

寒燈獨照影微微踈屋風吹雪滿衣忽憶五

教九

十七

臺趺坐處萬年冰裏一柴扉
寒威入骨千峰雪怒氣衝人萬竅風衲被蒙
頭初睡醒不知身在寂寥中
百千世界空華影一片身心水月光仗倆窮
時消息斷可中無處着思量

地爐無火石牀寒瓦鼎香消坐夜殘萬籟聲
沉心更寂却疑身在鏡中看

四圍嘉樹影扶踈樹下深藏一小廬車馬不
聞人跡斷閉門長日獨跏趺

寒雨瀟瀟風滿林蓮花漏永夜沉沉誰知舉

世難醒夢盡是光明般若心

夜深獨坐事枯禪撥盡寒灰火不然忽聽樓
頭鐘磬發一聲清韻滿霜天

雪滿乾坤萬象新白銀世界裏藏身坐來頓
入光明藏此處從來絕點塵

平湖冷浸芰荷衣湖上青山絕是非塵跡盡
消人世遠白雲鷗鳥總忘機

雪擁柴扉獨坐時寒林寸寸折瓊枝曉來頭
失青山色開盡梅花總不知

春過人日雪初晴新月疎林影更清夜起推
窻望寥廓滿天星斗挂蒼楹

雲開四野動春光何處梅花送暗香曳杖欲
尋幽谷去一枝斜倚在東墻

一片雲封萬壑松門前流水日淙淙不分晝
夜供軒睡好夢驚回隔嶺鐘

春深雨過落花飛冉冉天香上衲衣一片閒
心無處着峰頭倚杖看雲歸

信步騰騰任所從形骸一似雪中松偶來纔
向溪頭立又逐閒雲過別峰

麋鹿空山孰可從輸他豐草與長松紅塵縱

有難醒夢絕世何曾到萬峰

垂垂白髮對青山身在千巖萬壑間寂寂松
門無過客往來唯有白雲閒

青山不動自如如朝暮雲霞任卷舒縱有紅
塵深萬丈曾無一點到茅廬

萬峰深處獨踟躕歷歷虛明一念孤身似寒
空挂明月唯餘清影落江湖

睡起呼童旋煮茶竹爐湯沸雪如花旗鎗未
豎魔先退始信叢林有作家

倦倚虛窻坐看山千峰紫翠出松間無心縱
散元

許雲來往何似如如體更閒

月色松聲總見聞禪心妄想聖九分消歸一
念無生處此意如何把似君

平湖秋水浸寒空古木霜飛落葉紅石徑小
橋人跡斷一蒼深鎖白雲中

寄舜菴老衲

三十餘年學懶慵生涯坐斷祝融峰身輕鶴
骨休言老千尺還看手種松

寄魏考叔

幽居宛是在家僧一室清如六月冰縱使善

空諸有盡尚餘山水挂眉稜

廿九

十九

留別湖東社中諸子二首

曇花舍就竹林西市遠塵器最可棲動掃塔
前雲臥地歸來莫使草萋萋

偶來松下掩柴關招隱相求出世間豈意又

隨流水去別君心似戀雲山

岳陽阻風二首

岳陽樓外浸湖天樓下沙汀夜泊船來往風
帆留不住獨餘山色尚依然
北風吹浪打山城一葉輕帆阻去程想為留

看洞庭月怪來偏向客邊明

過金沙于潤甫雲林

咫尺雲林望不遙到來寒爽氣蕭蕭閉門不
放烟霞出多少塵心亦易消

西湖偶成

四面湖山鏡裏看樓船深浸碧波寒不知身
在水壺影可笑沈酣夢未殘

喜歸匡山

垂老青山荷主恩匡廬南向臥朝暎七賢五
老遙相對泉響深談不二門

輓匡山黃龍徹空師二首

昔與師住五臺冰雪中者三載別來三十
餘年所矣予今投老匡山一禮師塔輓之
以詩

憶昔清涼對坐時垂垂冰雪綴雙眉別來夢

到傷心處一段難禁祇自知

塔影團團擁萬松法身不動聳千峰知師常

說無生法鳥語溪聲和曉鐘

山中雪夜

雪擁千峰獨閉關寒燈深夜照衰顏心灰已

絕紅塵夢誰信人間有此閒

閱華嚴經十地品夢中偶成

一葉輕舟一釣竿釣頭香餌未曾殘直須入

海深撈撓莫滯蘆花淺水灘

思鄉曲二首

余十二歲離鄉今六十年矣適鄉人遠問

於山中因賦此

門前高柳映清池常記兒童戲浴時六十餘

年如夢事幾回猶動故園思

青山一帶遶河流家住河邊古渡頭自小離

教九

一
十

鄉今已老此心不斷水悠悠

懷大都龍華主人

龍華樹下有緣人一別難求似昔親幾度夢

魂飛夜月縱然相見總非真

入山

直入千峰不厭深最幽絕處可安心松門任

使青苔厚從此時人沒處尋

曹溪堂主倪無昂公來訊二首

自別曹溪已十春常思香水一露唇夢魂時

坐松陰下只恐今生是後身

教九

二十一

溪上梅花不斷香幾回香霧溼衣裳年來每

到看花處一似當時坐法堂

送青林熙公遊南嶽二首

憶昔曾登七十峰倚天傍日撫長松幽巖絕

壑探竒遍君去尋余策杖蹤

慈山大師夢遊全集卷第五十 敦十

侍者福善日錄 門人通炯編輯

曹溪中興錄上

中興因緣

師曰曹溪者乃昔曹叔良爲魏武之裔避地

於此因以名焉其道場自梁神僧智藥三藏

從西天汎海而來攜菩提樹於五羊之法性

寺識云百六十年有肉身菩薩於此出家度

人無量將入嶺過曹溪水口掬水飲之而甘

且香乃曰此我西天水也源上必有聖地因

滂流而上至觀其山似象形曰此山宛似我

西天寶林山也乃謂居人曹叔良曰此山宜

建梵刹百六十年後當有肉身菩薩於此說

法叔良即白州牧某具奏梁武帝遂命建寺

額曰寶林乃開山之始也至唐龍朔間有新

州廬道者得黃梅衣鉢號爲六祖回至曹溪
時寶林已廢有尼僧名無盡者見六祖問涅
槃經義知是異人乃白其父兄重修寶林延
祖居之未幾有害祖者祖遂避難於懷會隱
獵隊中一十五年後至五羊法性寺露穎而

出遂於菩提樹下剃髮即回曹溪開法於寶

林時山已易主爲陳氏矣祖說法多年雲集

者衆以其山如生象齒鼻完具先寺於左額

大牙之內其鼻在右業爲陳氏祖墓故其寺

址甚迫隘祖一日謂居人陳亞仙乞一坐具

地亞仙許之祖以坐具一展盡罩四山之嶺

時四天王出現四隅亞仙即許之曰也知和

尚法力廣大當盡捨之但先祖墓在寺右他

日修建望乞存留又曰此山形乃生龍白象

來脉他日興造只可平天不可平地於是亞

仙遂攜家隱去不知所之故此山自六祖開創已來四天王內周環數十里爲一蘭若並無民居其山形風氣完密即少林已下諸祖道場未有如此之勝者向僧皆以爲藏修地至我國初開阡陌而環山之內皆爲田疇收入版籍則僧以務農爲本業樹藝孳畜不異俗人然從來未有民居及弘正間四方流棍漸集於山中始以傭賃義則經營借資於僧而僧不察以山門通翁源入府孔道而漸成窟穴羅於道側開張市肆豈特鳩居鵲巢將使狼據師窟僧亦捨寺而住莊菴則山門日空流棍日集禍害日作而僧徒竟爲此累以至幾不可保矣丙申春予蒙恩放嶺外初入山禮祖見其凋弊不堪之甚未幾而禍患果作僧至流離於是一時當道汲汲拯救之初

制府大司馬陳公欲予徃校正之未既而觀察海門周公甚留心祖道方從事於此項即入賀去繼巡道祝公乃極力致予因是寺僧某等相率來歸請授具戒堅意懇請予應之於庚子秋九月入山即以祖庭爲心遂拌捨身命一一綜理次第建立如下所列其槩皆大壞極弊不容一日安者幸仗佛祖之靈當道護法神力冥加八年之中畧有頭緒雖未究竟卒業而心膂俱竭其所建者皆可爲恒規僧徒苟能自此謹守勿失亦可保此道場世世無虞矣時師命昌曆等在寺訓諸沙彌一凡所作事皆目擊之及所發言即日錄之二而成帙題曰中興實錄彷彿通志十品之例列爲十則其示衆法語清規手札雜著并次第於後云

培祖龍以完風氣

師初入山因見祖庭破壞乃集諸弟子曰佛說大地山河唯一真心之所融結雖形家之說未必盡信而至理存焉亞仙初捨地即云此山乃生龍白象來脉他日興造只可平天不可平地此蓋言地形之不可傷也觀此曹溪主山儼然象形而四足六牙鼻口俱備其寶林初開時山勢完密故寺坐鎮中左大牙包裹與右牙連合脣內爲龍潭即如象口其寶林右壁儼然象鼻而陳亞仙之祖墓先葬其上六祖存日其寶林牆外即其墓也故乞其地而擴之其口爲龍潭滴水於內有龍居之及祖降其龍乃鑿二牙交關處放水填潭以蓋佛殿然龍既蛻水既竭而靈氣已泄故佛殿雖備其潭未填完而祖師化去至今殿

前猶爲深窟乃前未竟之功也故丹埤剛半師察知其故乃填平之前羅漢樓乃初鑿嶺之缺後人因而爲山門既久建樓於上師欲改補而未及以象之食賴鼻而命即在鼻其鼻當有數節而陳墓正當中故六祖入滅所存肉身初即建木塔於墓前以安供墓後建信具樓以藏衣鉢至我明成化間有僧某者去木塔易之以甃其中陰濕未幾祖現夢於郡守乞一安居守命改信具樓爲祖殿其空塔在前返爲胸中壘由矣其祖殿後爲程蘇閣乃嘉靖丙午間郡守陳豹谷所建師至則見殿左爲方丈當中開一路入後山斬斷象鼻其殿後低窪爲北風所劫來脉有傷故道場頽敗職此之由也師因察象鼻之形則殿後當有一高阜時一老僧爲師言初爲沙彌

時見殿後一堆如壘土比陳公修閣時令僧削去某時爲沙彌亦在擔土列師知其信然乃令所選三學教授僧率肄業沙彌百餘人每日各擔土十回以培之三月而成一山如固有於是改中路於曹溪邊爲迴廊右繞祖庭而行入後山由是風氣始完其於山門之內凡有凶煞者盡除之而衆僧遂安其祖殿後一澗爲飛錫橋過橋爲卓錫泉即象咽喉師引其泉入香積厨泉右一小嶺如舌狀右一窩鉗即右頷古爲無盡尼所居之菴乃重興寶林之主故師中興必首新之此最初入山開創之始也

新祖庭以尊瞻仰

祖庭初以改信具樓爲之殊爲卑陋入門不見眉目禮拜不能重列且前有拜殿接檐殊

狀

狀

爲幽暗墓前一塔屹立塔前又有諸天殿重疊破碎壘砌當襟無一隙地近殿左有僧房如拳拄頤右下角有戶長厨屋糞穢垢積兩腋僧居即當敗椽如荆棘林然外望屋宇參差岷岬略無一綫通透此祖道所以壅塞而不暢有由矣師深見開闢之難日夜以思竟無規畫不能成局每每登塔眺望諦觀全寺大勢其左方丈法堂禪堂前即鐘鼓兩樓翼峙成一局師云此必寶林開山初創之制也而右爲佛殿乃祖師存日填龍潭而爲之者後有經閣前羅漢樓及寶林山門通爲一局後人不善增修故祖殿居中僧房雜居塞其神路全無瞻仰氣象耳今欲分條析理以就規模非巨靈之手何能劈之耶因是見羅漢樓之西山如虎頭回望師買其山取土填大

殿之潭窟出地以移祖師殿左之僧居仍別買房屋以易經閣後之僧房爲戶長公廨以除祖殿西角之穢汚其兩廊之僧各別置安居拆其前後諸天拜殿則目前地平如掌矣遂極力經營一一如畫故得重修祖殿高廠可觀前設兩配殿欲奉南岳青原五宗諸像其大門房周圍一十五間將奉傳燈諸祖兒孫如七十子之從祀於孔子也但前路壅塞乃買空地移有礙僧房三主乃大關神路直與寶林門齊中與羅漢樓並起華嚴樓三間爲祖庭頭門其上爲禪堂諸僧書華嚴經所如此天然成一勝槩矣今之觀者但見一目了然而不知開闢之難爲力也

選僧行以養人才

本寺僧徒向以便安莊居種藝畜養與俗無

教

六

異寺中百房皆爲其戶入門絕無人迹唯祖殿侍奉香火數僧及住持方丈數輩而已以是山門任流棍縱橫僧徒出入皆避影潛蹤可恨也師初至首以作養人才爲急即選合寺僧衆四十已上者聽其自便若四十已下者二十已上者每房一二人任在寺安居日日登殿逐日四時功課諷誦祝延聖壽誤者各罰有差於是集者得百餘僧俱爲授戒從此晨昏鐘鼓經聲相續不斷儼然一勝道場僧徒亦知有本業而外侮亦漸知警矣但諸僧徒習俗成風凡幼童出家祇見師長務農不異俗人竟不知出家爲何業而畜其徒者止利其得力於畎畝而無一言及出世事其來久矣欲望其成人安可得乎師至寺之初即選衆中有通問學堪爲師範者本昂等三人

乃勸合寺僧衆凡有行童二十已下八歲已上者盡行報名到住持拘集在寺立三學館分三教授教習經典一年之中有通二時功課者乃延請儒師孝廉馮生昌曆茂才龍生璋梁生四相教習四書講貫義理其束脩供餽師自備之如是三年有成者乃爲拔刺爲僧總入禪堂以習出家規矩令知修行讀誦書寫經典各有執業即今禪堂諸僧皆吾師作養之人才也又謂佛法所貴薰聞成種嶺南久無佛法熏習以乏種子故信心難生先教諸得度沙彌書寫華嚴大經一以法緣廣大爲最勝種子二以借書寫攝持之力資初心觀行以助入道資糧初則二三人已而人人相望發心不十年間書此經者已成十餘部矣此吾師作人之功灼然者也

驅流棍以洗腥穢

師見曹溪道場破壞蓋因四方流棍聚集山中百有餘年牢不可破而俗人墳墓皆盈山谷視爲已業矣始也起於傭賃久則經營借資於僧當山門外起造屋廬開張舖店屠沽賭娼日滋其害而愚僧不察與之親狎夤緣交相爲利故僧之所畜多歸之噬嚙日深則謀爲不法於是多方誘引以酒色爲坑穽盲者一墮其中則任其食啖膏脂盡竭以故僧之田地山場房屋因是而準折者多矣頃則附近豪強亦垂涎其間乃通同衙棍互相架搆以包姦爲詞訐告道府借爲口實以張騙局聳動上司駭心驚聽遂以爲實乃具申軍門令下將莊居盡行拆毀僧不如法者驅逐時奉令者無良信其耳目以爲奇貨乃親入

山踴勘每至一莊居備估其值輸半乃免由是寺僧盡入網羅業已失其半而禍方滋蔓不遑一息安堵當師度嶺之二年爲丁酉歲初謁制府大司馬陳公因得槩申衆僧之情狀乃寢其令幸得免即欲以師徃整之師以方在席橐未敢奉命明年戊戌屯鹽道周公署南韶事欲拯之屬師修通誌未幾入賀去己亥南韶道祝公蒞事自號曹溪行脚僧痛惜其弊力致師以整頓之庚子歲公亦以入賀去濱行西囑且令寺僧懇請師應命於是九月入山見此輩縱橫乃祖庭心腹之疾也不瘳則六祖慧命終難救矣於是乘改風水將山門大路東西填塞移置溪邊直出水口爲通途如是則向之市店皆圍於山門之內而往來者不便於食宿矣然終無術以去之

也居三月歲暮徃謁制府大司馬戴公備陳爲害之狀公曰此護法之責也但出一令責守土者嚴督之此一尉吏之任耳歲旦行該縣坐守驅逐不留一人鋪店盡拆不存片瓦於是山門百餘年來所集腥穢一旦洗之而衆僧之禍害永絕矣鋪店既拆市街一空師即於西街向之屠肆修且過堂以接待十方之禮祖者東街修公館以爲翁源官長入郡之停驂處其山門道路初則一綫而左則列肆直抵當心因盡拆之石坊先在上今則移置溪邊開關壅塞相望如引繩遂成一大觀矣爲害之源不能盡述而根深難拔一旦盡絕槩錄於此以示來者爲龜鑒云

復產業以安僧衆

師以流棍既驅向之所騙田地山場房屋皆

執其左券此輩戀戀終無究竟思非善後長策因設齋於祖殿盡邀其賓主各出券相對查原有本而子息未及者補償之息過其半者已之其有本已得過而以息重累者及口腹虛花者罷之於是盡焚其券而以田地山場房屋盡歸其故主自此外患方絕而貧累之僧得以安居無擾矣時人或慮師任怨者師曰不然凡人雖不善必有本心之良苟開曉分明人各自知其非無有不心服者於是諸棍漸引去然亦竟無他虞

嚴齋戒以勵清修

先是寺僧多不守齋戒畜養孳牲以恣宰殺故凡上司府縣入山當里甲供應者必責寺僧而差役恃此以利其口腹即上用其一而下十倍之故所傷生命及所費資財歲不勝

紀而本寺之累亦無底止且來者以禮祖爲心而腥葷羅列於前殊非清供亦非仁者本心也積弊已久思革爲難初幸觀察海門周公開禁革之端准其呈狀及署篆觀察嚴難以乃嚴禁宰殺案載志書故凡供應官本縣急蔬齋清供自師入山始但慮兩院威察余公必行值直指顧公入山爲二親祈福長例以督如故事公行齋戒令自此一定爲恒規矣此事既行不唯保護生命雅肅清規即省費資財歲計不資而常住亦免苦累即僧持戒者日益增進叢林清肅亦此一舉矣復蒙祝親詣山中教諭僧徒戒養孳牲宰殺變魚塘爲蓮池自此山門頓改觀矣

清租課以裨常住

師初入山於祖殿閱常住歲計記籍見券帖

數紙皆祖師貸約中載七八分之利息者師扣之主僧應云此常住供應缺乏乃借貸以支給者師爲之痛心及詢常住舊有香燈莊田租稅何所歸耶即聚衆備查祖師香燈有黃巢翁源補鉢及本山續置各項莊田每歲總計約租有四百餘金何所支銷而言不足衆曰各莊逐年但聽十房管事僧輪流徵收即聽彼銷繳及察其故乃管事與佃戶通同作弊故致拖欠不完徒有虛名而無實惠所以常住日見其匱乏耳師即選衆舉公正廉能者十僧管事令對祖發誓刺血書盟不私一毫換集各莊佃戶立定規則歲期以限約赴寺交納仍設庫司立管常住監寺四人執掌收支於是總計各莊每歲徵足若干兩計其所入將本寺各項應用必有定規著爲章

教

士

程纖細不遺除支尚有剩餘從此不唯常住豐贍而祖師法利如一雨普霑且不爲泥犁種子矣其清規條例別列如左
敕賜曹溪南華禪寺設立常住重興長生庫註記出納錢糧清規定格題辭
夫惟吾佛世尊住世之時初但領衆持鉢行乞食法本無畜積何有常住次因老病比丘不能行乞命同住比丘就所乞食以其一半持歸供給名曰分衛謂分其所食衛護道業律部載之詳矣及佛滅後西域之法與佛在時無異及教法東流自漢永平以至唐代累朝帝王名臣宰官長者各捨資財建寺贍僧以爲福田徃徃寺主濫爲已有貪饕壞法侵漁衆僧不懼因果者多至我六祖大師之孫馬祖弟子百丈禪師始創清規立爲常住比

在伽藍之內所有施利及莊田錢穀俱有典
守故寺有主者稱爲住持以說法爲主總領
大綱其輔弼叢林助揚法化者則設有兩序
執事若都監寺監寺以掌管常住副貳住持
其歲計錢穀各有庫藏出內所司謂之庫司
就監寺內取其公廉出衆者司之恐力所不
及又設副寺以佐之其莊田則有莊主及徵
收租稅又有監收此就衆中擇其公正廉能
寬厚仁恕者充之其經手支給者則又有執
歲執月料理山門事務以應官長檀越凡有
支取所需必稟明住持准驗票帖明註庫記
以備稽查故常住之物毫髮無差是則叢林
如一身住持如頭首執事如手足耳目相須
爲用而不可缺一者故凡山門事務一有所
作則上下同心小大一力如目視耳聽手捉

學

三

足奔無不從其令者所以叢林興盛法化昌
隆外侮不侵內障不起此佛祖度世之楷模
自古叢林之典刑也夫何近代以來祖道衰
替叢林凋弊先聖垂訓蔑然無知如我六祖
曹溪爲禪宗之源叢林爲天下冠香火供養
不減在昔而常住破壞至極僧徒愚迷癡蠢
不知其爲何物也余因弘法罹難蒙恩遣嶺
外於萬曆丙申春二月謁六祖大師睹其道
骨儼然如生而山門寥落之甚殆不堪看爲
之徘徊泣下者久之且僧徒被害官司勾牽
急如星火日夜追逼傾家賣產者過半以致
祖庭廢墜幾如埽地矣幸荷制府大司馬陳
公稍寬恤之次蒙屯鹽道周公署南韶略革
應官酒肉之弊次蒙南韶祝公痛懲僧徒之
非戒殺華牲力救之乃命合山衆僧再三請

余入山料理於萬曆二十七年己亥冬公面力囑余明年庚子春正月復命寺僧真權行裕淨恭慧珊願識等持書走五羊促余入山余以方在行間未遑應命四月公以入賀北上余送別靈洲辱公再三面叮嚀之余於是歲秋九月方杖策入山至則先選僧若干爲授具戒同集殿堂二時轉法華經次選行童可教者若干名習讀經書分爲三學擇其衆中學行稍優者爲教師次觀山門風水大槩有冲傷刑剋者去之破壞者補之塞靈源門培象鼻以厚祖庭闢山門路移石坊以受元氣不三月內翕然改觀而山門內向爲流棍潛住霸占寺基開張舖店酒肆屠沽巧設姪賭勾結土宄騙害寺僧橫如豺虎習久成風牢不可破甚爲大蠱竊爲隱憂余於是年十

二月復走端州謁制臺大司馬戴公請令以驅逐之尋即令下曲江勒限三日內盡逐出境不許容留一人一店於是羣兇屏跡將前所占寺基街市盡歸常住余乃因而塞其東西穿心大路左立公館以爲翁源及諸過客停驂之所額曰三生來右立十方且過寮以延四來衲子爲挂錫之所額曰一宿覺將通衢改於溪畔往來行止各得其宜無復混濁叢林自此潔清衆僧自此安枕矣余於明年辛丑春正月朔之三日奉制臺檄以爲地方之務走青鸚且乞採監李公作中興檀越七月公入山禮祖喜施三百金爲重修山門之資於是余治寺僧備查六祖供奉香燈莊租每歲所獲從來未有毫釐入常住者皆爲典守侵漁沿爲故習乃先料理太平莊租業已

將萬曆二十九年分謂銀歸入常住立定春秋冬三期以聽當年支銷外今將黃巢萬善補鉢及續置本寺諸莊一並歸之俱係先收以聽下年支銷除將諸莊二十九年分租課先完外自三十年起以爲定規再查本寺舊有長生庫今復舉設凡一應常住租稅及施主錢糧盡入庫內收貯仍照清規事例設定執事以監寺四人掌管收支選衆中老成公廉者充之本寺十房舊有都管一人都寺九人原應差役迎接官長供應府縣取辦椒茶校欄果筍之物而向之常住租課盡爲此輩乾沒極可痛恨今擇精練曉事僧十名充之其一應所須該用之物俱照人頭派定每僧量攢少許預取入庫以待上司不時之需庶省煩擾其各莊收入在庫租課查照田糧差

徭常法照數支領完納不致拖欠冒破其上司官長入山應接所費設有定規亦不致偏累執事其佛祖殿堂香燈之用各有定例庶不失焚修供奉報本之意其執事諸僧終歲奔走辛苦亦有酬勞務使勞逸均平不致嗟怨仍勸收租全缺量爲盈縮以彰勤情已上四則俱在庫內支銷獨教授行童東脩之資除儒師乃予自備其僧師則出於塔下減損祖師衣鉢訓育沙彌以增後生慚愧亦有定則如此則常住錢糧無浪費之條典守執事無自盜之罅衆僧無煩擾之科常住可爲長久之計矣仍將合寺大小僧徒盡行受戒以免玷辱祖庭之呵且省酒肉之費以爲衣食之資斯則衣食足而禮義興即穢邦可轉清淨佛土矣曹溪祖庭中興叢林紀綱再振在

此一舉大關法運所係非輕除前壞法弊端
一切置之不論外其一切事宜自今萬曆三
十年更始永爲定式諸執事者宜各勉力務
要奉行不許日久因循無賴僧徒妄起希圖
生心壞法擅改成規如有此等則上稟祖師
靈通護法伽藍神目鑒察必罪不宥明彰報
應即使姦盜壞法之徒生遭王法死墮阿鼻
因果昭然毫髮不真今後凡頭首司其事者
各宜時時痛自省心不致誤招苦報自取罪
咎立庫之初當年租課俱係下年徵收致庫
而現年預支無出余先備銀三百二十五兩
在庫抵墊陸續支銷以爲常住張本待後租
課節年補還今將應行條例開列於後永爲
定規以便遵守

計開

一設職事

有五條

一明收支

收有五款

歲支額定有十三款

茲不錄引

已上條例仍照

祖師香燈田租均撒公用永爲一定規格凡
後來住持頭首執事之人不許生心饕餮常
住循私任情妄自增減即每年租課完足除
上支銷尚有餘剩者執事之人亦不許巧設
教十事端別立名色妄擅支取除當修補山門及
十六執事出入盤費併係常住公用必不得已者
方許動支但可省各人當以厚實常住爲念
切不可起希圖小利之心自取地獄古德云
常住之物住持人與司其出入者善能撙節

浮費則錢穀不可勝用矣自此歲歲諸積有餘經營得法而日增月盛叢林未有不興法輪未有不轉者余稟祖命整揀傾危扶植頽網非爲細事諸執事者務必導之纖毫毋忽嗚呼念哉常住之物絲毫爲重蓋是施主福田種子信心膏血豈可輕心欺盜古德云常住之物幾如鴆毒纔露一粒則裂肝碎首通身潰爛故凡司執掌者能知因果即此便是造就天宮淨土不知因果者便是造就無量地獄鐵牀銅柱焦熱鐵丸萬劫苦楚不止披毛戴角銜鐵負鞍酬償宿債而已也况王法森嚴神明司察可不畏哉凡我執事各宜痛省思之念之

萬曆三十年歲在壬寅春正月上元日立

免虛糧以蘇賠累

教十

十七

初本寺翁源一莊乃鄉民謝氏所施六祖爲供贍香燈者歲入租課銀一百二十兩萬曆六年間遊學林渙乃本府王郡丞之親友送寓本寺意有所欲於寺僧未遂因譖於郡丞謂此莊厚利皆歸於僧丞誤聽值署府事遂將本莊租銀分六十兩以抵曲江蛋戶虛糧具中兩院司道立爲章程其存寺六十兩又因佃戶姦頑拖欠累及寺僧無已屢告上司甚至費千餘金竟不能免後遇軍門劉下議本府申詳將浚洗廠稅課乃軍門兵饒內扣羨餘抵補以免僧累一向無異至萬曆庚子權稅使者出即以廠稅入內監比告軍門戴蒙准仍照前行嗣稅監自行差官徵收則無羨餘可扣師知之親詣軍門陳白之蒙行本縣查無礙抵補不得仍累寺僧本縣再三揆

查無出因議各山通江小河出穀小艇設稅計得二十六兩未足續查濛濛對面山鄉舊有蠱毒田一所向未起科遂將此田設租三十四兩取足具申准議自此永杜山門之害皆制臺護法之力也既免此累而本莊佃民姦頑又以隔縣難制向以此田致累僧區內追田爲費因與衆議將前莊田變賣得價收贖寺內近田爲便具告軍門准批本道行府縣議以爲便比衆佃從祖已來世耕即同已業不捨別賣情願重丈增租永守寺業無替曲江二尹徐公署翁源事拘集衆佃丈量委實田地有餘遂於正課之外量加新增租銀一十四兩有零具申上司詳允乃與衆佃每歲約期交納到庫時寺住持衆僧議新增租課係師之力當歸中興常住師遂併前無盡

教十

十八

菴香燈一並歸於禪堂以爲供贍永爲定規惟此一事實山門無已之害前幸制臺劉公權宜於前竟蒙戴公永絕其累且爲後福是知佛法付囑王臣非仗大力外護何以能保永永哉此卷案具在府縣

復祖山以杜侵占

曹溪祖山宛若象形前後首尾分明今山後一帶乃全體也其紫筍莊乃祖師存日所遊花果園十二之一向有僧七主名小南華其來久矣成化元年韶州始開阡陌定井田本山盡爲豪右并吞時年僧滿滄盛公具疏赴闕奏行撫按勘定復業則以占紫筍莊爲首懲也後因僧多不律致附近居民驚食爲害竟不能安各歸寺住遂棄此業萬曆二十年間豪民江應東假買僧田盡占後山一帶圖

爲風水以至象脊與祗山中分且砍伐漸侵內地師心痛曰從此祗山將盡爲民業矣遂激勸衆僧赴告軍門蒙准批本道行府親勘比蒙署篆肇慶府通判萬親詣山中踏勘定立界石斷將前田令僧收贖以絕禍源師自行募銀二百兩將前田贖回連後山場樹木一並盡爲禪堂永遠供贍不唯保全祖山且爲禪堂永永之業然師以此致怨而不法之僧交結外侮爲害然竟以堅固立碑爲金剛幢矣

開禪堂以固根本

師一日示衆曰叢林之有禪堂如國家之有學校乃養育材器之地自古爲國者以儲材爲本而法門亦然自達磨西來衣鉢止曹溪當時六祖座下悟道者三十餘人而南嶽青

原爲上首其寶林禪堂乃諸祖出身之地故天下禪宗傳燈所載者一千七百餘人皆出曹溪一脉如孔門之洙泗是則本山禪堂乃禪宗根本地也夫何歲月已久僧徒失守而禪堂幾於湮沒其舊基地雜居僧房有七而香積廚有二則溷厠豕牢亦各有九以清淨寶地變爲糞壤矣師甚哀之因思叢林百年須樹之以人今選沙彌教習成人教而不育則如農知種而不知耘終難成實若無禪堂後輩將何賴焉以此日夜以思苦心焦慮徧察地宜自以衣鉢減口之資積金若干兩換買空地各移僧房貼價另蓋換出禪堂空地寸寸計之以十易一方得均齊方正竭盡心力乃起禪堂一區雖不全舊制其規模已盡此矣又思若照諸方常套決不能久因立十

方堂於山門外以接待往來而內堂但安本寺作養後學僧徒專心淨業幸有成規則在堂之僧濟濟可觀儼然一道場矣師以禪堂既立而食指爲難遂將前本寺供中興菴租銀三十一兩又將翁源新增租銀十四兩告贖紫筍莊田地山場原價二百餘兩并買黃山柴山一片用價若干兩又將自買旃檀林房一座換香積厨後僧房二座一併通歸禪堂以爲中興常住始終併修造所費即此一所不下千金皆出師一力自此僧徒衣食足而禮義興故今在堂僧徒所受用者皆師當日苦心血汗也後之安享者可不知其本耶僧徒欲食已足又能以法食充之則佛祖慧命可賴此永固矣

附錄未竟因緣

右上牘列乃遵大師所訂壇經通志十品之規故撫其事之大綱亦分十則以見全體之一毛其微細行門皆出思議之表者亦未易悉數也其在八年之內拮据之勞精神疲竭其已成者開闢之功十之七修造之功十之三其大殿一區未竟之功乃六祖未竟之功也久欲經營力所不及於戊申春三月嶺西觀察文所馮公入山訪師宿菴中夜夢觀音大士現高大身相好端嚴公見而頂禮讚歎嚴好聞大士語曰即非莊嚴是名莊嚴公有教十省及寤甚喜詰朝入殿禮佛謁大士見大殿後柱腐敗其勢欲傾三大士像亦甚危矣公指謂師曰何不修此師曰久抱此心力未能耳公曰所須幾何師曰非三千金不敢舉公曰請力任之師曰檀越果發大心在聲款彈

指間耳公曰固非一力所能姑徐圖之公歸見制府大司馬戴公告之故公曰孺子將入井仁者必匍匐而往救况大厦將傾佛聖之危乎此仁心者所不忍遂語馮公請師面議之師聞而喜乃具圖式往謁戴公按圖私計曰若公所云猶未也師曰佛事如空中雲第以此爲緣起耳戴公即願力爲之師曰法門之事非可以世法拘又不可期以速成在臺慈一力恐有所不便須衆心合成但仗法力倡導足矣於是議製疏十通分通省司道府各助之不日軍門二司道府各施有千金師親往西粵求大材事事皆一肩荷擔明年已酉孟夏材木盡載運至濛瀼師還山集衆議擇日興工以有礙之僧房須先移空地以堆拆謝之材料時一二不軌僧徒以爲不便因

而倡衆鼓譟如作亂勢師遂已如是者三日師默坐菴中閱金剛經乃曰此正予着相之過也乃著金剛決疑解三日而成衆乃止倡者自憂不獲已乃妄捏師侵寺若干金拆毀殿堂若干座條牒具訟於道府師聞之曰諸辱可安忍若言染指常住金錢此干大法豈可緘默乎因具先設常住清規出納支籍號帖及經手僧名具白本道下府拘集節年經手者查算一毫無干以住持願祖侵欺抵罪僧復訟於按臺准批刑廳師親往聽理於是年五月飄然出山從此不復入寺矣以直指無代者師奉法不離船居者二載船破屢居者期年困辱病患無所不至辛亥秋直指王公按部司理蔣謬聽將師一往所修禪堂及所置供贍山場地盡斷歸佛殿爲名其實

教十

于二

歸訟者仍坐師不法罪遞解出境而先事有勞者皆坐以罪事上直指批曰願祖盜賣寺基猶然刁逞此祖師之大罪人也某大有功於六祖者其違法之僧不遣而反坐有功者并其無盡菴而奪之得無以此爲平等法門乎仍批本道劉公覆勘詳確重委陳郡丞到寺按狀歷覈事事皆虛願祖懼自死以法科抵罪禪堂香燈屬門人圓修主之六祖如綫一脉賴以存而師心迹始大白矣當道再四慰留還山以竟前業師曰僧以因緣爲進退今緣盡矣力以病謝竟浩然長往師乃著中興曹溪寶林禪堂香燈記具述其事刻之貞石時萬曆辛亥秋九月也諸弟子懇留居五羊長春菴又明年癸丑師以病不能安遂曳杖之南嶽越丙辰夏東遊吳越弔紫栢雲栖

教十

三

二大師黃梅汪靜峰司馬致書浮梁陳大參赤石公爲檀越留師休老於匡山明年丁巳夏師還匡山遂結廬於五乳峰下自師之去曹溪其受化諸弟子輩如嬰兒之失慈母也日夜以思求師復歸難得矣越四年庚申方伯吳公入山覩寺之規模三歎不已衆僧因具白師之功德及山中衆等戀慕之心吳公大發歡喜願與六祖作護法遂具書請師還山未幾會中興護法祝公亦至一力堅請師轉法輪由是益知六祖之靈有感嶺南法化之機有在也此師末後一段因緣因記之以示來者王安舜曰夫建功成事之難也寧獨與朝事業哉即法門亦然曹溪爲禪宗洙泗海內叢林傳燈諸祖皆出一脉豈細事哉今千年矣其大壞極弊一至於此即六祖復出

亦難之也何幸微聖天子之寵靈師以逆緣
至一力而更新之不八年而功過半無論其
財法二施即堅忍不拔之志處困苦汚辱而
甘心若飴在古人求之亦未易見也然師之
真慈御物應化居常切言不爲世主之忠臣
卽爲慈父之孝子每見在行間執戟大將軍
轅門鴈行卒伍叩首階下出入如坐蓮花而
禮金仙未嘗一見其情容至於地方多故當
道束手生民皇皇不安枕師默運慈力排難
解紛潛施密化斡旋其間未嘗一求人知或
以耿介觸時卽諸弟子人人危之師恬然略
無芥蒂無論其妙悟玄機高才磊落卽隨緣
應物一味平懷咸聚首而語曰此非所謂現
應化身隨類而說法者耶不然何以竊謂嶺
南六祖爲佛法源頭何幸千載之下而一再

教

于古

見豈昔曾授記也耶若師之心如虛空固不
可涯量略記其行事之槩如此師在行間十
有八年所著述有曹溪通志楞伽筆記楞嚴
通議法華擊節品節通議金剛決疑道德經
解觀老莊影響論唯識百法規矩解起信肇
論莊子內篇解大學決疑其詩有夢遊集自
罹難始及開示門人法語偈頌計數百萬言
然皆在奔走間凡有所求信意揮灑未嘗一
安坐經思也又其染翰人得片紙爲世寶大
略觀師於可見者特緒餘耳師之不可見者
又可得而思議耶或曰詎所謂和光同塵微
妙玄通深不可識者耶余曰是亦強爲之容
耳欲知吾師請竚如吾師者
憨山大師夢遊全集卷第五十

音釋

憨山大師夢遊全集卷第五十一 素一

侍者福善日錄 門人通炯編輯

曹溪中興錄下

為靈通侍者戒酒文 有引

余初至曹溪懷辦香敬謁六祖大師見主塔

素一

僧每月朔望之次以酒供奉靈通侍者詰其

所因僧曰侍者乃西域波斯國人乘海舶至

廣州聞六祖大師因隨喜飯依願為侍者永

充護法衛安曹溪道場但性嗜酒不能戒飲

六祖大師許其偷飲以此妄傳愚盲不達遂

為常規相習至今幾千年矣未有能為侍者

洗其汙者末法弟子某荷蒙祖師攝受來整

曹溪已經期年今於萬曆辛丑年臘月八日

乃吾佛成道之辰特為合山眾僧普授戒法

誠恐愚僧執迷不化乃為侍者洗白一心以

謝眾口敬拈瓣香上稟祖命告侍者曰恭惟
靈通勿問所從既充護法當合至公侍者當
初聽祖說法本來無物如何不達既達本無
五蘊何有豈有真空而好飲酒祖師教人飲
甘露漿非以糟汁灌此枯腸我觀侍者不離
祖師終日聽法豈可不知知之既真悟之已
久寧有復迷自揚家醜我惟侍者決無此情
愚僧不達認以為真大家昏迷日夜酣醉是
以祖師豈不為累我戒眾僧不許飲酒眾以
侍者便為藉口眾僧壞法侍者為倡今日不
止展轉虛妄嗟此末法叢林凋弊我願侍者
蚤為之計若真護法請從此始侍者不飲誰
敢啓齒我今稽首哀鳴祖師徹底掀翻破此
愚癡打破疑團碎飲器齊證無生同登佛
地今後供養三德六味侍者受用與祖無異

以此護法功德無比內外清淨頓消塵滓靈源迸溢枯木回春山河大地共轉法輪謹告

曹溪祖庭地脈形勢緣起說

曹溪祖庭道場始於梁智藥三藏從西天來至五羊入中國舟過溪口掬水飲之香美乃

曰此西天水也源上必有勝地乃循水而上

見象山歎曰此宛然西天寶林山也遂與居

人曹叔良言曰此山乃聖道場一百七十年

後當有聖人於此說法度人無量宜建梵刹

以待之叔良白牧侯奏請武帝敕建寶林寺

此開山之始也至唐元朔間六祖起新州得

黃梅衣鉢回入寶林時寺已毀唯一尼僧名

無盡者郡人也菴居於後六祖訪之尼看涅槃經乃問其字祖曰字即不識義當問之尼

曰字尚不識安知義乎祖曰諸佛妙義非關

文字即力開說尼知為異人即告父兄鄉里

率眾重修其寺請祖居之九越月惡人尋逐

祖受黃梅之囑遂逃去隱於懷會之間獵人

隊中一十五年儀鳳間廣州法性寺因聞二

僧風幡之辯祖曰非風非幡仁者心動時眾

聞之驚異詰之乃知黃梅衣鉢所在遂請示

大眾即剃髮於菩提樹下送歸曹溪寶林爰

自梁天監丙午至唐高宗儀鳳元年丙子得

一百七十年應智藥三藏云祖既說法於此

三十餘年座下悟道者四十三人南嶽青原

為上首於是道分兩派後出五宗是則傳燈

所載禪宗一脈發於曹溪若孔門洙泗也祖

晚年歸者日眾堂宇湫隘乃謁里人陳亞仙

曰老僧欲就檀越乞一坐具地得否仙曰和

尚坐具幾許闍祖出示之亞仙唯然祖以坐

具一展盡罩曹溪四境四天王現身坐鎮四隅亞仙曰也知和尚法力廣大但吾高祖墳墓在此他日營建冀望存留餘願盡捨永爲寶坊然此地乃生龍白象之來脈只可平天不可平地遂捨之竟成大法社焉此寺之大成也予居常念禪門法道寥落思天下禪宗一脈出於曹溪今其道不彰必源頭壅塞宜疏濬之此久願也萬曆丙申予以弘法罹難恩遣雷陽初謁六祖入曹溪觀其山川形勢宛若踞地之象牙足儼然初寶林寺包於左領之內而祖殿正坐於象鼻子細察之其當鼻中穿一後路截爲兩斷又思象命在鼻必有數節見祖殿後低窪空闕北風大吹歎曰山脈已斷此法道所以凋零也時寺僧被流棍夥住屠沽作難道場幾不可保矣於是種

種方便而調護之及庚子歲時本道祝公心切憐憫連請一整理之予初入山即塞來龍之路擔土培祖殿後山一座疏卓錫泉引入香積厨遠於殿前衆得飲之乃請制臺令行本縣盡驅逐流棍由是道場一清此中興之最初一步也予見寺之舊制雜亂參差不齊殊不可觀經畫爲難且工程浩大力難頓整殿宇僧房扼塞不通日夜詳察思之乃因其勢列爲三局以祖庭爲正中主刹先開闢迴廊門徑神路廓其胸次開真眉目其左局即古寶林寺也素一以方丈爲主前法堂之下即當時諸祖悟道之禪堂及香積厨盡設爲僧居予買空地移僧房八所乃得其故址修堂宇以安作養本寺僧徒業已拮据八年於茲所費不貲心力已竭而願猶未滿其大佛殿一

區列位右局因見殿前坑窪填尚未平殿前
正面爲羅漢樓乃深陷丈餘樓前即虎沙塞
胸猶是荒山中出門一徑如車廂之陝隘
殊無大體深思所以乃悟知爲六祖晚年未
竟之功也以正殿之基本是一潭詳其山形
始爲象之兩牙交合處其中潄滴一山之水
故其最靈有龍居焉號爲龍潭當鼻之右領
乃亞仙祖墓之前下沙今爲祖殿之右臂也
想六祖乞陳亞仙地時欲修殿乃先降其龍
鑿斷合處似成一渠以放水出方填其潭以
建大殿其殿方成而祖即入滅故殿前潭尚
未及填平放水之道不及料理後人因其缺
陷遂建樓於上而下即塑天王像其苟且狹
陋全失大體此其山脈已鑿地又失形故千
年以來細閱傳燈而曹溪未見出一人也由

素

五

是觀之道脈豈不係地脈耶此子所以日夜
傷心而不能忘情於此也故先將兩局麤麤
料理略有其次將重整右局其工力不減於
六祖開創時也以從山門之後殿堂八座盡
皆朽敗非仗神運之力安能爲之耶先是戊
申歲嶺西道馮文所公入山見其正殿將傾
遂發心重修隨白制府戴公慨然樂助一時
司道府縣上下共施千金先辦木料子躬自
經營方運木到山而魔氣即發遂阻其功子
即浩然長往矣今已十年於茲奈形骸已衰
心願未滿將作來世公案耳但念佛法禪道
自達磨西來衣鉢止於曹溪而道脈源流佛
祖慧命乾坤正氣並如洙泗終古人心世道
所關乃我震且國中第一最上功德之事雖
法有隆替世有代謝而大道一脈亘窮劫而

常然不朽者此在象教所係山川之靈也此外更有何法爲天地綱常哉此思思報佛恩君恩未敢一息忘之也予初心願代六祖了未竟之功第一重修正殿欲培全龍脈將殿前鑿斷之渠重築如故內留一池瀦一山之水以聚其靈將羅漢樓改爲大毘盧殿以爲主刹樓前虎沙取用大開明堂修兩廊以安羅漢前立天王殿以完正局外山門從舊其鐘鼓樓原係古寶林寺者今在左局禪堂之前已不可動但於山門之外左右築兩高臺建鐘鼓於上以全一寺之規模其餘殿後大藏經閣諸所皆因其舊制而重新之法堂重修但正其向即此一圖以收三局爲一寺其功不減於最初開創時也切念予今老矣餘日無多况此何時安敢復萌此念乎第以天

素一

六

地大運揆之近見黃河已清聖人復出堯舜利見夔龍挺生三五之化將在今日仰仗聖明之覆育社稷之寵靈風雲際會豈無大心菩薩現應化身作大佛事者乎嗟予老矣即填溝壑特特留此重見建規以待命世之真人即有作者照此規式乃不負區區初心以全山川之道脈是即六祖在現於世也九原之下切有望焉

大師示曹溪僧衆法語

示曹溪塔主

佛言如來出世如優曇華蓋優曇華非已見今見當見甚言其希有耳故昔人每云見善知識如親優曇華開善知識者暫時一見而不可得况日夜親近隨順者乎昔法華會上久滅度多寶如來在寶塔中全身不散如入

禪定是時十方諸佛各各侍者並靈山會上
願見多寶而不可得乃憑如來神力開寶塔
戶忽使人天百萬一時得見而見者各各皆
獲無生法忍乃至發無上菩提之心者不可
計也今觀六祖大師雖又滅度而全身不散
如入禪定我則謂之與多寶如來無異即大
師未入滅時與今日無異彼是時也如永嘉
一見即證無生強留一宿而不可得南嶽青
原皆執侍十餘年所得種種三昧妙門不可
思議故發揮佛祖光明如清暘昇天只今道
滿寰區如盛夏赫日蒙者無不抽條發幹敷
華秀實而復散爲金剛種子不可勝數斯皆
一見善知識之功也曹溪塔主執侍大師朝
夕盥漱茶湯粥食與現生無異晨昏鐘鼓音
聲大師廣長舌相熾然說法未嘗暫歇執侍

之儔朝夕目覩耳聞未嘗暫隱不審諸侍者
還有如永嘉之證無生者乎有若南嶽青原
之妙證者乎有則如優曇華一時出現無則
如優曇華終不可見耳既曰善知識如優曇
華則諸執侍者六時禮拜親近供養皆灌溉
之功也噫靈根既在智種深埋苟灌溉功成
因緣時至何慮曇華不一時出現老人在旅
泊齋中書付曹溪塔主持之以爲異日華開
之驗

示曹溪諸僧

曹溪爲天下禪宗道脈之源而山川之勝冠
嶺表故叢林甲於諸方自大鑿禪師入滅青
原南嶽二大老抽枝發幹普蔭人天一言半
句揚眉瞬目之間得超生脫死者不可勝數
自爾此山寂寥幾千年矣豈非枝大而批其

本耶然其道雖曰無相而實寓有形與時升降固其理也遠求五宗之源其本無二建立之旨亦在隨宜自宗而元如高峰斷崖中峰諸大老皆力振家聲雷電之機不減叢林盛時明興以來其風浸微不敢望真履實證求

一

八

其有志向上一路者蓋亦幾希然他方尚或有一二知此道者若曹溪爲當家的骨兒孫獨不識袈裟爲何物剃髮爲何事豈獨人與道違即山川之勝叢林之茂亦無復當時矣况爲惡魔所侵作難非一豈非其道與時升降而與山川共爲休戚乎余於丙申春蒙恩遣雷陽道經曹溪口因得叅謁六祖大師正值衆僧燒煮之餘鼎沸未消余爲潸然者久之而去明年秋制臺大司馬陳公念曹溪禪門洙泗欲置余於其間爲供洒掃余是時慚

愧爲法門玷懼辱祖庭以謝又明年觀祭海門周公攝治南韶心與陳公合余堅讓不已但命執筆重纂其志周公以入賀去觀察惺存祝公蒞政公自號曹溪行脚僧下車不日盜弭訟息民享泰和曹溪山門百廢一時悉舉宛若大鑿重拈袈裟角耳向者不識不知之僧皆煥發佛性光明此豈非有情來下種因地果還生耶公久欲得區區爲大鑿侍者冀將焚香洗鉢之勞以續破法之愆余慚愧者久之公以入賀去濱行令寺僧長老率諸

一

九

大衆作禮公先以書抵復面叮嚀懇懇至再余感公此行不以官爲得而喜得作曹溪主人是其幻化門頭現宰官身而作佛事者乎蓋亦世道交興故能令此山色溪聲挺露法身而吐廣長舌相也區區罪垢之軀不敢蹈

寶華搗毒鼓聊書此以付來僧且爲異日得度因緣作升堂入室之券時庚子三月既望

示曹溪素林裕木菴泰兩監寺

丙申春予度嶺過曹溪禮六祖大師瞻仰道骨如生想當時踞華座萬指圍繞無異今則

堂宇傾頹叢林凋瘵寶林福地翻爲狐兔之

巢徘徊久之而去未幾外魔熾起僧徒遭難

余心愍之因求當道宰官作大護法制府陳

公屯鹽周公皆力振之魔風稍息而僧力已

疲極矣時則寺僧有若素林裕木菴泰海月

珊見傳識與中興爲住持者象漢權之數人

者皆誓捨身命力持祖業以保安衆僧日夜

辛勤苦心周慮求爲能與祖庭作一日依怙

者志甚殷也由是衆等投誠皈依授戒即請

予入山聖恩有在未敢輕諾然身雖未入而

心已如金剛矣萬曆己亥南韶祝觀察以荷

曹溪爲己任力命大衆禮請庚子冬始應命

入山不三月而百廢具舉祛宿蠹選僧徒設

義學授戒法一時翻然成化乃爲重闢規模

大開祖道不五年而功成過半所實祖靈默

啓天龍冥護而裕輩一念血誠真不減包胥

秦庭之哭真心實行所感召者自不可誣也

余住茲已逾五年而奔走過半皆爲經營之

勞衆等事我如一日猶我視衆等如一子地

耳頃蒙恩詔赦宥即身未披衣而心已解脫

一時諸弟子等各各歡喜焚香作禮執卷乞

語乃拈筆以示之曰諸佛衆生心無差別所

言無差別之心即所謂金剛心地也且此一

心諸佛證之而說法諸祖悟之而度生菩薩

修之而成道聲聞取之爲涅槃外道執之而

謗法衆生迷之而造業三途昧之而受苦凡夫日用而不知吾人以之而應緣即爾輩爲佛弟子爲祖兒孫凡有施爲莫不皆從此心流出但順佛祖之教爲佛祖之事心心常住念念不壞即此以往歷劫不磨便爲金剛心地爲成佛作祖之正因種子若夫逆之背之雖身着袈裟心存業道即此以往便爲苦趣苦因亦長劫不壞生死之苦果也故曰三界上下法唯是一心作順之即聖背之即凡豈虛語哉裕等數人同此心即合山千人亦同此心也若以此心用之於佛祖故如金剛則將來受用亦同金剛若夫用之於一身謀之爲一已視區區糞壤而爲樂地受用如苦蟲心心作業轉眼之間一息不來便入三途苦果無窮亦劫劫生生受用不盡此無他故但

十一

以不明此心是成佛作祖之真種子福田耳裕自從余授戒即願持誦金剛般若經誓盡形壽且此經乃吾六祖大師之心地也能持之不忘得之於已則將來歷劫受用無窮即此身心常住於曹溪故曰佛子住此地即是佛受用常在於其中經行及坐臥也汝等明見今日老人轉曹溪爲淨土驅魔衆爲法侶苟信此心之妙則汝等諸人出生死證菩提不出一念之頃其或未然依舊流浪三途沒溺苦海去也其念之哉

示沙彌智融

予蒙恩南來諸護法延予住曹溪初入山首以作養人才爲急乃選諸沙彌延明師教以本業習威儀禮誦設禪堂以安居之律以清規衆如一指老人以業緣牽引不能安居時

爲說法更延大德闍黎以尸之又數年而規模造就山門改觀老人嘗謂佛法所貴聞熏成種嶺南久無佛法熏習以乏種子故信心難生每願教僧五十人各書華嚴大經一部一以法緣廣大爲最勝種子二以借書寫攝持之力資初心觀行以助入道資糧向以內魔所汨有願未成衆中沙彌智融者最先發心願書大經老人甚嘉其志開端書不半而同學沙彌一時發心書寫者今七人矣嗟乎人之根性豈可局量哉昔吾師釋迦牟尼往劫爲凡夫時同千人聞五十三佛名一時發心修行後各次第成賢劫千佛吾師以願力勇猛故先於衆又爲十六王子時聽法華經爲一乘緣種於八方各得成佛况華嚴乃一乘圓頓法界無礙緣起之大經也所謂八

難超十地之階一生圓曠劫之果以一字統法界之經一行攝無邊之海况點點畫畫心光流溢大用現前果當人不昧則不必更參機緣而觀行自足諸法門海不勞遠歷百城而坐參知識豈不爲最上法緣乎若以所書之經具在目前終身讀誦受持何用別求佛法即六祖法化所流千七百員知識可一齊普現於毫端三昧矣汝當作如是觀無爲俗習情塵障智眼也勉之勉之

示曹溪俛無昂監寺

兼一

士

鄧林之木雖多成材者寡滄海之產雖衆稱寶者希孔子曰才難不其然乎即吾佛說法四十九年但以十大弟子各稱第一而得正法眼藏者人天百萬獨迦葉契心古今傳道稱的骨兒孫者亦不易也我六祖大師說法

曹溪坐下不少千僧壇經載悟道者有四十
三人而見稱者唯五六人大闡其道者獨南
嶽青原二大老而已嶽師侍祖精勤日夜不
離左右逾十九年與青原共命終祖之世故
自有叢林以來凡善知識開堂說法務在得

素一

十三

人單以二老之苦心爲家範此得人之難而
求其師表百世者亦更難也老人度嶺之初
過曹溪謁六祖大師視其山門破壞幾至埽
地一衆惶惶無所依怙所以願興叢林安大
衆以存祖師一脈如綫之緒者於千僧中得
裕權識泰珊五人焉其所願老人爲依怙者
若嬰兒之望慈母其所以存叢林之志不減
包胥之存楚而乞於余者不減秦庭之哭也
於是老人哀其誠而來力任中興之責剔蠹
釐弊百務具舉選衆僧學禮誦法擇其中堪

爲童蒙表率而稱教授師者得三人焉既處
之歲月察其心術之微操履之端言行相符
以成後學繼前修念祖道保護叢林者唯昂
監寺一人而已三人之中誰不曰比肩而趨
操不一志行不齊衡石重輕之在人耳目者
非一日如眠黑白瞭如也余目擊其操履如
孔子觀人之法察之亦非一日故諸監寺之
乞余言欣然即發獨此三卷藏之五年未敢
輕諾非恪法也以古人授受之際不妄許可
儻一失言不唯失人抑且失法眼矣如人之
難聖哲所病所謂人心險於山川難於知天
天猶有四時之序而人者深情厚貌外威儀
而中蛇虎者不易知也語云疾風知勁草板
蕩識忠臣若人人皆可稱忠孝則世之忠臣
孝子益多多不足奇矣以其希故見其難以

其難故爲忠臣孝子者不易也余嘗謂宣王並稱得士而冒死立孤者獨程嬰杵臼二人楚國號多材而捐軀復楚者獨一申包胥嗟乎吾徒之爲沙門釋子者骨肉肝腸皆佛祖之所化也生死升沉亦佛祖之所賴以轉也求其一心如古豪傑之所爲者希以其自愛業身而造苦具不惜橫身捨命而甘心焉求其一念知非能體祖師之家業者難得其人矣是知家無賊子家不破國無賊臣國不亡人無惡行身不殞士無苦行名不揚善無橫逆道不高心無堅忍道不大是知善惡雖殊儻不負堅忍不拔之志不能成其善惡之實苟無善惡之實而其報應不舛者不足憑也語曰積善成名積惡殺身積水成海積土成嶽昂子知此不必患彼惡者之自積當患已躬

下忠貞道業之不積耳孔子曰不患莫已知求爲可知也藉六祖知子有此心亦只如老人之所告子者勉之耳更有何法則爲墮增益語障

示曹溪海月珊監寺

余當丙申春二月過曹溪謁六祖大師見其香燈寥寥叢林凋敝徘徊久之有僧具威儀向前作禮問訊甚恭予見其精誠端慈喜而謂曰此本色山僧也明年丁酉魔風競作此道場幾至破壞僧徒無依珊公與同儕數輩謁余於五羊請予爲授戒法余始知向作禮者爲珊公也庚子冬予應請入山公率諸弟子侍祖師塔察其供養之精誠宛若祖師在生無異余因歎曰祖庭千年不朽者所賴兒孫一點孝敬心耳故世尊曰孝名爲戒即儒

之孝爲仁本此道根也及余住山中最初安居凡所經營回出衆心而任勞任怨珊公居多其憂勤惕厲小心敬慎端若孝子之於慈父憂喜疾痛靡不關之是知事祖之心不異事余故余屬之常住與衆等心一力忘身殉道即今日叢林再整法化重興固祖靈之默啓實珊等孝誠所感格也語曰苟非其人道不虛行嘗念余非祖師攝受不能至曹溪曹溪非余來不能有今日即非公等之孝敬無以繫余心而叢林中興之功德非純誠難以取究竟全始終總是一大事因緣實非偶然且幸修建祖庭工程苟完余於丙午八月二十日即蒙恩詔許爲僧以此始末徵之足見余非無因而來公等亦非無因而生斯世遇斯事也想昔日當祖道大盛之時悟道弟子

三十餘人公等爲洒掃執侍人耳不然何以有緣見我親近哉昔世尊於大通智勝佛時爲諸弟子說法華經畢竟至釋迦出世同出一會一一受記成佛以昔日之夙緣今日之現證則將來彌勒補處龍華會中豈少一人即堅持此心以光祖道爲任護三寶爲懷即一莖一葉滴水莖薪凡有益於叢林有補法道者即爲金剛種子成佛真因使永劫瞻依十方攸賴即同祖法身常住矣可不勉哉

寄示曹溪耆舊

素一

十六

老人住祖庭一番特爲發揚六祖出世一大事因緣欲令大家修出世因以種淨土之緣不料中道緣差魔風破壞獅蟲作祟使我不遂初心一旦違遠祖師棄捨大衆即今雖居寂寞之濱未嘗一念忘其本願其後學似有

向上之志苦無明師良友引進修行之路其者舊衆中有知老人之心及痛念生死大事者又無老人依歸不能聚集一處同作佛事堪嗟日月如流衰老漸侵死期將至黃泉路上資糧不具憑何法以脫三途地獄之苦報乎言及至此可悲可痛古人云生死事大無常迅速火急修行早是遲矣老人因此熟思再三無可爲大衆決策者適堂主來省正愜老人之心因叮嚀渠回山將老人之心揭示衆者舊儻真實爲生死者須大家集會一處結念佛會同修淨業同出生死誓願遞相度脫社中若有一人先滅度者同力資助往生豈不爲第一最上因緣即此餘年已勝百劫千生虛過也會所最要清淨無擾乃能成辦道業禪堂但有後學諷誦事業似屬煩雜唯

業一

十七

有老人所修無盡菴最極寂靜色色現成不若就此爲淨業堂成殊勝事不獨不枉老人苦心一場亦可以請施主功德也其修進之規古人六時念佛晝夜殷勤雖是精進恐老者不能今折中當以四時爲準二時功課二時跪諷行願品一卷念佛千聲發願回向斯不計限人不計數但要老成信心篤實者忘實主泯人我絕是非戒戲論一心念佛不違賓客專以寂靜爲主即是真阿練若正修行處也若大衆果能洞見老人之心諦信老人之言依法修持便是出生死的時節便是與老人生生世世不相捨離常生佛前同聽法音之時其會集結社之人及安居之處一聽堂主主之便是奉行老人之教命也其精進道業又在大衆各自努力古人云把手他人

行不得爲人自肯乃方親所謂但辦肯心必不相賺珍重努力

寄示曹溪禪堂諸弟子

老人初爲祖師建立之時大衆不知老人之心今日老人行後凡山門利害及禪堂設立汝等皆樂入堂安居是知老人之苦心也若知老人之心則當知佛祖之心矣汝等今思得老人似前教誨不可得也然聚散之緣雖佛祖不免在諸弟子能知恩報恩依教修行雖佛祖滅後亦同在世親近不異故佛臨入滅時諸大弟子請問若佛滅後衆等以何爲師佛言當尊重波羅提木又是汝等大師梵語波羅提木又此云戒也佛常言汝等比丘能守吾戒雖千里外如在左右若不奉我戒縱對面猶千里也此吾佛大師金口親囑之

素

十八

語可不遵乎况今末法去聖時遙若佛弟子不秉佛戒將何以爲修行之地賴何以出生死之苦海乎老人臨行特爲汝等說梵網戒不知汝等一一能堅持否佛制比丘半月半月誦此戒經如從佛親聞作法羯磨毋令毀犯今三業六根念念檢點觀察不許闍生罪過不得毀犯戒根即此便是真實修行坐進此道不必遠訪明師徒增辛苦也若汝等向來未能堅持則當從今依法半月半月對佛宣誦梵網戒經十重四十八輕一一戒條熟記分明如犯一條則於誦戒之日請執範師作證衆中遞相檢舉犯者對衆懺悔再不許犯如此則改過自新道業可就其所犯之罪除懺悔外衆等議定清規罰例以便遵守如老人向日所遺改條可爲常法也衆等戒經

習熟則當背誦四十二章佛遺教經楞嚴法華楞伽諸經以爲佛種其參禪一着當遵六祖開示慧明不思善不思惡如何是當人本來面目公案蘊在胸中時時參究久之自有發明時節如此方是續佛祖慧命之大事因緣也汝等能遵此語則如老人常住曹溪汝等亦不必操方行脚矣

示曹溪沙彌

庚子歲當道延余料理曹溪余應之至則百廢槩不能舉因思爲治之道以養材爲本遂選諸沙彌設義學延賓師以教習威儀誦讀內外經書稍知信向則披剃立禪堂使就清規受戒法晝夜禮誦是時諸沙彌始知有出家業皆厭耕鑿而慕清修矣余苦心十年差有可觀遂棄去今老矣隱居南嶽諸沙彌昔

受化者先未深知者人今乃深思之雖求一日之執侍一言之教導難矣沙彌某比時在孩稚今從衆中始知老人心求親近不可得乃具冊遙乞開示老人聞而悲且喜也昔佛在時恐久住世間薄信衆生多不敬信遂上昇勿利令衆慕而後來則人人皆生難遭想矣若老人久住曹溪諸人安能戀慕如今日哉沙彌若思老人不若思念佛思念六祖也若思念佛當來必有見佛之時若得見佛便是出生死時也思念六祖當初一賣柴漢耳如何得今日人天供養再思今日供養乃從拋却母親恩愛走向黃梅會下負石舂米辛苦中來再思六祖三更入黃梅方丈得受衣盃憑何知見向五百衆中獨自得之且人人一箇臭皮袋死了三五日便臭爛不堪爲何

六祖一具肉身千年以來如生一般此是何等修行得如此堅固不壞沙彌如此細細一思想思想不透但將壇經熟讀細參參之又參全部不能但只將本來無一物何處惹塵埃一句蘊在胸中行住坐臥喫茶喫飯搬

素

二十

柴運水迎賓待客二六時中一切處頭頭提撕直使現前定要見本來無一物是箇甚麼如何是不惹塵埃的光景若能如此用心是名參禪若參則自信不疑之地則能真見六祖面目方知老人鼻孔方是沙彌真正出家了生死的時節也若不肯向己心中苦求本分事空思老人有何利益一往諸沙彌但知親受老人教導唯習威儀動靜禮誦文字而已若從今日始都與沙彌所請開示如此一力做工夫方是老人真實訓誨老人老矣此

乃最後開示也若錯過今日將來縱向十方世界參訪知識總是他家活計慎勿以老人此言爲空談也

示法空選殿主

佛教末法弟子修四安樂行謂正身正語正意大慈悲心依此而修是爲妙行然此四行以行處近處爲初心行處謂步步不離道場近處謂念念不離三寶余觀末法比丘能踐此行者唯知殿之役最爲親切以沙門釋子不知修行之要縱浪身心不能檢束三業動成過惡故罪業日深生死難出即能遠參知識亦不必能步步相隨心心親近唯有侍奉三寶晝夜香燈是不忘佛也晨昏鐘鼓集衆禮誦是不忘法也大眾和合六時周旋是不忘僧也坐臥經行不離佛殿是步步道場也

素

三

苟能自淨其心則一香一華皆成佛真體舉
手低頭皆爲妙行是則不動脚跟而徧叅知
識豈不爲最勝因緣哉安樂妙行無尚此矣
行者勉力以盡形壽何用別求佛法

示曹溪基莊主

六祖居曹溪寶林不容廣衆乃向居人陳亞
仙乞一袈裟地盡曹溪四境而山背紫筍莊
者乃袈裟一角也向僧居寮舍當寺之半又
之僧多忘本外侮漸侵豪右蠶食其山場田
地多入豪強僧業廢於八九而祖龍一背盡
失之矣居民樵采已及其內地將見侵於肘
腋老人初入曹溪乃悉其故因謂衆曰土地
者叢林之本也况吾祖袈裟猶故亞仙之祖
墳墓尚存是以謂祖翁田地也安可失乎遂
集衆鳴於制府準令本府清其故土正其疆

界衆皆曹然不知所止即有知者亦畏縮不
言獨基公以昔居此歷歷指掌以是豪強氣
沮老人乃募資收贖其故有之田地山場盡
以供膳寶林禪堂贍養寺後學僧徒肯辦道
業者將以贖六祖如綫之脈因以基公爲莊
主公佐助老人中興曹溪清理常住錢穀及
一切事務井井有條苟能守之即千載猶一
朝也老人去曹溪將十載諸規盡廢唯禪堂
得昂公守之如故而基莊主精白一心未忘
初念視老人如在左右保護常住秋毫皆如
素
護眼目也老人愧無緣不能盡興祖道因思
昔黃龍有不豫之色首座問之答曰監收未
得人是知古人用一監收爲深慮如此而莊
主之責豈細事哉自古國家皆以得人爲難
而叢林亦然曹溪千僧老人居十年淘汰只

得一禪堂主一莊主兩人而已更有二三人能為之輔翼者則德不孤事易行而祖師道場亦可保其無虞矣堂主來省老人於匡山基公因以問訊寄此卷請益老人復何言哉惟吾佛出世竝無別事但為護念付囑二事而已所以護念者為欲得人以續慧命也付囑者以佛家業有所付託如長者以家業委付其子也即歷代諸祖皆如佛意志在慧命不斷耳今佛祖之道寄在曹溪一脈而曹溪務在得人得人要任膳養膳養賴其四事四事賴其主者苟主者得人則眾有歸道可辦而叢林可振法道可與法道興則佛祖慧命相續不斷永未未來端有賴於今日也但能保護慧命即是深報佛恩如此即名真是佛子矣基公可謂能報祖師恩德矣從今更能

素一

字三

深念六祖於大庾嶺頭教慧明公案懷在胸中重下疑情疑來疑去疑到疑不得處忽然迸破疑團露出本來面目是乃可稱六祖的骨兒孫較之保護祖翁田地者可謂百尺竿頭進一步也此則公案是六祖命脈苟有一人於此參透則六祖常住世間未滅度也今千載陳爛骨董老人重新拈出因公增價則此後常放光明照天照地直當拌此身命堅固其心不可一息懈怠也勉之
憨山大師夢遊全集卷第五十一

音釋

舶 薄麥切海中大船
扼 乙華切同扼也
關 皮亦切關也
窪 烏瓜切
變 渠為切人名
盥 古緩切以盥水洗手曰盥
玷 音店玉病
纂 作管切
蝨 都故切音虻
蠹 音虻

憨山大師夢遊全集卷第五十二 素二

待者福善日錄 門人通炯編輯

示曹溪寶林昂堂主

嶺南自漢方通中國始知有文物六百餘年
至唐初六祖起新州得黃梅衣益傳西來直

指之道是時始知有佛法開曹溪寶林道場

說法其中自爾道蔭寰宇天下禪宗皆以此

為資始何其盛哉六祖滅後肉身雖存而道

場漸衰至宋業三百餘年則叢林大壞極矣

時有子超禪師蹶起而大振之由是重興其

道至若傳燈所載者自六祖後不多見其人

故道法雖播於十方而留心於根本地者寡

矣道場無開化主人而僧徒習世俗之業頓

忘其本固其所也由宋迄我明萬曆中又將

五百年道場之壞尤甚於宋僧徒不遑其居

而法窟皆棲狐兔矣丙申歲老人至嶺外得
禮祖庭觀其不堪之狀大為痛心而去又五
年庚子諸護法皆以法道為心亟欲老人往
拯其弊至則誓願捨此身命志為六祖忠臣
孝子也一時更新百廢具舉此仗佛祖護念
之靈非人力也於時僧滿千眾有懼僧徒之
不安者數人而已求其憂祖道不振後學無
眼法幢之不固者獨昂而已至若知老人恢
復之志誓死之心亦唯子而已嗟乎是知法
門之得人為難也如此於時老人初入曹溪
選諸僧徒可教者教之眾中物色亦唯子而
已及老人住此八年之間凡所經畫為山門
久計者眾皆罔然其所經心關涉鉅細無遺
者亦唯子而已及獅蟲破法魔黨競作即前
所稱為道場者數人亦皆在網羅求出之不

暇求其苦心保護叢林憂祖道之崩裂深知
老人建立之恩者亦唯子一人而已當是時
也苟非子砥柱中流委曲調護曹溪卒無今
日矣及老人捨之而去禪堂無主幾爲獅蟲
以食非子挺身撐拄其間不唯道場破壞後
學無依即老人中興一片苦心竟付流水矣
安望祖道之再振乎是以老人別曹溪來十
年於茲子日夜苦思老人之復至望法道之
更新念念含悲未嘗一息忘之也老人之南
嶽而子隨至既而老人逸老匡山子尋即遠
來見其感恩之心益篤憂道日深且冀老人
之復至或望至人之將來其誠益難以言語
形容者即古之忠臣孝子憂國憂家烈女節
婦誓死無二心者不是過也適來山中老人
留之已久其哀哀之心請益不一老人因而

素二

二

示之曰子之志固嘉而子之思亦過矣子未
聞大道之替雖佛祖亦難逃於時節因緣因
緣聚會蓋不由人力也且道與時運相爲升
降殆不可強即其人亦不易得也諦觀六祖
入滅以來今千年矣其道徧天下在在叢林
開化一方不少求其爲祖度而經理家法者
獨宋子超一人而已子超之後又五百年志
爲祖道力整頓綱者獨老人而已況在曹溪
有衆千人之中求其憂祖道知老人者唯子
而已是則法門之人以此爲懷者豈易見哉

素三

三

今老人示子最勝法門所謂求人不如求己
也且當六祖未出世時只一賣柴漢耳因有
夙植靈根功夫醞籍已久一旦聞經一語頓
悟自心遂得黃梅衣盞豈不是今日寶林道
場乃六祖肩頭柴擔舂米腰石邊來故有如

此廣大光明普天匝地禪宗一派一言一句皆從柴擔腰石邊流出至今供養香火如生時無異肉身堅固不壞如現在說法無異如是福澤亦從柴擔腰石邊來此豈有心要求人而後得也子既有志上憂祖道何必求人應之彼既丈夫我亦爾且六祖悟的一段般若光明人人有分不欠絲毫如今只當憂自心之不悟不必憂道場之不興若能了悟自心則能攬長河爲酥酪變大地作黃金拈一莖草作丈六金身以丈六金身當一莖草自然具大神通隨心轉變任意施爲無可不可如是在我全具又何苦思癡癡望他人來作我家活計耶古人要悟自心在六祖已前都是當下一言便悟更無做工夫之說六祖得黃梅衣盃大庾嶺頭開示慧明道人一則公

案後來便是做工夫參禪的樣子也從今向去教汝直將從前憂長憂短望人的心一齊拋却但當自己放下身心拌了一條性命單一念只求悟明自心將慧明一則公案橫在胸中重下疑情晝夜六時行住坐臥迎賓待客應事接物茶裏飯裏拈匙舉筯一切不教放過疑來疑去定要見自己本來面目或提念佛話頭要見者念佛的畢竟是什麼人如此疑到似銀山鐵壁疑不得處忽然命根斷絕疑團迸破自己本來面目當下現前是時方知念佛的人如十字街頭見親爺一般更不必問人古人云善造道者千日之功亦有十年五年或二三十年或盡生不悟發願再出頭來又或有二生三生乃至十生多生不昧本願者生死時長常寂光中了無去來

之相且子年力尚強果能決志從前日做起
即十年二十年能悟今生尚遂我本願即今
不悟賴有此叅究功夫般若種子就是再出
頭來猶是現成活計縱遠不過四五十年打
箇筋斗如在目前那時整頓自家家事有何
難哉捨此不憂更憂別事都是在費心思妄
想無益不唯無益且增無邊生死苦海是豈
不爲大愚癡者哉老人此說如棒打石人頭
如此做工夫則是老人時時在汝眉目間放
光動地也

示曹溪且過寮融堂主

天下叢林爲十方衲子行脚者之傳舍以萬
里雲遊跋涉登山衝風冒雨躡雪履冰飢寒
困苦弔影長涂而莫知所止故望一叢林以
求一夕之安如窮子之望父母廬舍也萬一

表二

五

到處主者不得其人漠然而不加意使飢者
不得食渴者不得飲勞者不得息病者不得
安則其懷楚苦惱之懷又將何以控告耶從
古接待十方叢林之設深有見於此也諸方
四路各有退步或有鄰峰里市容可不得其
所而更之他至若嶺南曹溪道場六祖肉身
現在海內衲子所必往而禮覲者所至必數
千里外單單度嶺特爲此事况冒煙瘴之鄉
出九死一生之地重足而至此中可無接待
之設乎老人未到曹溪之日聞衲子至者無
安居息肩之所求其一飲一食而不可得率
皆旋行托盃僧房皆閉門而不納即得米升
合又無炊爨皆拾薪就澗或得一食而行老
人憂之乃逐屠沽之肆闢爲接待十方禪堂
別立齋厨以便其食所需皆取給於內堂必

使周足聽其飢者食渴者飲勞者息病者調理汚者澣濯任其久近隨其去來是以業海而爲樂土矣但求一主者不易得且有即此而造地獄者比比也或有獅蟲集此以作魔攬力不能制者多未安也頃昂公來云近得融公爲旦過堂主事事如宜足副建立之心居三年如一日也老人聞而喜曰此老人願力所至也常思菩薩修行以慰安衆生爲本當思一切衆生老者如父少者爲兄弟一以孝順心而敬事之况在法門有同體之誼又非其他可比苟能以孝順心而敬事之是則以佛心爲心也梵網戒經乃佛之心地法門也首稱孝名爲戒所謂孝順三寶孝順師僧孝順至道之法若能受此戒即入諸佛位是即以孝順爲戒之本戒爲成佛之本能行此

素二

六

行即是作佛之基不用別求佛法矣華嚴經云菩薩布施衆生頭目身手足有來乞者隨與而去且自慶曰彼來乞者皆我善知識爲我不請之友能成就我無量功德令我堅固菩提願力由是觀之則今十方來者皆我不請之友融公若能以孝順心恭敬供養以滿金剛戒品爲成佛種子即此一行全攝衆行又何捨此而別有玄妙佛法哉融公能諦信老人從此深心以盡身命供養十方堅志不退即是菩薩以頭目手足而施衆生等無有異求佛妙道又何加於此其或未然更將六祖本來無物一語橫在胸中又之一旦識得自已本來面目是時則將六祖鼻孔一串穿却乃見拈一莖草即是已建梵刹唯恐十方雲水之不早至又何疲厭之有哉嗟余老

矣愧不能再爲六祖作奴即公能體此即是代老人常轉如是法輪也

示曹溪沙彌達一

老人逸老匡山寶林堂主昂公攜沙彌達一

遠來參謁老人因示之曰汝等當思何修何

孝一

七

福生在邊地得爲六祖兒孫朝夕親近祖師

肉身如現身說法無異何其至愚如生盲人

不知日光所照已也汝又何緣何幸得老人

至以金篋刮翳開其盲瞶始見天日猶然不

知日光之照也汝等當思六祖未至黃梅但

新州一賣柴漢耳一聞誦金剛經應無所住

一語頓斷歷劫生死根株此豈由教習而然

耶良以佛性種子人人具足未遇緣開發如

種在地未得雨露之滋耳老人一向直示汝

等種種方便皆得雨之功但汝等煩惱根深

難生智種靈苗今遠來請益猶是昔潤之功也從今要智種發生則將六祖所悟無住一語會取參求忽然心地發明是時不但了却歷劫生死即六祖鼻孔盡在你諸人手裏把住放行只由自己如此便如親侍六祖說法時無異豈待更要老人打葛藤費婆心也老人雖不在曹溪汝只將當家一則公案說與同參諸沙彌等人人都要如此做工夫不可一念放捨如此即是老人常住此山時時爲汝諸人說法也此事不是兒戲直要一片死心下毒手判命根做將去若是朝三暮四一寒十暴不但智種不生抑恐作焦芽敗種也如是不唯辜負老人實辜負自己切不可空過時光恐大限到來一失人身萬劫難復汝當深思自勉勿忽

示曹溪沙彌方覺

達磨西來單傳直指之道衣鉢六傳至曹溪
正法眼藏流布震且今千餘年皆云曹溪一
脈如孔門之洙泗蓋所係法門非輕也予昔
居東海時每慨禪門寥落必源頭壅闕嘗與

素三

八

達觀大師議欲往濟之期於匡廬未幾予弘
法罹難達師以予不果行遂先獨往至其山
見其僧皆田舍郎也止於檐下信宿而歸未
幾余即以弘法罹難思遺嶺外時則以爲佛
祖神力所攝也師候予於江上謂予曰某先
探曹溪矣即六祖復生不能再振也予曰願
願力何如耳及予度嶺居五年庚子當事者
以曹溪護法爲心力致予往予至則始於祖
庭及諸三門百廢齊舉其僧無論大小即諸
沙彌率皆樵兒牧豎別修禪堂設爲清規令

其各從本業如是者百餘人惜乎般若之緣
不深老人切示以佛法大義領荷者希第在
威儀之間耳老人苦心八年寺僧闡提作難
老人竟謝去之南嶽諸沙彌如失乳兒相繼
而隨者不絕如覺侍者先候於南嶽今候於

匡山乃拈香請益老人哀而謂之曰汝等生
邊地不聞三寶名蓋一難也幸遇老人爲開
導又何幸也雖受化有緣而卒不能深入佛
法是未種般若之緣耳汝等念我不忘則信
根既具而佛法終有時而入所謂欲識佛性

素三

九

義當觀時節因緣汝今既知捨離俗纏脫然
方外此爲入道正因且又親近知識知其所
難則不當以妄想狂心當面錯過乃是知所
重也若離俗緣自以爲無拘束縱浪身心徒
事虛華耽玩山水徒費草屨錢竟有何益豈

不為重增業苦耶汝今果能拚捨身命志求大法為生死大事參究向上趣色力強健三二十年直欲發明自性不悟不止如此立行乃是出家正行方不負老人開導之恩亦不負千生萬劫遇善知識之緣亦不負出家親近六祖肉身如生前無異仍須發願願弘祖道以救道場以存法門之標準如此操心立志乃是曹溪的骨兒孫若更悠悠度日執愚自是以朝名山禮祖庭隨喜道場此是粥飯庸流最下品人之行徑饒汝行盡名山依然俗骨凡胎毫無進益豈不辜負自己百千萬劫之大因緣耶汝諦思惟慎無自誤

題門人超逸書華嚴經後

此蓋余壬寅孟冬在寶陀山題門人超逸為弟子實性補書華嚴經後述其發心始末因

緣也余自蒙思度嶺說法五羊教化數年繼衣中篤信歸依者唯菩提樹下數人而已數人中唯逸公與實性二人同志同行同發大心書大法性不及半遂蚤夭獨逸竟其業噫唯此不獨發心之難即已發心而能有緣遂其志願者尤更難也故我世尊於法會中歷言信法之難如云假使劫燒擔負乾草入中不燒是不為難我滅度後若持此經為一人說是則為難由是觀之又不得為信法之難而持法之難更有難於萬萬者矣顧此南粵

素三

十

居海徼其俗與中國遠佛法始自達磨航海昔憇五羊而跋陀大師持楞伽來先開戒壇於法性寺既而智藥大師植菩提樹於壇側為六祖大師前茅幾百年而跋刺三藏持楞嚴經至宰相房公為筆授時則盧公起於樵

斧間佛法亦自唐始盛其根發於新州暢於法性濬於曹溪散於海內是知文化由中國漸被嶺表而禪道實自嶺表達於中國此所以相須爲用爲度世之津梁耳予度嶺已十有二年憫祖道之荒穢振曹溪之家風以罪朽之身以當百折之鋒可幸無恙者六年於茲賴佛祖之寵靈諸凡有序草創法道之初時在法會親炙於余者獨超逸通炯二人而已此足見教化之難而得人誠難之難也逸自禮余余徃雷陽走瘴鄉理曹溪徃來奔走無寧日逸乃謹謹奉教閉門却掃書華嚴大經以爲日課且以餘力求六祖戒壇故址收贖而重新之暇則率諸同志結放生會每月有常期漸達海濱遵爲法式實余唱之而逸輩能行之也今余苟完祖庭冀休老以了餘

卷二

十一

生逸又從余以遨遊盡生平唯是不獨發心之始難而更成終之難也然古所難而公獨易此非多世善根於般若緣厚者何易至此哉回視實性一息不來便成永劫即今求其見聞隨喜現前種種殊勝之緣豈可復得是則發心同而夙願異故生死殊途幽冥永隔吾徒有志於生死大事者於此足以觀感矣以逸與性同時請益書此經其讚法之辭具於前部之首今於逸所書不復贅譚獨申發心畢竟始終之難如此

題實性禪人書華嚴經後

我世尊毘盧遮那如來初成正覺於菩提場演大華嚴名曰普照法界修多羅說一切諸佛所證衆生自性法門故曰奇哉奇哉一切衆生具有如來智慧德相但以妄想顛倒執

着而不證得若離妄想顛倒則一切智無師
智自然現前又曰吾今於一切衆生身中成
等正覺轉大法輪是以此經所詮純以一味
平等大智圓照法界爲體以一切聖凡依正
有情無情悉皆同等一切衆生所作業行不
出諸佛自性法身一切妄想無明貪瞋癡愛
皆即諸佛所證真如實智一切山河大地鱗
甲羽毛蠢動蜎飛皆即毘盧遮那普現色身
是知吾人日用折旋俯仰欬唾掉臂乃至飲
食起居皆即普賢妙行不出毘盧遮那如來
海印三昧也何況修習正行而作白業者乎
第吾人日用而不知耳悲夫人者迷此本有
智慧無明業流沈淪生死往來六道備受諸
苦不知其幾百千億恒河沙數世界微塵劫
矣曾不自知返省故我大師以平等大悲捨

卷二

十二

自性法樂出現世間挺身三界而開導之深
入火宅如長者之誨諸子也然父之於子其
心不止苟免災患而已實望全付家業此本
懷也故先最初即說此經頓示平等法界直
指衆生自性法身令其頓得無量法樂故曰
譬若一微塵中具舍大千經卷書寫三千大
千世界中事有一智人明見於中遂剖破微
塵出此經卷拈示衆生轉爲利益且一微塵
者衆生妄想之心也大千經卷者乃衆生自
性功德也明眼智人乃諸佛菩薩大悲主也
剖微塵者乃破諸人妄想顛倒也剖微塵之
方即諸佛所說一切經法也然法有頓漸其
餘諸經皆漸剖之此華嚴經乃頓剖之方示
諸佛所證廣大佛法寶藏欲令衆生一眼便
見一念頓得無量受用也由是觀之則吾佛

之恩德與衆生者豈淺鮮哉嗟乎自有佛法
以來此經流布寰區見聞不少求其能知諸
佛恩德者幾何人哉吾佛滅度之後從上諸
祖傳佛心印直指衆生佛性者皆我慈父克
家之子也惟我菩提達磨大師特爲此事航

素

十三

海而來此土少林面壁冷坐九年被人毒害
數四唯得二祖一人即便抽身西去六傳至
我大鑒禪師起於樵斧之中一聞經語便走
黃梅負舂腰石竟得衣盞南來然被惡人加
害不一避難於獵人隊中十有七年後際因
緣時至聊借風旛一語震動人天始得剃髮
披衣於法性菩提樹下說法於曹溪源頭千
七百員知識從此一派流出惟此廣大功德
皆從我大師忍苦一念中來豈非法王忠臣
如來慈父真子者乎至今授戒之壇基尚在

埋髮之道樹猶存凡在覆蔭之下靡不安然
於蓋載之間食大師之食衣大師之衣求其
知大師之恩思大師之苦者無一人矣悲夫
是可謂日用而不知也余忝在大師末法弟
子列弘法罹難放遣雷陽丙申度嶺過曹溪
瞻謁大師道骨儼然如生慨其法道寥落風
俗隳頽泣數行下者久之乃之戍所是秋歸
會城之青門壘壁間明年春饑癘之死白骨
蔽野收而瘞之者萬計乃爲津濟道場延諸
僧衆越明年戈戈荷戈之暇乃引樹下弟子
數輩爲說無常苦空之法既而註楞伽寶經
成爲其開示又往樹下爲諸沙彌說四十一
章經則聽者日益衆矣弟子超逸實性執香
作禮而白余願手書華嚴經一部以作苦海
津梁予爲歡喜讚嘆二弟子即閉戶焚香始

於萬曆庚子執筆首事越明年辛丑實性奄

忽而逝所書經止二十七卷其祖超珍復命

實性之師明站究竟卒業滿此勝緣嗚呼悲

夫衆生流浪苦趣往來六道者如塵沙劫波

於中能遇佛法能發信心者政若大海一眼

素二

之龜值浮木孔豈易得哉今實性生此末法

仗此勝因不動步而遊華藏之天一投筆即

觀刹塵海會觀毘盧於當下圓行海於多劫

即已生非虛生死非浪死矣何況乘此津梁

而遊不死不生之鄉者乎壬寅孟冬余將有

雷陽之行超珍持性所書經至乞予一言以

紀其事余冀後之見聞者因之而發信心但

能一念回光即出曠劫生死是則實性又以

一毛端頭出生廣長舌相而說衆生自性法

門不減毘盧遮那坐菩提樹即此便是法身

常住也

題曹溪諸沙彌書華嚴經後

大哉法界之經也惟我本尊盧舍那佛初成

正覺坐阿蘭若法菩提場金剛心地入海印

三昧稱性所演圓融無礙廣大威德自在法

門七處九會不起而昇圓滿十身星羅法界

塵刹衆生依正齊說熾然無間不可思議之

法也曹溪六祖大師秉單傳心印西來衣蓋

留鎮此山是即法菩提場金剛地也肉身現

在是即舍那法身常住也鐘鼓音聲朝夕無

素一

十五

間是即刹塵熾然說法也嗟乎其徒在座如

盲如聾是爲靦面錯過久矣予往蒙聖慈以

萬里調伏恩大難酬因誓捨此身重整道場

爲圖報地諸弟子輩全不知有此事無異聾

瞽予因選諸童蒙沙彌教以習字書寫華嚴

尊經意將仗此大法因緣以作金剛種子果
不數年間發心書者可期十人堂主昂公乃
昔所延教師也持來匡山予見而歎曰此即
剖一微塵所出之經也觀其點畫皆從金剛
心中流出况有最小沙彌願刺血而書之者
斯即吾佛所說無師智自然智現在前矣予
感激含涕惜予不能爲諸沙彌作究竟導師
耳雖然惟此即予心血所灑若自茲以往見
聞隨喜發心興起緣緣無盡至未來際將令
曹溪弟子人人入此法門即塵說刹說衆生
說熾然常轉此法也斯即舍那現在說法六
祖常住此間即予死不朽矣欣躍何如敬書
始起因緣以示來者爲發心地又爲老人廣
長舌也

題曹溪沙彌血書普賢行願品

予往往曹溪中興祖道作養諸沙彌莫不墜
西來之業不十年間似有改觀衆中沙彌某
發心刺血書寫普賢行願品以爲終身誦持
老人喟然而嘆曰沙彌識法者也乃能刺血
書寫此經行此難行之大事蓋法界緣起不
分迷悟不屬聖凡但有弘爲皆歸真際所謂
山河大地共轉根本法輪鱗甲羽毛普現色
身三昧况此身血從法界流淌入此經豈不
稱真法性者乎沙彌苟以如是書寫如是持
誦盡命不懈則心心不出普賢行海步步不
離華藏道場但當諦信不疑此外別無佛法
如是則老人如法界而稱歎亦未能盡功德
之量如其自昧本心動與法違縱親見願王
猶然重增業識耳

常住清規

大師入山自二十八年九月二十日到寺
十月初七日始至初九日止三日在殿精選
合寺大小僧行諷經讀書初九日設立法華
堂卯時鳴鐘三通齊赴佛殿擺設不許延遲
仍要褊衫整齊各帶法華經一部少則二人
共之俱在一時完備不許違誤十三日設立
義學三處

- 一東廊館十月十三日午時開
- 一西廊館十月十三日寅時開
- 一延壽館十月十三日巳時開

曹溪寶林禪堂十方常住清規

惟我六祖大師說法曹溪天下衲子歸之祖
設安居以容廣衆此禪堂之設最初之始也
至百丈大師立律條以約多人此清規創初
所由立也自此凡天下叢林皆有禪堂以行

卷二

十七

清規名爲十方常住雖千萬指如一人之身
頭目手足之相須耳惟曹溪禪堂自六祖之
後今千年矣久而遂廢凡本寺僧徒分煙散
火居止不一而清規不行即十方衲子禮祖
而至者茫然無歸雖有祖庭之設無復清修
之業甚至不異編氓豈禪源根本之地焉老
人蒙恩度嶺承當道護法盛心不忍祖庭之
零落命寺僧延予以整理之予至則苦心一
志以中興祖道爲心除修殿宇乃清寶林舊
址僧房填塞遂捐資別買空地移僧房七所
闢成一區復立內禪堂一座以安常住僧衆
立外堂一座接納十方往來除常住香燈外
別捐已資贖紫筍莊田山園地土以爲供贍
名爲十方常住安居既就四事既周恐居是
堂者不能律身進道及堂中主者不諳古德

清規事有差舛言行乖違有壞法門不唯有
辜創立之心實負龍天護法之意凡日用事
宜略設條例如左賓主各宜遵守以圖永久
光揚祖道庶使法門不墜道業可成老人仰
續六祖如綫之脈亦稍據其本願矣凡我弟
子務宜守之慎勿輕忽

一佛說常住有二種一常住常住即今之寺
立住持以主之稱曰長老爲一寺領袖一十
方常住即今之禪堂立堂主以主之爲十方
領袖故居是堂者無論內外皆稱十方以發
心修行志超方外非世俗比也其清規禮法
如住持例但住持與衆僧有上下之分若主
禪堂法食均等者則有師資之分稱曰堂頭
如今之少林若但掌禪堂事務稱曰堂主與
衆有賓主之分即今之諸方凡在堂之僧日

素二

十八

用助道四事因緣皆實賴之叢林一切大小
事務皆仗荷之衆皆拱手而已非細事也是
須遞相恭敬內外和合以道爲懷勿妄生議
論以求過端所處禮法清規自有定例務安
分守成勿妄增減

一禪堂之設不輕堂主之任甚重以十方眼
目指矚一人直須言行端潔以副衆望故居
是任者務秉慈悲心廣大心軟和心忍辱心
謙下心以菩薩修行心如橋梁如大地方堪
荷負衆生乃稱妙行故凡日用飲食與衆同
甘苦不得私自偏衆滴水莖菜以衆爲心不
得專任己意以取譏謗衆僧有過當白堂中
板首宛言方便處之不得遽出暴言麤語任
情呵責不得苛刻佃民以招怨謗凡一應執
事務要斟酌賢否不得妄用匪人常住錢穀

當撙節浮費不得過用若係當用宜與板首預先商確可否查書記簿明開支銷不得專任已意

一堂中歲計即常住租課每年不足三分之一

一所欠甚多並無實法但憑大眾修行以感

素三

十九

龍天外護俱在堂主一肩募化萬一不足大眾只宜同甘淡薄不得過求豐美妄貸債負以累常住

一作務行人苦心勞力終歲辛勤冬夏二季必須量給單布以助道心但常住歲計不足實難定規是在堂主多方設處否則不能以安行人其堂中在單僧眾理宜均等但力所不及勢難措辦貸則返累常住難以持久若就八月會中緣難一定抑恐預有借辦當即填還今照所有施利先除還所負餘則斟酌

多寡量散堂中以助道緣難為定例若更有餘者存貯以實常住不致空虛庶可持久儻有施主專意布施隨所發心不屬常例

一堂中歲計全在八月會中施主齊集所有齋僧布施米則入庫其有銀兩當立櫃一具簿一扇書記請公正一人同掌其有折米銀兩即當據實賬同登簿不得移作本色乾沒其辦齋銀兩亦登入簿儲積日逐當眾支用書記別登支銷簿以備稽查堂主不得私自出入其有念經拜懺銀兩亦登入簿以待會罷通融散眾堂中不得執為己有以在道場內外一力故不得專若外有送茶果之資係堂主者堂主自收入已有送堂中者及榜疏佛事等項是在堂中專執施主專心則聽公取如越例而爭者準清規例據其所淨照數

倍罰辦齋一供如不遵者不共住

一堂中坐單僧衆俱係作養本寺僧徒離居不遠切近親朋但恐熟處難忘不得時常託故回房縱意妄爲飲酒博奕遊蕩嬉戲或酣醉到堂觸穢神明輕欺禮法犯者堂主白板首重者不共住輕者當衆罰跪香一炷懺悔改過若不遵者亦不共住

一在堂僧衆皆老人作養以光祖道唯以修行爲心各宜謹守戒法調練三業制伏過非勿使造業不得聚首妄生議論蠱惑正人以啓事端或勾引匪人破壞常住盜取什物違者與犯者同坐

一堂中一切事務及歲計周支俱在堂主一力擔荷以一人而肩衆事誠難一一恰好儻有差失大衆亦當體亮念其勞苦不得求全

業二

干

責備妄指過端以生別議若果有過差當會同板首就方丈中茶話歎叙諫正不得遽發麤言以傷道體

一凡十方遠到衲子俱在外堂且過寮安歇必須入堂問訊板首即當領衆回禮叙謝知賓歎茶不得坐慢取罪十方若是知識法師及高賢衲子即白堂主當延入內堂寢室安居或經冬夏務盡心恭敬供養大衆朝夕咨請法要不得輕慢以增罪過若在且過寮借歇三五日者其齋食皆出內庫堂主務要時常經心檢點勿使缺乏當立寮主以司接納

業三

干

若內堂遇有辦齋次堂亦當普請

一禪堂事務至簡租課只就板首催取或堂主親徵故執事不必多立但知客一人必不可少以應答往來賓客接待十方衲子此職

務在得人如缺其人即以堂中直日僧代管
客至必須款留待茶若施主專至者必白堂
主禮待勿退信心若十方衲子亦須辯白賢
愚勿輕去留

一叢林公務有事不分內外一例普請此天
下古今之通規也今本山道糧則施主親齋
莊租則佃民自送打柴則行人入山此外無
多勞役唯有溪邊運柴園中料理蔬菜而已
如遇普請堂中止留直日一人看堂其餘齊
赴不得躲避違者罰跪香一炷

一天下禪林無論內外法屬同體而在堂者
賴行人以助道業行人施力用以資修行其
實勞者居多非道心堅固者不能久甘苦行
大段非世俗役使者比也凡係常住公務而
禪堂板首領眾指點作爲一一皆聽不許抗

違若各人私事非係熱情不得私自驅用即
有務下行人叢雜或致喧爭及過費食物或
偏眾飲食犯種種過者先有典座聽其約束
如不和合聽堂主處分照清規例去留任理
堂中儻見有過者亦當白堂主治之不許徑
自羸言辱詈以致諍論以行人可否皆堂主
通達其情非一偏可據故其莊民非公事不
得擅用

一安務下行人專在堂主檢點安留堂中不
得私情強留親友恐有不法破壞常住以累
舉者事發有犯連坐

一在堂皆係作養本寺僧徒今見叢林有緒
規模可觀或有本寺後進之徒素無德行不
服受業師長教訓希圖安閒快意假以入堂
爲名者決不許入或已入堂不守清規戒律

任情狂爲不隨衆禮誦專一養頰或不時在外仍行飲酒茹葷全無慚愧只託虛名不務實行攬羣亂衆者堂中板首悅衆請堂主同白住持頭首即遣出堂不許久留以傷衆德如不遵者住持當以法治慎勿徇情養成後

素三

主三

害

一天下叢林自有百丈清規永爲成法但本山禪堂名雖十方非諸方比也以老人入山之初切念祖道衰微僧失本業老人志在中興以人材爲本故始捐束修以教習沙彌及披剃則建禪堂以教修行捐衣資以置供贍種種苦心作養無非上爲六祖以續道脈下接十方以光叢林今奈老人薄德不能以滿本願中道棄置而去則立十方堂主以代老人之勞但一應所用欠缺尚多堂主縱體老

素三

主三

人之心願亦無老人之道力恐有缺漏不能

周至本寺頭首執事耆舊大眾各宜體亮當

念祖庭無禪堂不足稱道場無堂主不能接

十方保多衆若屬本寺未免徇俗則不久而

廢是故本山與堂主有賓主之義各當以道

爲懷賓主各盡其禮不得任情苛責以傷和

合則有壞叢林以負老人建立之意獲罪六

祖取譴龍天是當謹戒

右上條件甚多不能備悉即此所列事宜雖

非古規乃切救時弊就此寶林道場苟能一

一遵而行之則祖道之興在此舉矣幸勿視

爲尋常輕而忽之有負建立之心也凡在堂

者各宜勉之

萬曆四十一年十一月十二日中興曹溪寶

林禪堂慈山老人德清書於十方常住

憨大師曹溪中興錄序

歲庚子余備兵南韶念曹溪末法之湮而佛界之幾爲塵闌也悉逐諸屠酤亡賴及所畜雞豚鴈鶩之屬戒僧徒永斷酒肉即客至爨茗或飯蔬食庶幾稱清淨道場以無爲肉身菩薩恩造累劫呵鼻惡業諸僧徒始而凜凜既乃讚歎踊躍若出湯火而沃以清泠語具余粵遊草中是時憨山大師方演法五羊遠返緇素仰若龍象余將以入賀萬壽行慮諸僧徒業習難洗末法且終就湮敦請大師來主是山余從五羊面叩之謂寶林一片地千古一大事因緣非師孰與肩任師唯唯送余及靈洲而別迄今辛酉余復以籌海之命入粵過寶林荏苒二十餘年真屈伸臂頃而師之去寶林且八年所矣睹所更建條布犁然

素

五

肅穆僧徒皆循循披緇諷唄視昔犢鼻荷鋤耐飽目不識之無字已恍若奪胎蛻骨在三生前者其跂慕師而冀旦夕復來不啻赤子之慕慈母因索余數行走匡廬強要師無何余蒙聖恩召還陪都歸舟薄清溪未及曹溪者三舍寺僧以師尺一并所纂曹溪實錄來發函而首以夢幻泡影語相質蓋深有感於塵世去來離合之無常也及繙閱實錄則種種皆有爲法夫既云入妄想中種種皆幻則寶林曹溪亦幻即梵宇遺蛻衣盃等當無不幻焉用此科條森列米鹽纖細以煩僧徒且實錄中不以常住法爲僧徒律今乎一切有爲皆常住法而所云夢幻泡影則不住法也夫有常住而後可以不住有不住而後可以常住常不住有常住常不住而後可以無住

無不住惟常住而諸夢幻空不礙有惟常不住而後諸法有不礙空諸僧徒由不敢侮法入不泥法斯於我師所纂實錄所譚夢幻與所感去來離合空有相攝而不相礙是即佛祖本來之旨亦古德無盡之旨余且與師向

業二

十五

夢幻泡影中權住幾劫更作商量師其亟為

一轉語報余

天啓壬戌孟秋南京光祿寺少卿西浙祝以

函撰

憨山大師夢遊全集卷第五十二

音釋

殆

蕭海切

嚮

幸與切

辜

古乎切

憩

音契

蝟

烏胃切

行貌

攄

抽居切

擗

祖本切

抑也

曲

恩

胡困切

舒

舒九切

慈山大師夢遊全集卷第五十三 素三

侍者福善日錄 門人通炯編輯

慈山老人自序年譜實錄上

世宗肅皇帝嘉靖二十五年丙午

子姓蔡氏父彥高母洪氏生平愛奉觀音

素三

大士初夢大士攜童子入門母接而抱之

遂有娠及誕白衣重胞是年十月己亥十

二日丙申巳丑時生也

二十六年丁未

子周歲風疾作幾死母禱大士遂許捨出

家寄名於邑之長壽寺遂易乳名和尚

二十七年戊申

子三歲常獨坐不喜與兒戲祖父常謂曰

此兒如木椿

二十八年己酉

二十九年庚戌

三十年辛亥

三十一年壬子

子年七歲叔父鍾愛之父母送予入社學

一日叔父死停於牀子歸母給之曰汝叔

睡可呼起乃呼數聲嬸母感痛乃哭曰天

耶那裏去也予愕然疑之問母曰叔身在

此又往何處耶母曰汝叔死矣予曰死向

甚麼處去遂切疑之未幾次嬸母舉一子

母往視子隨之見嬰兒如許大乃問母曰

此兒從何得入嬸母腹中耶母拍一掌云

癡子你從何入你娘腹中耶又切疑之由

是死去生來之疑不能解於懷矣

三十二年癸丑

子八歲讀書寄食於隔河之親家母誠不

許回但經月歸一次一日回戀母不肯去
母怒鞭之趕於河邊不肯登舟母怒提頂
髻拋於河中不顧而回於時祖母見之急
呼救起送至家母曰此不才兒不滄殺留
之何爲又打逐略無留念予是時私謂母
心狠自是不思家母常隔河流淚祖母罵
之母曰固當絕其愛乃能讀書耳

三十三年甲寅

予九歲讀書於寺中聞僧念觀音經能救
世間苦心大喜因問僧求其本潛讀之即
能誦母奉觀音大士每燒香禮拜予必隨
之一日謂母曰觀音菩薩有經一卷母曰
不知也予即爲母誦一過母大喜曰汝何
從得此耶誦經聲亦似老和尚

三十四年乙卯

予十歲母督課甚嚴苦之因問母曰讀書
何爲母曰做官予曰做何等官母曰從小
做起有能可至宰相予曰做了宰相却何
如母曰罷予曰可惜一生辛苦到頭罷了
做他何用我想只該做箇不罷的母曰似

你不才子只可做箇挂搭僧予曰何爲

挂搭僧有甚好處母曰僧是佛弟子行徧
天下自由自在隨處有供予曰做這箇恰
好母曰只恐汝無此福耳予曰何以要福
母曰世上做狀元常有出家做佛祖豈常
有耶予曰我有此福恐母不能捨耳母曰
汝若有此福我即能捨私識之

三十五年丙辰

予十一歲偶見行脚僧數人肩擔瓢笠而
來予問母此何人耶母曰挂搭僧也予私

喜視之僧至放擔倚樹乃問訊化齋母曰請坐急烹茶具齋飯甚恭敬食罷衆僧起即荷擔隻手一舉母急避之曰勿謝僧徑去予曰僧何無禮飯齋不謝母曰謝則無福矣予私曰是僧之所以高也切念之遂發出家之志苦無方便路耳

二十六年丁巳

予年十二讀書通文義鄉族咸愛重之居常不樂俗父爲定親立止之一日聞京僧言報恩西林大和尚有大德予心即欲往從之白父父不聽白母母曰養子從其志第聽其成就耳乃送之是歲十月至寺太師翁一見喜曰此兒骨氣不凡若爲一俗僧可惜也我第延師教讀書看其成就何如時無極大師初開講於寺之三藏殿祖

翁攜往謁適趙大洲在一見喜曰此兒當爲人天師也乃撫之問曰汝愛做官要作佛予應聲曰要作佛趙公曰此兒不可輕視當善教之及聽講雖不知言何事然心憤憤若有知而不能達者時雪浪思兄長予一歲先一年依大師出家見予相視而嘻時人以爲同胞云江南開講佛法自無極大師始少年入佛法者自雪浪始

三十七年戊午

予十三歲初太師祖擇諸孫有學行者俊

壹

公爲予師先授法華經四月成誦

三十八年己未

予年十四流通諸經皆能誦太師翁曰此兒可教不可誤之也遂延師能文者教之

三十九年庚申

予年十五太師翁乃請先生教習舉子業
初即試其可教乃令四書一齊讀是年多
病

四十年辛酉

予年十六是歲四書完皆之首尾不遺一
字

四十一年壬戌

丁年十七是歲講四書讀易并時藝及古
文辭詩賦即能詩述文一時童子推無過
者

四十二年癸亥

予年十八時督學使者專講道學以童生
為誦童動隨數十逐隊而誦亦有因之而
倖進者予大恥之遂欲棄所業是歲以病
辭不入館

卷三

五

四十三年甲子

予年十九同會諸友皆取捷有勸予往試
者時雲谷大師正法眼也住栖霞山中太
師翁久供養往來必款留旬月予執侍甚
勤適雲大師出山聞有勸予之言恐有去
意大師力開示出世叅禪悟明心地之妙
歷數傳燈諸祖及高僧傳命予取看予檢
書笥得中峰廣錄讀之未終軸乃大快歎
曰此予心之所悅也遂決志做出世事即
請祖翁披剃盡焚棄所習專意叅究一事
未得其要乃專心念佛日夜不斷未幾一
夕夢中見阿彌陀佛現身立於空中當日
落處睹其面目光相了了分明予接足禮
哀戀無已復願見觀音勢至二菩薩即現
半身自此時時三聖炳然在目自信修行

可辨也是年冬本寺禪堂建道場請無極
大師講華嚴玄談予即從受具戒隨聽講
至十玄門海印森羅常住處恍然了悟法
界圓融無盡之旨切慕清涼之爲人因自
命其字曰澄印請正大師曰汝志入此法
門耶因見清涼山有冬積堅冰夏仍飛雪
曾無炎暑故號清涼之語自此行住冰雪
之境居然在目矢志願住其中凡事無一
可心者離世之念無刻忘之矣

四十四年乙丑

予年二十是歲正月十六日太師翁入寂
師翁於前年除日畢集諸眷屬曰吾年八
十有三旦暮行矣我度弟子八十餘人無
一持我業者乃撫予背曰此子我望其成
人今不能矣是雖年幼有老成之見我死

素三

六

後房門大小事皆取決之勿以小而易之
也衆唏噓受命新歲七日師翁具衣徧巡
察各辭別衆咸訝之又三日即屬後事示
微疾舉藥不肯進乃曰吾行矣藥奚爲乃
集衆念佛五晝夜手提念珠予擁於懷端
然而逝以師翁生平持金剛經臨終亦不
輟也太師翁爲報恩官住三十年居方丈
及入滅至三月十八日而方丈火衆皆歎
異是年冬十月雲谷大師建禪期於天界
集海內名德五十三人開坐禪法門大師
極力拔予往從少師翁聽之乃得預會初
不知用心之訣甚苦之乃拈香請益大師
開示審實念佛公案從此叅究一念不移
三月之內如在夢中了不見有大衆亦不
知有日用事一衆皆以予爲有志初不數

日以用心太急忽發背疽紅腫甚巨大師甚難之予搭袈裟哀切懇禱於韋馱前曰此必冤業索命債耳願誦華嚴經十部告假三月以完禪期後當償之至後夜倦極上禪牀則熟睡開靜亦不知及起則忘之

素三

七

矣天明大師問恙何如予曰無恙也及視之已平復矣一衆驚歎是故得完一期及出亦如未離禪座時即行市中如不見一人時皆以爲異江南從來不知禪而開創禪道自雲谷大師始少年僧之習禪者獨予一人時寺僧服飾皆從俗多豔色予盡棄所習衣服獨覓一衲被之見者以爲怪四十五年丙寅

子年二十一自禪期出是年二月十八日午時大雨如傾盆忽大雷自塔而下火發

於塔殿不移時大殿焚至申酉時則各殿畫廊一百四十餘間悉爲煨燼時予少祖爲住持及奏聞旨下法司連逮同事者十八人合寺僧恐株連各各逃避而寺執事僧無可與計事者予挺身力揀躬負鹽菜送獄中以供之寺至刑部相去二十里往來不倦者三月且多方調護諸在事者竟免死時與雪浪思公俱決興復之志且曰此大事因緣非具大福德智慧者未易也你我當拼命修行以待時可也是時即發遠遊志頃之少祖尋入滅太祖之房門無支持者先是太師翁入滅無儲畜喪事皆取貸不資故多欠負即析居知必不能保予思太師翁遺命乃設法盡償其負貸餘者分諸弟子各執業房門竟以存是年冬

從無極大師聽法華經於天界寺因志遠
 遊每察方僧求可以為侶者久之竟未得
 一日見後架精潔思淨頭必非常人乃訪
 之及見特一黃腫病僧每早起事已悉辦
 不知何時洒掃也予故不寐竊經行廊下
 偵之當衆方放參時即已收拾畢矣又數
 日見不潔乃不見其人問之執事曰淨頭
 病於客房也予往視其狀不堪問曰師安
 否曰業障身病已難支饒病更難當予問
 何故曰每見行齋食恨不俱放下予笑曰
 此久病思食耳是知其人真因料理果餅
 袖往視之問其號曰妙峰為蒲州人予即
 相期結伴同遊後數日再視之則不見予
 心知其人恐以予累故潛行耳

隆慶改元丁卯

卷三

予年二十二特舉虛谷忠公為寺住持以
 救頹頹比為回祿事常住負貸將千金皆
 經予手衆計無所處予設法定限三年盡
 償之是年奉部檄本寺設義學教僧徒請
 予為教師授業行童一百五十餘人予因
 是復視左史諸子古文辭

二年戊辰

予年二十三 是年謝館事復館於高座以
 房門之累然也

三年己巳

予年二十四 是年金山聘館居一年

四年庚午

予年二十五 是年仍應金山聘

五年辛未

予年二十六 予以本寺回祿決興復之志

卷三

九

將修行以養道待時是年遂欲遠遊始同
雪浪恩兄遊廬山至南康聞山多虎亂不
敢登遂乘風至吉安遊青原見寺廢僧皆
蒼髮慨然有興復之志乃言於當道選年
四十以下者盡剃之得四十餘人夏自青
原歸料理本師業安頓得宜冬十一月即
一鉢遠遊將北行時雪浪止予恐不能禁
苦寒姑從吳越多佳山水可遊目耳予曰
吾人習氣戀戀軟煖必至不可施之地乃
易制也若吳越枕席間耳遂一鉢長往

六年壬申

予年二十七初至揚州大雪阻之且病之
久之乞食於市不能入門自忖何故急自
省曰以腰纏少有銀二錢可恃耳乃見雪
中僧道行乞不得者即盡邀於飲店以銀

投之一餐而畢明日上街入一二門乃能
呼遂得食因自喜曰吾力足輕萬鍾矣銘
其鉢曰輕萬鍾之具銘其袖曰輕天下之
具乃爲之銘曰爾委我以形我託爾以心
然一身固因之而足萬物實以之而輕方
將曳長風之袖披白雲之襟其舉也若鴻
鵠之翼其逸也若潛龍之鱗逍遙宇宙去
住山林又奚術夫朱紫之麗唯取尚乎霜
雪之所不能侵是年秋七月至京師無投
足之地行乞竟日不能得日暮至西太平
倉茶筋僅一餐投宿河漕遺教寺明日左
司馬汪公伯玉知予至乃邀之以與次公
仲淹爲社友故耳因得寓所旬日即謁摩
訶忠法師隨往西山聽妙宗鈔有西山懷
恩兄詩期罷摩訶留過冬聽法華唯識請

安法師爲說因明三支比量十一月妙峰
師訪予至師長鬚髮衣褐衣先報云有鹽
客相訪及入門師即問還認得麼予熟視
之見師兩目忽記爲昔天界疇淨頭也乃
曰認得師曰改頭換面了也予曰本來面

素三

十

目自在相與一笑不暇言其他第問所寓
曰龍華明日過訊夜坐乃問其狀何以如
此師曰以久住山故髮長未翦適以檀越
山陰殿下修一梵宇命請內藏故來耳問
予狀乃曰特來尋師且以觀光輦轂一叅
知識以絕他日妄想耳師曰別來無時不
思念將謂無緣今幸來某願伴行乞爲前
驅打狗耳竟夕之談遲明一笑而別即往
叅徧融大師禮拜乞和尚指示師無語唯
直視之而已叅笑巖師師問何處來予曰

素三

十一

南方來師日記得來時路否曰一過便休
師曰子却來處分明子作禮侍立請益師
開示向上數語而別

萬曆元年癸酉

子年二十八春正月往遊五臺先求清涼
傳按跡遊之至北臺見有愁山因問其山
何在僧指之果奇秀默取爲號詩以志之
有遮莫從人去聊將此息機之句以不禁
冰雪苦寒遂不能留復入京東遊行乞至
盤山於千象峪石室見一僧不語予亦不
問即相與拾薪汲水行乞汪司馬以書訪
之曰恐公作東郊餓夫也及秋復入京以
嶺南歐楨伯先數年未面寄書今爲國博
急欲見子故歸耳

二年甲戌

子年二十九春遊京西山當代名士若二
王二汪及南海歐楨伯一時俱集都下
一日訪王長公鳳洲相見以子少年易之子
傲然賓主公即諄諄教以作詩法子矐目
視之竟無一言而別公不懌乃對次公麟
洲言之明日次公來訪一見即曰夜來家
兄失却一隻眼予曰公具隻眼否公拱曰
小子相見了也相與大笑歸謂其兄曰阿
哥輸却維摩了也因以詩贈予有可知王
逸少名理讓支公之句一日汪次公與予
同居看左傳因謂予曰公天資特異大有
文章氣概家伯子當代文宗也何不執業
以成一家之名乎予笑而唾曰留取老兄
膝頭他日拜老僧受西來意也次公大不
悅歸告司馬公公曰信哉予觀印公道骨

畫三

十二

他日當入大慧中峰之室是肯以區區文
字爲哉第恐浮遊爲誤耳見子與次公扇
頭詩有身世蜩雙翼乾坤馬一毛之句乃
示次公曰此豈文字僧耶他日特設齋請
子與妙師同坐公謂予曰禪門寥落大可
憂小子切念之觀公器度將來成就不小
何以浪遊爲予曰貧道特爲大事因緣叅
訪知識今第遊目當代人物以了他日妄
想耳非浪遊也且將行矣公曰信然予觀
方今無可爲公之師者若無妙峰則無友
矣予曰昔已物色於衆中曾結同叅之盟
故北來相尋不意偶遇於此公曰異哉二
公若果行小子願津之時妙師取藏經回
司馬公因送勘合二道又爲文以送予一
日公連予至問曰妙峰行矣公何不見別

子曰姑徐行公曰予知公不欲隨人脚跟轉耳殊大不然古人不羞小節而恥功名不顯於天下但願公他日做出法門一段光明事業又何以區區較去就哉予感而拜謝遂決行即往視妙師已載乘矣見予

孝三

十三

至問曰師行乎曰行矣即登車未別一人而去秋八月渡孟津見武王觀兵處有詩弔之曰片石荒碑倚岸頭當年曾此會諸侯王綱直使同天地應共黃河不斷流過夷齊扣馬地弔曰秦國遺榮意已深空餘古廟柏森森首陽山色清如許猶是當年扣馬心遂入少林謁初祖時大千潤宗師初入院予訪之未遇出山觀洛陽古城焚經臺白馬寺即追妙師九月至河東會山陰至遂留結冬時太守陳公延妙師及予

意甚勤爲刻肇論中吳集解子校閱向於不遷論旋嵐偃岳之旨不明切懷疑久矣今及之猶罔然至梵志自幼出家白首而歸鄰人見之曰昔人猶在耶志曰吾似昔人非昔人也恍然了悟曰信乎諸法本無去來也即下禪牀禮佛則無起動相揭簾立階前忽風吹庭樹飛葉滿空則了無動相曰此旋嵐偃岳而長靜也至後出遺則了無流相曰此江河競注而不流也於是去來生死之疑從此冰釋乃有偈曰死生晝夜水流花謝今日乃知鼻孔向下明日妙師相見喜曰師何所得耶予曰夜來覓河邊兩箇鐵牛相鬪入水去也至今絕消息師笑曰且喜有住山本錢矣未幾山陰請牛山法光禪師至予久慕之相見喜得

坐叅也與語機相契請益開示以離心意
識叅出凡聖路學深得其旨每見師談論
出聲如天鼓音是時予知悟明心地者出
詞吐氣果別也深服膺其人一日袋中搜
得子詩讀之歎曰此等佳句何自而得耶
十三
復笑曰佳則佳矣那一竅欠通在予曰和
尚那一竅通否師曰三十年拿龍捉虎今
日草中走出兔子來下一跳予曰和尚不
是拿龍捉虎手師拈拄杖才要打予即把
住以手捋其鬚曰說是兔子恰是蝦蟇師
一笑休去師一日曰公不必他往願同老
伏牛是所望也予曰觀師佛法機辯不減
大慧見居常似有風顛態吟哦手口無停
時謂何師曰此我禪病也初發悟時偈語
如流日夜不絕自是不能止遂成病耳予

曰此病初發時何以治之師曰此病一發
若自看不破須得大手眼人痛打一頓令
其熟睡覺時則自然消滅矣我初恨其無
毒手耳歲暮師知予新正即往五臺乃以
詩送之有雲中獅子騎來看洞裏潛龍放
去休之句問曰公知否予曰不知師曰要
公不可捉死蛇耳予領之向來禪道久無
師匠及見光師始知有宗門作略山陰國
主問予二親在乃贈二百金爲終養資予
謝曰貧道初行脚自救不了又安敢累二
十三
親乎因讓致光師
十五
三年乙亥
予年三十正月自河東同妙師上五臺過
平陽師之故鄉也師以少貧值歲饑父母
死葬無殮具至是山陰與一二當道助之

子爲卜高敞地爲合葬作墓誌師俗姓續居平陽東郭蓋春秋續鞠居之後也太守胡公號順菴東萊人聞予至寓城外欲一見不可得及予行公送郵符予曰道人行脚有草屨耳焉用此公益重及予行公後追之至靈石乃見同至會城留語數日差役送至臺山於二月望日寓塔院寺大方主人爲卜居北臺之龍門最幽峻處也以三月三日於雪堆中撥出老屋數椽以居之時見萬山水雪儼然夙慕之境身心洒然如入極樂國未幾妙峰往遊夜臺予獨住此單提一念人來不語目之而已久之視人如杌直至一字不識之地初以大風時作萬竅怒號冰消澗水衝激奔騰如雷靜中聞有聲如千軍萬馬出兵之狀甚以

爲喧擾因問妙師師曰境自心生非從外來聞古人云三十年聞水聲不轉意根當證觀音圓通溪上有獨木橋予日日坐立其上初則水聲宛然久之動念即聞不動即不聞一日坐橋上忽然忘身則音聲寂然自此衆響皆寂不復爲擾矣予日食麥蕪和野菜以合米爲飲湯送之初人送米三斗半載尚有餘一日粥罷經行忽立定不見身心唯一大光明藏圓滿湛寂如大圓鏡山河大地影現其中及覺則朗然自覓身心了不可得即說偈曰瞥然一念狂心歇內外根塵俱洞徹翻身觸破太虛空萬象森羅從起滅自此內外湛然無復音聲色相爲障礙從前疑會當下頓消及視釜已生塵矣以獨一無侶故不知久近耳

臺

十六

是年夏雪浪兄北來看予至臺山不禁其
淒楚信宿而別冬結一板屋以居

四年丙子

予年三十一春三月蓮池大師遊五臺過
訪留數日夜對談心甚契是年予發悟後
無人請益乃展楞嚴印證初未聞講此經
全不解義故今但以現量照之少起心識
即不容思量如是者八閱月則全經旨趣
了然無疑秋七月平陽太守胡公轉鴈乎
兵備入山相訪靜室中唯餐燕麥餌餽野
菜齏耳時下方正酷熱驟從到澗中敲冰
嚼之公見曰別是一世界也吾到此世念
如此冰耳是年冬十月塔院主人大方被
誣訟本道擬配遞還俗叢林幾廢廬山徹
空禪師來與予同居適見其事大苦之予

素三

十七

曰無傷也遂躬謁胡公冒大雪往及見胡
公欣然曰正思山中大雪難禁已作書遣
迎師適來誠所感也然竟解釋主人道場
以全固留過冬朝夕問道爲說緒言開府
高公移鎮代郡聞予在署中乃謂胡公云
家有園亭多題詠欲求高人一詩胡公諾
之對予言予曰我胸中無一字焉能爲詩
乎力拒之胡公乃取古今詩集置几上發
予詩思予偶揭之方構思忽機一動則詩
句迅速不可遏捺胡公出堂回則已落筆
二三十首矣予忽覺之曰此文字習氣魔
也即止之取一首以塞自然機不可止不
覺從前所習詩書辭賦凡曾入目者一時
現前逼塞虛空即通身是口亦不能盡吐
更不知何爲我之身心也默之自視將欲

飛舉之狀無奈之何明見胡公送高公去
子獨坐思之曰此正法光禪師所謂禪病
也今在此中誰能爲我治之者無已獨有
熟睡可消遂閉門強臥初甚不能久之坐
忘如睡童子敲門不開推之不應胡公歸
亟問之乃令破窻入見子擁衲端坐呼之
不應撼之不動先是書室中設佛供案有
擊子胡公拈之問曰此物何用予曰西域
僧入定不能覺以此鳴之即覺矣公忽憶
之曰師入定耶疾取擊子耳邊鳴數十聲
子始微微醒覺開眼視之則不知身在何
處也公曰我行師即閉門坐今五日矣予
曰不知也第一息耳言畢默坐諦觀竟不
知此是何所亦不知從何入來及回觀山
中及一往行脚一一皆夢中事耳求之而

盡

十八

不得則向之徧空擾擾者如雨散雲收長
空若洗皆寂然了無影像矣心空境寂其
樂無喻乃曰靜極光通達寂照合虛空却
來觀世間猶如夢中事佛語真不吾欺也
歲暮擬新正還山乃爲胡公言臺山林木
苦被姦商砍伐菩薩道場將童童不毛矣
公爲具疏題請大禁之自後國家修建諸
刹皆仗所禁之林木否則無所取材矣

五年丁丑

予三十二歲春自鴈門歸因思父母罔極
之恩且念於法多障因見南岳思大師發
願文遂發心刺血泥金寫大方廣佛華嚴
經一部上結般若勝緣下酬罔極之恩以
是年春創意先是慈聖聖母以保國選僧
誦經子僭列名至是上聞書經即賜金紙

以助明年四月書經起徹空師遊匡山有
詩十首送之

六年戊寅

予年三十三刻意書經無論點畫八小每
落一筆念佛一聲遊山僧俗至者必令行

卷三

十九

者通說予雖手不輟書然不失應對凡問
訊者必與談數語其高人故舊必延坐禪
牀對談不失亦不妨書對本臨之亦不錯
落每日如常略無一毫動靜之相鄰近諸
老宿竊以爲異率數衆來驗故意攪擾及

書罷讀之良信因問妙師曰印師何能如
此耶妙師曰吾友入此三昧純熟耳予自
住山至書經屢有嘉夢初一夕宿入金剛
窟石門榜大般若寺及入則見廣大如空
殿宇樓閣莊嚴無比正殿中唯大牀座見

清涼大師倚卧牀上妙師侍立於左予急
趨入禮拜立右聞大師開示初入法界圓
融觀境謂佛刹互入主伴交叅往來不動
之相隨說其境即現睹於目前自知身心
交叅涉入示畢妙師問曰此何境界大師
笑曰無境界境界及覺後自見心境融徹
無復疑礙又一夕夢自身履空上昇高高
無極落下則見十方迴無所有唯地平如
鏡琉璃瑩徹遠望唯一廣大樓閣閣量如
空閣中盡世間所有人物事業乃至最小
市井鄙事皆包其中往來無外閣中設一
高座紫赤燄色予心爲金剛寶座其閣莊
嚴妙嚴不可思議予歡喜欲近心中思惟
如何清淨界中有此雜穢耶纔作此念其
閣即遠尋復自思曰淨穢自我心生耳其

閣即近頃之見座前侍列衆僧身最高大
端嚴無比忽有一少年比丘從座後出捧
經一卷而下授子曰和尚即說此經特命
授汝子接之展視乃金書梵字不識也遂
懷之因問和尚爲誰曰彌勒子喜隨比丘

素三

二十

而上至閣陞瞑目斂念而立忽聞磬聲開
目視之則見彌勒已登座矣子即瞻禮仰
視其面是耀紫金色世無可比者禮畢自
念今者特爲我說則我爲當機遂長跪取
卷展之聞其說曰分別是識無分別是智
依識染依智淨染有生死淨無諸佛至此
則身心忽然如夢但聞空中音聲歷歷開
明心地不存一字及覺恍然言猶在耳也
自此識智之分了然心目矣且知所至乃
兜率天彌勒樓高耳又一夕夢僧來報云

北臺頂文殊菩薩設浴請赴隨至則入一
廣大殿堂香氣充滿侍者皆梵僧即引至
浴室解衣入浴見有一人先在池中視之
爲女子也子心惡不欲入其池中人故泚
其形則知爲男也乃入共浴其人以手扞
水澆子從頭而下灌入五內如洗肉桶五
臟一一蕩滌無遺止存一皮如琉璃籠洞
然透徹時則池中人呼茶見一梵僧擎鬪
體半邊如剖瓜狀視之腦髓淋漓心甚厭
之其僧乃以手指剗取示子曰此不淨耶
即入口噉之如是隨取隨噉其甘如飴腦
已食盡唯存血水其池中人曰可與之僧
乃授子子接而飲之其味如甘露也飲而
下透身毛孔一橫流飲畢梵僧搓背大拍
一掌子即覺時則通身汗流如水五內洞

然自此身心如洗輕快無喻矣如是者吉兆居多總之皆與諸聖酬酢常聞佛言常有是好夢

七年己卯

予年三十四是年秋京都建大慈壽寺完初聖母爲薦先帝保聖躬欲於五臺修塔院寺舍利寶塔諭執政以爲臺山去京窻遠遂卜附京吉地建大慈壽寺是年工完覆奏聖母以爲未滿臺山之願諭皇上仍遣內官帶夫匠三千人來山修造是時朝廷初作佛事內官初遣於外恐不能卒業有傷法門予力調護始終無恙

八年庚辰

予年三十五是年特旨天下清丈田糧寸土不遺臺山從來未入版額該縣姦人蒙

蔽欲飛額糧五百石於臺山屢行文查報地土合山叢林靜室無一人可安者自此臺山爲狐窟矣諸山耆舊集白予予安之曰諸師弟無憂緩圖之予於是宛轉設法具白當道竟免清丈未加升合臺山道場遂以全

九年辛巳

予年三十六是年建無遮會初妙師亦刺血書華嚴經與予同願欲建一圓滿道場名無遮會妙師募化錢糧畢集京中請大

書三

十三

德僧五百衆其道場事宜俱備適皇上有旨祈皇嗣遣官於武當聖母遣官於五臺即於本寺予以爲沙門所作一切佛事無非爲國祝釐陰翊皇度今祈皇儲乃爲國之本也莫大於此者願將所營道場事宜

一切盡歸併於求儲一事不可爲區區一己之名也妙師意不解上遣內使亦不解事但以阿附爲心子大不然乃力爭忤之竟從予議頃之江南妖人作難忌者即欲借此中傷以破道場然以爲國求儲之題目竟保全始終無虞是年修塔成予即以金書華嚴經安置塔藏有願文一卷予自募造華藏世界轉輪藏成爲建道場於內應用供具器物齋糧果品一切所需妙師在京若罔知皆予一力經營九十晝夜目不交睫及十月臨期妙師率所請五百餘僧一日畢集內外千人其安居供具茶飯齋食條然不失不亂亦不知所從出觀者莫不駭然初開啓水陸佛事七晝夜予七日之內粒米不糝但飲水而已然應事不

素三

三

缺供諸佛菩薩每日換供五百泉次第不失不知所從來觀者以爲神運子亦自知佛力加被也

十年壬午

予三十七歲是春三月講華嚴玄談百日之內常住上牌一千衆十方雲集僧俗每日不下萬衆一食如坐一堂不雜不亂不聞傳呼剝啄之聲皆予一人指揮餘無措目者智者不知所以然也生平精力蓋竭於此三月會罷盡庫內所餘一應錢糧約可萬計盡行封付本寺主者以爲常住子與妙師一鉢飄然長往矣妙師往蘆芽子以疾往真定障石巖調養作詩一首有削壁摩天應盃日斷崖無路只飛梯之句是年八月皇子生子復之京西中峰寺作重

刻中峰廣錄序結冬水齋於石室

十一年癸未

子年三十八春正月水齋畢然以臺山虛聲謂大名之下難以久居遂蹈東海之上始易號憨山時則不復知有澄印矣始予爲本寺回祿志在興復故修行以約緣然居臺山八年頗有機會恐遠失時故隱居東海此本心也夏四月八日至牢山初妙師別時以予不能獨行乃命法屬德宗爲侍者予初因閱華嚴疏菩薩住處品云東海有處名那羅延窟從昔以來諸菩薩衆於中止住清涼疏云梵語那羅延此云堅牢即東海之牢山也禹貢青州登萊之境今有窟存焉子因慕之遂特訪至牢山果得其處蓋不可居乃探山南之最深處背

卷三

三十四

負衆山面吞大海極爲奇絕信非人間世也地名觀音菴蓋古刹也唯廢基存焉考之乃元初七真出於東方假世祖威福多占佛寺改爲道院及世祖西征回僧奏聞多命恢復唯牢山僻居海上故未及之耳予喜其地幽僻真逃人絕世之所志願居之初掩片席於樹下七閱月後得土人張大心居士爲誅茅結廬以居入山期年人無往來心甚樂也時即墨靈山寺有桂峰法師一方眼目也喜得相與

十二年甲申

子年三十九秋七月聖母以五臺祈嗣之勞訪求主事三人乃大方妙峰與子也二師已至受賜獨訪子不得因力求之乃命舊主人龍華寺住持瑞菴親訪之公知子

在海上乃杖策而至具宣慈旨某懇謝曰
 倘蒙聖恩容老山海受賜多矣又何求其
 他公覆報聖意不已尋卜地建侍於西山
 隨遣內使至期以必往予竟謝不就中使
 回報以居山堅卧之志聖意憐之問無房

畫

二五

舍即發三千金仍遣前使送至以修菴居
 及至予力止之曰我茅屋數椽有餘樂矣
 何用多為使者強之不敢覆命予曰古人
 有矯詔濟饑之事今山東歲凶何不廣聖
 慈於饑民乎乃令僧領來使徧散各府之
 僧道孤老獄囚各取所司印冊繳報聖情
 大悅感歎不已及後予罹難下鎮撫鞠予
 數用內帑金子對以請查內庫支籍上查
 止此濟饑一事餘無一毫上意竟解

十三年乙酉

子年四十東人從來不知僧子居山中則
 黃氏族最大諸子漸漸親近方今所云外
 道羅清者乃山下之城陽人外道生長地
 故其教徧行東方絕不知有三寶子居此
 漸漸攝化久之凡為彼師長者率眾來歸
 自此始知有佛法乃予開創之始也

十四年丙戌

子年四十一是年頒藏經先國初刻藏有
 此方撰述諸經未入藏者今上聖母命補
 入之刻完皇上敕頒十五藏散施天下名
 山首以四部施四邊境東海牢山南海普
 陀西蜀峨嵋北邊蘆芽口聖母以臺山因
 緣且數召予不至賜亦不受乃以藏經一
 部首送東海初未知也及至空山無可安
 頓撫按行所在有司供奉予見有敕命乃

詣京謝恩比蒙聖慈命合眷各出布施修
寺安供請命名曰海印寺予在京聞達觀
禪師訪予於海上即趨歸兼程追之值師
出山尋即同回盤桓兩旬贈予詩有閑來
居海上名誤落山東之句是年冬十一月

予自辛巳以來率多勞動未得寧止故多
疲倦至今禪室初就始得安居身心放下
其樂無喻一夕靜坐夜起見海湛空澄雪
月交光忽然身心世界當下平沉如空華
影落洞然壹大光明藏了無一物即說偈
曰海湛澄空雪月光此中凡聖絕行藏金
剛眼突空華落大地都歸寂滅場即歸室
中取楞嚴印正開卷即見汝身汝心外及
山河虛空大地咸是妙明真心中物則全
經觀境了然心目隨命筆述楞嚴懸鏡一

卷三

二十六

卷燭才半枝已就時禪堂方開靜即喚維
那入室爲予讀之自亦如聞夢語也

十五年丁亥

予年四十二是年修造殿宇始開堂爲衆
說戒自是四方衲子日益至爲居士作心

經真說是年秋胡中丞公請告歸田乃攜
其親之子送出家爲侍者命名福善

十六年戊子

予年四十三時學人讀子楞嚴懸鏡請曰
此經心觀具明第未全消文字恐後學不

書

二十七

易入願字字消歸觀心則莫大之法施也
予始創意述通 已立大旨然猶未屬稿

十七年己丑

予年四十四是年閱藏爲衆講法華經起
信論予自別五臺時有省親之心且恐落

世諦也姑自驗之一夕靜坐忽開眼有偈
曰煙波日日浸寒空魚鳥同遊一鏡中昨
夜忽沈天外月孤明應自混驪龍乃急呼
侍者曰吾今可歸故鄉見二老矣先是爲
報恩寺乞請大藏經一部冬十月至京請
藏上即命送齎行十一月至龍江本寺寶
塔放光連日及迎經之日塔光如橋向北
迎經僧自光中行及安經建道場光相日
日不絕瞻禮者日萬餘人以爲希有之瑞
老母聞予至先遣人候問何日到家予曰
我爲朝廷事非爲家也若老母能相見歡
喜如未別時止可信宿否則我不歸矣老
母聞之曰再生相見歡喜不了那更有悲
一面即可況兩宿耶及予歸老母相見欣
然絕倒予大以爲異及夜坐族中長者問

從船來陸來老母應聲曰何問從船來陸
來問者曰從何處來老母曰從空中來予
驚曰怪得當時老婆子能捨我也因問老
母曰別後想我否母曰安得不想予曰母
何以自遣母曰始而不知旣知爾在五臺
因問師家五臺在何處曰在北斗之下即
令郎住處也我自此夜禮北斗稱菩薩名
則不復想矣今謂你死則不拜亦絕想矣
今見爾乃化身來也予明日祭祖塋爲二
親卜得葬穴時老父已八十予戲曰今日
活埋老子省他日又來也予把鏹斫地老
母奪之曰老婆婆自理入何煩人連斫數
十下三日告別老母歡然如故未嘗感眉
子始知老母非尋常也即墨有黃生納善
字子光者乃今大司公之弟也初予至海

上時年十九歲即歸依請益授以楞嚴二
月成誦從此齋素雖父母責之不異其心
切志叅究脇不至席時予南歸光私念曰
吾生邊地長劫不聞三寶名今幸遇大善
知識爲不請友倘不回吾輩失依怙矣乃

素三

天

對觀音大士破臂然燈供養求大士保予
早歸自後火瘡發痛日夜危坐持觀音大
士名號三月乃愈愈時見瘡痕結一大士
像眉目身衣宛然如畫即其母妻亦未知
也恒求出家予絕不聽乃曰弟子打箇筋
斗來師又何能止我乎是知茂戾車地未
嘗斷佛種也初予以重修本寺志居臺山
事已有機但以動至數十萬計未易言故
待時於海上至是機將熟乃借送大藏因
緣回南都具得本寺始末回覆命具奏聖

素二

元

母且云工大費鉅難輕舉願乞聖母日減
膳羞百兩積之三年事可舉十年工可成
聖情大悅即命於是年十二月儲積始
十八年庚寅

予年四十五是年殿宇成春爲聖母代書
法華經時有鄉宦欲謀道場者乃構方外
黃冠假稱占彼道院聚集多人訟於撫院
開府李公先具悉其事痛恨之下送萊州
府窮治其狀予親聽理力抹之無賴數百
衆作闕於府城有匡人之圍時有隨侍二
人予斥之他往乃獨徐行其中爲首一人
持銅牌有利刃出其鞘鼓舞子前欲殺予
予笑視之曰爾殺人何以自處其人氣索
即收牌刀圍行城外二里許將分路狂衆
疑彼爲首者有利於予即欲毆之子默計

彼衆一鼓則其人危矣奈何乃躊躇將別
 即拉狂首者同至寓處閉門解衣磅礴談
 笑自若取瓜果共噉之時滿市喧云方士
 殺僧矣太守聞之即遣多役並捕之彼衆
 惶懼皆叩首求解免予曰勿懼亦勿辯第
 聽予言何如耳及至太守問曰狂徒殺僧
 耶予曰未也來捕時僧方與彼為首者同
 食瓜果耳守曰何以作闕予曰市喧耳太
 守欲枷彼予曰將欲散之枷則固拘之也
 太守悟乃令地方盡驅之狂衆不三日盡
 行解散由是此事遂寧是歲作觀老莊影
 響論

十九年辛卯

予年四十六歲是年聖母造檀香毘盧佛
 像建大殿是年秋門人黃子光坐脫

二十年壬辰

予年四十七是年秋七月予至京訪達觀
 禪師於上方晉時有琬公慮三災壞劫無
 佛法乃刻石經藏石室其塔院為僧所賣
 師贖之欲得予作記予適至師大喜及見
 即同過石經山乃為作琬公塔院記及重
 藏舍利記并前所作有海印稿時與達師
 相對盤桓四十晝夜為生平之奇

二十一年癸巳

予年四十八是年山東大饑死者載道山
 中所儲齋糧盡分賑近山之民不足又乘
 便舟至遼東糴豆數百石以濟之由是邊
 山四社之民無一饑死者

二十二年甲午

予年四十九是年春三月山東開府鄭崑

崖公八山見訪問法為說方便語冬十月
 入賀聖節至京留過歲請說戒於慈壽寺
 時予以修本寺因緣知聖母儲已厚乃請
 舉事時上以倭犯朝鮮方議往討姑徐徐
 乃寢

慈山大師夢遊全集卷第五十三

音釋

給蕩海切 愕逆各切 趕古早切 滄音掩 訝五駕切
 怪抽庚切 惺音亦 麩芳無切 肩荒故切
 也直視貌 懔悅也 麩麥屑皮也 肩切
 器髑髏 切髑髏首骨也 寫音弔 墊余傾切
 也磅礪 上普郎切 下弼角切

憨山大師夢遊全集卷第五十四 素四

侍者福善日錄 門人通炯編輯

憨山老人自序年譜實錄下

二十三年乙未

子年五十春正月予從京師回海上即罹

難初爲欽頒藏經遣內使四送之其人先

至東海先是上惜財素惡內使以佛事請

用太煩時內庭偶以他故觸聖怒將及聖

母左右大臣危之適內權貴有忌送經使

者欲死之因乘之以發難遂假前方士流

言令東廠番役扮道士擊登聞鼓以進上

覽之大怒下逮以有送經因緣故併及之

予聞報乃謂衆曰佛爲一衆生不捨三途

今東海蔑戾車地素不聞三寶名今予教

化十二年三歲赤子皆知念佛至若捨邪

歸正者比鄉比戶也予願足矣死復何憾

第以重修本寺志未酬可痛心耳乃離即

墨城中士民老小傾城而出涕泣追送足

見人心之感化也及至京奉旨下鎮撫司

打問執事者先受風旨欲盡招追向聖母

所出諸名山施資不下數十萬計苦刑拷

訊予曰某愧爲僧無以報國恩今安惜一

死以傷皇上之大孝乎即曲意妄招網利

奉上意以損綱常殊非臣子所以愛君之

心也其如青史何以死力抵之止招前衆

布施七百餘金上查內支簿及前山東代

賑之冊籍上意遂解由是母子如初及擬

上蒙聖恩矜察坐以私創寺院遣戍雷州

予以是年三月下獄京城諸刹皆爲誦經

禮懺保護衲子中有然香煉臂水齋持咒

以加護之者安肅鄭大司馬範溪公子在金吾素未相識特設燕會在朝縉紳請救以至涕泣訴其無妄一時人心之爲法如此在獄八閱月供饋者唯侍者福善一人冬十月發遣南行朝士大夫多褻服策蹇相送以津濟者出都日福善同衲子二三人隨行十一月至南京江上別老母作母子銘攜孤姪可久往初與達觀師於石經山因思禪門寥落謂曹溪禪源也必源頭壅閉乃志同往以濟之達師先往候於匡山予被難時師正居天池聞報大驚曰慙公已矣則曹溪之願未了也師遂先至曹溪回至聊城聞予將出遂回金陵以待予至則相別於江中旅泊庵中師意欲力爲白其在予曰君父之命臣子之事無異也

况定業乎師幸勿言臨岐把臂曰在天池聞師難即對佛許誦法華經百部以保無虞我之心師之舌也予唯唯謝別師爲作逐客說

二十四年丙申

子年五十一春正月過文江訪鄒南皋給諫廬陵大行王性海禮子江上請注楞伽二月度庾嶺至嶺頭觀惠明奪袈裟處詩弔之有翻思昔日宵行者何似今朝度嶺心因見道路崎嶇行人汗立乃屬一行者立捨茶庵於嶺頭一道者勸修路不數年爲坦途至韶陽入山禮祖飲曹溪水偈曰曹溪滴水自靈源流入滄溟浪拍天多少魚龍從變化源頭一脈尚冷然見祖庭凋弊不堪言遂凄然而去抵五羊囚服見大

將軍將軍爲釋縛欵齋食寓海珠寺大參周海門公率門生數十人過訪坐間周公舉通乎晝夜之道而知發問衆中有一種老道長者答云人人知覺日間應事時是如此知夜間做夢時亦是此知故曰通乎晝夜之道而知周公云大衆也都是這等說我心中未必然乃問予曰老禪師請見教子曰此語出何典公曰易之繫辭公連念幾句予曰此聖人指示人要悟不屬生死的一著周公擊節曰直是老禪師指示親切衆皆罔然再問周公曰死生者晝夜之道也通晝夜則不屬晝夜耳一座歎服先是諸護法者以書通制府大司馬陳公遣郵符津濟三月十日抵雷州著伍寓城西之古寺夏四月一日即開手注楞伽時

歲大饑疫癘橫發經年不雨死傷不可言予如坐尸隄林中以法力加持晏然也時旱井水枯涸唯善侍者相從每夜半候得水一罐以充一日饑夫視之得一滴如天甘露也城之内外積骸暴露秋七月予與孝廉柯時復勸衆收拾埋掩骸骨以萬計乃作濟度道場天即大雨平地水三尺自此厲氣解八月鎮府檄還五羊寓演武場時往來作從軍詩二十首初過電白之苦藤嶺盜之門戶也乃作銘建捨茶庵豫章書丁大參右武以誣謫廣海至素相慕遂莫逆

二十五年丁酉

予年五十二春正月時會城死傷多骸骨暴露予令人收拾埋掩亦數千計乃建普

濟道場七晝夜丁右武身爲之佐先是粵人不知佛自此翕然知歸夏四月楞伽筆記成因諸士子有歸依者未入佛理故著中庸直指以發之初上下見予爲罪僧甚易之軍門陳大司馬如岡法極嚴無敢私

謁者予未往見即遣人候之甚勤是年九月同右武往謁及門投報止之是晚親往拜予於舟攜茶盒坐談漏三下人皆驚異後對諸當道極稱之曰僧中麟鳳也即三司亦諭往拜之自是人皆知僧爲重矣

二十六年戊戌

予年五十三春正月侍御樊公友軒以建儲議謫戍雷州初訪予於五羊時予較楞伽稿公問予雷陽風景何如予拈經卷示之曰此雷陽風景也公歎異即爲疏募刻

素四

五

海門周公任粵臬時問道往來因攝南韶屬修曹溪志粵士子向不知佛適周公闡陽明之學乃集諸子問道於予有龍生璋者聞予議論心異之歸謂其友王生安舜馮生昌曆曰聞北來禪師說法甚奇二子俱來請益予開示以向上事諦信不疑切志參究二生素有德業相率歸依日益衆自是始知有佛法僧矣此後法化大開三生之力也每憶達師許經之願其夏始構禪堂於壘壁間將擬大慧冠巾說法乃集遠來法侶并法性寺菩提樹下諸弟子通岸超逸通炯等數十人誦法華經爲衆講之至現寶塔品恍悟佛意要指娑婆人人目前即華藏也然須三變者特爲劣根漸示一班耳古人以後六品率爲流通亦未

見佛意耳遂著法華擊節右武性急烈負慷慨知敬僧而不知佛法將歸予送之舟中重下鉗錘公翻然大悟乃字之曰覺非居士示之以銘又作澄心銘以警之

二十七年己亥

予年五十四春刻楞伽筆記成爲衆講一過乃印百餘部徧致海內法門知識并護法宰官且令知予處患難中未忘佛事耳粵俗固好殺遇中元皆以殺生祭先至時市積牲如積薪甚慘也予因作盂蘭盆會講孝衡鈔勸是日齋僧放生用蔬祭從者甚衆自後凡喪祭大事父母壽日或祈禳皆拜懺放生齋素未幾則放生會在在有之爲佛法轉化之一機也是年夏五月制府大司馬陳公移鎮會城初下車未拜一

鄉宦乃先遣候予頃之命取食器一百餘件俱最精者門下皆不知何用及設齋請予特出新器人人皆知其所重如此未幾請告歸是年秋推使四出地方自此日多事惠州楊少宰復所公往與予有法門深契久以憂歸今秋乃訪之至之日公已卒於塋所詰朝將入山公靈已至城矣予即往視殮爲求棺槨值潮陽道觀察任公陪直指於惠陽請遊西湖登東坡白鶴峯而歸歸即欲掩關却掃矣

二十八年庚子

予年五十五時權使初出狼戾暴橫官民不堪地方震蕩加以倭警人心惶惶予即散諸弟子閉關絕跡粵人素苦閩海之白艚運米恐騰貴也時以爲亂新軍門閩人

也公子舟次海上適大將軍請告將行稅使正畜意侵之偶有白艚數隻即藉口以大將軍爲公子資行者嗾市民大鬩頃刻聚數千人投磚石打公子舟幾破圍帥府持戈相向甚急時三司府縣皆赴軍門行節禮會城無一正官卒無解救者勢變在呼吸也大將軍危之無已乃命中軍詣子關前求解子甚不可曰無神術也中軍跪泣曰師即不念兵主豈不念地方生靈乎子聞之惕然遂破關往謁稅使者從容勸化開曉其意使者聞子言果悟乃令自行招安以散亂民予先往大言於衆曰諸君今所爲欲食賤米耳今犯大法當取死即有賤米誰食之耶衆聞之愕然頃令至帥府圍即解會城遂以寧父老感子欲尸祝

之時三司正在軍門飯聞報民作亂皆投筋而起及回業已安堵然皆知予之力也觀察任公聞之乃以書抵予曰慈師不出其如地方何慈師既出其如慈師何予亦自知此後無寧日矣是年秋南韶道祝公延予入曹溪予乘輿遂入山爲六祖奴郎新制府戴公知予安亂民深德之意欲一見諭大將軍將子往謁及見禮遇甚優留款齋飯因辭往曹溪公遂願爲護法予是得安心焉

二十九年辛丑

予年五十六春正月予見曹溪四方流棍集於山門開張屠沽穢污之甚積弊百餘年矣墳墓率占祖山僧產多侵之且勾合外棍挾騙寺僧無敢正視者予歎曰此心

腹之疾也苟不去則六祖道場終將化爲
狐窟卒莫可救矣予縱居此何爲哉熟慮
之無已乃徃白制臺戴公公曰無難也予
試爲公力行之即下令本縣坐守限三日
內盡行驅逐不留一人鋪居盡拆不存片

書

八

瓦自此曹溪山門積垢一旦如洗公因留
予齋飯坐談公曰六祖腥羶予爲公洗之
矣目前地方生靈塗炭大菩薩有何慈悲
以救之乎予曰何爲也公曰珠船千艘率
皆海上巨盜今以欽採資之以勢罷採之
日不歸橫行海上劫掠無已法不能禁此
其一也地方開礦採役暴橫掘人之墓破
人之產在在百姓受其毒害甚於劫掠由
是民無安枕矣爲之奈何予曰此未易言
也姑徐圖之採使者李公頗有信心是年

秋至曹溪進香於六祖留山中數日聞法
甚喜予因勸爲重興祖庭布金檀越慨然
力荷之徐密啓之曰開採爲害於地方甚
矣非聖天子意也採船急設約束期往來
過限以罪礦罷開採盡撤其差役第令所

司歲額助解進秋毫無擾於民可乎採使
唯唯力行之由是山海地方一旦遂以寧
公深感之以書謝予曰而今乃知佛祖慈
悲之廣大也以此護法之心益切予因是
得以安心曹溪是年秋開闢祖庭改風水
道路選僧受戒立義學作養沙彌設庫司
清規查租課贖僧產歸侵占一歲之間百
廢具舉

三十年壬寅

予年五十七是年重修祖殿培後龍改路

徑以屠肆爲十方且過寮關神道移僧居
拓禪堂創立規制

二十一年癸卯

子年五十八冬十一月達觀禪師在京師
遭妖書之厄逮下獄訊以爲子之故因此
又及之子心知不克安心以待荷聖恩寬
之京院有通行是年侍者深光出家

三十二年甲辰

子年五十九春正月以達師之故通行至
按院檄子還戍所遂去曹溪往雷州因憶
達師云楞嚴說七趣因果世書無對解者
子曰春秋乃明明因果之書也遂著春秋
左氏心法

三十三年乙巳

子年六十春三月渡瓊海訪東坡桃榔庵

白龍泉求覺範禪師遺跡不可得寓明昌
塔院作春秋左氏心法序遊名山作瓊海
探竒記金粟泉記夜望郡城索然若無人
煙唯城西郭少有生氣子因謂諸士子曰
瓊城將有災急禳之人以爲妄及子渡海
方半月地大震城東壁連門陷城中官舍
盡傾塌明昌塔倒壓子所居樓盡碎子行
時士大夫苦留之子不肯止若不行則亦
爲灰粉矣月夜渡海觀瓊之勝概子以爲
仙都乃十洲之一云夏四月制府檄子回
五羊秋七月至曹溪去時祖殿已拆修造
工未止歸則完者十之六七所負工料將
千金毫無出于化兩內使者施盡償之是
年修五羊長春庵爲曹溪解院爲六祖辨
供之所冬十月侍者廣益廣攝出家

三十四年丙午

予年六十一春三月度嶺至南州候丁右武謝張相國洪陽公以予在難時公居亞相知予之難始末最詳相與一時力救之予心感焉故往謝公欣然道故請予齋於

素四

十

江上之閒雲樓邀諸鄉友陪坐公曰人皆知憨公為僧中一大善知識不知大有社稷陰功也衆聞之悚然問公公言其概一座動色回過文江訪鄒給諫留數日至章貢陳二師將軍留暑中病期月有卧病詩十二首歸曹溪秋八月皇長孫生有恩赦凡在戍老疾及詿誤者俱聽辯明釋放予在例乃往告軍門准行勘復之雷州道勘明應赦按察司類造候題遂開

三十五年丁未

素四

十一

予年六十二春三月予告回籍軍門檄韶州安置曹溪予住山中時得為諸弟子說法是年注道德經成予幼讀老子以文古意幽切究其旨有所得俗弟子請為之注始於壬辰屬意每參究透徹方落筆苟一字有疑而不通者決不輕放因此用功十五年攜於行間至今方完

三十六年戊申

予年六十三議修曹溪大殿春二月馮元成公任嶺西道因訪予入山宿夜夢大士現身有感詰朝殿禮佛至大士前見兩棟摧朽驚謂予曰何不修此予曰工大費多力不及耳問費幾何予應以若干公曰無難也吾試為之歸白制府戴公公曰殆哉見孺子將入井必匍匐往救之况佛菩薩

處此危地不動心非天也乃詰所費即以
予言告公曰猶未也即屬南韶道往勘估
計且令請予面議予往見之公慨然欲獨
爲鼎建予告曰若勞公家之費恐不便苟
依法門故事請以募衆爲之公屬嶺西道
爲疏十二簿三司道府各置一扇隨意施
捨總會於府解歸於一無庸歸僧如此則
不勞而易集公從之环期月而集將千金
予躬往西粵采大木至端州制府留修寶
月臺乃別委官采辦冬寶月臺成予作記
材木俱積於端江之許次第運之冬十一
月初安南賊破欽州戴公請王師遠討因
覈論罷

三十七年巳酉

予年六十四春二月予自端江運木回阻

素

三

風於羚羊峽遊端溪有夢遊端溪記木運
至濛江予回寺方集衆經營衆中一二不
肖者遂作孽抵牾因鼓衆爲亂如叛民予
見而歎曰此予重違佛教乃著相之過也
衆方鼓噪予獨坐堂上焚香誦金剛般若
以前但誦文實不解義至是恍然有悟乃
注金剛決疑稿成衆寂然不肖者不信予
心益危懼遂訟於按院准行司理予是時
即飄然出山聽理船居於芙蓉江上者二
年資斧已竭別駕項公楚東抱關於浚
遼予往江行遭風破舟及至復大病幾死
公延醫力救之及回郡乃卧病於旅邸將
期年

三十八年庚戌

予年六十五是年卧病旅邸秋七月直指

按部至郡訊及予司理聞之方爲理反坐
予罪直指大不然駁之云某有大功於六
祖向所捨爲常住計者今姦僧得利而反
罪之是謂平等法門乎復行本道嚴究之
由是本府親詣山中按僧之所開狀逐款

卷四

三

審之盡妄言無當所誣侵常住八千餘金
予初立常住庫司清規置有號票凡一應
錢穀收支有監寺書記秋毫出八皆執號
票爲據不妄發也至是當官研覈查算以
號票爲準無分毫及予者時上下內外方
信予之不妄也事乃白當道重怒其僧再
三請予留住山中予心已厭倦力辭之寓
五羊之長春庵

三十九年辛亥

予年六十六春三月居端州鼎湖山養疴

初奉赦候題向無按院覆命故延至今復
奉重勅明始注銷聽自便時諸士子相依
請益述大學決疑

四十年壬子

予年六十七居長春庵爲弟子講起信論

八識規矩乃述百法直解以法華擊即文

義聯絡不分學者難會乃著品節

四十一年癸丑

予年六十八居長春庵夏爲諸弟子講圓

覺經方半即發背疽醫不能治幾危大將

軍漢冲王公業爲予治後事粵人梁杏山

者酒人也素以醫瘍名偶至視之曰甚矣

少遲則莫救矣幸安心無傷也乃純采草

藥以敷之隨手奏效猶如弄丸刻期取效

至冬乃痊予爲文以謝之此疽蓋自初坐

禪時所發知是寃債以誦華嚴經告假者
每向於書寫讀誦華嚴則竊發隨禱而止
即至粵中已兩舉不成患在身四十八年
矣初起時偶忘之且不知爲疽遂成大疾
其寃業酬償蓋以身試之不爽也十月疾

十四

十四

愈初與衡陽曾儀部金簡有南岳休老之
盟書以十數未能也今以書來請遂杖策
而往乃去粵初予至粵時法性弟子相從
者數十久之漸零落唯通炯超逸風波患
難疾病相從未離左右今將行皆不捨願
從之炯尚有羈少遲之擔登以從是年十
一月至湖東先是弟子福善攜侍者深光
北歸探親至是不數日亦追至

四十二年甲寅

子年六十九春正月遊德山禮祖有詩四

首訪馮元成公於武陵會龍參知朱陵受
榮王齋大善寺衆僧請受戒馮公與諸同
道各捐資修曇花精舍夏四月還湖東聞
聖母賓天隨建報恩道場有恩詔乃對靈
龕披剝謝恩還僧服因痛哭曰悲哉檀越

往矣本寺之願已矣豈待再來耶楞嚴經
自東海立意著通議久蘊於懷未暇述今
夏五月方落筆五十日稿遂成十一月精
舍成有山居詩度侍者慈力

四十三年乙卯

書

書

子年七十春爲衆講楞嚴通議夏四月著
法華通義以雖有二節全文尚未融貫故
重述之五十日稿成纂起信畧疏秋八月
遊南岳中秋日登祝融秋九日馮公自武
陵移守湖南陪遊方廣寺回巡道吳公生

白過訪湖東談及楞嚴吳公大喜即與諸屬捐資刻之禮八十八祖道影吳公大讚歎乃命畫士臨小像冊請予各爲傳贊馮公赴任未幾即請予遊九疑冬十月至零陵留過冬於愚溪

四十四年丙辰

予年七十一春正月歸自零陵方遺民從宦遊歸依於湖東命名福心更初達觀禪師入滅之次年予弟子大義請靈龕回南緇白弟子奉供於徑山之寂照庵今一紀矣予難忘法門之義向欲親往一弔故香亦未遣也適聞葬必欲一往將行花藥寺衆僧請齋爲續法系遊梅雪堂弔遜菴宗師夏四月離湖東有去南岳解朝詩鄭慕一方遺民何仲益諸子送至樟木市五月

至武昌會段給諫幻然禮大佛遊九峯六月至潯陽遊東林有懷古詩登匡廬弔徹空禪師避暑於金竹坪註肇論因見其山幽勝有歸隱之意徧覽無可居者七月遊歸宗登金輪峯禮舍利塔有詩有僧以五乳相送爲靜室予登覽觀其地不廣而其境頗幽遂受之江州邢來慈居士達師之弟子也願爲布金檀越故予有投老之意焉浮梁陳大參赤石公至山相訪聞予有意匡山亦願爲護法秋八月出山至黃梅禮四五祖訪汪司馬公入紫雲山留旬日汪公願作匡山建造檀越別去相城訪吳太史觀我吳中丞本如欲建如意庵以留遊浮山截江登九華十月初抵金沙于王合族與東禪浪崖耀公迎之居頃即之雙

徑石門顏生之居士候迎於吳江乃過其
家士備齋資以隨行長至月望至寂照十
九日爲達大師作茶毘佛事先爲文以祭
之預定是日無爽識者異之二十五日手
拾靈骨藏於文殊臺弟子法鎧隨建塔于
爲塔上之銘以盡生平法門之義焉遂留
度歲時爲禪堂衲子小參有參禪切要鎧
公請益相宗爲述性相通說諸請益者各
說有法語作擔板誦粵弟子通岸先別獨
超逸同諸子福善法孫深光廣益廣攝慈
伴行

四十五年丁巳

予年七十二歲春正月下雙徑弔雲棲時
縉白弟子千餘人久候於山中留二旬每
夜小參聞法各各歡喜發揮蓮池大師生

畫

七

平密行弟子聞之至有涕泣謂予發人所
不知者乃請作塔銘回時玄津法師壑公
同通郡宰官居士金中丞虞吏部翁大參
諸公請留淨慈之宗鏡堂日繞數千指爲
說大戒作宗鏡堂記諸山各路名德法師
俱集於湖上問法各申詰難時謂東南法
會之最勝昔所未見也乃遊靈隱三竺西
山諸名勝贊揚放生三池乃行城中宰官
居士具舟放生餞別於湖上且具狀請留
雲棲乃有三年之約遂行凡一過所經諸
作玄津壑公譚生孟焯彙爲東遊集四卷
刻之回至吳門巢松一雨二法師請入花
山遊天池玄墓鐵山諸勝寒山趙凡夫嚴
天池徐仲容姚孟長文文起徐清之諸居
士設供於山中馮元成申玄渚二宰官齋

於家將行弟子洞聞漢月久候錢太史受之親迎至常熟遂至虞山信宿太史送至曲河賀知忍父子姪候於奔牛之三里庵請留園中結夏力辭之送至京口受三山緇白齋罷即返匡山五月一日過白下江上一宿見一二故人即揚帆而西五日至蕪湖劉縉部王受教留作異夢記說崔吏部鶴樓追晤江上五月十六日舟次星渚抵歸宗寓居未幾時汪司馬公業先具資爲予修靜室六月十五日弟子福善經營五乳開土於十月終始成一室乃得安居爲衆講楞嚴起弟子超逸閉死關於金輪峯

四十六年戊午

予年七十三是年修佛殿禪堂三月浮梁

書

六

陳赤石公入山結中素鮑公我齋夏公爲十友助修造資冬十二月殿堂成四十七年己未

予年七十四春正月粵弟子通炯至遂開堂啓諷華嚴長期爲衆講法華楞嚴金剛起信唯識諸經論命炯首衆秋七月以五乳爲十方養老常住八月望予閉關謝事效遠公六時刻香代漏專心淨業每念華嚴一宗將失傳清涼疏鈔皆懼其繁廣心智不及故世多置之但宗合論因思清涼乃此方撰述之祖苟棄之則失其宗矣志欲但明疏文提挈大旨使觀者易了題曰綱要於關中批閱筆削始冬於關中爲衆講楞伽起信

四十八年庚申

即泰昌元年

子年七十五春課餘侍者廣益請重述起

信圓覺直解莊子內七篇注夏病足痛前

任分巡衡陽吳公轉粵臬入曹溪禮祖記

山中弟子寄乞諸祖傳贊予病中為纂傳

七十一首各系以贊親為書之初予去曹

溪之南岳住匡山業已八年而曹溪眾僧

深思予歸堂主本昂等往來問訊十數欲

請之而未能也吳公赴任便道入山見予

重興之功嗟歎久之眾僧因具白所以思

予歸請不能之狀吳公欣然為作護法即

具書往請合山大眾及本省鄉縉紳居士

同具狀昂同二三耆舊至匡山哀乞予時

以病謝

天啓元年辛酉

子年七十六春弟子侍御王安舜入山問

訊夏為眾請講楞伽時前任本道祝公亦

轉粵海道同吳公具書再至予又以病謝

是年冬又為眾講楞伽肇論起信

天啓二年壬戌

子年七十七春正月粵弟子孝廉劉起栢

陳迪祥陳迪純梁四相入山問訊起相與

四相相伴山中住半載為講楞嚴起信金

剛二月東吳弟子方遠隨至同作休老計

秋七月王侍御復入山親請歸曹溪不諾

時力提華嚴名綱要草就吳公朝覲回又

遣書意更切韶陽太守張公特書專堂主

昂至于情不獲已意必一往於是年冬至

月十日出匡山過螺江會太史蕭拙修劉

韶也劉轉華馬季房曾堯臣賀可上鄒端

侯諸居士過虔城江上會寧都蘇孝先魏

觀期諸君齋於江上有詩贈別度嶺過集
龍庵會劉敬一諸故人十二月望入曹溪
合山僧衆羅列香花如獲母

天啓三年癸亥

師年七十八居曹溪禪堂春正月郡守張

公入山問訊法三月省城法性諸弟子至師

時專以法施為心四月為衆說戒講楞嚴

起信等經論秋七月又為衆說戒十月初

四蕭宗伯玄圃公應詔北上入山見師欣

然留連且為師卜壽穴劇談一日夜甚歡

出山師即示疾初六日侍者廣益省城回

云來得恰好韶陽太守張公親入山延醫

調治初八門人超逸至云再兩日不得見

汝了師知幻緣將盡藥劑不服十一日已

特別張公申時飲水沐浴焚香示衆曰大

衆當念生死事大無常迅速一心端坐而
逝於時百鳥悲鳴四衆哀號不已星夜毫
光燭天隔山之人咸疑寺中火也三日面
色如生髮長唇紅鼻端微汗手足如綿蕭
公聞訃悲慟久之即移書南韶二郡公為
師建塔及造影堂先是師離匡山留首座
通炯於五乳調理大眾至是三遺書促歸
中有云汝早來一日便是一日來老人餘
日無多力矣炯得書遂忙忙南還十月朔
日抵曹溪師見之喜動顏色且云來得好
遲時恐汝懊悔了炯初不會其意連日侍
立所聞所叮嚀者皆佛法大意惓惓以法
門無人為歎提撕者又極緊切語中去期
已先露於炯未歸之前矣

大師年譜自序實錄向有手筆草藁為

大師首座寄庵通炯所藏炯師歿後法
孫今照今光住海幢寺華首和尚從二
僧取得此藁繕寫封寄今遵依元藁付
梓天啓三年癸亥實錄乃大師入滅後
上首弟子福善等續記附刻於後以大
師爲中興龍象一言一行關係人天眼
目文取足徵事貴傳信不敢扳緣葛藤
添附蛇足以滋法門增益之謗後有正
眼幸鑒別焉戊戌孟夏佛成道日海印
弟子錢謙益槃談謹書

憨山大師託生辨

湖南顛愚衡公作曹溪中興憨大師傳感談
靈異宿生爲陳亞仙歿後應現爲蕭公子諸
方頗疑其誕天童木陳忞公見聞雜記云大
師託生桐鄉爲顏司理俊彥少兒三歲不語

一日呼其父名曰汝我前身弟子也司理登
第授官廣州皆先知之病疽不起召魏學使
浣初至榻前執手道故囑撰銘證明末後事
余讀而心訝之學使余里人也大師東遊未
嘗握衣禮足安得有執手道故之事司理屏

居石門馳書往詢其詳遂以崇禎二年七月
南華僧智融本昂伸報文牒及塔記石本寄
余僧牒曰二公子示現童真於菩薩家能令
眷屬割世間恩愛作荼毘佛事火浴後頂齒
不壞舍利無數大者如彈丸小者如菽色如

白瑪瑙扣之鏗然有聲海衆共觀歎異以是

月二日酉時安厝靈骨建塔於先大師塔院
之左至人出生入死遊戲自在豈先大師遺
蛻返匡山現此金鑲還鎮祖庭抑亦山中耆
年宿乘願力來住此道場耶塔記則曰顏氏

子名祉小字虎子生於天啓六年丙寅二月
實大師示寂後三年生四歲而殤司理之官
日虎子私語家人吾乘便得往曹溪矣以此
言證知大師再來若恣公所載呼名叙昔云
云則未之前聞也司理父子家業歸心信根
牢固生生居士常夢護伽藍神趣迎賓頭盧
越翼日大師至止慈容法筵宛如昔夢司理
爲書生大師摩頂記躬比爲廣理申明大師
規約復其侵田虎子以信心入胎自求父母
良非偶然也童真示現各有所表吳粵往來
表法界一地故痘疹發香表染淨一如故靈
骨不損表靈相具足故四歲夭折表已入鳩
摩羅地故歸骨塔院表依止大人故此則積
劫熏修彈指幻化不可以思惟測度也若以
是因緣證成爲大師再來則竊謂不然何也

卷四

三

古來佛祖應化入胎人天轉輪事非聊爾哉
榕再世遊浣衣以寄生宣老六年仗白雲而
勸辨莫不付囑相應機感歷然而今無是也
吸引緣熟啐啄時同雙峯之香煙猶指五乳
之真身有歸吾謂是子也多生此世必入大
師室著大師衣受大師戒遣來作使告報異
生即事徵理無可疑者嗚呼我大師人天之
師末法中第一龍象也末後轉輪法門一大
事因緣也僧徒無識縈心香火指法城爲首
邱認寶坊爲華表章句小儒眼如針孔景掠
李源圓澤身前身後剝語緇白郵傳寐言夢
斷海形牛迹不已遼乎俗語不實流爲丹青
吾懼後之修僧史撰佛錄者採獵異聞而訛
濫正信也旣屬恣公門人告於其師請爲刊
正而又書其說詒南華僧饒諸塔院昭示後

人俾勿惑歲在庚子四月望日海印弟子虞

山錢謙益槃談謹述

憨山大師夢遊全集卷第五十四

音釋

蹇紀偃切 骹上才資切下各 盒音合 臬魚列

切 鉗上其淹切 摧音却 舩財勞切 嗾音使

舩先彫切 駁北角切 與同

憨山大師夢遊全集卷第五十五 素五

虞山私淑弟子毛 晉編較

附錄

明廬山五乳峰法雲禪寺前中興曹溪

嗣法憨山大師塔銘 有序

素五

余小子廣滄賓之在中秘也偕同叅數子請
 益牢山憨公于龍華精舍蕭宗伯玄圃暨吾
 家司馬體中與焉所聞非帝網之十玄則祖
 燈之五葉而師特以體究念佛為露地兩輪
 後十年入粵而皖江之素復我又後二十年
 入吳因體中而浮渡之鼓振我於是余始能
 游師之藩悉秘現湧沒順逆種種影事又七
 年玄圃徑曹溪而北及送師于懸崖明年而
 余得請幕府何公克以師蛻還五乳也又明
 年上首福善瑩石為楮而奉師自著年譜使

余吐舌為筆余受卒業者三而龍華浮渡之
 會儼然未散矣師法諱德清慕清涼法界之
 玄故字澄印別號憨山乃選於五臺之奇以
 喻狂性之歇者也系出金陵蔡氏考諱彥高
 妣洪氏夢觀音抱送而孕誕于嘉靖丙午孟
 冬之旬有二日白衣重包十年辭家依報恩
 寺主西林和尚使法孫俊公為之師十九禮
 棲霞雲谷大師薙髮受具二十六北游出入
 燕晉得自在三昧于臺山三十八遯跡東海
 之那羅延窟久之得六種就踰五十放於嶺
 南而以出家優婆塞大振曹溪之鐸覃恩游
 遠袈裟著身而師年六十有九矣又三年反
 自吳營菟裘于廬山五乳峰下刹曰法雲以
 養十方之老居數歲復如曹溪當年之七十
 有八臘之六十是為天啟癸亥先于懸弧者

一日而示寂焉師丰儀慈滿神情凝定望之似阿羅漢初就外塾而母督之嚴徐而察焉知非池中物也從史若翁以裂愛網而師之酬罔極也卻十鎰之供于山陰藩邸獨拜孝定皇后之賜泥金和血以塗雜華攝二老于香幢光蓋其省覲也閉于報恩藏輪三宿子含有法喜而無情但君子曰生之成之是謂聖善熏之變之是謂潔白世間慈孝其海之一漚而已矣北講之涉天壑也自無極之說華嚴玄談昉也南禪之反故鼎也自雲谷之付念佛公案昉也兩大士口光交灌師頂不驚不溢身恒晏坐華藏道場而清泰法王若二法王子入于淨念猛心如形斯鑑其養之專也乃至行于都市不見一人知其解者以爲密雲尚往他日更于肇公似昔人非昔人

素五

二

義得未曾有所謂旋嵐常靜江河不流證之目前一一諦了而七歲時生來死去之疑渙然冰釋其偈曰生死晝夜水流花謝今日乃知鼻孔向下得宗通之相一卓錫臺山略約岸頭聞機數反久乃不聞吹萬之誼雪窟頭陀酬對以目菜羹米汁旬啖一升念息塵志立而喪我者不知幾旦暮也其偈曰瞥然一念狂心歇內外根塵俱洞徹翻身觸破太虛空萬象森羅從起滅得宗通之相二牢山之會心也海天雪月互影交光三昧現前無入無出其偈曰海湛空澄雪月光此中凡聖絕行藏金剛眼空花落大地都歸寂滅場得宗通之相三又後三年靜中機發不因心念意在舌端其偈曰煙波日日浸寒空魚鳥同游一鏡中夜半忽沉天外月孤明應自混驪

素五

龍所謂月落後相見是耶非耶得宗通之相
四蓋自是廻真入俗而有省觀之游妙喜大
悟捨入小悟無數箇中冷暖惟師自知意者
菩薩根力次第增上明妙安樂恒與王所相
應故華嚴之在筆端也六字佛名心手相得
即一點無空過者而客主周旋語不愆忘文
無亥豕妙法蓮華回向慈聖亦若是則已矣
臺山無遮之會日更供具席以半千坐滿萬
人皆師陰爲擘畫如時而給剝啄無聲所與
首事妙峰登公了不知其來處當事之嚴不
交睫者九旬以水代殮者七日其去以匝月
息者也借曰壯齡則耄期而徑余邑屋矣雲
興瓶瀉脅罕至席不睹其倦于勤也嘗間行
海南訪子瞻寂音故蹟而望郡城生氣獨據
西隅趣行北渡而瓊州地震存毀具如師言

永嘉詮定初曰引起後曰辦事師其二之中
乎臺山之悟四顧無所咨決而以現量寓目
首楞嚴王八閱月無用心處其在那羅延窟
則楞嚴懸鏡半燭而成亦無用心處門人曰
盍使一一文句消歸觀心師領之楞嚴之有
通議自此昉也嘗以四法界觀說法華于嶺
南至現寶塔品喟然嘆曰佛意要指娑婆人
人目前即華藏然須三變淨土者曲爲鈍根
漸示一班耳從是法華之有擊節有品節有
通議自此昉也折蘆孤唱楞伽握符栽松代
與金剛司契而師照以楞嚴之鏡則無門之
門無住之住皆若有啟其鑰者以故楞伽筆
記和人目爲流徵之音而金剛決疑則雖空
生再來固當相視而笑華嚴一宗往往迷清
涼之廣而耽方山之略不知廣之可以略也

五乳一關三周寒暑疏之綱要其將與合論
並珍如是種種說通之相布在方策覩煙悟
火宗通歷然誰謂與不傳者俱往而法雲之
漏刻之以香課佛名日至數萬圓頓交叅禪
立雙妙兩大士最初結束撩起便行直向山
眉海目繞錫三周作一宿覺豈不真勇邁終
古大丈夫哉韋編珠笈初以爲前茅中以爲
副乘卒以爲輔車於是作中庸直指大學決
疑著春秋左氏心法道德南華內篇爲智度
善巧而鬼神情狀表章印明曰夫夫冥叅魯
竺之心法也東粵周叅知舉大易通乎晝夜
之道而知以質師曰是吾宗所謂不屬生死
一著子也叅知躍然更爲諸弟子暢其玄義
而師以西伯爲東諸侯主矣蓋西林翁嘗鈍
置師以世諦使侍臯比故於二酉多所漁獵

書五

五

法書韻語少作功力美秀夙成事辭之文居
然良史而非滿字莊嚴一乘鼓吹無述也王
大司徒弇州屬以慧業建索得其所謂夷然
不屑厥仲奉嘗贈以晤言曰可知王逸少名
理讓支公而汪左司馬南溟則悲五宗衰相
聲輓力推岌岌乎爲徑山中峰之室僥得之
矣伏牛法光和尚師目之宗門香象自慶小
穴小友畜師勉以離心意識叅出聖凡路學
而師時已得聲公意旨北臺樓影師言庶幾
獨怪其吟哦不停以爲魔著間而請焉報言
驟發悟機而有物據我舌本爾時恨不遭鉗
錘毒手痛棒熟眠以至此耳師心識焉館于
胡臬憲順菴之署強可覓句遂不得休念光
師之魔且至寢不成寐跏趺坐志起問居諸
而數盈于把矣故終其身於無礙辯才而得

自在師之升聞于慈聖也爲聖躬禱也其作無遮道場也爲皇儲禱也居一年貞皇應河清之瑞而誕唱導之侶妙峰大方咸被寵錫而獨師逃之海嶼求華嚴菩薩住處所謂那羅延窟而谷隱焉慈聖多之建寶坊于西山以召而弗之敢往也賜金百五十鎰以繕阿蘭而弗之敢拜也無已請如漢汲黯矯制事果山以東緇黃鰥寡囚繫之腹而有司者策書以報慈聖愈益多之藏函寶璽有隕自天以草昧故度于他已又勅官嫫之勝任者布金有差而觀音菴之廢墟賜額尚方稱海印禪寺矣於是有挾隆隆而耽視茲土者號無賴黃冠百餘輩稱引宋七真故宇以爲訟端兼守有聞於李中丞將致辟而首難者露刃偏師談笑道之立解偕行數百武其黨疑與

師購將倒戈師更與入市啖以瓜果一郡盡謹謂方士殺僧矣師乃明其不然即集魁無使滅耳第盡驅越境而已其以德報怨類此而往者報恩殿廊之燼也師與雪浪恩公矢以一期戮力及奉勅藏還寺而舍利窰堵出光明橋以迎貝氎師因入謝請慈聖日減膳饑需隆棟久之事有端矣戒于島夷遂不果而中貴人之與轉藏輪者嘗以眦睚得過上左右衆鑠之謂其監緣飾佛事多壑帑金而詐稱黃冠撫已事鳴登聞以訟有旨逮師及

素五

六

中貴人對簿詔獄師內空其心而外侃侃言事請覈內府則賑饑之籍固在而他無所得其漏卮釋憾于中貴人者本不欲患師更以所稔顛末其廣貞狀上意浸解坐私建梵刹戍之雷陽而諸刹之蒙悉檀于慈聖者雖往

來厲而億無喪矣故相張洪陽先生稱其難
棄能素難忍能忍以能幽贊神廟之孝為社
稷功亮夫師於般若香光固是雲谷老人安
上鼻孔臨岐偏拶亦自不無妙峰恩公一臂
臺山遂作暮雲春樹清風匝地何之非早歲
塤箎而師所描邈于飛雪之鑪運風之斤狎
主之軟亦不啻三鎧甲龍從涅槃起矣紫栢
大師於世罕所許可而獨輕千里之駕于堅
牢晉琬公塔院之會送難通理一坐四旬于
宇內法喜無兩其示寂園扉雖脰飜輩毒于
舍沙而本所懷來固未嘗不在雷陽棗戟之
下也雙徑之遊雖微上首鎧公固當已事過
往愆期有待而適會紫栢以舍利遷爰及閻
維銘諸堅白其斯以為方外素交揚厲雲棲
證知吾師蓮祖為法華地湧中人而浮山朗

目智公亦以旋陀羅尼與作點睛手則予小
子竇竊負法壘登孤漸騰而附青雲上矣師
謂紫栢瀾之濁矣維泉之昧及吾兩人之未
髻也左提右挈以為曹溪滌除宗門其有與
乎左股既夷壯馬是急故紫栢自曹溪如燕
而師度嶺已還乃心罔不在祖窟筮之以周
臬憲海門而曹溪志成鎮之以戴制臺而屠
沽之肆一灑狙獍虎冠兵奴我必芻蕘食我
疆里者令不崇朝烏散鬼匿招提改觀於是
乎範之以律儀經之以出入守之以典籍潤
之以法流育之以義學如是者數年寶坊輪
奐浸假若新最後有事于大雄寶殿而一二
黠悍師蠹惡其害已歛張羣譟將以一矢加
遺而師方晏坐誦金剛般若深解義趣愉愉
如也譟者心忤已退而不釋然乃因制府之

罷誣師掠用常住物愬御史臺流寓二年司理錫之鞶帶直指弗是也下郡徵典守節符會之秋毫無爽乃褫訟者服以竄而曹溪之疊裕矣師之少也受遺西林翁獨以心計償兩世逋負緡至于於無遮之會而竣籍其羨以昇塔院寺主大方貨至萬知以恬養勞以謙牧發機于所不得已而藏用于所不可知驥稱其德而力倍凡馬無筭矣雖報恩之籌以師命輟海印之績以城社隳南華之壙以禪貶圯而師惟心之士悲智妙嚴豈復有乏少耶貴璫之濫于權也藪盜叢姦不可嚮邇差幸有浮慕于福田而師受戴制臺請與爲嬰兒其應如響於是稅使者窘于至期迫不得所欲而黃白之冶受成有司民不知有履尾之啗白臚遺粟食民而騰粵糴邦人患之

素五

八

而戴公亂子將歸溫陵其行也與白臚會于時權使有憾于將軍則多族市井豪謹以媚竈胄士之告急于師者再矣師方安居扉爲之啟從容諭衆而欲得賤糴耶今罪在大辟糴雖賤誰當食者衆怒少怠而急白權使者出令寧反側心且明非亂子之過匡圍闐然蓋師輕身以先持戟使師泣大鑿宗盟而師脫載鬼之弧納用金之牖無烈俠氣有烈俠功所謂動刀甚微譟然已解進乎技矣師毘尼純白廉而不劇門庭在雲棲紫栢之間德充之符迨之而擗幢折疑城頽瞋劔墮出要容詎不惜四楞著地惻乎惟恐人之不有之也踪跡半天下所至登羯摩之壇升白椎之座以數十會計東齊南越法化久湮佛種幾斷而自其得師也若醯雞之覩天地熏于二

素五

九

嚴誓于九品乃至孟蘭放生諸白淨行無冠
笄童耄翁如也別傳之宗時復爲利根者賈
勇而齒牙無畏投芥于鍼使清涼之區得遵
累朝憲章弛于任土而大木終其天年爲官
家佛法僧物寺主取大邑人無災用脫桎梏
居然五天之郭一邨廓矣今上毓于青宮詔
戍士之老疾誼誤者陳情而宥師有二馬首
尾覈奏凡六年乃聽自恣而慈聖之爲孝定
也臨于湘東大作佛事然後免妙喜之剋反
棲賢之圍而師初行脚時所銘一鉢一衲雖
豐城之與延津弗若矣師所莫逆海內賢豪
無慮百數而天隨風負則北之胡南之戴爲
尤湖東練若以曾儀部金簡爲三年淹五乳
十檀則汪少司馬靜峰執其牛耳是時名刹
之虛左者桐鄉之浮渡以堂金沙之東禪以

構其曰塵尾是瞻武陵雲棲則萃通國之懽
以請禪講勝流剗心瞻就美盡東南而竟爲
廬阜之岑寂所局已復爲曹溪之謳吟所吸
人以爲疲于津梁而師固未嘗下臺山之座
也總其樂說無礙之辨曲示單傳而鎔入一
塵法界似圭峰解脫于文字般若而多得世
間障難似覺範森羅萬行以宗一心而嚴無
生往生之土又似永明雖正今寂寥稍似婆
心太熱亦或觀時逗根不忍法堂前草深一
丈耳先甲曰辛以革其面後甲曰丙以蔚其
文二十年以來飲光之華徃徃於吳楚間振
其夕秀淪曹源者豈曰無庸師可報紫栢於
淨土矣書華嚴時夢與登公謁清涼國師于
于金剛之窟而慈氏法王亦乘率陀樓閣影
現夢心錫以策文曰分別是識不分別是智

依識染依智淨染有生死淨無諸佛佩斯印
也以游世間所謂善能分別一切法於第一
義而不動蓋師之所從來深遠矣年譜之筆
絕于癸亥而專以法施爲心六字其末後句
也前化及之三句徧謝申警若將遠行且各
留楮墨爲別衆以師眷眷法雲也判袂玄圃
而小不豫矣侍者以遺教請至心念佛而外
無他囑也初度欲臨而張韶州奉紫叵羅衣
爲壽清言浹日歡若生平日中而驪駒叱馭
日晡而白牛說駕矣二時暖于頂三日汗濡
于鼻觀貌如生而遙矚其瑞相者謂招提且
大最後供通曰內外諸法空洞一如何去來
之足問然則叅雲谷時所覩三聖對現色身
漚滅空澄了無所得永明有言生則決定生
去則實不去利那際中去齊而送者從市去

卷五

十一

越而慕者傾都去震旦而哀者撼邱陵榮者
雕金石如夢乍醒不消一吐矣緣熏習影重
重無盡而出纏弟子曰福善某某等在纏弟
子曰即墨黃生納善某某等五年馮生昌歷
某某等服勤請事助轉法輪皆其盛者也于
師臺山願文四攝衆中固是恒河沙一數而
黃生剗臂爲燈以蘄反錫痲癥作大悲形衣
髮皆具首楞嚴觀晝夜一蒲勤勇坐脫可謂
奇中倍人下逮余小子賓啖法乳于名字之
初灑心血于宰堵之後雖步趨未也共相與
力倘亦有不可思議者焉師瑰意奇行著于
年譜不可殫書所著復有心經直說圓覺經
解起信疏略起信直解百法規矩直解性相
通說肇論註八十八祖傳贊方便語叅禪切
要觀老莊影響論憨山緒言夢游集若干卷

並行十世銘曰觀師舌相渝三紀而不能挈
其廣長摸師眉毛亘三旬而不能知其在于
聽之以心兮失頰呻之師子游之以目兮得
迴旋之象王其語無聲其默孔揚其形不疲
其神不傷璞三刑而爲璽金百煉而彌剛禮
師塔也皮相者以爲化城之幻迹而心服者
以爲寶所之慈航賜進士出身左春坊左諭
德兼翰林院侍讀菩薩戒弟子皖舒廣淪吳
應賓頓首拜撰

明海印憨山大師廬山五乳峰塔銘

我神宗顯皇帝握金輪以御世推慈聖皇太
后之志崇奉三寶以隆顧養上春秋鼎盛前
星未耀慈聖以爲憂建新儲道場於五臺山
妙峰登公與憨山大師實主其事光宗貞皇
帝遂應期而生於是二公名聞九重如優曇

十一

十二

鉢華應現天際妙峰不出王舍城大作佛事
而大師有雷陽之行其機緣所至橫見劍出
固非凡情之可得而測也大師之遷化于曹
溪也大宗伯宣化蕭公親見其異爲余道之
已而南海陳迪祥以行狀來謁余表塔余曰
有吾師宣化公在他日請爲第二碑又明年
乙丑其弟子居廬山者曰福善奉全身歸五
乳而留爪髮於曹溪走書來告曰大師東遊
得子而意曰刹竿不憂倒却矣燈炮月落晤
言疊疊所以付囑者甚至塔前之銘非子誰
宜爲余何敢復辭謹按師諱德清族蔡氏全
椒人也父彥高母洪氏夢大士抱送而生七
歲叔父死屍於牀問母從何處去即抱死生
去來之疑九歲能誦普門品年十二辭親入
報恩寺依西林和尚內江趙文蕭公摩其頂

曰兒他日人天師也十九祝髮受具戒於無極某公聽講華嚴玄談至十玄門海印森羅常住處悟法界圓融無盡之旨慕清涼之爲人字曰澄印從雲谷會公縛禪於天界寺發憤叅究疽發於背禱護伽藍神願誦華嚴十

華嚴

十三

部乞假三月以畢禪期禱已熟寐晨起而病良已三月之內恍在夢中出行市中儼如禪坐不見市有一人也雪浪恩公長於師一歲相依如無著天親嘉靖丙寅寺燬於火誓相與畜德俟時以期與復師既歸然出世而雪浪卒爲大論師修治故塔稍酬誓願焉師嘗聽講於天界廁溷清除了無人跡意主東淨者非常人也訪之一黃面病僧目光激射遂與定叅訪之約質明則已行矣即妙峰登公也師以江南習氣軟暖宜入冬冰夏雪苦寒

不可耐之地以痛自摩厲遂飄然北邁天大雪乞食廣陵市中曰吾一鉢足以輕萬鍾矣抵京師妙峰衣褐來訪須髮髮瑩如河朔估客師望其眸子識之相視一笑叅徧融貞公融無語惟張目直視又叅笑巖巖問何方來曰南方來巖曰記得來時路否曰一過便休巖曰子却來處分明遊盤山至千像峰石室見不語僧遂相與樵汲度夏時萬曆元年癸酉也明年偕妙峰結冬蒲坂閱物不遷論至梵志出家頓了旋嵐偃嶽之旨作偈曰死生晝夜水流花謝今日方知鼻孔向下峰一見遽問師何所得師曰夜來見河中兩鐵牛相鬪入水去至今絕消息峰曰且喜有住山本錢矣遇牛山法光禪師坐叅請益法光發音如天鼓師深契之送師遊五臺詩云雪中師

子騎來看洞裏潛龍放去休且曰知此意否
要公不可捉死蛇耳師居北臺之龍門老屋
數椽在萬山冰雪中春夏之交流澌衝擊靜
中如萬馬馳驟之聲以問妙峰峰舉古人三
十年聞水聲不轉意根當證觀音圓通語師
然之日尋緣溪橫約危坐其上初則水聲宛
然久之忽然忘身衆籟闐寂水聲不復聒耳
矣一日粥罷經行忽立定光明如大圓鏡山
河大地影現其中既覺身心湛然了不可得
說偈以頌之遊雁門兵使胡君請賦詩甫構
思詩句逼塞喉吻從前記誦見聞一瞬現前
渾身是口不能盡吐師曰此法光所謂禪病
也惟熟睡可以消之擁衲跏趺一坐五晝夜
胡君撼之不動鳴擊子數聲乃出定默坐却
觀如出入息任山行脚皆夢中事其樂無以

喻也還山刺血書華嚴經點筆念佛不廢應
對口誦手畫歷然分明隣僧異之率徒衆來
相勦已皆讚歎而去嘗夢與妙峰夾侍清涼
大師開示初入法界圓融觀境隨所演說其
境即現又夢登彌勒樓閣聞說法曰分別是

識無分別是智依識染依智淨染有生死淨
無諸佛自此識智之分了然心目也師既建
祈儲道場遂遠遁東海之牢山慈聖命龍華
寺僧瑞菴行求得之遣使再徵不能致賜內
帑三千金復固辭使者不敢復命師曰古有

矯詔賑饑之事山東歲凶以此廣聖慈於饑
民不亦可乎使者持賑籍還報慈聖感歎率
闔宮布金造寺賜額曰海印師詣京謝恩爲
報恩寺請藏上命師賫送因以便歸省父母
寺塔放光累日迎經之日光如浮橋北度經

在塔光中行也師還以報恩本末具奏曰願日減膳羞百金十年工可舉也慈耶許之歲乙未而黃冠之難作師住山十三年方便說法東海蔑戾車地咸向三寶而黃冠以侵占道院飛章誣奏有旨逮赴詔獄先是慈聖崇信佛乘勅使四出中人讒構動以煩費為言上弗問也而其語頗聞於外庭所司遂以師為竒貨欲因以株連慈聖左右并按前後檀施帑金以數十萬計拷掠備至師一無所言已乃從容仰對曰公欲某誣服易耳獄成將置聖母何地乎公所按數十萬在縣官錙銖耳主上純孝度不以錙銖故傷聖母心獄成之後懼無以謝聖母公窮竟此獄將安歸乎主者舌吐不能收乃具獄上所列表賑饑三千金有內庫籍可考慈聖及上皆大喜坐私

造寺院遣戍雷州非上意也達觀可公急師之難將走都門遇于江上師曰君命也其可違乎為師作逐客說而別師度庾嶺入曹溪抵五羊赭衣見粵帥就編伍于雷州歲大疫死者相枕籍率眾掩薶作廣薦法會大雨平地三尺瘴氣立解叅政周君率學子來扣擊舉通乎晝夜之道而知發問師曰此聖人指示人要悟不屬生死一著耳周君憮然擊節粵之孝秀馮昌曆輩聞風來歸師擬大慧冠巾說法構禪室于壁壘間說法華至寶塔示

十五

十六

現娑婆華藏涌現目前開悟者甚眾居粵五年乃克住錫曹溪歸侵田斥佃舍屠門酒肆蔚為寶坊緇白全集攝折互用大鑒之道勃焉中興甲寅夏師在湖東慈聖賓天詔至慟哭披剃返僧服又二年念達觀法門死生之

誼赴塋於雙徑爲作茶毘佛事箴吳越禪人之病作擔板歌弔蓮池宏公於雲棲發揮其密行以示學者自吳門返廬山結庵五乳峰下效遠公六時刻漏專修淨業居四年復往曹溪天啟三年癸亥宣化公赴召來訪劇談信宿公謂師色力不難百歲更坐二十餘夏如彈指耳師笑曰老僧世緣將盡幻身豈足把翫哉別五日果示微疾韶陽守張君來問師力辭醫藥坐語如平時既別沐浴焚香集衆告別危坐而逝十月之十一日也曹溪水忽涸百鳥哀鳴夜有光燭天三日入龕面顏發紅鬚髮皆長鼻端微汗手足如綿僧徒驚告謂師復生蕭公語余衰老赴闕跋涉二萬里何所爲哉天殆使爲師作末後證明耳嗚呼知言哉師長身魁碩氣宇堂堂所至及物

卷五

七

利生機用善巧如日暄雨潤加被而人不知山東再饑師盡發其困親泛舟至遼東糶豆以賑旁山之民咸免捐瘠稅使與粵帥有隙嗾市民以白艚作難羣噪圍帥府師緩頰諭稅使解圍不動聲色會城以寧珠船千艘罷採不歸剽掠海上而開礦之役繹騷尤甚採使謁曹溪師以佛法攝受徐爲言開採利害由是珠船罷採不入海而礦額今有司歲解制府戴公詒書謝曰吾乃今知佛祖慈悲之廣大也師爲余言居北臺大雪高於屋數丈昏夜可鑑毛髮堅坐待盡身心瑩然遲明塔院僧穴雪以入相携行雪洞中里許乃出當詔獄拷治時忽入禪定榜垂刺蕪若陷木石逾年在雷陽聞侍者趣呼逮繫毒楚卒發幾無完膚此楞伽筆記所由作也師東遊至嘉

與楞嚴寺萬衆圍繞有隸人如狂易狀搏顛
不已曰我寺西仲秀才也身死尚在中陰聞
肉身菩薩出世附隸人身求解脫耳師爲說
三皈五戒問解脫否曰解脫竟憊然而覺師
之樹大法幢爲人天眼目豈偶然哉師世壽
七十八僧臘五十九前後得度弟子甚衆從
師于獄職納素鱣者福善也終始相依於粵
者善與通炯超逸通岸也貴介子弟劊臂然
燈以求師道現大士像於瘡痂中而坐脫以
去者即墨黃納善也粵士歸依者馮昌曆爲
上首御史王安舜孝廉劉起相陳迪祥歐文
起梁四相龍璋皆昌曆之徒也師所著有楞
伽筆記華嚴綱要楞嚴懸鏡法華擊節楞嚴
法華通議起信唯識解若干卷觀老莊影響
論道德經解大學中庸直指春秋左氏心法

宋五

十八

夢遊集又若干卷嗟乎師於世間文字豈必
不遠古人有不遠焉亦糟粕耳師於出世間
義諦豈必不合古人有不合焉亦皮毛耳惟
師夙乘願輪以大悲智入煩惱海以無畏力
處生死流隨緣現身應機接物末後一著全
體呈露後五百年使人知有一大事因緣是
豈可以語言情見擬議其短長者哉是故讀
師之書不若聽師之言聽師之言又不若周
旋瓶錫衷考其生平而有以知其願力之所
存也謙益下劣鈍根荷師記莛援据年譜行
狀以書茲石其詞寧繁而不殺者欲以示末
法之儀的啟衆生之正信也銘曰人生出沒
五濁世間生死之涂屹立重關重關峻復誰
不退墮師子奮迅一擲而過濟河焚舟縣車
束馬一鉢飛渡誰我禦者冰山墊伏雪窖沉

埋冰解凍釋水流花開光明四照上徹帝閣
榮名利養匪我思存震霆赫怒我性不遷析
楊木索說法熾然覺範未唯妙喜梅州雷陽
萬里謂我何求軍持應器橫戈杖錫毀形壞
衣古有遺則大鑒重微靈照不昧屈眴之衣

素五

十九

如苑畫續師之示現如雲出谷觸石膚寸雨
不待族雲歸雨藏山川目如孰執景光以窺
太虛福德巍巍文句璀璨視此肉身等一真
幻匡山不來曹溪不去塔光炳然長照覺路
天啟七年丁卯九月朔常熟幅巾弟子錢謙
益謹述

慈山大師傳

師諱德清全椒人姓蔡母洪氏夢大士携童
子入門抱之遂娠及誕白衣重胞居常不樂
俗年十二聞西林和尚有大德欲往從之父

不聽母曰養子從其志迺送入寺時無極講
經西林雪浪長師一歲先依無極見師如夙
契十九從無極聆華嚴玄談至十玄門海印
森羅常住處悟法界圓融無礙之旨切慕清
涼之爲人自字澄印每於講會密察方僧可

爲侶者一日見後架潔清思淨頭必非常人
比見乃黃腫病僧每早起事必辦不知何時
灑掃也故不寢以偵之則當衆方放參時已
糞除畢數日淨頭病師問安否答曰業障身
病已難支而饒病又難當每見行齋食恨不
俱放下師袖果餌親之間其號曰妙峰蒲州
人因相期結伴爲遠遊旣數日則已去矣更
六年師至長安有稱鹽客相訪者長鬚髮衣
褐衣入門即問認否師視其兩目忽記昔天
界病淨頭也云爲山陰王請內藏來師追妙

師至河東山陰王留結冬訂刻肇論向於不
遷論未明旋嵐偃嶽之旨忽閱梵志自幼出
家白首而歸隣人曰昔人猶在耶志曰吾似
昔人非昔人也豁然了悟初師方七歲叔死
叔母撫尸而哭曰天耶那裏去也師愕然問

素五

二十

叔身在此又往何處曰死矣意死向何處去
疑之未幾次孀舉子隨母往視見嬰兒問母
何從入孀腹中母拍一掌云爾從何入爾母
腹中耶又切疑之自此死去生來之故耿耿
於懷至是如冰漸泮矣明日妙師問所得師
口夜來見河邊兩個鐵牛相鬪入水中去也
至今絕消息妙師笑曰且喜有住山本錢矣
時伏牛山法光禪師在王所示以離心意識
叅出凡聖路學師深領其旨每歎曰光師談
論如天鼓音一日搜師詩讀之笑曰何自得

此佳句復笑曰佳則佳矣那一竅欠通在師
問和尚通否曰三十年來拿龍捉虎今日草
裏走出兔子來下一跳師曰和尚不是拿龍
捉虎手光拈拄杖作打勢師把住以手持其
鬚曰說是兔子恰是蝦蟆光笑休去一日謂
公不必他往願同老伏牛是相望也師同妙
師登五臺光以詩送云雲中獅子騎來看洞
裏潛龍放去休問其意曰要公不捉死蛇耳
師言禪道久無師匠比見光師始知有宗門
作略大方主人爲卜居北臺之龍門大風時
作萬竅怒號意喧素五之問妙師師曰境自心生
非從外來古人云三十年聞水聲不轉意根
當證觀音耳根圓通初師日坐溪橋水聲宛
然久之動念即聞不動念即不聞一日忽然
忘身音聲俱寂自此衆響闐然不復爲擾矣

人餉師米三斗日食麥麩和菜以合米爲飲
送之半載有餘糧偶粥罷經行忽入定不見
身心唯一大光明藏圓滿湛寂如大圓鏡山
河大地影現其中及覺說偈曰瞥然一念狂
心歇內外根塵俱洞徹翻身觸破太虛空萬
象森羅從起滅時年三十也悟後無可請益
乃展印楞伽經旣夙所未講但以現量照之
少起識心即不容思量如是者八閱月全經
旨趣了然量中一夕夢入金剛窟石門榜大
般若寺見清涼大師倚臥床上妙師左侍師
趨入禮拜右立大師開示初入法界圓融觀
境謂佛刹互入主伴交叅往來不動之相纔
說其境其境即現自知身心交叅涉入妙師
問曰此何境界大師笑曰無境界境界又夢
履空上昇入廣大樓閣瞻禮彌勒聞其說曰

分別是識無分別是智依識染依智淨染有
生死淨無諸佛自此識智之分了然心目萬
曆辛巳神宗皇帝遣官祈皇嗣于武當皇太
后遣官于五臺就本寺建道場訖癸未師以
臺山虛聲難久居遂蹈東海之上易號憨山
尋清涼疏所謂那羅延窟者即東海牢山也
聖母以五臺祈嗣之勞訪求三人大方妙峰
俱至命龍華寺住持至海上喻師尋建寺西
山期以必往又發三千金爲師建菴師俱辭
丙戌勅頒十五藏經散施天下名山慈聖以
素五
其一送東海空山無可供奉命合宮布金修
寺賜額曰海印是冬禪室成靜坐夜起見海
忽身心世界當下消落偈曰海湛空澄雪月
光此中凡聖絕行藏金剛眼突空花落大地
都歸寂滅場入室取楞嚴證之開卷見汝身

汝心外及山河虛空大地咸是妙明真心中
物全經觀境了然心目迷楞嚴懸鏡一卷丁
亥開堂說戒四方衲子日益至作心經直說
以懸鏡文簡學者不易入始創意述楞嚴通
議己丑爲報恩寺請藏齋送至龍江便道省
親且欲重修本寺師出家處也乞聖母日減
膳羞百兩積之三年可舉慈聖俞之甲午冬
入賀聖節命說戒于慈壽寺再請舉修報恩
寺上命徐俟明年乙未逮師先是上數惡內
使以佛事請用太煩偶以他故觸聖怒有忌
送經使者因之發難遂假前方士流言擊登
聞鼓以進下鎮撫司獄望風旨者盡令疏向
所出諸名山施資十數萬計嚴訊之師曰媿
爲僧無以報國恩今安惜一死以傷皇上之
大孝乎即曲意妄承奉非臣子所以愛君之

兼五

三三

心也有死而已止供前施七百餘金而前所
辭建菴金使者不敢復命師曰古人矯詔濟
饑今歲凶何不廣聖慈饑民乎今僧與使者
遍散之僧道孤老獄囚各取所司印籍以復
至是請覈內支籍代賑之外無他上意解時
相國洪陽張公暨諸當事營救甚力後張語
人曰人知愍公爲大善知識不知有社稷陰
功也衆聞之悚然出獄戍雷州侍御樊公繼
謫問雷陽風景何如師方註楞伽經拈卷示
之曰此雷陽風景也督府命住曹溪闢堂濟
源行化之外普潤枯瘠癸卯遂觀在京師適
妖書發難下詔獄訊以爲師之故檄還戍所
因憶達師云楞嚴說七趣因果世書無對解
者師云春秋乃明明因果之書耳遂著春秋
左氏心法乙巳渡瓊海夜望郡城氣索然遂

行謂衆曰瓊城將有災行後地大震陷城東隅暨官民廬舍仆明昌塔壓碎師所寓樓先時郡士大夫競留師師不止故免丙午遇赦癸丑至衡陽遊南嶽禮八十八祖道影丙辰登匡山避暑金竹坪註聲論僧某以五乳貽

師喜其境幽將投老焉爲達觀茶毘手拾靈骨藏于文殊臺丁巳下山弔雲棲說法淨慈之宗鏡堂日遠千指歸閉關謝衆效遠公六時刻香代漏專心淨業著華嚴剛要重述圓覺起信直解莊子內篇註粵方伯吳公暨諸弟子固請復至曹溪者三壬戌冬至爲弟子戒期講楞嚴起信諸經論晚叅示衆云老人穩坐匡廬今日踰河越嶺爲著甚麼爾曹慎毋作容易想也癸亥冬十月示微疾韶陽太守挾醫問疾師不御侍者請垂一言師曰金

口所演尚成故紙我又何爲自後不語端坐而逝初外道羅清以其教遍行東方絕不知有佛法師居東漸久其長率衆來歸開講大化遂遍東海嶺南佛法久廢海門周公攝南韶集諸子問道於師周鼎石問通乎晝夜之

道而知師答此聖人指人要悟不屬生死一著公擊節歎服有龍璋者聞師論心異之歸謂其友馮昌曆曰北來禪師說法甚奇特因共請益師開示以向上事諦信不疑自是王侍御安舜歐文起梁四相等相率歸依士人向慕法化大行雖上下崇禮奉爲法王而有爲之事雀角至再然當事有結轆則必乞師解之稅使者惡大將軍因粵苦閩艚運米新督府閩人也公子舟次白艚之旁藉口以大將軍資公子行關士民數千人沉公子舟持

戈圍帥府甚急帥令中軍詣關涕泣求救師
遂破關往謁從容開曉使者悟俾散亂民師
先往大言於衆曰諸君所爲欲食賤米耳今
犯大法當取死即有賤米誰食之耶圍乃解
會城以寧復甦採珠之擾其在東海勅賜殿

第五

第五

成勢家莫奪道場構方外黃冠稱侵其道院
事下萊州無賴數百喧競合圍師令侍者他
往獨徐行其中首一人舞銅牌利刃出其鞘
擬殺師師笑視之曰爾殺人何以自處其人
氣索收牌刀圍行城外二里許將東西行師
躊躇請首者同至寓處閉門解衣磅礴談笑
自若取瓜果共噉之一市喧云方士殺僧矣
太守遣多役捕之彼衆惶懼皆叩首求解師
曰爾勿懼亦勿辯第聽吾言太守問狂徒殺
僧耶師曰未也來捕時僧方與彼同食瓜果

耳太守曰何闕曰市闕耳太守命三木師曰
將欲散之乃故拘之耶太守悟但令他方驅
之不三日盡解散師於詩文天才駿發少年
入長安王元美諄諄誨以詩法師不答瞠目
視之敬美一見笑曰阿哥翰却維摩了也論
曰莊生云以聖人之學教聖人之才其亦庶
乎其可矣余以辛酉入五乳訪師者三語甚
洽余謂師用世異才也贈以詩曰出世還應
用世人師不語其意深自得又謂師老矣何
不加意嗣人答云須其人精心求之我求何
益初師在海上即墨黃生納善年十九參究
堅切脇不至席對大士破臂然燈保師速還
火發瘡痛日夜危坐持觀音大士名三月乃
愈痂痕結大士像眉目身衣宛然如畫求隨
師出家師不許生乃曰弟子打個勛斗來師

又何能止我乎又明年竟坐脫此豈所謂其人耶非耶其在嶺南則馮昌曆五乳之患難不二者爲福善賜進士出身廣東等處提刑按察司按察使會稽陸夢龍君啟撰

憨山大師塔院碑記

嶺南無佛五祖所譏而能大師出其無根之智剖三光而剗五嶽掃軌易嚮以師百世何其盛也玄風旣衰法地亦墜積劫之因是爲開始師與達觀滌源曹溪之盟結想未紆師乃被難達觀聞之驚曰憨公已矣此願曷酬而師以主恩佛佑流有五刑適赴其地雖業累所纏然亦因緣之願力也初至解紛上將督府德之願爲護法先時道場土宇割裂侵并流徒肆爲屠沽至是檄縣期以三日盡之因謂師六祖腥羶已爲滌然生靈塗炭請師

素五

二十六

救濟其一珠船千艘皆海上巨盜資以欽探之勢踰期不歸橫掠海上吏不能制其一礦役暴橫掘墓破居師乃徐動權使啟誘信心嚴約珠船徹所遣役歸有司歲額解進民自此安枕矣遂闢祖庭立義學登壇說法自宰官文士下及賄販咸遂皈依改徑拓產歸所侵田以屠肆爲十方且過寮設庫司清規井然如官府法歲大饑疫勸施掩骼作濟渡道場夫無著之機棄絕聖智有爲之化波潤津梁大小精粗至人畢貫所以君子契其精玄

素五

二十七

小人懷其樂利沒而不忘其在斯乎玄圃蕭先生北上入訪因遊次謂曰已爲師覓一片福地問何在曰天時岡師戲云天時岡宰相定穴非吾法王就能居之旣別即示微疾數日而逝甲子春廬山弟子福善等至請龕還

廬嶺南弟子歐文起劉起相暨山寺大眾議
留乃闡卜之三闡皆得留字詔太守張三星
爲建塔院即所指天時岡也然龕卒歸五乳
是爲衣履之藏銘曰聰明聖智道不涉焦金
腐芥世喪裂大師精神十方徹撓挑風雷弄
日月波瀾不蕩光不滅曹溪中流祖源遍刊
山滌源九州列洪鍾在函無扣歇水逝風行
非續絕曹溪五乳無跡輒與塔而三共巖業
天啟七年六月賜進士出身廣東等處提刑
按察司按察使會稽陸夢龍撰

本師慈山大和尚靈龕還曹溪供奉始
末

謹按本師以萬曆丙申逆緣入粵生平履歷
備載于蕭玄圃兵觀我錢受之諸名公碑銘
亦既逗漏不少今所紀者自廬山迎靈龕還

曹溪及開龕漆布始末也吾師弘法一生精
神半在曹溪備載于中興錄暮年歸休于廬
之五乳天啟壬戌起相同堂主本昂等堅請
師南還以癸亥冬示寂于曹溪五乳眷屬知
微善公欲迎靈龕歸廬龕前拈闡三拈皆得
留字于時宗伯蕭公捐貲會本道我齋夏公
韶府張公暨遠近緇白弟子及十房僧衆崇
建塔院善公者本從師于患難九死之餘孝
誠篤摯邀請具越諸宰官皈依師門者具書
當道何制臺下令強迎歸廬乙丑之春正月
也崇禎庚辰起相承乏司李瑞州入山掃塔
始知形家異議旣入塔復啟殯卜地因憶壬
戌侍師于廬師別詩云一片遠心遡流水相
期端爲不傳衣又曾于衆中授記云爾他日
爲兵部權要之官當爲我修蔡家先墳二十

年來一官拓落既難提石上之衣又罔効包
土之力嘗懷內疚忽猛省曰師靈未妥倘了
此段公案其於修墳不既多乎遂謀力任南
迎之役長男理燁隨任因力贊之癸未秋楚
寇震鄰兵燹是虞嗣孫慈力廣成等用子言
龕前拈闌三闌皆順起相解任將南歸遣男
理燁代迎有晏生日瑞者曾物色之兩造中
賞其膽智可任渠亦堅請効勞因命之往康
郡糧館亦留都人難之曰大師吾梓里也彼
能迎我獨不可留乎相先托同鄉康郡司李
廖公文英爲東道主值廖奉臺檄辦事淮安
已在舟中矣爲風所留幾八十日晏生懇之
廖欣然許諾一夕風轉南遣人趣晏曰風利
不泊遲則自誤值晏痢病動轉不得業揚帆
北渡晏生已失望矣是夕石尤風大作又逆

卷五

五

逆廖舟還故處晏生手額曰大師之靈也於
是檄星子縣署篆寧公主其事牌行山中衆
莫敢抗瑞郡守戎金國柱康郡守戎胡宗聖
皆遣兵迎送旗鼓導引出山寇警日迫河道
梗澁六舟南邁途中值賊客舟皆被邀截獨
靈龕船得風揚帆徑去鈎竿皆著手不得如
是屢經險阻履險卒夷川嶽助順何莫非吾
師之靈也是年冬仲朔二日靈龕到山山中
大眾歡聲如雷以爲從天而下也晏生及嗣
孫慈力爲余言龕靈異甚初出山及度嶺皆
四人舁之比到濛裏登岸夫力倍之猶勉強
此何說也予謂老人家顯異欲以肉身出現
乎擇吉入塔在甲申九月而荒盜頻仍復值
燕都大變崩心痛悼欲先期入山省視未遑
也有宋總戎紀者語僧遠蒼曰大師名喧宇

宙豈同餘人金剛之體保無缺漏請開瞻禮
于四月廿八集衆拈闡許開開則道骨如生
儼然端坐不傾不倚髮甲皆長衣服鮮潔白
綾坐褥無半點瑕數珠絨串若新大衆歡呼
皈命頂禮觀者如堵後數日前吏部尚書李
公日宣韶府黃公銳者入山隨喜共作證明
始信肉身大士應緣度世前有大鑒今有本
師先是卓錫泉久竭郡侯黃公留心法門百
計搜剔比靈龕既啟泉則自湧應若影響豈
偶然也起相與余宗元糾本府長春社中緇
白善信設闔山大齋以重陽日入山廿五日
齋僧十月初十日漆布陞座十房戶長長老
耆舊塔主堂主及長春社護法居士具僉帖
請嗣孫慈力等守奉塔院香燈宋公首捐五
十金漆布且請李公撰募疏謂塔院襟眉未

舒爲修剏及香燈田產之費制臺沈公業題
百金此皆與本師夙值般若之緣故能于末
後一著各出手眼爲千秋豎光明幢也起相
綿力何幸躬逢其盛爰識其始末如此崇禎
十七年十月吉日原任江西瑞州府推官順
德菩薩戒弟子劉起相頓首謹識

奉輓憨翁禪師圓寂 蕭雲舉 少宰 廣西人

鼓棹雙林扣夕扉故人把袂洽心期十年契
濶龍華會萬里音書雁斷時茅結牢山歸北
海花開庾嶺向南枝衡陽地福袈裟濶匡嶽

素五

手

雲深杖錫移臺鏡本空觀自性風幡忽動想
能師幾回涼月倍清夢一宿秋風對故知隱
几談天收密義揮毫見地掃羣疑久無粘縛
心常定空有慈悲首重垂落葉秋深忘語倦
聽鐘夜半說心危每嗟塵世心常苦更到禪

臺路轉岐法語聽來堪唯唯客程催去故遲
遲老知湖海應難遇會屬機緣忽湧離鴈過
寒山秋影盡馬嘶曹水去聲悲尺素傳書人
北面閣黎聞訃淚交頤法門摧棟材難得覺
海藏舟事莫追睡蝶蘊蘊繞入夢猶龍矯矯
欲何之晤來已是經千劫化去何煩贊一辭
忘我非貪無相好觀空莫詫有形奇回看峰
色林端寺夢想潮音篋裏詩圓寂那曾分去
住莊嚴不改舊威儀祇愁法侶應稀少託鉢
傳衣更屬誰

奉輓慈翁大和尚

有序

吳中偉

左方作海鹽人

慈山大師禪宗龍象余治兵湖南獲展參詣
庚申春再承乏嶺表道經曹溪頂禮南華祖
像僅蔽風雨雖巨材山積而龜曝鶴飛丹青
剝落徘徊久之慨然大息詢厥所以老比丘

答言此我慈大師未竟業也安禪七日金地
將完說構三途法輪中輟言罷掩抑悲不自
勝予重憐其意語之曰若等真思大師予當
爲若招之比丘輩咸各歡喜無量投地稱謝
遂重趼千里殷勤啟請始於比年某月再入

曹溪則僧輩已三詣大師而予亦三致書師
矣卓錫之日法訊見貽薄宦糾縛未遑酬次
每念他日北歸庶幾從容化城仰參心諦而
法臘已滿遽登涅槃俾予數年所懷竟成虛
想夫金剛不壞則大教常流石電難延則肉
軀等盡子悼宗風之永寂哀玄義之將頽感
徃多哀傷今欲絕攬筆成誄情見乎詞矣
歸盡天龍有大師講壇花雨落遲遲廚中法
膳慈宮出嶺表恩流聖主知鷗鳥宰官疑玩
世旃檀海藏有經時是誰高足如迦葉把撰

遺疏痛所思

曹溪滴滴泣南華當日親承坐具紗心印獨
傳無一字地金重布有三車林風月掩床頭
火穀雨煙消定後茶未法中興還更墮低徊
雙樹獨長嗟

卷五

三

識記南宗歲已千道場重此更安禪法流心
在無窮悟祖去衣藏不再傳泣斷比丘黃葉
下靈埋鑲子白雲邊應留遺教經同佛猶自
中流得寶船

滿月當年一試叅皈依初地憶湖南衣從白
搔身常淨教演青蓮舌再舍金版譯窮經幾
部銀鈎書就祖千函子曾刻師楞嚴通藏師亦為子手書祖像贊傳
是誰檀越真師負三度書招祇自慚

過匡山奉弔愁山大師 王思任山人

七峰絕頂卓開巒蘿葛窮時剩石攀溪舌瓏

玲難翦截教人猶自聽愁山

靈光作線一相牽八里庄前二十年今日拜

師猶骨在知師原是古金仙

賜環炎海主恩多鱷浪蛇雲伏幾魔遶莫靈

山因道力空餘好相聽彌陀

治任千般為一龕曹溪廬阜若何叅早知風

月猶擎架一火燒時沒得擔

奉輓五乳大師 博山後學大艤

象王跡應瑞蓮開五乳峰前吼若雷今日樹

煙何靉靄紫雲旋入白雲推

卷五

三

南華福地塔全身脚底猶披五乳雲拄杖攪

渾清世界不知得法幾多人

哭五乳大師 弟子福能

憶斷南華歸去來那堪已脫舊蓮胎人誰得

髓應成笑我未忘情自合哀荷法從今皆弱

質論文視昔幾雄才可憐孤客餘雙眼遙對

青山泣草萊

乍得歸依雙徑山師資可想鷲峰間幾堪玉
樹蒼苔瘞即使香臺末路還語對石泉分哽
哽涕當風葉墮潛潛印心四卷楞伽在掉臂

何人已出關

泣對緘書轉不平空於手澤訴歸盟相逢未
惜懸千載自棄須知負一生推古但云携履
去臨哀誰解作驢鳴蕭蕭客舍殘冬雪點袂
依人若有情

淚灑天涯寄弟兄先師遺囑太分明鬚眉五
老堪摩擬腰脊三梁自現成紅葉鄉人雙眼
血白雲弟子一心旌於茲領取拳拳意何必
高談論死生

寄愁大師曹溪法卷書

海印白衣弟子虞山錢謙益致書于愁大師

曹溪塔院住持諸上座師兄恭惟甲申之歲

大師真身自五乳歸於曹溪迄今十有三載

矣某洊經喪亂萬死一生視息僅存草土自

屏旣不能襍被腰包躬掃塔院又不克齋心

頂禮遙致瓣香仰負劬勞俛辜記荊謁天躋

地歎愧何已唯是多生承事畢世皈依布髮

未忘其宿因失乳久思夫慈母此則海墨難

盡劫火不灰我大師固當於常寂光中重加

憐慈密爲加被者也粵自法幢傾倒末劫凌

卷五

三十四

夷師子逝而野干鳴龍象寢而妖狐熾家家

臨濟箇箇德山宗師如茨付拂如葦而又構

造妄語侮慢聖僧謗紫栢則曰本無師承毀

大師則曰但稱義學聚聾導瞽惑世誣民法

門之敗壞未有甚於此時者也舉世飲狂井

之藥而有一人不狂舉世怖曉鏡之頭而有一人不怖單撐孤立風雪當門此一人者或者護世四王密諦力士假手是人爲如來使使之屏除魔外不斷佛種而我大師慈心悲愍普施無畏亦豈無厚望於後人與諸上座與某緇白不同同出大師之門並受遺囑居今之世隨波逐流坐視斯人中風狂走搖手閉目不爲拯救亦何以稱海印之真子與魔強佛弱俗重道輕智眼無多法城日倒未知諸上座能不河漢吾言否也今所欲亟請于座右者近代紫栢雲棲皆有全集行世大師夢遊集嘉興藏函但是法語一種其他書記序傳之文發明大法者有其目而無其書聞大師遺稿藏貯曹溪卷帙甚富今特爲啟請倒囊相付當訂其訛舛削其繁蕪使斯世得

書

五

窺全璧不恨半珠人天眼目剝塵瞻仰斷不可遼緩後時或貽湮沒之悔也又大師著春秋左氏心法乃發明因果之書常自言曹溪削髮時燈前燭下徵求案斷魂魄可追毛髮皆豎以今世時節因緣正當開顯此書用以革頑止殺撈攏切濁追思大師往昔付託良非聊爾流通之責胡可逭也伏祈諸上座合力搜羅悉心採集片紙隻字罔其闕遺捷椎集衆昭告大師真身之前舉授輅車詔使鄭重郵致俾某得藉手撰集以告成事此則法乘教海千秋之耿光非及門一人之私幸也大師五乳塔院濫竽載筆南海陳相公曾爲題識勒石南華甲申已後歸龕事蹟山門當有實錄不揆蕪陋願考覈作第二碑以備僧史某年七十有五誓以西垂之歲歸命佛門

曾台賢之異同破性相之岐執闡揚遺教弘
護真乘庶幾龜勉餘生不負大師摩頂付囑
至意俟文集畢工少有端緒當爲文一通啟
告大師冥機密感念茲在茲而今固未遑及
也遙望雙峰焚香作禮領海迢然如在床席
天寒夜凍琢冰削牘意滿楮陋不盡所云歲
在丙申十一月長至前三日某和南奉啟

右錢牧齋宗伯訪求憨山大師遺稿書以
託龔孝升中丞者頃携至海幢華首和尚
觀之彈指讚禮蓋歎錢公能不負師龔公

能不負友而兩公皆能不負佛所付囑也
使授諸梓命今釋跋其後嗚呼斯道凌夷
於今已極良由信根輕鮮忘法本而背佛
恩其視慧命斷續之間若越肥秦瘠笑啼
皆僞起倒隨人請以此書正告天下萬世

素五

三六

之爲法門後昆者知錢公所以盡心於大
師之心與龔公所共弘護之心與和尚所
共流通之心皆共出于三世諸佛大悲大
願之心皮下有血人觸著便痛不隔一絲
危涕旣零忘身非險即生佛慧命實嘉賴
之豈止爲大師豎立光明法幢而已時丁
酉春正月穀日華首門下弟子比丘今釋
跋

台諭憨大師全集泰處署中搜羅咨訪非
力所及適金道隱在此知中丞傳台札於
海幢法侶其堂頭宗寶老人歡喜讚歎焚
香設拜屬道隱題跋付梓布告諸方俾凡
有收藏大師法語者單辭片紙皆來聚集
現在數種附中丞行笥此外更有所得泰
當爲續上也門人萬泰頓首

憨山大師全集舊序

余嘗思維世聖賢立身一代或開創或繼述或守成或重興或救弊其用心於制作之微事無不周義無不備使千萬世下有能尋其旨趣皆可因之而振起也此非古今之大經

卷五

三二

大法哉於是更進而思之夫經世聖賢尚能以身盡一代之事以道開萬世之心况我佛祖出世爲人以超生死性命之法而化凡聖迷悟之心其示現普門感應異類者豈不能續三世之慧燈傳大千之種智乎余於憨山大師見之矣大師悟門與教化之廣大已見於自己著述與諸明眼傳記贊銘之詳舉世莫不知爲再來肉身大士矣余何能贊一辭蓋痛念法門而有感焉大師當此宗門凋落之際方與雲棲達觀二大師相爲鼎立以悟

宗門之人不據宗門之位是預知宗門將振故爲宗門大防獨虛此位而尊此宗使其狂妄僭竊之徒自生畏懼而不敢眇視輕賤此其心又奚啻程嬰杵臼哉嗚呼有三大師如此光明赫奕於前而後世尚有僭竊不恤爲大師之罪人者寧不大可慨與雖然孔子作春秋正萬世名義雖不能使萬世之名義皆正而有不能正名義者亦何能逃春秋之誅余昔年見大師贊予壽昌先祖及撰塔銘即突出大好山千里遙相見之句已知與先祖把手共遊向上一路矣至於平生說法著作曲盡一代時教始終本末全體佛心全行祖意其提唱拈頌及指示偈語會何減於古人曾何讓今人天下後世自知師實祖位之人不居祖位豈可以師不自居即爲非祖位人

乎師沒後二十二年而全身不壞與曹溪六祖開創重興無有二義其進於維世大經大法而能續法身慧命誠無不周無不備也茲大師法孫堅如欲募刻師全集乃特請為序而贊成之予嘉其為法忘軀之誠因述余所仰慕感慨之思云爾天界後學道盛和南題

卷五

三六

憨山大師口筏引

客歲龔中丞孝升入粵虞山錢宗伯屬收憨山大師遺文維時華首老人與鼎湖棲壑和尚哀集法語及諸論述附星輅以往珠海牟尼光已照映吳山淞水間矣余從友人黃秋聞又得遺言一則乃師中興曹溪祖庭時與鄧生敷說所謂口筏者也師信口說法泚筆千言文不加點皆從不思議中流出其示鄧生言下指點縱橫穿漏從來單提直指未有

如是之簡捷透快者師與雲棲紫栢同時稱

三大宗師弘皆親受記荊雲棲以低眉作佛

事師與紫栢以努目作佛事而其作略大都

從五臺水觀中來故其楮墨所傳莫不有千

峰積雪萬壑轟雷之雄槩此片紙亦具見一

班矣刻成仍寄宗伯俾補入全集中而敬書

數語于後丁酉蒲月中州曾弘合掌言

憨山大師夢遊全集卷第五十五

音釋

皖 胡官切 滄 祖閱切 塾 神六切 門側堂也

家有 鑄 古穴切 環 弁 音 奄 俛 古委切 度 音 說

也 眈 舉上音 刺下音 產 墳 籠 上許元切 螿

音 茅 狙 猶 上子余切 貲 音 咨 啞 杜結切 謀

音 畫 遠 也 莊 邨 辱 上音 夾 下 炮 待可切 鬚

子 譙 然 已 解 邨 辱 音 肉 地 名 炮 燭 餘 也 鬚

上蘇合切 髒 音 鳥 戲 闍 居 尤



性相通說

唐三藏法師玄奘奉
明憇山沙門德清述
詔譯

性相通說



清刻龍藏佛說法變相圖

序

素六

佛稱三界醫王所說一大藏經如世之醫方
 至於相宗文字如醫家之脉訣世之醫者捨
 脉而不知病症之微細則妄施方藥雖金丹
 適令人死故學佛而獨以參禪為向上不究
 性相之原如醫不問病症而槩施以金丹未
 有不瞑眩發狂者此今禪門之大謬也若習
 教而不知參禪如說方而不識藥亦有知藥
 而不知病者參禪而不知教是猶重金丹而
 棄方脉莫不夭折慧命喪法身此可為法門
 之大憂也西域佛滅六百年中性相相攻破
 壞正法故馬鳴大士作起信論以一之達磨
 東來禪教相非亦甚圭峯禪師一之未能永
 明大師集一大藏為宗鏡錄以會歸一心為
 二宗之極則學者槩束之高閣且相宗之不

明也久矣我明二百年來魯山法師始揭其
規矩爲補註萬曆中高原一兩諸公始倡唯
識損莽王太史爲之博采證義其說益明然
特施於專門尚難入若夫修禪之士猶憤憤
也故執藥之病卒不可治予至徑山澹居鎧
公請益性相宗旨予畧拈兩宗之要爲說以
通之以名相既有諸解精詳不俟一一特取
其義而變其文以歸一心爲極致可爲宗鏡
之提綱直欲初機易會此說一出而兩家抵
牾可釋然無疑修禪得此可免誤服之虞而
習教者亦無執方之誚此亦均調之劑也智
者觀之若飲倉公上池之水則洞見肺肝特
以脰脉爲名耳可不快哉前以落筆草藁付
徑山謄寫多譌佛殿山古愚拙公重梓以結
法緣因爲訂正傳之諸方當以此本爲正故

序其始末以弁其首

憨山與德清題

卷六

二

性相通說卷之上

百法論義

天 親 菩 薩 造

唐三藏法師玄奘奉 詔譯

明 憨 山 沙 門 德 清 述

佛說一大藏教只是說破三界唯心萬法唯識及佛滅後弘法菩薩解釋教義依唯心立性宗依唯識立相宗各賢門庭甚至分河飲水而性相二宗不能融通非今日矣唯馬鳴大師作起信論會相歸性以顯一心迷悟差別依一心法立二種門謂心真如門心生滅門良以寂滅一心不屬迷悟體絕聖凡今有聖凡二路者是由一心真妄迷悟之分故以二門為聖凡之本故立真如門顯不迷之體立生滅門顯一心有

卷六

三

隨緣染淨之用故知一切聖凡修證迷悟因果皆生滅門收其末後拈華為教外別傳之旨乃直指一心本非迷悟不屬聖凡今達磨所傳禪宗是也其教中修行原依一心開示其所證入依生滅門悟至真如門以為極則其唯識所說十種真如正是對生滅所立之真如耳是知相宗唯識定要會歸一心為極此唯楞嚴所說一路涅槃門乃二宗之究竟也學人不知其源至談唯識一宗專在名相上作活計不知聖人密意要人識破妄相以會歸一心耳故今依生滅門中以不生滅與生滅和合成阿賴耶識變起根身器界以示迷悟之源了此歸源無二則妙悟一心如指諸掌矣相宗百法者正的示萬法唯識之旨也以不

生滅心與生滅和合成阿賴耶識以此識有覺不覺義其覺義者乃一心真如爲一切衆生正因佛性其不覺義者乃根本無明迷此一心而成識體故此識有三分謂自證分見分相分又一師立四分增證自證分其證自證分卽不迷之真如其自證分乃真如一分迷中之佛性是爲本覺以衆生雖迷而本有佛性不失不壞以有真如自體可證故云自證良由一心真如有大智慧光明義故今迷而爲識以湛寂之體忽生一念迷本圓明則將本有無相之真如變起虛空四大之妄相名爲相分將本有之智光變爲能見之妄見是爲見分是知一切衆生世界有相之萬法皆依八識見相二分之所建立故云萬法唯識此

卷六

四

實相宗之本源也今唯識宗但言百法者始因彌勒菩薩修唯識觀見得萬法廣博鈍根衆生難以修習故就萬法中最切要者特出六百六十法造瑜伽師地論以發明之可謂簡矣及至天親菩薩從兜率稟受彌勒相宗法門又見其繁乃就六百六十法中提出綱要總成百法已盡大乘奧義故造論曰百法明門謂明此百法可入大乘之門矣故欲知唯識要先明此百法以此百法乃八識所變耳以一切衆生皆依此識而有生死三乘聖人皆依此識而有修證通名世出世法卽此百法收盡然一切聖凡皆執爲我故論首標云如世尊言一切法無我卽顯此一無字便見世尊出世說法四十九年單單只說破聖凡之

我見耳我見既離則八識無名而一心之義顯矣由是觀之何相而不歸性耶今言百法通名有爲無爲世出世法其世間名有爲法有九十四出世間名無爲法有六種故一切兩字包括殆盡雖云出世猶未

五

六

離我故總無之所以論主標一切法無我一句爲性相之宗本則了無剩法矣其有爲法九十四者謂一心法有八心所法有五十一色法有十一不相應行法有二十四然心法八者謂眼識耳識鼻識舌識身識意識第七末那識亦名意亦名染淨依俗呼傳送識第八阿賴耶識亦名無沒識又名含藏識此八識通名心王以第八識乃自證分爲生死主其前七識乃屬見分以爲心用故楞嚴云元以一精明分成六

和合八識心王無善無惡不會造業其作善作惡者乃心所也故五十一心所又名心使如世人家之奴僕主人固善而奴僕作惡累及主耳起信論中不分王所但豎說三細六麤生起之相通名五意六種染心但云心念法異一語而已然心卽八識心王念卽心所法卽善惡境界此唯識相宗乃橫說八識王所業用故不同耳其五十一心所分爲六位

- 一徧行五法謂意觸受想思
- 二別境五法謂欲解念定慧
- 三善心所有十一謂信進與慚愧無貪等三根輕安不放逸行捨及不害
- 四根本煩惱有六謂貪嗔癡慢疑不正見
- 五隨煩惱二十分小中大小隨有十者謂忿

恨惱覆誑諂驕害嫉慳中隨一者謂無慚
并無愧大隨八者謂不信并懈怠放逸及
昏沉掉舉失正念不正知散亂所言隨者
乃隨其根本煩惱分位差別分小中大者
以有三義一自類俱起二徧染二性謂不
善有覆三徧諸染心三義皆具名大具一
六名中俱無名小

六不定法四者謂悔眠尋伺以此四法不定
屬善屬惡故此五十一心所皆作善作惡
之具也而有麤細之不同
徧行五者乃善惡最初之動念也雖有五法
其實總成一念以第八識元一精明之體
本無善惡二路其前五識乃八識精明應
五根照境之用同一現量亦無善惡其六
七二識正屬八識之見分其七乃虛假故

楞伽云七識不流轉非生死因其六識元
屬智照今在迷中雖善分別況是待緣亦
本無善惡若無徧行五法則一念不生智
光圓滿現量昭然卽此名爲大定六根任
運無爲矣無奈八識田中含藏無量劫來
善惡業習種子內熏鼓發不覺動念譬如
潛淵魚鼓波而自踊是爲作意警心令起
不論善惡但只熏動起念處便是作意此
生心動念之始也由衆生無始以來未嘗
離念故今參禪看話頭堵截意識不行便
七是不容作意耳觸則引心趣境蓋境有二
其習氣內熏者乃無明因緣所變爲境發
出現行則以此似量所緣前塵影子爲境
二境返觸自心故名爲觸此妄境一現則
違順俱非境相舍受不捨是名爲受境風

飄鼓安立自境施設名言故名爲想微細不斷驅役自心令造善惡故名爲思其實五法圓滿方成微細善惡總爲一念此最極微細故云流注生滅言徧行者謂徧四一切心得行故謂徧三性八識九地一切時也是爲恒行心所叅禪只要斷此一念若離此一念卽是真心故起信云離念境界唯證相應故

別境五者正是作善作惡之心也前徧行五雖起一念善惡但念而未作若肯當下止息則業行自消及至別境則不能止矣言別境者謂別緣境不同徧行此乃作業之心耳因前徧行作後善惡體通麤細欲者樂欲謂於所樂境希望欲作此正必作之心也解者勝解謂於境決定知其可作

不能已也念者明記謂於可作境令心分明記取不忘也定專一謂於所觀境專注一心也慧點慧謂於所作境了然不疑也此五別別緣境而生若無此五縱有善惡之念亦不能作成事業而此五法不唯善惡卽出世修行亦須此五乃能成辦也上乃起業之心下乃造作之業其業不過善惡二途其善業止有十一其惡業則有根本煩惱六隨煩惱二十故世間衆生作善者少而作惡者多也

善十一者善謂信慚愧無貪等三根勤安不放逸行捨及不害此十一法收盡一切善業世出世業以信爲本故首列之慚者謂自慚云我如此丈夫之形又解教法敢作惡耶有此慚心則惡行自止愧者愧他謂

恐人譏呵故不親惡人不作惡事經云有
慚愧者可名爲人既具信心加增慚愧則
善法自成矣貪嗔癡三者乃根本煩惱亦
名三毒作善之人此三不斷何以爲善故
皆無之若無此三毒是爲三善根勤者精
進也既斷三毒純一善心必加精進勇猛
善行方增此治懈怠之病世有淳善之人
無精進力軟暖因循故終身無成輕安者
謂離三毒麤重昏惰如釋重負則身心輕
快安隱堪任善行也不放逸者以縱貪嗔
癡無精進心是爲放逸此不放逸乃三根
精進四法上防修之功能也行捨者由精
進力捨貪嗔癡則令心平等正直任運入
道以念念捨處即念念入處如人行路不
捨前步則後步不進故名行捨以有此捨

素六

九

令心不沉掉故平等耳言行蘊中捨者以
行陰念念遷流者乃三毒習氣熏發妄想
不覺令心昏沉掉舉若無此捨不但昏掉
將發現行若能念念捨之則昏掉兩捨自
然令心平等正直矣初用力捨名有功用
若捨至一念不生則任運無功自然合道
矣故予教人參禪做工夫但妄想起時莫
與作對亦不要斷亦不可隨但撇去不顧
自然心安蓋撇即捨耳不害者謂慈悲衆
生不爲損惱此專治嗔不嗔則外不傷生
內全慧命故爲至善如儒之仁而善法繫
之終焉

根本煩惱六者謂貪嗔癡慢疑不正見此六
煩惱乃二種我法之根本爲二種生死之
根本一切枝末從此而生然貪嗔癡名爲

三毒傷害法身斷慧命者唯此為甚故首標之慢乃我慢疑乃不信不正見即邪見此三法障道之本慢障無我疑障正信不正見障正知見三乘能斷三毒而不能斷此三法外道之執邪見更甚所以修行難入正行者此三煩惱之過也法華名為十使煩惱謂貪嗔癡慢疑為五鈍使不見正分五謂身見邊見邪見見取戒禁取為五利使由此煩惱能使衆生漂流苦海故名為使

隨煩惱二十者謂忿恨惱覆誑諂驕害嫉慳此十為小隨無慚無愧此二為中隨不信懈怠放逸昏沉掉舉失正念不正知散亂此八為大隨所言隨者以隨他根本煩惱而生故言小中大者以隨有三義謂自類

卷六

十

俱起徧染二性謂不善有覆徧諸染心具三名大具一名中大小俱起故行相麤猛各自為主故名小隨以忿等十法各別而起故其無慚無愧則一切不善心俱大小俱起名中由無慚愧則昏掉不信等一齊俱起故名大蓋無慚愧及不信等與上善法相返義相對照可知不必繁解要知請詳唯識

不定四者謂悔眠尋伺論曰不定謂悔眠尋伺二各二謂此二二各具善惡二法故不定於一以不同前五位心所定徧八識三性一切時一切地此心所之差別也悔不定者如作惡之人改悔為善悔前惡行如作惡之人悔前惡事不作故不定耳眠謂睡眠則令身不自在心極暗昧此非善惡

故名不定即眠中作夢亦不定善惡論說
眠能障觀以眠爲心所者能令身心昏重
之用但非一定善惡耳言尋伺者乃作善
作惡之心將作之時必返求於心意言籌
量麤轉爲尋入細爲伺所謂麤細發言言
不定者如讚佛菩薩初尋後伺方得妙辭
如刁訟之人亦由尋入伺方得成筭故此
二法爲不定耳如上五十一法名心所者
乃心家所有之法也然八識心王不會造
業其造業者乃心所爲之以此與心相應
故同時起耳此心所法又名心數亦名心
迹亦名心路謂心行處總名妄想又名客
塵又名染心又名煩惱煩者擾也惱者亂
也有此心所擾亂自心然清淨心中本無
此事如清冷水投以沙土則土失留礙水

亡清潔自然渾濁名煩惱濁今修行人專
要斷此煩惱方爲真修楞嚴經云如澄濁
水沙土自沉清水現前名爲初伏客塵煩
惱去泥純水名爲永斷根本無明故修行
人縱得禪定未斷煩惱但名清水現前而
沙土沉底攪之又濁況未得禪定而便自
爲悟道乎如阿難蒙佛開示如來藏性徹
底分明而自述所悟但曰心迹圓明以向
來都是妄想用事全不知不見今日乃見
此是煩惱方得圓明了了耳今人以妄想
爲悟心豈非自顛耶然此心所名雖相宗
要人識破此妄想相則容易妙悟本有真
心矣豈直專數名相而已哉
已上雖分王所總屬八識之見分
十一色法者謂眼耳鼻舌身五根色聲香味

觸法六塵此五根乃八識攬地水火風四大所成內身為識所依之根五塵亦是四大能所八法所造為所受用境其法塵乃外五塵落謝影子屬六識所變一半屬心一半屬境此十一法通屬八識相分境以

唯識所現故

卷六

十二

問曰此五根身乃衆生之內身言攬四大所成此義云何

答曰楞嚴經云迷妄有虛空依空立世界想澄成國土知覺乃衆生此言因迷一心轉成阿賴耶識則靈明真空變為頑空於頑空中無明凝結成四大妄色故云依空立世界乃妄想澄凝所成之國土耳由有四大妄色則本有之智光轉為妄見以彼妄色為所見之境妄見既久則搏取四大

少分為我而妄見托彼四大以為我身故四大本是無知因妄見執受而有知真心無量今被無明封固潛入四大以為心所謂色雜妄想相為身故云知覺乃衆生是為五蘊之衆生耳故內五根外六塵通

屬八識之相分故參禪必先內脫身心外

遺世界者正要泯此相見二分單究八識

無明本體故身心世界不消總是生死之

障礙耳所言分別我法二執者以執身為

我執根塵為法執二乘修行但破身見則

卷六

十三

出分段生死其分別法執從初信心歷三

賢位直至初地方破此執豈易易哉

一十四種不相應者此乃色心分位蓋依前

三法上一分一位假立得等之名揀非心

心所色等故名不相應以不與心王相應

以不能作善作惡故非心所但係唯識所計分位差別以是我所執之法故亦列在有為法數義有多解非所急務故不必一一恐妨正行耳

此上九十四種名有為法以是衆生生死之法乃妄識所計有造作故故名有為名世間法下六無為乃出世法

無為法有六種者謂虛空無為擇滅無為非擇滅無為不動無為受想滅無為真如無為此六種法揀異有為故立無為名雖云出世法實通小乘以不動乃三果那舍受想滅乃滅盡定耳虛空無為者從喻得名謂無為法體若虛空無所造作下五無為通以此喻然此虛空喻有大小不同如華嚴云若人欲識佛境界當淨其意如虛空

遠離妄想及諸取令心所向皆無礙又云清淨法身猶若虛空此則直指法界性空即起信所云如實空鏡以體絕妄染故如虛空此乃大乘法性真空實一心之別稱也此中虛空義通大小正取虛豁無有造作以作下五無為真諦之喻耳擇滅無為者擇謂揀擇滅謂斷滅由無漏智斷諸障染所顯真理故立斯名此在權教菩薩分斷分證及二乘所證涅槃空法正屬擇滅故曰證滅高證無為實在二乘非擇滅者謂不由擇力緣缺所顯即實教菩薩以如實觀觀諸法性本自寂滅以立此名不動無為者謂第四禪離前三定三災不至無喜樂等動搖身心得不動名即五那舍定受想滅無為者無所有處想受不行名受

卷六

十四

想滅無爲通滅盡定此與不動皆屬二乘
真如無爲者理非倒妄不妄不變名爲真
如以遠離依他徧計此正唯識所證十種
真如若依起信正是八識體中本覺及真
如門乃對生滅之真如未盡一心故是相
宗之極則此上百法乃總答云何一切法
也下答云何爲無我

言無我者畧有二種一補特伽羅無我二法
無我此二無我直顯一心之源也蓋我法
二執有麤有細麤者名分別我法二執細
者名俱生我法二執此二種執始從凡夫
外道二乘歷三賢十聖直至等覺方纔破
盡破此二執即證一心是名爲佛今此二
無我則麤細二執皆在此中言補特伽羅
云數取趣謂諸有情數數起惑造業名爲

卷六

十五

能取當來五趣名爲所取此蓋就凡夫所
執分別五蘊假我及外道所執之神我以
取分段生死之苦者而言也其實二乘所
執蘊即離我及涅槃我與地上菩薩未破
藏識七地已前俱未離俱生我執以取變
易生死之微苦者今論中但說凡夫分別
之我未及聖人蓋就相宗一往所談耳其
實諦意以聖教量盡皆破之方極大乘之
義也法無我者謂我所執之法也凡夫法
執即身心世界六塵依報外道所執妄想
涅槃二乘所執偏空涅槃菩薩所執取證
真如論云現前立少物謂是唯識性以有
所得故非實住唯識以有證得是爲微細
法執所謂存我覺我俱名障礙故八地菩
薩已證平等真如尚起貪著是謂微細法

執此執未空故未盡異熟尚屬因果直至
金剛道後異熟空時即入果海即起信云
菩薩地盡覺心初起心無初相遠離微細
念故得見心性名究竟覺是則按此百法
前九十四乃凡夫所執人法二我六種無
爲乃二乘菩薩所執人法二我以雖證真
如猶屬迷悟對待總屬生滅邊收故今生
滅情忘聖凡不立方極一心之源故皆無
之此實即相歸性之極則也嗟今學者但
只分別名相不達即相即性歸源之旨致
使聖教不明而有志參禪者欲得正修行
路可不敬哉

性相通說卷之上

卷六

十六

性相通說卷之下

八識規矩

唐三藏法師玄奘集

明憨山沙門德清述

八識規矩者初玄奘法師採成唯識論就

窺基法師因見本論十卷文廣義幽乃請

法師集此要義將八識分為四章每章作

頌一十二句將五十一心所各派本識位

下有多寡之不同條然不紊故稱規矩然

論雖十卷其義盡此四十八句包括無遺

可謂最簡最要為一大藏教之關鍵不唯

講者不明難通教綱即參禪之士若不明

此亦不知自心起滅頭數所謂佛法之精

髓也但窺基舊解以論釋之學者難明故

但執相不能會歸唯心之旨予因居雙徑

卷六

十七

寂照適澹居鎧公請益性相二宗之旨予

不揣固陋先依起信會通百法復據論義

以此方文勢消歸於頌使學者覽了然

易見而參禪之士不假廣涉教義即此可

以印心以證悟入之淺深至於日用見聞

覺知亦能洞察生滅心數但此頌近解已

多皆得其宗但就機宜或以此為一助以

隨文難明故先提大綱於前使知綱要則

於頌文不勞細解亦易會矣

大綱者謂一真法界圓明妙心本無一物

了無身心世界之相又何有根境對待妄

想分別之緣影乎原此心境皆因無明不

覺迷一心而為識唯識變起見相二分故

見為心相為境故緣塵分別好醜取捨者

皆妄識耳若了心境唯識則分別不生分

別不生則一心圓明永離諸相矣今以未
悟一心故須先了唯識心境生滅心行則
當下消亡一心可入故唯識必須先知大
綱方可安心入觀耳此頌大綱單舉八識
心王緣境之時境有好醜故心所從之執
取起憎愛取捨故作善作惡善惡爲因故
感苦樂二報則業力牽引受苦受樂衆生
生死之法唯此而已此中開列八識各具
心所多寡之不同造業有強弱之不一分
別皎然使學者究心了知起滅下落易於
調治不致盲修瞎練不是徒知名相而已
衆生日用見聞覺知不離心境其能緣之
心具有三量量者量度揀非真智今妄識
對境便有量度故心有三量謂現量比量
非量以第一念現前明了不起分別不帶

卷六

十八

名言無籌度心如鏡現像名爲現量若同
時率爾意識隨見隨即分別名爲比量比
度不著名爲非量此三量乃能緣之心也
而所緣之境亦有三謂性境帶質境獨影
境現量緣性境性者實也謂根塵實法本
是真如妙性無美無惡以心無分別故境
無美惡是爲性境帶質境者比量所緣若
比度不著則爲非量其帶質境有真有似
以六七二識各有所緣故若六識外緣五
塵比度長短方圓美惡等相屬第二念意
識分別故爲比量此長短等相是帶彼外
境本質而起名似帶質以是假故其意識
緣五塵過去落謝影子亦名有質獨影乃
意識所變故云以心緣色似帶質中間相
分一頭生謂單從能緣見分起故若緣空

花兔角等事名無質獨影若散心所緣又有夢中境界及病中狂亂所見皆是非量并定中觀魚米肉山等事皆現量明了意識雖通三量現多比非少也若七識緣八識見分爲我中間相分兩頭生以能所同

卷六

十九

一見分所變故名真帶質境此心境之辨也以心境對待境有逆順好醜則能緣心依之而起憎愛取捨等見故起惑造業染成善惡二性故感將來受苦樂二報故心王有苦受樂受若不起善惡屬無記性則平平受因此受亦有三所以三界衆生上下升沉輪迴苦樂不忘者皆由唯識內習熏變發起心境故三量三境三性三受由是不能出離生死皆心意識之過也故論云衆生依心意意識轉今唯識宗因凡夫

日用不知苦樂誰作誰受外道妄立神我二乘心外取法故佛說萬法唯識使知唯識則知不出自心心不見心無相可得故參禪做工夫教人離心意識參離妄想境界求正是要人直達自心本無此事耳今八識頌而稱規矩者只是發明心境其所作善作惡皆是心所助成以各具多寡之不一故力有強弱之不等耳此唯識之大綱也其心所法已見百法今預列心境則臨文不必繁解恐礙觀心耳參禪若了妄心妄境皆唯識所現則用功之時內外根境一齊放下不逐緣影能所兩忘絕無對待單提一念攝歸自心則一切境量分別皆剎法矣

五識頌

性境現量通三性眼耳身三二地居徧行別境善十一中二大八貪嗔癡

此頌前五識首句言五識與八同體緣境之時單屬現量以前五識乃八識精明之體映在五根門頭了境之用以初映境時

素六

二十

當第一念未起分別不帶名言無籌度心故名爲現量境即性境若起第二念分別則是同時意識相應而起則屬比量故云性境現量言三性者乃善惡無記三性由此五識體非恒審故三性皆通問曰五識現量本無善惡何以通三性耶答曰此約同時意識而引自類種子同時而起則三性皆通此指意識任運而言非專五識也問曰若前與八同體然八識畢竟無善無惡而五識何獨通耶答八識畢竟不起分

別五識則有任運分別約後分別位義說

通耳眼耳身三二地居者此言三界五識行止之地也二地者謂欲界五趣雜居地色界初禪離生喜樂地以欲界五識全具初禪天人以禪悅爲食不食段食故離舌識既不受食則亦不聞香故無鼻識但有眼耳身三識而已居者止也謂此三識亦止於初禪若至二禪定生喜樂地以入定中三識亦無故云居止於此徧行二句頌相應心所也其相應心所通有五十一而前五識但具三十四心所法餘不具者互相違故

素六

手

五識同依淨色根九緣七八好相隣合三離二觀塵世愚者難分識與根

此頌初句言五識所依之根次句言生識

之緣三句言了境之用言依根者謂八識
精明之體今映五根門頭各了自境不能
圓通者以被五色根之所籠罩故各別區
分然五根乃四大所造有浮塵有勝義今
淨色根乃清淨四大所造為勝義根則浮
塵根不足依也且如盲者見暗與有眼處
暗無異足知根壞而見不壞則所依乃淨
色根耳言淨色者舊解但云四大初成之
淨色此最難曉唯天眼能見愚謂淨色即
無明殼也何以明之且妙明真心本來圓
明廣大今變而為識則被無明拘礙及結
色成根而無明識體栖托其中是為五蘊
之衆生且此妙心非無明力誰能裹此而
入軀殼之中耶故中陰身亦有形狀但輕
薄耳鬼神五通乃淨色之用足可徵矣九

緣等者言生識之緣謂八識生起共有九
緣但具緣多寡之不同耳九緣者謂空明
根境作意分別染淨種子根本此九通為
生識之緣以有為之法非無緣而生偈曰
眼識九緣生耳識唯從八鼻識身三七後
三五四謂眼識必仗九緣方生耳識八
緣除明緣以暗中能聞故鼻舌身三識除
明空二緣故唯七耳相隣次第也應云八
七後意識五緣者謂除分別與根以根乃
七識染淨依故七識三緣者但有作意種
子根本耳八識四緣者謂根即未那境即
種子根身器界作意即徧行一種子乃八
識親生種子此通言生識之緣意取前五
識因便及後三也鼻舌身乃合中取境以
合方知故眼耳離根取境以合則壞根故

卷六

三三

此言了境之用也愚者難分一句言小乘人唯依六識三毒建立染淨根本不知八識三分以根乃相分色法識乃見分心識以不知此只說根識相生縱許五識依五根生則六識依何為根耶經云根能照境識能了別二乘不知故為愚者此上八句須有漏識下四句須無漏成智

變相觀空唯後得果中猶自不詮真圓明初發成無漏三類分身息苦輪

此四句頌轉識成智也變謂變帶相謂相分以五識一向緣五塵相分境以此識同八齊轉今托彼相變帶觀空而此方成智其相雖空亦未離空相以不能親緣真如無相理故智有根本後得根本智緣如名真智後得智緣俗名為假智果中不詮真

素六

十三

者正謂佛果位中尚名假智此破異師計也以安慧師宗言後得因中緣如故此破之圓明初發謂八識轉大圓鏡智初發之時此前五識即成無漏以同體故所謂五八果上圓若此五轉成所作智在佛果中則能現三類身謂大化小化隨類化以此三身應機利物以在因中有外作用故果上亦成利生大用也叅禪無明一破則五根門頭皆光明智照如鏡照物不將不迎終日應緣了無一法當情矣

六識頌

三性三量通三境三界輪時易可知相應心所五十一善惡臨時別配之
此頌六識初句言六識善惡無記三性現量比量非量性境帶質獨影一一皆具以

諸識中唯此具足故其力最強三界生死善惡因果唯此識造故云三界輪時易可知所以能取三界生死者以五十一心所法法全具故業力殊勝但就善惡一念起時則心所齊集以類相從故云分別配之則易可知也然意識有五種緣境不同五種謂明了意識散位獨頭意識定中獨頭意識夢中獨頭意識散亂獨頭意識此五種緣境唯後夢中散亂位二種單緣獨影境其前三種皆能緣三境以凡有影像皆落意識窠曰故叅禪工夫必要離心意識者要不墮光影門頭以非真實故耳

性界受三恒轉易根隨信等總相連動身發語獨為最引滿能招業力牽

此頌不識業力强勝也受雖云三受其實

有五內外麤細之不同謂苦樂憂喜捨逼悅心曰憂喜逼悅身曰苦樂憂喜苦樂不行時名為捨受以此六識於三性三界五受恒常轉變改易也正如善時忽生一惡念喜時忽生一憂念改易不定次句承之云若惡念起時則根本與隨煩惱連帶而起若善念起時信等善法亦相連而起以其善惡心所齊行故助其強勝耳於八識中能動身發語獨此識最強其造善惡之業亦此識最強引者能引諸識作業滿者

業六

于四

能滿異熟果報故一業引一果多業能圓滿其所造業力招後報者則牽引八識受生死苦故八識頌云界地從他業力生者此耳故楞伽不立七識但言真識現識分別事識足知此識過患最重也

發起初心歡喜地俱生猶自現纏眠遠行地
後純無漏觀察圓明照大千

此頌六識轉成妙觀察智也以第六識順
生死流具有分別俱生我法二執若逆流
還源亦仗此識作我法二空觀今轉識成

兼

五

智從觀行位入生空觀至七信位方破分
別我執天台云同除四住此處為齊從八
信起作法空觀歷三賢位至初地初心方
斷分別法執故云發起初心歡喜地俱生
二執方現故云現纏眠纏目現行眠目種
子以俱生我法二執乃七識所執者七識
無力斷惑亦仗六識入二空觀初則有相
觀多無相觀少至第七遠行地六識恒在
雙空觀方破俱生我執俱生法執永伏不
起至此六識方得純淨無漏相應心所亦

同轉成妙觀察智也若此識成智則日用
現前六根門頭放光動地一切云為皆大
機大用矣

七識頌

帶質有覆通情本隨緣執我量為非八大徧
行別境慧貪癡我見慢相隨

此頌七識境量心所也此識唯緣帶質境
以心緣心名真帶質言通情本者以揀六
識緣外境為似帶質也以此七識緣內見
分為我中間相分識與見分本質交帶變
起故名為真三性之中唯有覆無記謂此
識雖無善惡而有四惑我見相應而起蓋
覆真性故名有覆無記隨緣執我量為非
此句揀量也若言帶質境則屬比量所緣
今因執內見分為我以非我計我恒謬執

故故名非量此識唯具十八心所以雖無善惡而為染污意故具八大徧行并別境中慧慧即我見貪癡見慢同一我見故餘不具者以善是淨法此識染污小隨麤猛此識微細由見審決故疑無容起愛著我

素六

五七

故嗔不得生故唯四惑然無別境四者以欲希望此識任運無所希望故無欲解者印持未定境此識恒緣定事故無勝解念乃記憶曾所習事此識恒緣現所受境無所記憶無不定四者悔者悔先所作此識恒緣現境故無惡作睡眠必依身心重昧外眾緣力此識一類內執不假外緣故無睡眠尋伺二法麤細發言淺深推度此識唯依內門而轉一類執我故皆無之

恒審思量我相隨有情日夜鎮昏迷四惑八

大相應起六轉呼為染淨依

此頌七識力用也此識恒常思察量度第八見分為我故云恒審思量我相隨恒之與審八識中四句分別第八恒而非審不執我無間斷故第六審而非恒以執我有間斷故前五非恒非審不執我故唯第七識亦恒亦審以執我無間斷故有情由此生死長夜而不自覺者以與四惑八大相應起故第六依此為染淨者由此識念念執我故令六識念念成染此識念念恒思無我令六識念念成淨故六識以此為染淨依是為意識之根以此識乃生死根本故叅禪做工夫先要志斷四惑內離我見方有少分相應

素六

五七

極喜初心平等性無功用行我恒摧如來現

起他受用十地菩薩所被機

此頌七識轉識成智也分別俱生我法二執乃六七識各有所執分別二執從初發心六識修生空觀至七信位斷分別我執隨入法空觀歷三賢位至初地方斷此則七識當轉平等性智因有俱生二執未淨故此識未得純淨無漏故曰極喜初心平等性無功用行我恒摧謂六識恒住雙空觀中至第七遠行地方捨藏識破俱生我執至八地無功用行則我執永伏法執間起故云恒摧若此七識轉成無漏平等性智在佛果位中現十種他受用身為十地菩薩說法菩薩所被之機也行人此識一轉則不動智念念現前法界圓明湛然常住矣

八識頌

性唯無覆五徧行界地隨他業力生二乘不了因迷執由此能與論主諍
此頌八識行相也此識唯一精明本無善惡故四性中唯無覆無記諸心中唯與徧行五法相應以有微細流注生滅故三界九地乃生死六道此識唯總報主當體雖無善惡而被他六識業力牽引而生前六識頌引滿能招業力牽者此也以此識深細世尊尋常不說故云陀那微細識習氣成瀑流真非真恐迷我常不開演向為二乘但說六識建立染淨根本二乘一向未聞故不了耳又云阿陀那識甚深細習氣種子成瀑流我於凡愚不開演恐彼分別執為我故云因迷執以小乘不知故不

信有此識是故大乘論師引大小乘三經
四頌五教十理證有此識故云由此能興
論主諍十證之義論中廣明

浩浩三藏不可窮淵深七浪境爲風受熏持
種根身器去後來先作主公

素六

天

此頌八識體相力用也浩浩者廣大無涯
之貌謂藏識性海不思議熏變而爲業海
故此識體廣大無涯以具三藏義故名爲
藏識三藏者能藏所藏我愛執藏以前七
識無量劫來善惡業行種子習氣唯此識
能藏前七識所作異熟果報唯八識是所
藏之處由第七識執此爲我故云我愛執
藏論云諸法於識藏識於諸法爾更互爲
果性亦常爲因性積劫因果不失不壞故
云不可窮本是湛淵之心爲境風鼓動故

素六

天

起七識波浪造種種業經云藏識海常住
境界風所動洪波鼓冥壑無有斷絕時故
云淵深七浪境爲風前七現行返熏此識
以其體有堅住可熏性故云受熏前七善
惡種子唯此識能持又能持根身器界一
期今不散壞者以是此相分乃所緣之境
故以爲三界總報主故死時後去投胎先
來爲衆生之命根故云作主公其實不知
不死不生法身常住也故經云識藏如來
藏所謂如來藏轉三十二相入一切衆生
身中故如來藏有恒沙稱性淨妙功德豈
生死耶今迷而爲藏識亦具恒沙染緣力
用能一念轉變則妙性功德本自圓成以
真妄觀體故頌四句歎其力用廣大也
不動地前纔捨藏金剛道後異熟空大圓無

垢同時發普照十方塵刹中

此須轉成大圓鏡智也謂此識因七識執爲我故從無始時來相續長劫沉淪生死圓教菩薩從初發心修行漸斷習氣歷過三賢登地以去至第七地破俱生我執此識方得捨藏識名顯過最重故云不動地前纔捨藏以微細法執及有漏善種間起尚引後果名異熟識至金剛心後證解脫道異熟方空故云爾也異熟若空則超因果方才轉成大圓鏡智言無垢同時發者以佛果位中名無垢識乃清淨真如謂鏡智相應法身顯現圓明普照十方塵刹故結云普照十方塵刹中以理智一如方證究竟一心之體此唯識之極則乃如來之極果也諦觀此識深潛難破此識絲毫未

透終在生死岸頭古德諸祖未有不破此識而有超佛越祖之談今人生滅未忘心地雜染種子未淨纖毫便稱悟道豈非未得謂得未證謂證可不懼哉

此論古存一解今人解者甚多但委細分別名相轉見難入而修行之士未親教者望崖而退即久依講席罷學叅禪者但勸話頭一著而心地生滅頭數亦沒奈何此論雖云相宗但顯唯心之相若不知此亦難究心不免得少爲足故予此解雖未盡依論文唯取其義而變其語使學者一覽便見正要因此悟心不是專爲分別名相也若責予杜撰荒謬之罪固不敢辭而爲修行者未必無功幸高明達士得意遺言是所望也

六祖大師識智頌解

大圓鏡智性清淨

教中說轉識成智六祖所說識本是智更
不須轉只是悟得八識自性清淨當體便
是大圓鏡智矣

素

至

平等性智心無病

此言七識染汚無知乃心之病也若無染
汚之病則平等性智念念現前

妙觀察智見非功

言六識本是妙觀察智於應境之時若以
功自居則執我見此則為識若不居功則
日用應緣純一妙觀察智矣

成所作智同圓鏡

言前五識轉成所作智亦此不必轉但悟
八識清淨圓明則於五根門頭放光動地

一切作為皆鏡智之用矣

五八六七果因轉但轉名言無實性

此言轉識分位雖說六七二識是因中轉
五八二識乃果上轉其實轉無所轉但轉
其名不轉其體故云但轉名言無實性

若於轉處不留情繫與永處那伽定

此結前轉而不轉之義也所言轉識成智
者無別妙術但於日用念念流轉處若留
情念繫著即智成識若念念轉處心無繫
著不結情根即識成智則一切時中常居
那伽大定矣豈是翻轉之轉耶觀六祖此
偈發揮識智之妙如傾甘露於焦渴喉中
如此深觀有何相宗不是參禪向上一路
耶予昔居五臺夢升兜率親見彌勒為說
唯識曰分別是識不分別是智依識染依

智淨染有生死淨無諸佛子因此悟唯識
之旨此雖夢語不可向夢人說也

性相通說卷之下

卷六

三

音釋

顛 謨官切
音瞞 糝 女救切
音紐 邈 莫角切
音莫



莊子內篇註

明匡廬逸叟憨山釋德清註



清刻龍藏佛說法變相圖

新編 乾隆大藏經

五九六

龍藏

莊子內篇註目錄

素七

卷一

逍遙遊

卷二

齊物論

卷三

養生主

人間世

德克符

卷四

大宗師

應帝王

素七

莊子內篇註卷之一

明匡廬逸叟慈山釋德清註

莊子一書乃老子之註疏予嘗謂老子之有莊如孔之有孟若悟徹老子之道後觀此書全從彼中變化出來以其人宏才博辯其言汪洋自恣故觀者如捕風捉影耳直是見徹他立言主意便不被他瞞矣一部全書三十三篇只內七篇已盡其意其外篇皆敷衍之說耳學者但精透內篇得無窮快活便非世上俗人矣其學問源頭影響論發明已透請細參之

逍遙遊

此爲書之首篇莊子自云言有宗事有君即此便是立言之宗本也逍遙者廣大自在之意即如佛經無礙解脫佛以斷盡煩惱

惱爲解脫莊子以超脫形骸泯絕知巧不以生人一身功名爲累爲解脫蓋指虛無自然爲大道之鄉爲逍遙之境如下云無何有之鄉廣漠之野等語是也意謂唯有真人能遊於此廣大自在之場者即下所謂大宗師即其人也世人不得如此逍遙者只被一箇我字拘礙故凡有所作只爲自己一身上求功求名自古及今舉世之人無不被此三件事苦了一生何曾有一息之快活哉獨有大聖人忘了此三件事素七故得無窮廣大自在逍遙快活可悲世人迷執拘拘只在我一身上做事以所見者小不但不知大道之妙即言之而亦不信如文中小知不及大知等語皆其意也故此篇立意以至人無已聖人無功神人無

名為骨子立定主意只說到後方才指出此是他文章變化鼓舞處學者若識得立言本意則一書之旨了然矣

北冥

北海乃玄冥處也

有魚其名爲鯤鯨之大不知

其幾千里也化而爲鳥其名爲鵬鵬之背不

三

知其幾千里也怒而飛其翼若垂天之雲是

鳥也海運則將徙於南冥南冥者天池也

莊子立言自云寓言十九重言十七卮言

日出和以天倪一書之言不出三種若此

鯨鵬皆寓言也以托物寓意以明道如所

云譬喻是也此逍遙主意只是形容大而

化之之謂聖惟聖人乃得逍遙故撰出鯨

鵬以喻大而化之之意耳北冥即北海以

曠遠非世人所見之地以喻玄冥大道海

中之鯨以喻大道體中養成大聖之胚胎

喻如大鯨非北海之大不能養也鯨化鵬正喻大而化之之謂聖也然鯨雖大乃塊然一物耳誰知其大必若化而爲鵬乃見其大耳鵬翼若垂天之雲則比鯨在海中之大可知矣怒而飛者言鵬之大不易舉也必奮全體之力乃可飛騰以喻聖人雖具全體向沉於淵深靜密之中難發其用必須奮全體道力乃可捨靜而趨動故若鵬之必怒而後可飛也聖人一出則覆翼群生故喻鳥翼若垂天之雲此則非鯨可比也海運謂海氣運動以喻聖人乘大氣運以出世間非等閒也將徙徙者遷也南冥猶南明謂陽明之方乃人君南面之喻謂聖人應運出世則爲聖帝明王即可南面以臨蒞天下也後之大宗師即此之聖

人應帝王即徙南冥之意也所謂言有宗
事有君者正此意也

齊諧者志怪者也諧之言曰鵬之徙於南冥
也水擊三千里搏扶搖而上者九萬里去以
六月息者也

莊子意謂鯤鵬變化之說大似不經恐人
不信故引此以作證據謂我此說非是漫
談乃我得之於齊諧中也問曰齊諧是何
等書曰乃志怪之書所記怪異之事者也
故諧之有言曰鵬之徙於南冥也水擊三
千里言翼擊海水振蕩三千里則其大可
知扶搖大風也以翼搏大風以飛而上者
一舉而九萬里之遠則其大益可知已六
月周六月即夏之四月謂盛陽開發風始
大而有力乃能鼓其翼息即風也意謂天

章七

四

地之風若人身中之氣息此筆端鼓舞處
以此証之則言可信也

野馬也塵埃也生物之以息相吹也天之蒼
蒼其正色耶其遠而無所至極耶其視下也
亦若是則已矣

此言大而又大之意也野馬澤中陽燄不
實之物塵埃日光射隙以照空中之遊塵
生物以息相吹言世之禽鳥蟲物以息相
吹謂氣息之微也蒼蒼者非天之正色乃
太虛寥遠目力不及之地也意謂鵬鳥之
大可謂大矣然在太虛寥廓之上而下視
之一似野馬塵埃而已眇乎小哉即扶搖
之大風以鼓之亦若生物之以息相吹相
噓而已何有於大哉故曰其視下也亦若
此已矣意謂聖人之大雖大亦落有形尚

章七

五

有體段而虛無大道無形不可以名狀又
何有於此哉此即以聖人之所以逍遙者
以道不以形也

且夫水之積也不厚則負大舟也無力覆杯

水於坳堂凹處也之上則芥為之舟謂芥子置大舟也

杯焉則膠膠粘着也謂坳堂之上不過杯水止可以芥子大舟則浮若以杯為

舟則膠粘不動矣水淺而舟大也風之積也不厚則

其負大翼也無力故九萬里則風斯在下矣

謂鵬能一飛九萬里者則是風在下而鵬在上鼓之負之乃可遠舉若風小則無力不能

舉而後乃今培風背負青天大風在下大鵬天培在風上使得

背負青天乃不墮落而莫之天闕者天中道而折也闕

得此大風培送大鵬一舉九萬里遠直至南溟而不中路夫折墜滯也而後乃

今將圖南言必有此大風然後方敢遠謀圖南之舉風小則不敢輕舉也

此一節總結上鯤鵬變化圖南之意以暗

喻大聖必深畜厚養而可致用也意謂北

海之水不厚則不能養大鯤及鯤化為鵬

雖欲遠舉非大風培負鼓送必不能遠至

南冥以喻非大道之淵深廣大不能涵養

大聖之胚胎縱養成全體若不變化亦不

能致大用縱有大聖之作用若不乘世道

交與之大運亦不能應運出與以成廣大

光明之事業是必深畜厚養待時而動方

盡大聖之體用故就在水上風上以形容

其厚積然水積本意說在鯤上今不說養

魚則變其文曰負舟乃是文之變化處律

人捉摸不住若說在鯤上則板拙不堪矣

意笑世人輕薄淺陋口耳之學又無積德

深厚何敢言其功名事業也

蝸小寒與鸞鳩學飛之小鳩也笑之曰我決起盡力而飛

而飛搶也榆枋時則不至而控投也於地而

已矣奚何也以九萬里而南為適徑莽蒼一望也

者三食而反腹猶果實也謂尚德也然過百里者

宿春糧適千里者三月聚糧之二蟲又何知

此喻小知不及大知謂世俗小見之人不

知聖人之大猶二蟲之飛捨榆枋則已極

素七

矣故笑大鵬要九萬里何為哉此喻世人

小知取足一身口體而已又何用聖人之

大道為哉莊子因言世人小見不知聖人

者以其志不遠大故所畜不深厚各隨其

量而已故如往一望之地則不必畜糧一

飯而往返尚飽此喻小人以目前而自足

也適百里者其志少遠故隔宿春糧若往

千里則三月聚糧以其志漸遠所養漸厚

比二蟲者生長榆枋本無所知亦無遠舉

之志宜乎其笑大鵬之飛也舉世小知之

素七

七

人蓋若此

小知不及大知以上二蟲以喻小知之人小年不及大年

此以小年大年又比小知大知也奚以知其然耶朝菌冀環之菌

朝生夕枯不知晦朔也一月蟪蛄也夏蟲也不知春秋此

小年也楚之南有冥靈神龜也者以五百歲為

春五百歲為秋上古有大椿者以八千歲為

春八千歲為秋此大年也而彭祖有壽之人乃今以久

壽特獨也聞衆人匹之不亦悲乎

此因二蟲之不知大鵬以喻小知之人不

知聖人之廣大以各盡其量無怪其然也

如朝菌蟪蛄豈知有冥靈大椿之壽哉且

世人只說彭祖八百歲古今獨有一人而

衆人希比其壽以彭祖較大椿則又可悲

矣世人小知如是而已

湯之問棘湯之賢相也也是已言小知不及大知即湯之問棘便是

此事 窮髮 不毛之地也 之北有冥海者天池也 要

北冥南冥都是海 有魚焉其廣數千里未有

知其脩也者其名爲鯢有鳥焉其名爲鵬背

若泰山翼若垂天之雲搏扶搖羊角 旋風也 而

上者九萬里絕雲氣 雲在半空而騰飛 負青

天然後圖南且適南冥也斥鷃 斥鷃名鷃澤中之小鳥也

笑之曰彼且奚適也我騰躍而上不過數仞

七尺而下翱翔蓬蒿之間此亦飛之至也而

彼且奚適也此小大之辨也

前引齊諧以証鯢鵬之事此復引湯之問

棘以証小知大知之事言上說小知不及

大知之說即湯之曾問於棘者便是此事

然且即舉鯢鵬不但證其魚鳥之大抑且

証明小大之辨故一引而兩証之其事同

而意別也故下文即明小大之不同

故夫 故夫者承上 知效一官行比 用 一鄉德

也合 義而言也 一君而徵 所信 一國者其自視亦若此

矣 亦若斥鷃 而宋榮子猶然笑之 宋榮子宋

笑謂彼四等人汲汲然以 之賢人也 且舉世而譽之而

不加勸舉世而非之而不加沮 沮喪氣 定乎

內外之分辨乎榮辱之竟斯已矣 言宋榮子

汲汲於浮名者其自處以能忘名故舉世譽

之而不加勸舉世非之而不加沮此但定其

少動其心以知榮辱與已無預如此而已矣

彼其於世未數數然也 言宋榮子所以能忘

求世之上 毀譽者但不汲汲以 雖然猶有未樹也 言未有樹立也

我 忘 夫列子御風而行冷然 輕舉 善也旬有五

日而後返彼於致福者未數數然也此雖免

乎行猶有所待者也 列子雖能忘禍福未能

不能與造物遊於無窮故待風而舉 若夫乘

亦不過旬五日而即返非長往也 而御六氣之辨

天地之正 正天地之本也如 而御六氣之辨

乘天地則宇宙在子六氣者陰陽風雨晦明
乃造化之氣也御六氣則造化生乎身是乘
大道而以遊無窮者彼且惡乎待哉彼聖人
遊者也而遊與造化混而為乘大道
一又何有待於外哉故曰至人無已神人無
功聖人無名至人神人聖人只是一箇聖人
不必作三樣看此說能道通之
聖人也以聖人忘形絕待超然生死而出於
萬化之上廣大自在以道自樂不為物累故
獨得逍遙非世之九
小知之人可知也

莊子立言本意謂古今世人無一得逍遙
者但被一箇血肉之軀為我所累故汲汲
求功求名苦了一生曾無一息之快活且
只執著形骸此外更無別事何曾知有大
道哉唯大而化之之聖人忘我忘功忘名
超脫生死而遊大道之鄉故得廣大逍遙
自在快樂無窮此豈世之拘拘小知可能
知哉正若蝸鳩斥鷃之笑鯤鵬也主意只
是說聖人境界不同非小知能知故撰出

鯤鵬變化之事驚駭世人之耳目其實皆
寓言以驚俗耳初起且說別事直到此方
拈出本意以故曰一句結了此乃文章機
軸之妙非大胃襟無此氣槩學者必有所
養方乃知其妙耳

此上乃寓言下乃指出忘已忘功忘名之
聖人以爲證據

竟讓天下於許由竟以治天下爲已功今讓與許由乃見忘已忘功之

實曰日月出矣而燭火竟自喻燭火以不息

其於光也不亦難乎燭火之光時雨降矣以

許而猶浸灌浸灌勞而功其於澤潤也也不

亦勞乎此自見其功夫子立而天下治言許由立

地之問天而我猶尸也主之吾自視缺然言有

如此之聖人返隱而不出而我自愧如許由請致

天下然竟雖能讓天下則能忘已忘功尚許

由曰子治天下今于治天下天下既已治也既治

則已又何求而我猶代子吾將為名乎言天下已治乃

堯之功也今讓與我是我無功而虛名者實

受人君之名也我豈為名之人乎名自實有今我無實而

之賓也吾將為賓乎有名是我全無實德而

專尚名而處賓吾豈鶴鶴小鳥巢於深林不

過一枝偃鼠飲河不過滿腹此許由雖能忘

如鶴鷗之一枝偃鼠之滿腹皆取足一已之意正似列子御風而未能忘形若姑射神人

則無不歸句此斥棄休乎句此止堯再君句

一字冷語意謂你只予無所用天下為要天

見得人若尊大也用也庖人雖不治庖尸祝巫祝之人不越

尊俎而代之矣此二句乃許由袒臂語謂堯

該尋要天下的人不可尋尸祝我非其人豈棄我之所守而往代之耶

因前文以宋榮子一節有三等人以名忘已忘功忘名之人此一節即以堯讓天下

雖能忘功而未忘讓之之名許由不受天素七

下雖能忘名而取自足於已是未能忘已

必若向下姑射之神人乃大而化之之神

人兼忘之大聖以發明逍遙之實証也

肩吾問於連叔曰吾聞言於接輿大而無當

言大往而不返言只任語去而吾驚怖其言

猶河漢而無極也大有逕庭二字皆去聲不

近人情焉肩吾信不及處信連叔曰其言謂

何哉問所說曰藐極遠姑射山之山有神人

居焉肌膚若冰雪言肢體淖約美好若處子

謂顏色美好如室中女也不食五穀吸風飲露言以風露

乘雲氣御飛龍而遊乎四海之外言已超然

御龍而遨遊於六合之間也其神疑定使物不疵癘言所

能福而年穀熟言所經則和氣吾以是狂言

而不信也我謂絕無此等人定連叔曰然其

不信處瞽者無以與乎文章之觀聾者無以與

乎鍾鼓之音豈惟也不但形骸有聾盲哉夫知

亦有之言有吾之智若聾聵無所知見故不信此說耳是其言也此

替之猶時也是也女也聾盲之言之人也之德也

此神人將磅礪萬物與萬物混而為一也以為一世斷

乎亂治也言此等人與造物同遊無心於世則為一世之福而求乎以治孰

弊弊汲汲勞悴焉以天下為事言此人豈肯

治天下之人也言此物莫之傷言已脫形骸

故物莫能傷即老子大浸也稽天稽至也

云以其無死地焉流金燄石言土山焦

而不熱不濕不熱乃是言此其塵垢猶土糝

糠乃穀之籠皮將猶陶鑄堯舜者也言此人

土直批糠最窟者尚能做出之德即孰肯以物為事

堯舜之事業況其精神乎言此神人之德如此

此一節釋上乘天地御六氣之至人神人

聖人之德如此即下所稱大宗師者若此

等人迫而應世必為聖帝明王無心御世

無為而化其土直緒餘以為天下國家決

不肯似堯舜弊弊焉以治天下為事極言

其無為而化世者必是此等人物也

宋人資貨資章甫而適諸越宋人以章甫為貴重故往資之

越人斷髮文身無所用之宋人自以章甫為貴而不知越人為

無用也此喻堯以天下為貴特讓許由而不

知由無用天下為大似越人斷髮文身以章

甫為無堯治天下之民平海內之政往見四

子即蓄缺披衣藐姑射之山汾水堯之之陽

窅然茫然自喪其天下焉失之貌

此一節釋上堯讓天下與許由許由不受

意謂由雖不受堯之天下却不能使堯忘

其天下且不能忘讓之名以由未忘一

已故也今一見神人則使堯頓喪天下此

意盡在此一語不但為逍遙之結文而已也莊子文章觀者似乎縱橫洗滌自恣而其中屬意精密嚴整之不可當即逍遙一篇精意入神之如此逍遙之意已結所謂寓言重言而後文乃卮言也大似談諧戲

素七

十三

劇之意以發自己心事謂人以莊子所言大而無用但人不善用不知無用之用為大用故假惠子以發之

惠子謂莊子曰魏王遺我大瓠之種魏子有五石之

故言我樹之成而實五石多言其大如此

以盛水漿其堅不能自舉舉一人也剖之

以為瓢則瓠落言廓落之大無所容非不呶

然大也吾為其無用而措之言擊碎莊子

曰夫子固拙於用大矣言惠子不能善用其大也宋人有

善為不龜音均言寒凍手背皮手之藥者言能

素七

十三

治使手不皴裂之藥者世世以泝澣漂洗統舊滷為事言因有不裂手之藥改世世以此為業客聞之請買其方百金客聞其方妙聚族而謀之曰我世世為泝澣故重價買之統不過數金利薄今一朝而鬻技百金利且不得辱請與之不知客所用大也客得之以說

吳王越有難吳王使之將使得方之人以為將冬與

越水戰大敗越人言吳有此藥故士卒能兵越無之故敗也裂地

以封而封之言以此藥致封侯也能不龜手一也或以

封或不免為泝澣統則所用之異也莊子以此喻惠

子不善用共無用也今子有五石之瓠何不慮思其可

以為大樽以瓠為度水之樽如今之漁舟小兒背瓠可知也而浮於

江湖此以所用之大也而憂其瓠落無所容則夫子

猶有蓬之心蓬有心而不通此喻惠子一竅不通正卮言也也夫

此一節莊子以自創逍遙神人之說以明

無用之大用蓋亦有自寓己意言世無所

知也惠子乃莊子生平相契之友故托嘲

調以見己意蓋亦言其雖有聖人必須舉

世有見知者而後乃得見用於當世也言

雖戲劇而心良苦矣此等文要得其趣則

不可以正解別是一種風味所謂詩有別

趣也後諸篇中似此寓意者多學者不可

不知也前雖說不善用其大尚未說無用

之用故下文以大樹發之

惠子謂莊子曰吾有大樹人謂之樗樗散無用之木

其大本樹大擁腫而不中繩墨言不材其小

枝卷曲而不中規矩言不可立之塗喻當

石喻當世執不顧喻不為世今子之言大而

無用言雖大而無實用衆所同去言為衆人所共棄也也莊子

曰子獨不見狸狌乎莊子因惠子說大而無用遂將狸狌野葛之小

巧以此惠子并世用早身而伏以候敖者比

小知者皆不得其死

小知之人卑身詭求以取功利俟其機會如狸狌之伏身以候東西跳梁

不避高下以踰世人無知但知求中於機辟

此機辟以利恣肆妄行不避利害死於罔罟以罔罟羅取狸狌因不

取狸狌者避高下故墮死於機罔今夫斄牛南方山中

求利名者亦若此而已有此大牛其大若垂天之雲斄牛雖大未必此能為大

矣不能執鼠言斄牛之大縱若垂天之雲能

不能就其如此大亦不能執鼠言其至大今子有大樹患其無用言既有此

任他無用大樹不必何不樹之於無何有之鄉此莊子

然雖大而無用但你世人亦不必用自喻也廣莫之

野但任放之於無用之地有何不可彷徨此句與無何有皆乎無為其

側道遙乎寢卧其下言至人無用而在與道

地又何遊則行住坐卧樂有餘不夭斤斧大樹本已不材而又樹之

患焉無人之境斧斤不傷以喻物無害者以無用且不置

聖人無求於世故人前何害之有無所可用安所困苦哉

此篇托惠子以嘲莊子之無用莊子因嘲

惠子以小知求名求利之為害似狸狌之
 不免死於罔罟若至人無求於世固雖無
 用足以道自樂得以終其天年豈不為全
 生養道之大用是則無用又何困苦哉此
 雖卮言足見莊子心事自得之如此豈世
卷七
 之小知之人能知耶
十五

莊子內篇註卷之一

音釋

鶯 胡覺切音學小鳩也 淖 叶尺約切音淖柔弱之貌 泝 上旁經切音瓶
下匹歷切音 紕 苦謗切音 藜 音離野
籜漂絮聲也 曠 絮聲也

莊子內篇註卷之二

素八

明匡廬逸叟憨山釋德清註

齊物論

物論者乃古今人物眾口之辯論也蓋言世無真知大覺之大聖而諸子各以小知

素八

小見為自是都是自執一己之我見故各以己得為必是既一人以己為是則天下

人人皆非竟無一人之真是者大者則從儒墨兩家相是非下則諸子眾口各以己

是而互相非則終竟無一人可正齊之者故物論之難齊也以矣皆不自明之過也

今莊子意若齊物之論須是大覺真人出世忘我忘人以真知真悟了無人我之分

相忘於大道如此則物論不必要齊而是非自泯了無人我是非之相此齊物之大

旨也篇中立言以忘我為第一若不執我

見我是必須了悟自己本有之真宰脫却

肉質之假我則自然渾融於大道之鄉此

乃齊物之功夫必至大而化之則物我兩

忘如夢蝶之喻乃齊物之實證也篇中以

三籟發端者蓋籟者猶言機也地籟萬籟

齊鳴乃一氣之機殊音眾響而了無是非

人籟比竹雖是人為曲屈而無機心故不

必說若天籟乃人人說話本出於天機之

妙但人多了一我見而以機心為主宰故

不比地籟之風吹以此故有是非之相排

若是忘機之言則無不可何有彼此之

是非哉此立言之本旨也老子云天地之

間其猶橐籥乎虛而不屈動而愈出多言

數寫不如守中此齊物分明是其注疏以

此觀之則思過半矣

南郭子綦

子綦乃有道之士隱居南郭

隱几而坐

端居而坐忽然

忘身如頽子之心齊此便

仰天而噓

因忘身而自笑

是齊物論之第一工夫

也

嗒焉

解體貌言不見有身也似喪其耦此言色身乃真君之耦耳

今忽焉忘身故言似喪其耦

顏成子游

子綦之弟子

立待乎前

曰何居乎

言先生何所安心乃如此乎

形固可使如槁木

子綦既已忘形則身同槁木

而心固可使如死灰乎

形忘而機

自息故心若死灰于游言形與心固可如槁木死灰乎

今之隱几者非

昔之隱几也

言昔見隱几尚有生機今則如槁木死灰此昔大不相侔矣

子綦曰偃

子游名

不亦善乎而問之也

言問之甚不善也

今者吾喪我

吾自指身我喪我謂喪我之意乎

女知之

此齊物以喪我發端要顯世人是非都是我見要齊物論必以亡我為第一義也故

逍遙之聖人必先忘已而次忘功忘名此

素八

其立言之旨也

女聞人籟

乃簫管之吹而有聲者

而未聞地籟

即下文長風一

鼓萬竅怒號

女聞地籟而未聞天籟

夫即衆人之言論乃天

機之自發

將要齊物論而以三籟發端者要人悟自

已言之所出乃天機所發果能忘機無心

之言如風吹竅號又何是非之有哉明此

三籟之設則大意可知

子游曰敢問其方

問三籟所以

子綦曰

塊

天地之噫聲

氣其名爲風

六月之風爲息此搏弄造化之意

是

指風惟無作也

怒號

言大風一起而汝獨不聞之

琴琴乎

長風初起之聲也

山林之畏佳

也

穴

言深山大木有百圍者則全身是窟穴

似鼻

者似口橫生者

似耳

似人之耳似柝孔之

素八

二

似析 似圈 有圓孔之 似白 有孔內小外 似注

者 有長孔似有 似汚者 似淺孔似水之汚者

激者 故有聲如水 謫者 有似響箭之 叱者

如人叱牛 吸者 如人吸氣而 叫者 有聲似人

之聲者 若 突者 如夫之細 咬者 若犬吠

已上竅 前者 前陣 唱于 而緩 而隨者 唱喞 後

而聲 冷風 則小和 竅有聲如和 飄風 大則

大和厲 也 風濟 也 則眾竅為虛 謂眾竅之聲

風一止則眾竅 而 也 獨不見之調調之刁

刁乎 調調刁刁乃草木搖動之餘也 意謂風

雖止而草木尚搖動而不止此暗喻世

人是非之言論而唱者已亡而 人人以緒論各執為是非者

此長風眾竅只是箇譬喻謂從大道順造

物而散於眾人如長風之鼓萬竅人各稟

形器之不同故知見之不一而各發論之

不齊如眾竅受風之大小淺深故聲有高

低大小長短之不一此眾論之所一定之

不齊也故古之人唱於前者小而和於後

者必盛大各隨所唱而和之猶人各稟師

承之不一也前已唱者已死而後之和者

猶追論之不已若風止而草木猶然搖動

之不已也然天風一氣本乎自然元無機

心存於其間則為無心之言聖人之所說

者是也爭奈人人各執已見言出於機心

不是無心故有是非故下文云夫言非吹

也以明物論之不齊全出於機心我見而

不自明白之過此立言之樞紐也知此可

觀齊物矣

子游曰地籟則眾竅是已人籟則比竹是已

言已知地籟則是比 敢問天籟子綦曰夫吹

竹無疑故不必更說 言天籟者乃人人發

萬不同而使其自己也 言之天機也吹萬不

同者意謂大道本無形聲托造物一氣散而為萬靈人各得之而為真宰者如長風一氣而吹萬竅也以人各以所稟形器之不一故各各知見之不同亦如衆竅之聲不一故曰吹萬不同使其自己者謂人迷其真宰之一體但認血肉之軀為己身以一偏之見為己是故曰使其自己謂從自己感其自取怒而發也此物論不齊之病根也

者其誰耶

此一言直指齊物之功夫直造忘言之境也感者皆也取猶言看取

乃返觀內照之意也怒者鼓其發言之氣乘氣而後方有言也誰者要看此言畢竟從誰而發也但知言從已發而不知有真宰主之若不悟真宰則其言皆是我見非載道之言由此是非之生終竟而不悟也受人識取真宰也

齊物之意最先以忘我為本指今方說天

籟即要人返觀言語音聲之所自發畢竟

是誰為主宰若悟此真宰則外離人我言

本無言又何是非堅執之有哉此齊物論

之下手工夫直提示人處只在自取怒者

其誰一語此便是禪門參究之功夫必如

此看破方得此老之真實學問處殆不可

未入

五

以文字解之則全不得其指歸夫下文大知聞閔將此衆竅音聲作譬喻文雖不倫而意實然也

大知聞閔小知聞閔大言炎炎小言詹詹

謂仁義綱常為知者聞乃聞樞所以防物不踰越者也小知聞閔謂法度乘繩斤一毫

不假借者與夫工商計利之人皆此類也大言炎炎謂綱常之說氣激薰人使不敢犯也詹詹謂分別利害精密不滿也此天地間人所有之知唯此兩等而已此皆小知乃世俗之知耳故所言者非是天其寐也魂交其覺然特出於機耳故次明之

也形開

此寐覺開合蓋言其機也謂寐時其塊交合其機閉而不發覺時形開其機發於見聞知與接為構日以心翻

心境界內外交構發生種種好惡取捨不能暫止則境與心交相闕構無念之停也

者

此下形容心境交構之心機

也

此下形容心境交構之心機

為不采示不懼也

其發若機括其司是非

之謂也機乃弩之發括乃箭之括謂拿定傷人之機括其司是非乃主刃訟之八

也其留如詛盟其守勝之謂也詛盟心賊其事不肯吐露

如有咒誓者乃執已是不肯輸與人也故曰守勝其殺如秋冬以言

其日消也此小知之人日與心闕而機心如

消如秋冬之殺氣絕無生機可望也其溺之所為之不可使復

之也言此等機心之人沉溺於所為其厭也以為是不可使復其真性也

如緘以言其老漁也厭即厭足飽滿之意言此等人機心厭滿于中

至老愈深所謂近死之心莫使復陽也言一老奸之人也

心如此至死不能復使其本明也

此一節形容舉世古今之人未明大道未

得無心故矜其小知以為是故其所言若

仁義若是非凡所出言皆機心所發人人

執之至死而不悟言其人之形器雖似衆

竅之不一其音聲亦似衆響之不同但彼

地籟無心而人言有心故後文云言非吹

也因此各封已見故有是非物論之不齊

者此也所謂天地之間其猶橐籥乎中峰

云三界塵勞如海闊無古無今聞聒聒謂

是故也此下形容其情狀

喜怒哀樂慮思慮也歎嗟嘆也變變態不常也熱憂疑也

姚災祥也佚縱散也啟開也態裝模樣也樂出

虛言其人雖不同其情狀雖不一其實自亦

而不屈動而蒸成菌言此等情狀皆非清淨

愈出之意也

之氣如菌之生于糞壤日夜相代乎前而莫

知其所萌言其此等之人穢濁心機寐形諸

而不已其實不自知其萌六已乎已乎猶言且

動處不知誰為之主也

我知旦暮得此其所由以生乎前云怒者其

之機心所發不知所萌今要人人識取自己

主人公故云旦暮得此所由以生將一此字

暗點出箇真宰乃有生之主且暮者即死

生晝夜之道也得此以生要人悟此耳非

彼無我非我無所彼即上此字指真宰也謂

形若非我之假形而取是亦近矣前云成其

彼真宰亦無所托其誰今云取是即上此彼二字意指自取怒者

真宰也謂人能識取此真宰亦近道矣而不

知其所為使謂真宰乃天機之主其體自若然而不知其所為使之者

有真宰到此方括出真宰二字而特也不得但

其朕朕兆也言真宰在人身中本來可行言

用云為無非美已信言信有真實而不見其形七

真宰為之用之體可信但求之而不見其形容耳此即老子云杳杳冥冥其中有精其精甚真其中有信之意

有情實也而無形謂有真實之體

前云知之不同此一節言各人情狀之不

一而人但任私情之所發而不知有天真

之性為之主宰因迷此真宰故任情逐物

而不知返本故人之可哀者此耳前云咸

其自取怒者其誰到此却發露出真宰要

人悟此則有真知乃不墮是非窠臼耳

上言真宰雖是無形今為有形之主若要

悟得須將此形骸件件看破超脫有形乃

見無形之妙故下文發之

百骸骸骨也人有三百六十九竅耳目口鼻

後有六藏藏者心藏神肝藏魂脾藏意肺藏

形靈此數賦而存焉吾誰與為親言該盡一

身若俱存之而為我不知此中那一件是我

最親者若以一件為親則餘者皆不屬我矣

若件件都親則有多我畢竟其中誰為我者

此即佛說小乘析色明空觀法又即圓覺經

云四人各離今者妄身當在汝皆悅之乎其

何處此破我執之第一觀也

有私焉言汝身中件件皆悅則如是皆有為

臣妾乎言如是件件皆我若無真君主之者

其臣妾不足以相治也若件件但供使令若

相治誰為其遞相為君臣乎若遞相為若臣

矣管攝耶其有真君存焉若件件無主乃假我耳其

不自求之耶在哉而人何如求得其情與不得無益損乎

其真言此真君本來不屬形骸天然具足人

蓋即求之而不得而真君亦無所指即所謂
不增不減迷之不滅悟之不增乃本然之性
真者此語甚正有似內教之說但彼
認有箇真宰即佛所說識神是也

莊子心曾廣大故其為文真似長風鼓竅
不知所自立言之間舉意構思即包括始
終但言不頓彰且又筆端鼓舞故觀者茫
然不知其脉絡耳如此篇初說天籟即云
吹萬不同而使其自己也成其自取怒者
其誰耶則已立定脚跟要人自看識取真
宰只是一言難盡故前面大知閑閑已來
皆是發揮吹萬不同只到旦暮得此已下
方解說成其自取怒者其誰方拈出箇真
宰示人今此一節乃說破形骸是假我要
人撇脫形骸方見真宰即是篇首喪我之
實也

素八
向下只說世人迷真逐妄乃可哀之大者

蓋悲愍之意也

一受其成形 言真君本來無形自 不亡以待

盡 則不暫亡以待 與物相刃相靡其行盡如

馳而莫知能止不亦悲乎 言真君為我有形

使之與接為情日與心闢以為血肉之軀故

被外物相傷如刀之被靡往而不返可不悲

乎 終身役役而不見其成功 言馳於物欲終

竟不見其成功 然 疲 疲役而不知其所歸

可不哀耶 言為名利勞形終身役役以至

迷如此可 人謂之不死奚益 世人如此昏迷

不哀耶 其形化其心與之然可不謂之大

有 人謂不死 其形化其心與之然可不謂之大

哀乎 言其去情馳逐而不休而形骸與之俱

化而心亦與之俱溺而不悟如此可不

謂之大 人之生也固若是芒 無知乎 乎

之無 其我獨芒而人亦有不芒者乎 言唯我

知乎 此一節言真君一迷於形骸之中而為物

欲之所傷火馳不返勞役而不知止終身
 不悟可不謂之大哀者耶由其迷之也深
 顛倒於是非而不覺也故下文方露出是
 非二字

夫隨其成心現成本有之真心也而師之誰獨且無師

乎言人人具有此心人皆可自求而師之也奚必知代而心自取

者有之此句謂何必聖人有之蓋知代者乃聖人知形骸為假借故忘形而自取

於心愚者與有焉雖愚者亦未成乎心而有

是非言人未悟本有之真心而便自立是非之說是以今日適越

而昔至也言其實未至以為至以此是非者是自欺也是以無有

為有所謂未得為得強不知以為知也無有為有言此自欺之人雖

有神禹且不能知言神禹雖聖其知雖廣亦直知其所至之處若此等

人以無為有又何能知之吾獨且柰何哉神禹且不能知吾獨且柰何哉

甚言此輩難與言大道也

此一節言是非之端起於自欺之人強不

知以為知且執已見為必是故一切皆非
 蓋未悟本有之真知而執妄知為是此等
 之人雖聖人亦無柰之何哉可惜現成真
 心昧之而不悟惜之甚矣由不悟真心故
 執已見為是則以人為非此是非之病根
 也

下文方發明齊物論之主意

夫言非吹也前但敷演世人不悟真宰但執我見以未隨其本有之真心但執妄見所以各各知見不同到此方入物論

謂世人之言乃機心所發非若風之吹也

言者有言故所言者非任真其所言者特未幸乃有機心之言

定也以任一已偏見之言故其所言者特未定其果是果非也其有言耶

其未嘗有言耶此要人返觀本來有此言耶未嘗有此言耶即此一語便

令人自知而齊物論其以為異於穀音穀音者乃

鳥在殼將出啾啾之聲謂是天機之音全出

無心而人之有心之言與穀音不同要人自

看亦有辨乎亦無辨乎辨謂彼此詳辨也謂人返看語言如穀音

時此則有辨論乎無辨論乎
妄人發言當下自返觀也

此一節將明物論之不齊先指出言語音

聲本無是非若任天機所發則了無是非

之辯然絕言處乃齊物之旨已揭示於此

欲人就此做工夫看破天機則是非自泯

矣從夫言非吹也起直至後文成虧章末

此之謂以明止為一大章計七百四十餘

言節節生意最難一貫必細心深觀乃悟

其妙

向下方的指出是非之人乃迷真執妄之

流也

道惡乎隱隱謂晦而而有真偽謂大道本無

道為何不明不明也言惡乎隱而有是非謂真人之

非設問為何真言言本無是道惡乎往而不存言道若

則了無取捨何若言出於言惡乎存而不可自然一任

素八

士

天機則有何所說而不可但為道隱道隱於

而言亦偽言偽而是非因之而生也言隱於榮

小成言道本不隱但隱於小知之言隱於榮

華榮華謂虛華不實之言也以言不故有儒

墨之是非到此方指出是非之人蓋端為儒

墨曰予豈好辯哉故有是非之辯故以儒墨

並以是其所非而非其所是言儒以厚華為

非者故曰是其所非墨以薄親欲是其所非

而非其所是則莫若以明言儒墨二家互相

但各執我見耳未必為真是也苟欲是其所

非而非其所是莫若明乎大道則了無是非

此一節方指出是非之端起自儒墨當時

雖有處士橫議而儒墨為先唱意謂揚墨

固失仁義矣而儒亦未明大道也故兩家

皆無一定之真是故以此為發論之張本

蓋言辯是非濫觴於儒墨偽及諸子後單

結指於惠子皆不明之人乃喪道者也

下先明本無是非而人不自知故妄執已

見起是非耳

物無非彼

言若天地間一人執我則盡天

無非是

言若一人執已為是則人人皆執已為是則天下無不是矣故曰物無非

是

自彼則不見

言若但見彼之非則自知則不見自己之非矣

知之

言若自知其非則知天下無不是矣故曰自知則知之 故曰彼出

於是

言彼之非蓋出於我之是 是亦因彼 言我之是亦因彼之非由人不

自知故但執已之所不能泥是非也

此一節言人苦於不自知故以己是為必

當若彼此互相易地而觀則物我兩忘是

非自况乃見本來無是非也

下文發明是非本無特因對待而有

彼

彼非是我 方生之說也 方謂比方對待之意也言是非本無蓋因

人我對待而有也

雖然 下一轉以明對待無有了期

方生方死方

死方生

言對待是非比之生死一般生而死死而生生死循環無有了期若將死

字作滅字

方可方不可方不可方可

是者為不可不是

為不可以此終無兩可之時

因是因非因非因是

言此是因彼非

彼是因此非皆不自知自明之過也

是以聖人不由而照之於

天亦因是也

言聖人不由世人之是非而獨照明於天然之大道故是為真

是故曰亦因是也此言聖人之因是乃照破之真是不似世人以固執我見為是而妄以

人為非也此即老子之人法天

此一節言世人之是非乃迷執之妄見故

彼此是非而不休唯聖人不隨眾人之見

乃真知獨照於天然大道了然明見其真

素八

十三

是故曰亦因是也此是則與眾天淵故以

亦字揀之前云與其儒墨互相是非莫若

以明明即照破之義故此以聖人照之於

天以實以明之明此為齊物之工夫謂照

破即無對待故下文發揮絕待之意而結

歸於莫若以明

是亦彼也彼亦是也

此承上聖人照破工夫則悟我之是即彼之非

彼之非亦即我之是

如此互觀則何是非之有

是非

如此互觀則

果且有彼非是乎哉果

且無彼是乎哉

若是非兩合於大道果然有是非哉果無是非乎哉

彼是莫得其耦謂之道樞

言是非兩忘則坦然一際絕諸對待

如此則彼是莫得其耦耦對待也絕待即道妙之樞紐也

樞始得其環中

以應無窮

環則不方中虛則活而能應以譬道之虛無若得此虛無道樞則應

變無窮是亦一無窮非亦一無窮也

言是非混同於大道

則是亦是道非亦是道如莊子菲薄堯舜此一於大道也

故曰莫若以明

前云與其儒墨之是非莫若以明說到聖人照破則混絕是非而與道遊則無往而非大道之所在故此結之故曰莫若以明

此一節言聖人照破則了無是非自然合

乎大道應變無窮而其妙處皆由一以明

耳此欲人悟明乃為真是也則物論不待

齊而自齊矣此即老子之天法道

下以指馬喻本無是非之意

以指喻指之非指

以我之觸指喻彼之觸指不若中指為非我之觸指

以非指喻指之非指也

不若以彼中指倒喻我之觸指又非彼之中指

中指以馬喻馬之非馬

馬雙陸之戲馬也馬有黑白之分雖有黑

白皆馬也若以彼黑馬喻我之白馬非彼之黑馬

不若以非馬喻馬

之非馬也

不若以彼黑馬倒喻我之白馬又非彼之黑馬矣

天地一

指也萬物一馬也

若以此易地而觀指馬無二則是非自由聖人照

破大而觀之不但人我一已之是非自絕則天地與我並生萬物與我為一斯則天地一指萬物一馬耳又有彼此是非之辯哉此

蓋從莫以明一語發出聖人不由而照於天

釋以明之意故此結歸照破工夫真能混是非萬物齊一於人於此若說也

此一節發揮聖人照破則混絕是非天地

萬物化而為一

下文釋為一之所以

可乎可謂人以為可則

不可乎不可謂人不可

因而不可之 **道行之而成** 謂任道而行無有不合

必分也 **物謂之而然** 然者自是也謂 **惡乎然** 謂

以然者 **然於然** 謂然於自己心 **惡乎不然** 謂

何耶 **然於然** 中之為然耳 **惡乎不然** 謂

對何而 **不然於不然** 謂人所以為不然者但彼

不然耶 **不然於不然** 謂人所以為不然者但彼

物固有所然 言物實有一定之然譬如藥

時用參則不然矣此則物 **物固有所可** 在此

物皆有一定之實然也 **物固有所可** 在此

不可而在彼 **物無不然物無不可** 則此觀之

亦有不可者 **故為是舉蓬** 蓬梁 **與楹** 屋柱 **屬**

無有不可者 **故為是舉蓬** 蓬梁 **與楹** 屋柱 **屬**

音類癩病 **與西施** 美婦 **恢** 大 **愧** 詐 **譎** 詭 **怪**

之惡人也 **與西施** 美婦 **恢** 大 **愧** 詐 **譎** 詭 **怪**

也 **道通為一** 言蓬楹之長短屬施之美惡恢

實不得其一樣難其無是非若以道眼觀之

則了無長短美惡之相一際平等此言非悟

大道決不能齊 **其分也成也** 如截大木以為

天下之物論也 **其分也成也** 器在木則為分

在器則為成故 **其成也毀也** 則毀如此豈可

其分即成也 **其成也毀也** 則毀如此豈可

素八

十四

此釋上天地一指萬物一馬之意必以道
眼觀之自然絕無是非之相是非絕則道
通為一矣

下文方指歸于道

惟達者 達道之人 知通為一為是不用而寓諸庸

惟達道之人知萬物本通為一故不執己是

故曰不用既不用己是但寓諸衆人之情庸

衆也謂隨衆 **庸也者用也** 解庸者用也謂用

人之見也 **庸也者用也** 衆人之好惡為好

惡用也者通也 由其能用故能 **通也者得也**

言能通達於道者無往而不自 **通也者得也**

得苟自得則無是非之執矣 **通也者得也**

言達道之人能適於 **因是已** 言達者通達於

得則幾近於道矣 **因是已** 雖萬變而不

失其道此則無往而不 **已而不知其然謂之**

是如此因是乃真是也 **已而不知其然謂之**

道謂至無往而不達則了無是非順物忘懷

此一節要忘是非必須達道之聖人知萬
物一體故無是非無適而不可順乎自

然此謂之道上面說了許多展演鋪舒直
到此方指歸一道字因是已之已字乃極
盡之處言聖人極盡只是合乎自然之道
如此而已合乎道則自然歸一後文言愚
人強勉要一故卒莫能一也

勞神明為一而不知其同也謂未達大道強勉以已見要為

一而不知其謂之朝三何謂朝三
謂執已見本來大同也

一衆人之見即曰狙公養猿賦芋輪芋粒以食猿也

曰朝三而暮四衆狙皆怒言衆狙執定朝應多而夕應少

然則朝四而暮三衆狙皆悅狙公以本數顛倒之名實

未虧而喜怒為用亦因是也三四之名同而實數亦同但狙

之所執已見以朝四為必是故不核其實而但喜其名耳此皆不能忘是非者如夷齊之

類是也是以聖人和之以是非而休乎天鈞天鈞

謂天然均等絕無是非之地也前云照之以天故此結云休止乎天鈞是之謂

兩行兩行者謂是者可行而非者亦可行但以道均謂則是非無不可者

此一節言工夫未到自然之地強勉要一
其是非而不悟玄同之妙者似此之人但
能因是不能忘非正如夷齊介子之流其
行雖高不無憤世疾俗之心又如儒墨各
執一端為是乃但能可其不能可其不

可雖然離是非卒不能一是非即其所操
未嘗不是元非道外只以各執已見為是

乃成顛倒故如狙公之七數名實一般而
喜怒為用各別此特勞神明為一者而不

知其大同者也須是聖人和同是非休乎
天均兩忘而俱行之故能和光同塵混融

而不辯則無不可矣

下文意謂古之人知到本來無物玄同之
境故本無是非自後漸漸不濟矣

古之人其知有所至矣上言不知道者勞神明強一而竟莫能一

古之人其知有所至矣上言不知道者勞神明強一而竟莫能一

故此言古之真人有真知之至處至者本來無物之地也故下徵釋惡乎至問

以爲有以爲未始有物者至矣盡矣不可以

復加矣本來無物已前乃道之極處無以知也其次以爲有物

矣而未始有封也其次雖適有形猶如燕未鑿似渾沌初分人心純樸

然尚未有人我之封其次以爲有封焉而未

始有是非也其次雖有彼此界限其風尚樸素而未

是非之彰也道之所以虧也自是非一彰而大道喪矣

之所以虧愛之所以成愛私愛於一已也成前云一受其成

爲我故大道虧損多矣果且有成與虧乎哉

果且無成與虧乎哉苟以大道而觀果且有成虧乎無成虧乎若真

見得本無成虧則是非自泯矣

此一節言由迷大道則成我形我成而道

虧矣前云一受其成形不亡以待盡直說

到此處方透出一箇愛字爲我執之本以

成其一已之我則所成者小而大道隱矣

美

主

申明前云道隱於小成之意也

後文意由所成者小故舉世之人終身役

役而不見其成功故以三子發之

有成與虧故昭氏之鼓琴也由上

成而道虧又要顯本無成虧故引三子發之

昭文善鼓琴是成一家之業後其子不能鼓

琴是虧損無成與虧昭氏之不鼓琴也意謂

了家聲也昭文之鼓琴師曠意謂

不勇成鼓琴之名則其子昭文之鼓琴師曠

亦未有虧損家聲之說昭文之鼓琴師曠

之枝策也人却使眼盲不見枝策而行此使

是有成惠子之據梧也惠子與莊子同時爲

虧處辯論莊子意謂惠子辯論雖成而大道已虧

故以二子成虧比之以善辯而不明道即如

師曠聰明而眼盲即其子亦不能三子之知

世其辯論之業故如昭文之鼓琴三子之知

幾乎皆其盛者也故載之末年言從事以惟

其好之也以異於彼言三子之爲好其好之

也欲以明之彼言他人又有好三子之知者

之能將明示之於非所明而明之故以堅白

彼謂教他人也

之昧終此句意復指惠子本未明道而強自

竟以堅白昧以爲明而又明之於他人故無大成

之以終其身而其子又以文之綸終上句意

虧此言昭言惠子以堅白之昧終

文之成虧此終身無成也昭文之

子學父之琴亦終身無成若惠子之不辨昭

文之不鼓琴又何成虧之有哉言其道之所

以虧者正以成者小耳若是而可謂成乎雖我亦成也

言若惠子之可謂成者莊子言若是而不可

如此則我之不成可謂之成也謂成乎物與我無成也

謂成乎物與我無成也若是而不可謂成則

也人與我皆未是成者

是故滑疑之耀聖人之所圖也滑疑之耀

和光即老子昏昏悶悶之意謂和光同塵不

荷已見之意言光而不耀乃聖人所圖也

爲是不用而寓諸庸此之謂以明言聖人不

示於人亦不以己見爲必是故不用其是而

但寓於庸衆之中前所謂以明者乃是大成

也

此一節結文來意甚遠從夫言非吹也起

而下及道惡乎隱而有真偽以道隱於小

成言隱於榮華乃至欲是其所非而非其

所是莫若以明論起一層以至樞始得其

環中則結之曰莫若以明爲第二層次從

指馬喻論起以明道通爲一引出惟達者

知通爲一爲是不用而寓諸庸乃點出一

道字以作活眼次借狙公名實未虧從一

虧上發揮道之所以虧由愛之所以成以

此愛之所以成一句又遠結前立義中一

受其成形及隨其成心而師之兩成字之

意謂若受其成形即愛之所以成故道有

所虧此有成有虧也若隨其成心而師之

則本無成虧因有成形成故有辯論是非之

彰蓋由此耳是以成形成心二意作骨子

也此道隱小成言隱榮華有自來矣皆未

悟明大道之過也故先揭示之曰莫若以

明次又論道樞則又云故曰莫若以明今

論到底結歸成虧指出惠子是第一不明
 之人故持堅白之辯昧了一生故末後指
 出滑疑之耀之聖人乃不自是之人故繳
 歸為是不用而寓諸庸之達者乃結之曰
 此之謂莫若以明其文發自夫言非吹也
素八
 起至此約七百餘言方一大結其文與意
 若草裏蛇但見其動蕩遊衍莫覩其形跡
 非具正眼者未易窺也至若三子之成虧
 其昭文乃業之有成虧者師曠乃形之有
 成虧者惠子則道之有成虧者總結道隱
 於小成言隱於榮華而末結歸於聖人此
 聖人即結前云惟達者知通為一為是不
 用而寓諸庸之義如此深觀乃見此老之
 文章波瀾血脉之不可捉摸處
 此之謂以明已結了前夫言非吹也以來

一章之意到此又從滑疑之聖人上生起
 立意發論聖人無是無非至下文無適焉
 因是已二百三十餘言為一章

今且有言謂世之立言以辯論者於此不知其與是類

乎是指上滑疑之聖人乃無是無非者謂今且有人立言為辯者不知與此聖人是相

類其與是不類乎謂與此聖人為不類乎類與不類相

與為類則與彼無以異矣謂今言辯之人不

不類但以已見察合聖人之心妙契玄同則
 本無聖凡之別故與彼聖人無以異了無是
 非矣彼字即上
 是字指聖人也

此一節結二聖人欲人自悟而忘其已
 也下雖然一轉乃莊子特論本無是非之

大同乃發明大道之原也便是他真知諦

見處

雖然請嘗言之言本無是非雖然如此尚有未透徹故請嘗試一論之

始也者即老子無名天地之始有未始有始也者此言有始

始也者即老子無名天地之始有未始有始也者此言有始

亦無謂無始也即有未始有夫未始有也者

老子云同謂之玄此未始有亦無即老子云玄之又玄衆

妙之門此乃單言無形大道之原也

也者有即天地人物老子有無也者

推無名天地之始此蓋就

有形以推道本無形也

此言天地萬物有形出於無形而有未始有

夫未始有無也者

之玄同之域故以

此稱為虛無妙道

法不立故強稱虛無大道忽然生起有無而

不知誰使之也前云若有真宰而不知有所

為使直論到此方回

頭照顧暗點于此

孰無也

求不得其朕今果返觀至此

有無尚無安有是非之辨哉

矣

然我既已於無言之中而有言說矣但我

無言

謂乎

第一五六冊 莊子內篇註

矣

已前釋言非吹也蓋有機心之言也今莊

子既說到忘言玄同之處意謂我今雖已

有言乃從真宰而發是無言之言若會我

無言之言則忘言而歸一致矣

下文重釋忘言歸一大小玄同了無是非

如此乃真是也

天下莫大於秋豪之末而泰山為小莫壽乎

殤子

而彭祖為天

原今將以大道而一

觀有形則大小壽夭一定而不可易者今若

以大道而觀有形則秋毫雖小而體合太虛

而太山有形只太虛中拳石耳故秋毫莫大

而太山為小也殤子雖天而與無始同原而

彭祖乃無始中一物耳故莫壽於殤子而彭

祖為天也若如此以道而觀則小者不小而

大者不大天者不天而壽者非壽矣如此則

天地同根萬物一體則天地既已為

我為一

一矣且得有言乎 既以為一物我兩忘更復何言 既已謂之

一矣且得無言乎 既已稱謂為一則言一與惡乎存而不可哉

言為二 謂無形之一今稱謂之二與一為三

今又以言說彼兩一則觀待而為三矣 自此已往巧曆不能得

而况其凡乎 自以言相待而為三則相待無窮縱有巧於曆數者不得終窮

矣况其凡乎 故自無適有以至於三而况自有適

有乎 言自無才適有則已成三 無適焉因是

已 無適者謂安心於未始有已前則湛然常一而不遷矣前云象人因是而有是非聖人不由而照之于天亦因是也故一往論到未始有物已前天地萬物混而為一故不離於道如此為真是所言聖人因是者乃無適為是此正照之於天也此文之照應處

此一節明妙契玄同天地同根萬物一體

安心於大道不起分別則了無是非此乃

真是故結之曰無適焉因是已

下文又重提起一是字乃是非之根原

夫道未始有封 本無形相人我界限 言未始有常 常者執定

不化之意乃是而非之言也任道而言則無不可了無一定是非之相 為是而

有眇也 只因執了一箇是字故有是非分別之辨 請言其眇有左

有右有倫有義有分有辯有競有爭此之謂

八德 意謂從無適有則有無二字已成對待矣既有之後則有左右之序有左右則有倫義有倫義則有分辯則有爭競此相因而有乃執定而不可化者蓋從一是字為病

根只如以左為是而右則決不可易世俗之情以此分辯為能故謂之八德此德乃能義

前一往從迷至悟說到大道根底因是已

一句已結絕了至此又提起大道本無是

非不知這些分辯執着從何而有只要提

出一箇是字為病根要使人識得破

六合之外聖人存而不論 道包天地與太虛同體本無封畛只

為衆人迷大道而執已見為是故是非之辨由之而起聖人心與道合即六合之外未嘗不知但存之而不論以非耳目 六合之內聖

人論而不議 六合之內聖人未嘗不周知萬物但只論其大綱如天經地義

以立君臣父子之序而不議其所以之詳 春秋經世先王之志聖

人議而不辯春秋乃為絕世君臣父子之大

之詳而不辯其故分也者有不分也夫道一

是非之曲折米不分但在天地有形之內而人倫之序不

得不分人物雖分而道未嘗分所謂性一而

已辯也者有不辯也雖天地間有眾口之辯

言之大道存焉謂何以有不辯聖人懷之聖

與道為一明知萬化之多而未嘗分明如眾

口之辯而道非言之可及故葆光欲耀懷之

於心而不眾人辯之以相示也眾人其實未

而強不知以為知且執以已見為必是故曰

而以嘵嘵之辯夸示於人故大道隱矣故曰

辯也者有不見也故曰者引古語也老子

云善者不辯辯者不善此一節釋滑疑之聖人與道為一以至無

適焉因是已意謂聖人心同太虛即六合

內外之事未嘗不知但懷之而不辯以顯

好辯者其實未明大道也

下文重釋不言不辯之義

夫大道不稱道本無名故大辯不言不言之

了大仁不仁不是有大廉不嘽

心要仁大廉不嘽以廉自滿

勇不伎伎害也大勇乃自全道昭而不道謂

道昭昭言言辯而不及道本絕言縱有仁常

則非道而不成仁若常持有心則有私廉清而不信

信實也謂譽矯以自勇伎而不成勇若有害

清立名則無實德矣五者因而幾向方矣五者名

為血氣而不成於世以皆出有心卒故知止其所不知至矣

莫能行故幾向方矣以上五者幾方而不能行者以持小知自私

之過其實未知大道之原也由是而知聖人

止其所不知之地乃以為至也此結前古之人其知有所至以來一章之義孰知

不言之辯不道之道若有能知此之謂天府

言所不知之地乃大道之原也此中本無辯

論言說若有人知此不言之辯不道之道正

若樞之環中以應無窮注焉而不滿大道體

故能知此者謂之天府酌之而不竭即大地酌

不足以此其量故大而不知其所由來所謂虛而不屈動而愈

竭之水生之而不滿此之謂葆光葆猶包藏而不露也前云滑疑

此乃結指其義
曰此之謂葆光

前云滑疑之耀聖人所圖故舉六合內外
之事聖人無所不知但知而不言以其大
道本來無知無辯故也聖人安住廣大虛
無之中以遊人世故和光同塵光而不耀
是之謂葆光聖人工夫必做到此方為究
竟故云聖人所圖

故昔者堯問於舜曰我欲伐宗國名膾國名胥國名敖

南面而不釋然其故何也不釋然者謂心
中必欲伐之次

能而不能釋然
不知何故也舜曰夫三子者猶存乎蓬艾

之間若不釋然何哉言堯之心不廣不能容
物也且三子所處甚微

細如蓬艾之間誠不足以芥蒂於
會中者若不釋然何不自廣也昔者十日

並出萬物皆照而况德之進乎日者乎言堯
之德

未至也昔者十日並出則光明廣大萬物畢
照况德之勝過於日者乎苟自德已至則廣

大光明無物不容
况三子之微細乎

此因上葆光之聖人其心廣大如天府所

謂聖人所圖者蓋由工夫做到至處乃如

此耳此言工夫未到則其心不廣不能容

物故雖堯之大聖亦有所缺故十日並出

為進德之喻以總結前意以終夫言非吹

已來之意也下文重申明至人止其所不

知以顯聖人之成功以結死生無變於已

而况利害之端乎

齧缺問于王倪曰子知物之所同是乎曰吾

惡乎知之要明不知之真知
故托王倪以發揮子知子之所不

知邪曰吾惡乎知之若有知則有所不知然
則非真不知之地矣

則物無知邪曰吾惡乎知之雖然嘗試言之

庸詎知吾所謂知此知乃世
人之知之非不知邪謂
世

人之知不是
我之不知耶庸詎吾所謂不知之我之非知
不知非知

邪言我之不知不是世人之知耶謂聖凡之
知本來無二但世人習於妄知故偏為

是總非且吾嘗試問乎汝發明不是民濕寢

則腰疾偏死然乎哉言人但知安獲乾燥

偏廢而錯卧泥木處則惴慄恂懼猿猴然乎

哉人處木枝則恐懼而猿三者孰知正處三

謂人猿猴各知安其所習以為常於己未

嘗不是但各隨一已俗習之知耳何者為正

知民食芻豢乃民之麋鹿食薦薦草也乃麋

螂且蜈蚣甘帶帶蛇鴟鴞嗜鼠此四者各以

四者孰知正味此豈知正味哉狡獪狙為雌

獪狙亦獲同麋與鹿交麋小而鱸與魚遊鱸

形而類別合與魚遊毛嬙麗姬二人皆人之所美也魚

見之深入鳥見之高飛麋鹿見之决驟四者

孰知天下之正色哉美女人人所愛彼四物

色之可美耶試問以下歷舉安居食色皆世

人之所知也人則以為必是而不可易者然

彼諸物各又不然則誰為正知哉若執各

人之知為然而彼又有不然者斯則世人之

小知小見豈可自今觀之仁義之端是非之

塗樊然殺亂吾惡能知其辯將上人物各非

以仁義為必是者豈真是哉且如仁義聖人

以治天下而盜跖即以之為大盜若以聖人

為是而盜跖亦是若以盜跖為非則聖亦

非也如此是非不定吾何能盡知其辯哉缺曰子不知利害則至人固不知利害乎設

一問要顯至王倪曰至人神矣不可以利

人之德不同澤焚而不能熱言至人豈但不知利害河漢

也而水凍而不能寒疾雷破山風振海而不能

驚言至人神超物表不若然者若如乘雲氣

騎日月即磅礴而游乎四海之外死生無變

於已而况利害之端乎此結聖人之德謂至

外卓出於死生而况世之小利害乎

此一節申明前文至人止其所不知以言

世人各非正知而執為必是其所知者如

此而已以此是非吾惡能知其辯哉以結

至人不知之至乃超出生死之人豈常情

可測耶下文說齊死生以夢覺觀世人則
 舉世無覺者以顯是非之辯者皆夢中說
 夢耳文極奇而義極正

瞿鵠子問乎長梧子曰吾聞諸夫子聖人不

從事於務言不以世不就利不知所不違害不違害

不知有害言無求不喜求於世也不緣道言無心合

可避也道之無謂有謂以不言有謂無謂言發於天

言如穀音也而遊乎塵垢之外超然遊於夫子子孔

也以為孟浪之言猶無稽之言也而我以為

妙道之行也吾子以為奚若何如長梧子曰

是黃帝之聽熒也謂汝之此言即黃帝聽而

丘也何足以知之意謂孔子亦世俗之且

女亦太早計言雀鵠子才聞此言即以爲見

卵而求時夜才見卵而便見彈而求鵠才

彈而便求鵠求報曉之雞子嘗爲女妄言之予以至

素八

于六

爲女妄言女以妄聽之奚如也易日月言至人

此手平換宇宙宇宙在爲其脗合至人與萬化皆

體置其滑昏以隸相尊隸猶言隸役也言自

皆是以隸役相役而相尊者此皆世之滑昏

之人所爲者至人不與物伍故一切置之而

無心衆人役役役役於物欲而不自覺聖人

愚世不該不知泊今於未兆已前參萬歲

而一成純聖人入於不死不生故參萬歲而

非之萬物盡然而以是相蘊通爲一本無是

心如聖人渾化故曰盡然但衆人只以一

是字蘊成我見故有生死是非之辨耳子

惡乎知說生之非惑耶言本無生可欣而衆

耶子惡乎知惡死之非弱喪而不知歸者耶

言聖人視生如遠逝視死如歸家而衆人惡

死豈非弱喪而不知歸者耶弱喪乃自切喪

失家麗之姬麗姬美艾地封人之官之子也

鄉者晉國之始得之也麗姬納涕泣沾襟言麗姬

時以爲不樂及其至於王所與王同筐牀與

故涕沾襟

同卦 食芻豢 食美味遂 而後悔其泣也 既知其樂

乃悔昔之不知為苦也 此喻死者 子惡乎知

夫死者不悔其始之蘄生乎 若知死之樂安

苦求生耶此以為樂蓋言得免形骸生人之

苦累故以死為樂亦非佛之寂滅之樂以佛

証之正是人中修證欲行得離欲界生死之

苦而生初禪禪天之樂亦非世間人以死為

樂也觀者須 善知其義 夢飲酒者且而哭泣夢哭泣者

且而田獵 此言觀人世如夢觀死生如夜旦

覺相返者以未覺乎大夢故以死生為 方其

憂喜苟知夢覺一如則死生一條矣 言世

夢也不知其夢也夢之中又占其夢焉 言世

迷中而自不知其迷如夢中不知其夢也而 言世

世人且自以為有知為是而辨於人此如夢

中占夢其實不自知其迷也 言世 且有大覺而後知此其大夢

也 必有 大覺之聖人乃而愚者自以為覺竊

竊然知之 而世之愚人好執是非之辯者而

竊然私自以為知者故夸示於 君乎牧乎固

人此舉世古今昏迷之通病也 君乎牧乎固

哉丘也 君乎者暗指堯舜已下之為君者牧

也明指孔子此通說堯舜禹湯文武周公孔

子凡以仁義治天下而必要歸於已而是而為

道者皆夢中 與女 指長梧 皆夢也 子謂女夢

亦夢也 即我說女夢我亦是 是其言也 如此

其名為弔詭 弔至也詭怪也謂此夢說乃至

萬世之後而一遇大聖知其解者是旦暮

遇之也 言必待萬世之後遇一大覺之聖人

意此老曾中早知有佛後來必定印 證其言不然而言大覺者其誰也耶

此一節明至人所以超乎生死而遊人世

者以觀世間如大夢死生如夜旦憂樂如

夢事迷中說是非如夢占夢迷中正是非

如白日說夢事總而言之皆在大夢之中

耳似此若不是至人看破誰知此是大夢

耶愚者竊自以為覺豈不陋哉即自古堯

舜已下之君相以及孔子皆夢中說夢之

人耳莊子自謂我此說亦在夢中無人證

者必待後世有大覺之大聖方知我今日之夢說不妄也此論極正大痛切而入聖工夫亦即於此可見矣此結前執是非之論也

後文翻覆發明此意以結前文總歸於大道之原

道之原

既使我與若辯矣若勝我我不若勝若果是也我果非也邪

此釋上者在夢中辯無能正者我勝若若不我勝我果是也而果非也邪其或是也其或非也邪其俱是也其俱非也耶我與

若不能相知也以俱在夢中說夢爾則人固受其黜闇暗昧不明也吾誰使正之言彼闇爾我

暗昧不明也使同乎若者正之既與若同矣惡能正之使與汝一樣人正之既與汝

一般見識又何能正我之心使同乎我者正之既同乎我矣惡能正之

素八

使與我一個人正之既與我一殺見識又何能正汝之心耶使異乎我與

若者正之既異乎我與若矣惡能正之使不

我兩家之人正之既絕與爾我不同使同乎

我與若者正之既同乎我與若矣惡能正之

既與我兩家一樣然則我與若與人俱不能

相知也言大家都在夢中辨夢占夢說而待

彼也耶彼字近指前文所待大覺之聖人遠

謂既舉世之人在迷中橫生是非之辯如

夢中諍論誰能解而正之除非是大覺之聖

人出世方能了然明白若不待聖人直須名

人悟了本有真宰則不由是非而照之於天

然大道則是非亦混絕矣故下句即云和之

以天倪天倪即前之休乎天均皆釋前照之

於天謂真宰乃天然大道之體非世人迷執

之我見也莊子文章脈絡首尾相貫如地中

之象今此文橫說豎說三千餘言到此只以

一彼字結之看是何等力量但看發論之端

暗點出真宰但云非彼無我以一彼字為主

天均始云聖人不由而照之於天蓋此天倪即前之天均而結歸照之于天以初從是非方生方死之間就要照之於天及說到勞神明而不能一則曰聖人和之以是非而休乎天均到此議論已完了故總前意乃曰何謂和之以天倪蓋即結歸和是非之天均也但以均字變為倪字曰是不是然不然兩家各執之偏

若果是也則是之異乎不是也亦無見也

辯言是既異於彼不然若果然也則然之異是矣又何庸辯然若果然也則然之異乎不然也亦無辯謂然既異於不然化聲之相待無而忽有曰化言空谷之響乃化聲也謂觀音聲如空谷傳響了無情識又何是非之有哉此一句又總結前地籟長風窸窣音聲唱和皆化聲也若觀言語音聲如風吹窸窣何有是非之執所以有是非者蓋是有機心之言故競執為彼此之是非耳故發論之初乃曰夫言非吹也為是非發端今齊物論已了必指歸於地籟故曰化聲相待乃究竟齊物之工夫若言語音聲如地籟則言出天真了無機心乃真天籟也觀前發端之地籟則振蕩乾坤一段說話歸結到了但輕重以化聲相待四字結之看是何等之習襟致思筆力變化文章

若其不相待和之以天倪

此一句結齊物論之工夫也謂若果觀舉世言論之音聲如風吹窸窣鳴則是化聲相

待則言出天機了無是非之執矣若其不能如化聲相待則當和之以天倪而休乎天均則不由是非之情而當照之於天如此則物論不齊而自齊也不然則終無可齊之日矣

因之以蔓衍

蔓衍者謂散曼流行即橫說豎說如樞得環中以應無窮是一亦無窮非一亦無窮所謂惡乎存不可也以言出天真無往而非道故能和之以天倪則可矢口而談故曰

所以窮年也忘年忘義

前於道有虧則辯者終身無成以自以為成故非成耳今載道之言出乎天真之自然隨其成心而師之則無往而非道如此則優游卒歲了無成名之心身任世間心超生死則足以忘年了無人我彼此之分故能忘義而無一定之辯真人應世與物無競如此而已

振於無竟故寓諸無竟

無竟者乃絕疆界之言廣莫之鄉曠垠之野皆無竟之義也言真人處世凡所振作舉動皆與道冥一施為動

素八

作於大道之鄉故曰振於無竟故栖神於寂寞冲虛故曰寓諸無竟此齊物論之究竟指歸實際處也如此一篇大文章開端如許驚天動地若不指歸實際則為荒唐之說矣

此一節總結齊物論之究竟處也首以喪我為發啟則意在物論之不齊皆執我見之過也今要齊物必先忘我此主意也次

將顯世人之言語音聲乃天機之所發但在有機忘機之別故分凡聖之不同故以三籟發端意在要將地籟以比天籟但人有小知大知之不同故各執已見爲必是故說了地籟即說大知小知之機心情狀之不一故不能合乎天機如地籟之風吹美竅響耳如此者何也蓋由人迷却天真之主宰但認血肉之軀以爲我故執我見而生是非之強辯者蓋迷之之過也故次點出真宰要人先悟本真要悟本真須先拋却形骸故有百骸九竅之說要人看破形骸而識取真宰若悟真宰則自然言言合道皆發於天真是所謂天籟也今之辯論之不齊者蓋是機心之言故執有是非故立論是非之端首云夫言非吹也一句提

起以生後面許多是非之情狀皆從非吹二字發揮但凡人迷之而不悟在聖人已悟則不由衆人之是非故凡所言者皆照於天也從此照之於天一語以立悟之公案故向下說到是非不必強一但只休乎天均則不勞而自齊一矣如是重重議論到末後是非卒無人正之者如舉世古今皆是夢中說夢必待大覺之聖人方能正之即不能待大覺之聖人亦只須了悟各人之真宰則物論是非自明矣到此了悟之後是非自明則凡所言者皆出於天真如地籟無異矣故末後以化聲相待一語以結之若未大悟則凡所語言皆當照之於天而休乎天均爲工夫故以和之以天倪爲結語此通篇之血脉立言之本意也

但文章波瀾浩瀚難窺涯際若能看破主意則始終一貫森然嚴整無一字之刺語此所謂文章變化之神鬼者也

下文總以形影夢幻為結以見真實之工夫也

罔兩影外之影也問景曰曩子行今子止曩子坐

今子起何其無特操與言行止起坐不常何以無一定之特操也

曰吾有待而然者邪影謂蓋不由我吾所待

又有待而然者邪吾待蛇蚺蜩翼邪言我所待者形

若蛇蚺蜩翼之傲物耳彼何知哉惡識其所以然惡識其所

以不然言彼假形塊若無知之物若蛇之蚺

機之動作耳又何以知其然與不然耶意謂世人學道做忘我工夫必先觀此身如影如

蛇蚺蜩翼則我執自破矣昔者莊周夢為蝴蝶栩栩然

蝶也栩栩然自喻適志與不知周也言夢中

自喜自適竟不知其為周也俄然覺則蘧蘧然

素八

手二

周也覺來依然不知周之夢為蝴蝶歟蝴蝶

之夢為周歟周與蝴蝶則必有分矣言夢覺之不同

但一周耳不知蝴蝶為周周為蝴蝶此處定

有分曉要人看破則視死生如夢覺萬物一

觀自無是此之謂物化物化者萬物化而為

非之辨矣謂聖言齊物之極必是大而化之之聖人萬

於混化而為一則了無人我是非之辯則物

論不齊而自齊也齊物以一夢結則破盡舉

世古今之大夢也由是觀之莊子之學不易

致也非特文而已矣

此結齊物之究竟化處故托夢覺不分以

物化為極則大槩此論立意若要齊物必

先破我執為第一故首以吾喪我發端然

吾指真宰我即形骸初且說忘我未說工

夫次則忘我工夫須要觀形骸是假將百

骸九竅六藏一一看破散了於中畢竟誰

我忘則是非泯矣此其中大主意也重重立論返覆發揚者此耳謂若未悟真君則舉世古今皆迷如在大夢之中縱有是非之辯誰當正之耶縱有正之者亦若夢中占夢耳若明正是非必待大覺之聖人即不能待大聖亦直須各人了悟當人本來面目方自信自決矣要悟本來真宰須是忘我然忘我工夫先觀人世如夢是非之辨如夢中事正是非者如夢中占夢之人若以夢觀人世則人我之見亦自解矣雖解人我而未能忘言若觀音聲如響則言語相空如此則言自忘矣言雖忘而未能忘我則觀自己如影外之影觀血肉之軀如蛇蚶蝟翼此則頓忘我相不必似前分析也蓋前百骸九竅一一而觀乃初心觀

法如內教小乘之析色明空觀今即觀身如影之不實如蛇蚶之假借乃即色明空更不假費工夫也雖觀假我而未能忘物故如蝶夢之喻則物我兩忘物我忘則是非泯此聖人大而化之成功也故以物化結之如此識其主意攝歸觀心則不被他文字眩惑乃知究竟歸趣此齊物之總持也觀者應知

莊子內篇註卷之二

素八

音

音釋

琴 憐蕭切音 枅 堅奚切音雞柱
 聊長風聲 上橫木承棟者 宍 伊鳥切
 聲 五侯切音 筵 唐丁切音 襦 上舉兩
 也 鷲寇鳥子也 廷屋梁也 襦 切音鏹
 下補抱切音 軫 止忍切音軫 芑 救倫切音
 保負兒衣也 田間陌也 芑 椿無知貌
 蚶 符遇切音附蛇腹 下橫鱗可以行者

莊子內篇註卷之三

素九

明匡廬逸叟慈山釋德清註

養生主

此篇教人養性全生以性乃生之主也意謂世人為一身口體之謀逐逐於功名利祿以為養生之策殘生傷性終身役役而不知止即所謂迷失真宰與物相刃相靡其形盡如馳而不知歸者可不謂之大哀耶故教人安時處順不必貪求以養形但以清淨離欲以養性此示入道之功夫也

吾生也有涯人生如隙駒耳有限光陰而知也無涯妄想思慮日夜相代而無涯以有涯之身命隨無窮之妄想勞心已而為知者殆而已矣且迷而不覺猶自以為知者為善無近名為善無近名善終於殆而已矣不可救也無近名為惡無近刑惡兼忘虛懷遊世不以之心

物為緣督以為經緣順也督理也經常也言為常而無過求但安心順天理之自然以馳逐之心也可以保身可以全生可以養親可以盡年苟順天理則不貪欲以殘生故可以保身全生不辱身以傷命所謂能養生之主也

逍遙之聖人則忘已忘功忘名故得超然於物外齊物之愚夫競名好辯迷真宰而不悟此聖凡之辯也故今示之以入聖之功夫以養生主為首務也然養生之主只在緣督為經一語而已苟安命適時順乎天理之自然則遇物忘懷絕無意於人世則若已若功若名不待忘而自忘矣此所以為養生主之妙術也故下以庖丁解牛喻之

庖丁為文惠君解牛梁惠王也解牛不言解牛之妙術手之所觸隨手所肩之所倚度也足之所履踏牛於地

也 膝之所踦跪而下刀君音然響然用刀之

奏刀騞音然進刀之莫不中音言有節合於

桑林名舞之舞乃中經首樂之會衆樂齊奏言

力倉皇之意也 文惠君曰諱其善哉技

蓋至此乎言解牛之技庖丁釋刀對曰臣之

所好者道也進用乎技矣言臣始非專於技

故施用之於技耳 始臣之解牛之時所見

無非牛者言未得入道則目前物物有礙故

三年之後未嘗見全牛也言物未見理則見

細觀之則牛外之頭角蹄膻內之五臟百骸

不可亂者由是而知無全牛也 方今之時臣

以神遇而不以目視由臣細觀其牛件件分

了然於心目之間故方今解牛不官官知止

而神欲行官謂耳目等五官也以心目知

所之迎依乎天理但依骨肉之間批音大卻

陳導大窾因其固然言任刀所批者則有大

窾空處但只因固然卻隨手所引者則有大

定之理而游乎其間 技經有綮骨肉連之

未嘗而况大軻也乎言任理用刀從骨肉小

骨為礙乎 良庖歲更刀割也言良能之庖

其刀者但族衆庖月更刀折猶斫也言廣衆

換一刃則斫斫之故易傷缺也今臣之刀十九年矣臣之刀

九年矣率今已用所解數千牛矣而刀刃若新發於

刃而其鋒銛利如初磨一般全未傷缺也 彼

節者有間言彼骨節而刀刃無厚以無厚入

有間恢恢寬大乎其於遊刃必有餘地矣是

以十九年而刀刃若新發於刃言刀之所以

彼牛之骨節之間自有天然之空處且刀刃

薄而不厚以至薄之刀刃入有空之骨節則

恢恢寬大任其游刃尚有餘地又何傷鋒 雖

然每至於族筋骨盤吾見其難為言雖然遊

理而行其間亦有筋骨盤結沒理處 怵警揚

吾亦見其難此則不可任意而行也 怵警揚

然為戒言不敢妄動也視為止視其所止也行為遲行刀少緩

也動刀甚微謀也然已解如土委地言至難處則為

傷然小心不可亂動端詳其所止緩緩下手

如此則用力不多故動刀甚微而難解處則

割然已解如上提刀而立為之四顧言已解其難解

之謂委於地也故提刀四顧為之躊躇四顧也言仍四顧滿

以暢其懷也為之躊躇其難解之狀也

志快于善刀而藏之善拂拭其刀而藏之也文惠君曰

善哉吾聞庖丁之言得養生焉

此養生主一篇立義只一庖丁解牛之事

則盡養生主之妙以此乃一大譬喻耳若

一一合之乃見其妙庖丁喻聖人牛喻世

間之事大而天下國家小而日用常行皆

目前之事也解牛之技乃治天下國家用

世之術智也刀喻本性即生之主率性而

行如以刀解牛也言聖人學道妙悟性真

推其緒餘以治天下國家如庖丁先學道

而後用於解牛之技也初未悟時則見與

世齟齬難行如庖丁初則滿眼只見一牛

耳既而入道已深性智日明則看破世間

之事件件自有一定天然之理如此則不

見一事當前如此則目無全牛矣既看破

世事則一味順乎天理而行則不見有一

毫難處之事所謂技經骨鯈之未嘗也以

順理而行則無奔競馳逐以傷性真故如

刀刃之十九年若新發于硎全無一毫傷

缺也以聖人明利之智以應有理之事務

則事小而智鉅故如游刃其間恢恢有餘

地矣若遇難處沒理之事如筋可之盤錯

者不妨小心戒惕緩緩斟酌於其間則亦

易可解亦不見其難者至人如此應世又

何役役疲勞以取殘生傷性之患哉故結

之曰聞庖丁之言得養生焉而意在至人
率性順理而無過中之行則性自全而形
不傷耳善體會其意妙超言外此等譬喻
唯佛經有之世典絕無而僅有者最宜詳
玩有深旨哉

下文言其不善養生之人

公文軒人姓名見右師官名介而驚曰此何人

也惡乎介也言此是何等人天與其人與言

一足是天使與因何而則足也曰天也非人也復自應之日

非人歟抑人為之歟天也非人也此天使之也天也非人

即是天刑其人之貌有與也以是知其天也

非人也言人生皆天與之形也今右師澤雉

十步一啄百步一飲不斲畜乎樊中神雖王

不善也言澤雉飲啄雖如此之艱難亦甘心

中之養其神雖王且知困苦不自安故以為

多矣故其刑也實天刑之而不自知耳

此一節言不善養生者見得忘真見利忘
形自取殘生傷性之患不若澤雉之自適
也

下言雖聖人苟不能忘情亦是喪夫天真
者故借老子發之

老聃死秦失弔之秦失老聃之友也三號而出言無

之情弟子秦失之曰非夫子之友耶曰然言

吾之然則弔焉若此可乎弟子謂既為夫子

其可曰然謂實無始也吾以為其人也言我

友時將謂是而今非也今日死後乃知其非

向吾入而弔焉有老者哭之如哭其子少者

哭之如哭其母彼其所以會之必有不斲言

而言不斲哭而哭者言老少哭之如此其哀

而中心有不能自己者故是遁天倍與恃

不斲哭而哭之哀如此也

忘其所受古者謂之遁天之刑刑猶理也言
能忘情而處世故有心親愛於人故人不能
忘此實自遁天真忘其本有古人謂此乃遁
喪天真而傷其適來夫子時也適來而有生
性者非聖人也亦順時而生
也適去夫子順也言適死而去乃造化之所
來死生安時而處順哀樂不能入也言生則
者也安其時

死則順其化又何死有哀而生可樂耶遠其本無生死故也古者謂是帝
之縣解帝者生之主也性繫於形如人之指
窮於為薪火傳也不知其盡也言形雖化而
盡而火存有形相禪如薪火相傳是則生生
而不已化化而無窮故如薪火之傳不知其
也盡

此言性得所養而天真自全則去來生死
了無拘礙故至人遊世形雖同人而性超
物外不為生死變遷者實由得其所養耳
能養性復真所以為真人故後人間世即
言真人無心而遊世以實庖丁解牛之譬

素元

六

以見養生主之效也篇雖各別而意實貫
之

人間世

此篇蓋言聖人處世之道也然養生主乃
不以世務傷生者而其所以養生之功夫
又從經涉世故以體驗之謂果能自有所
養即處世自無伐才求名無事強行之過
其於輔君奉命自無誇功溢美之嫌而其
功夫又從心齋坐忘虛已涉世可無患矣
極言世故人情之難處苟非虛而待物少
有才情求名之心則不免於患矣故篇終
以不才為究竟苟涉世無患方見善能養
生之主實與前篇互相發明也以孔子乃
用世之聖人顏子乃聖門之高弟故借以
為重使其信然也

顏回見仲尼請行曰奚之仲尼問曰將之衛

曰奚為焉意謂雖顏子之仁人亦曰回聞衛

君刑曠其年壯壯年盛其行獨言很戾自用

輕用其國而不自見其過言不恤民輕視其

輕用民死言不恤民故死者以國量乎澤若

蕉言以國比乎澤而民之死民其無如也往矣

言民受困無回嘗聞之夫子曰治國去之言

已治不以無亂國就之言勘亂扶危醫門多

疾謂善救時者如良願以所聞思其則蓋同

夫子之言如此故願以所聞庶幾其國有瘳

乎言庶幾使民仲尼曰諱也驚嘆若殆往而刑

耳言汝甚欲往夫道不欲襍謂學道當專心

其襍則多多則擾擾則憂憂而不救言心襍

事自擾擾則憂古之至人先存諸已而後存

諸人言古之至人涉世先以道德存乎已然

之大經非夫所存於已者未定何暇至於暴

人之所行謂顏回道德未充自修不且若也

亦知夫德之所蕩而知之所為出乎哉蕩散

也德蕩乎名知出乎爭德之不能保全者為

少矣知之發露於外名也者相刺也刺也言

名者乃彼此相擠知也者爭之器也才知一

致爭不相安也二者內器非所以盡行也言

德知術二者乃招患之端且德厚信信

未達人氣謂我以厚德確信加人必先要名

聞不爭未達人心言我雖不爭名聞於彼且

如而彊以仁義繩墨之言術當是暴人之前

是以人惡有其美也命之曰菑人菑人者人

必返菑之若殆為人菑言已雖確信虛已致

不達心志即以仁義繩墨之言規諫於彼恐

而顯已之美所謂不信則將以汝為因揚彼之惡

菑害於人凡菑人者人必反菑之汝不審彼

已而強行殆為 且苟為悅賢而惡不肖惡用

而求有以異 且彼衛君誠有悅賢而惡不肖之心則彼國自有賢者何

求以顯異耶 若也 惟無詔 言汝必不王公必

將乘人而闕其捷 言女非詔命而往則彼王

不納其言 而也 目將焚之 言汝見人君之勢以加凌之則

必自失其守 素九 而色將平之 眼目一眩必將

和以求 口將營之 容貌既已失措而口 容將

解矣 容貌言辭一失則全 心且成之 外貌一

形之 身不覺放倒遷就也 是以火救火以水救水

就彼返成其惡也 言女初心欲彼改惡而竟逐成

名之曰益多 其惡是以水火而救水火但增

益其 順始無窮 言始則將順而 若也 殆以不

多耳 彼之惡竟無窮 信厚言必死於暴人之前矣 若彼不見信而

之言是謂交淺言深彼將致疑而 遽加之以忠厚

返以為誇如此則必死無疑矣

此一節言涉世之大者以諫君為第一若

人主素不見信而驟以忠言強諫不唯不

聽且致殺身之禍此非夫子之大聖深達

世故明哲保身者其他孰能知此哉顏子

有所未至也此為人間世之第一件事情

首言之

且昔者桀殺關龍逢紂殺王子比干是皆修

其身以下偃指人之民以下掃其上者也 龍言

逢比干以忠立名而竟見殺者蓋為居臣下

之位而偃指人君之民者偃指言曲身拊恤

於民以示憐愛之狀也謂人君不愛民而臣

下返為之愛恤是自要名以拂逆人主之心

此所以見怒而取殺也 故人君因其修以擠

豈非好名取死之道耶 言二子好名而修身以拂人

之是好名者也 君故人君因其修而擠害之

是 好名 昔者堯攻叢枝胥敖 二國 禹攻有扈

之過也 使其國為空虛 身為刑戮 親身

名 國為虛厲 死其言為厲鬼 謂二聖自以為

殺 其用兵不止其求實無已 仁將除暴救民

是皆求為仁之實無已故用 是皆求名實者

兵不止以此好名以滋殺戮 求仁之名而行殺而 獨不聞之乎名實

者聖人之所不能勝也言名實雖二聖人且不能勝而全有而况若汝乎

此謂顏子無事强行求名之實必不能全以明往必刑之之必然也且名實聖人猶不能全而况凡乎

上文夫子以教其必不可往下又問其往之道

雖然若也必有以也嘗以語我來來語辭夫我如此說其勢必不可往不知汝將何術以往耶當以語我試看何如顏回曰端而虛勉而一則可乎回謂我無他術但端謹其身以虛其心不

以功名得失為懷更勉一其曰惡惡可言其志不計其利害如此則可乎曰惡惡可言其甚不夫以陽為充孔揚采色不定陽者盛氣言也夫以陽為充孔揚采色不定衛君壯年負驕勝之氣女以小心端謹事之則益充滿彼之盛氣而志更大飛揚將發現于顏面矣采色不定喜怒不常也常人之所不違言彼喜怒不常之人亦不敢違况汝因案人之所感以求容未同與言之人乎

與自快之意也其心名之曰日漸之德不成而况

大德乎言彼拒諫之人即汝以言感發之彼即定將所感之言返索於女以求容

與以快其心不但不聽而已如此飾非之人即日漸小德亦不成况大德乎將執

而不化外合而內不訾也其庸詎可乎言彼將已志而不化縱汝能端虛而外謹勉一而內不毀竟有何用乎言其必無功效徒費精

神

耳

此一節言彊梁拒諫之人縱以忠謹事之

我增益其盛氣亦無補於德終無益也

然則我內直而外曲成而上比此類回問夫虛勉一必不能行又思其則以內直外曲上比若人挾此三術以往其事必濟矣內

直者與天為徒此類回自解三術之意言內直與天為徒者言人之生也

且此性本天成則彼我同此性也故曰與天為徒謂彼亦人耳既同此性苟言之相符

無動於與天為徒者知天子之與已皆天之

所予而獨以已言斲乎而人善之斲乎而人

不善之耶若然者人謂之童子是之謂與天

為徒言既天性本同別人君與我皆天之子也我但直性而言之亦不必求其彼之
以我言為善為不善我唯盡此真純無偽之心如此則彼以我如赤子之心矣此又有何
慮外曲者與人為徒也擊跽曲拳人臣之禮
也人皆為之吾敢不為耶為人之所為者人
亦無疵焉是之謂與人為徒外曲者謂曲盡人臣之禮也不

夫其儀又素九成而上比者與古為徒其言雖教
何疵焉十適謂指適之實也占之有也非吾有也若
然者雖直而不為病是之謂與古為徒成者引其

成言也上比者上比古人也故其言雖適之
而明言是非而所言皆實乃古人之言非我
之虛說也如此則言雖直若是我則可乎以此
以非我出則不以為病矣三術

則庶幾仲尼曰惡惡可數其必太多政法而不可也
不謀政法猶法則也謀猶安妥謂穩當也言扶上三術而法則太多猶不穩當也

雖固亦無罪雖然止是耳矣惡可以及化猶
師心者也言以此三術固亦不得罪然止是
何也以三術皆出有心未能如此而已耳亦不能使彼心化也
忘我且已未成焉能化彼哉也

此一節言三術從孔子君子有三畏中變
化來與天為徒畏天也與人為徒畏大人
也與古為徒畏聖人之言也但議論渾然
無跡言此三事亦非聖人大化之境界止
於世俗之常耳意在言外

顏回曰吾無以進矣言回之學問止此敢問

其方請問夫子之教以可法也仲尼曰齋吾將語若言須齋心

待聽我若汝有而為之其易耶言汝有心而為之教也若汝有而為之其易耶

未化便欲化易之者皞天不宜為易者其

人豈容易耶為易者其顏回曰回之家貧惟不飲酒不

天所不宜天所不宜顏回曰回之家貧惟不飲酒不

茹葷者數月矣若此可為齋乎此顏子未

是祭祀之齋非心齋也回曰敢問心齋仲尼

曰一若志專一汝無聽之以耳而聽之以心

言返聞無聽之以心而聽之以氣心尚未忘於心性

而形與心止於符謂心真氣也者虛而待物

者也言心虛于極惟道集虛之體也虛者心齋也教顏子之心齋以主於虛也

顏子多方皆未離有心凡有心之言未忘機也機不忘則已不化故教之以心齋以

虛為極虛則物我兩忘已化而物自化耳顏回曰回之未始得使實自回也言未受教待自以為

有得使之也未始有回也可謂虛乎一聞心已頓忘其已此忘已可謂虛夫子曰盡矣謂心平回于一言頓悟如此

此矣理盡於吾將語若言汝有受教之若能入遊其樊樊謂藩籬謂世網中也而無感其名言能遊人世虛已忘

懷無以智巧以感入則鳴不入則止言不可動人而要其名無門無毒言無門無毒者相入則言不入則止不可強行

必瘳之藥此二者有患皆不可用也一宅而寓於不得已則幾矣一宅者謂安心於一了無二念即其所言當寓

意於不得已而應之切不可有絕跡易無行心強為如此則庶幾乎可耳

地難言迷人絕世尚易獨有涉世無心不為人使易以偽為天使難以偽聖人應世乃天

也人之使容可以偽聖人乘真聞以有翼飛者此有心無心之喻也

也成者有之若無心應物而使人感聞以有知化若無翼而飛者此未之聞也

知者矣未聞以無知知者也言世人皆以有無心而應物者此其難者未之聞也瞻彼闕

者虛室生白此心虛之喻也謂室中空虛但即生白矣以喻心吉祥止止言有心而動則虛則天光自發也

吉祥止止言有心而動則吉凶悔悟生乎動也今若心虛無物則一念不生虛明自照悔吝全消惟吉祥止止而言

此虛心乃吉祥夫且不止是之謂坐馳言人所止之處也夫且不止是之謂坐馳言人本虛明第人不安心止此私慾萌發則

耳目內通而外於心知鬼神將來舍而況人乎狗作狗猶喪失也言喪耳目之見聞返見返聞故云內通若內通融於心體真光發露則不用其妄心妄知如此則虛明寂照與鬼神合其德故鬼神將來舍矣而況於人而

不感化乎此無翼而飛是萬物之化也耳日
者也此教回之極處也則形自忘外心知則智自泯則物我禹舜之
兩忘我忘物化則萬物盡化為道矣
所紐也也伏義幾几遠古聖之所行終而沉散
焉者乎言物我兼忘萬物盡化此混歸大道
幾几遠之原即禹之神聖亦執為樞紐而伏
乎願回能以此用世又何強行之有哉三

此言涉世先於事君此言輔君之難也苟
非物我兩忘虚心御物不得已而應之決
不能感君而離患若固執我見持必然之
志而強諫之不但無補於君且致殺身之
禍此龍逢比干之死皆是之過也

下言使命之難

葉八子高葉公名梁字子高楚人大也將使於齊問於仲

尼曰王使諸梁也甚重意將有兵革之事齊之待使

者蓋將甚敬而不急言齊君待使者貌雖恭而心甚慢不能應使者

之急事匹夫猶未可動也而況諸侯乎言楚之事甚急

而齊若慢之則不敢輕意催促吾甚慄之恐
且匹夫尚不可輕動况諸侯乎國事而取罪
故甚恐懼也子嘗語諸梁也曰凡事若小若
大寡不道以權成嘗憶夫子教我謂事無大
則事難濟矣事苦不成則必有人道之患言
此所以恐也若不成君能無罪我乎事
是必有人道之患也事若成則必有陰陽

之患言齊憊不急必多方勞慮委曲求成則焦勞之病乃陰陽之內患也若成

若不成而後無患者惟有德者能之謂全德

之聖人也意謂事之成與不成俱無患者吾

惟聖人虚心應世不以物為事者能之也吾

食也執粗而不減善也謂不甘饜無欲清之

人言我之飲食淡薄無多烹庖茹執今吾朝

受命而夕飲冰我其內熱言素無厚味故

朝受命而夕飲冰則火症內發乃憂吾未至

愁焦思以動其火耳其內熱之病言未就事

乎事之情也而既有陰陽之患矣言未就事

夫錯內熱事若不成必有人道之患成若

之病矣能無罪我乎此人是兩也為人臣者不足以

任之言此兩患在身事不由已故子其有以

語我來願夫子有以教我

此言人臣以使命為難也以為人臣者但

以一已功名為心故事必求可功必求成

以此橫慮交錯於胷中勞神焦思之若此

乃舉世人臣使命之難絕不知有所處之

道故不免其患耳故夫子教以處之方

意有一定之命一定之理安順處之自無

患耳若持必可之心固所不免也

下夫子教其莫若致命此其難者將此起

語為結

仲尼曰天下有大戒二大戒者謂世之大經

不可易者其一命也其一義也子之愛親命也不

可解於心臣之事君義也無適而非君也莊

辨仁義獨於人之事君以義為主又以死忠為不善今言人臣之事君無往而非君乃忠

之盛也此老何曾越世故耶無所逃於天地之間是之謂

大戒言世之君親之命無所逃此是以夫事

其親者不擇地而安之孝之至也言子之事

非親命則不敢擇地而安之此乃孝之至也

而安之忠之盛也言事君者唯命是聽不敢

也故古人耻貳自事其心者哀樂不易施乎

前言孝則當竭其力忠則盡乎命以盡心盡

者不以哀樂知其不可奈何而安之若命德

之至也言人臣之分知其事之難無可奈何

則忘其難易此為人臣子者固有所不得已

乃德之至也行事之情而忘其身

其死為何暇至於悅生而惡死

去就哉夫子其行可矣

莊子全書皆以忠孝為要名譽喪失天真

之不可尚者獨人間世一篇則極盡其忠

孝之實一字不可易者誰言其人不達世

故而恣肆其志耶且借重孔子之言者曷

嘗侮聖人哉蓋學有方內方外之分在方

外必以放曠為高特要歸大道也若方內

則於君臣父子之分一毫不敢假借者以

世之大經大法不可犯也此所謂世出世

間之道無不包羅無不盡理豈可以一槩

目之哉

丘請復以所聞前縣言君臣父子之分義凡

交近則必相靡以信靡順也信符也凡交近

令遠則必忠之以言若交遠國則必忠之言

必或傳之謂言必要夫傳兩喜兩怒之言天

下之難者也言之所係安危以夫兩喜必多

溢美之言兩怒必多溢惡之言病在凡溢之

類妄溢美溢惡出於過用智妄則其信之也

巧收失其本真故曰妄

莫以言不至誠故聽莫則傳言者殃既不相

在傳言者殃矣故法言曰傳其常情無傳其溢言情

乃真實無則幾乎全庶幾

此一節言使命之難以兩家之利害皆在

一已擔當若溢而過實則令聽者生疑不

信是為生禍之本而傳者必受其殃所以

貴乎真實無妄庶幾可保全耳

下文申明雖苟全目前之事而終必為害

甚矣言之不易不可不謹慎其始也

且以巧關力者始乎陽常卒乎陰太至則多

奇巧此言慎始慎終之道也且始以巧關力

及其過甚則有求勝之心必各用其奇巧奇

巧一出則必有一傷傷即認真至不可解則

猶喜陰猶怒也以禮飲酒者始乎治常乎亂

太至則多奇樂凡事亦然且如飲酒者初則

至酒雖樂劇樂則亂必隨始乎諒常卒乎

之不獨巧關飲酒凡事皆然

鄙之交情始則肝膽相照必信不疑久則鄙
諛之心其作始也簡其將畢也必巨情即作
事始作必以簡省為主其將畢也必言者風
巨自有不可收拾者蓋勢之必至也

波也行者實喪也行尤甚蓋言者風波也乃
是非所由生行者實之所自發行成而實喪
矣故曰言行君子之樞機榮辱之主也故當

所必運者夫風波易以動實喪易以危風波
豈可妄乎素九故念設無由巧言偏
辱知此則知所慎矣

辭巧言偏辭以激發之獸死不擇音氣息
第然於是並生心厲勇勃然也厲鬼病也謂
以致怒氣勃然而發則不擇音而橫出之

管心在焉病尅核太至則必有不肖之心應
而不可治矣謂聽言激怒之人乘其怒
之而不如其然也氣則於所怒之人必以橫

口非理加之毫髮推求不少寬假而尅核之
若尅核太至則彼被怒之人亦必以不肖之
心應之是則兩家之禍成矣禍雖成而竟不

知其所以然也所以然者蓋由巧言偏辭也
苟為不知其然也孰知其所終若苟知其巧
言之過尚

可詳若不知其所由言然則故法言曰無遷
兩家之禍將不知其所終矣甚故奉使者必不可溢言無遷改
令無勸成其令無勸其過度益也也凡增益者乃過其度
成免後禍也也美成在久惡成不及改可不慎歟凡事

不宜速成故美成在久若強勉且夫乘物以
遊心托不得已以養中至矣此方致以使命
至人物我兼忘順物之自然以遊心於其間

事不可有心以強成當托於不得已而應之
以養中正之道而不失其何作可報耶莫若
守如此應世可謂至矣

為致命此其難者此結乃起語也言使命者
致命謂在事之成否自有一天之天命即今
奉使又有一定之君命知天命之不可違則

當安命順其自然不可用心以溢言僥倖以
成功知君命之不可違則不可遷令以勸成
以免後禍此所謂致命之意此必至人

方能尋常人則不易故曰此其難者
此一節言應世之難者無愈使命如葉公

之所憂者固然而夫子之言皆使命之至
情禍福之樞機切中人情之極致所謂士

見危致命者非夫子大聖深於世故者又

何以致此哉

顏盍將傳衛靈公太子廟贖而問於蘧伯玉

名瑗衛之賢人有人於此其德天殺去聲降也謂天

生低品與之為無方謂不以法度規之也則危吾國與

之為有方則危吾身若以法度繩墨之言諫之則必不信而見尤則

危吾身其知去聲適足以知人之過而不知其所

以過謂其人聰明足以據捨若然者吾奈之

何謂其人如此蘧伯玉曰善哉問乎善其問於我也

戒之慎之言此人不可輕意犯之者正汝身哉當先正己而後事之

形莫若就言其人很矣不可逆之宜心莫若

和言中心不可不善雖然之二者有患雖然

形就心和亦未免患形就將與已同心和則將為悅已以此縱之則不敢以規諫故有患

就不欲入言形雖就不可全身放倒也和不欲出出者謂顯已之

長形彼之短故不欲出形就而入且為顛為滅為崩為

蹶若放身阿諛承順其惡則返成其惡將取顛滅崩蹶之禍心和而出且

為聲為名為妖為孽若少露圭角則彼將以己之惡而收為聲名其

心必忌之而為妖孽矣故此二者皆有患也彼且為嬰兒亦與之

為嬰兒嬰兒言彼無知識也彼且為無町畦亦與之為

無町畦町畦言無牆壑謂全無檢束也彼且為無崖亦與之

無崖崖謂無崖岸言放蕩無拘也達之入於無疵言先且於一切

舉動不可一毫有逆其意待彼久又相信而

不疑則漸漸因事引達以入無過之地此正

所謂將順其美匡汝不知夫螳螂乎怒其臂

救其惡可無患也此喻不量力而

以當車轍不知其不勝任也逆之也螳螂怒

臂以當車轍其志則似矣是是其才之美者也

而不知其力不勝任也言螳螂恃其才之美者但不量已力耳謂盍

才雖美至若盡力以事暴君恐不免其患也

戒之慎之積伐而美者以犯之幾矣言汝積伐已之

其決之之怒也

全物與之則令虎決裂而生其怒也虎怒則發威猛而不

可制時其饑飽達其怒心虎之與人異類而

媚養已者順也故其殺者逆也養虎而不知順其性則被

其殺無夫愛馬者以筐盛矢矢即以蝦盛溺

也屎適有蚤蚩僕緣而拊之不時則缺銜則怒而斷

其脚言馬之怒則毀碎意有所至

而愛有所亡言雖愛馬之至若拊之不時一觸其怒則將斷勒緩轡矣又何

顧其可不慎耶愛馬之喻尤切事情三

此言輔君之難也已上三者皆人間世之

難者意謂夫遊人間世者必虛心安命適

時自慎無可不可乃可免患若不能虛心

恃知妄作無事而強行者顏回是也若不

能安命多憂自苦當行而不行者葉公是

也二者皆非聖人所以涉世之道而當以

孔子之言為準也若其必不得已而應世

以事人主必將順其美匡救其惡以竭其

忠尤當以戒慎恐懼達變知機不可輕忽

不可恃才輕觸以取殺身之禍此又當以

蘧伯玉之言為得也涉世人情之曲折極

盡於此矣是必取重仲尼伯玉乃可免患

耳

上言材能之累下以不才以全生

匠石之齊至乎曲轅地名見櫟社樹其大蔽牛

絜之以兩手百圍其高臨山十仞而後有枝

言樹身分其可以為舟者旁十數言正身之外旁枝可

為舟者有觀者如市人以為大且美匠伯不

顧遂行不輟止也謂不顧其弟子厭飽足觀

之走及匠石曰自吾執斧斤以隨夫子未嘗

見材如此其美也先生不肯視行不輟何耶

曰已矣勿言之矣散木也以為舟則沉以為

棺槨則速腐以為器則速毀以為門戶則液
構謂門樞引水則以為柱則蠹是不材之木
液構然而此

也無所可用故能若是之壽匠石歸櫟社見
夢曰汝將惡乎比予哉若將比予於文木耶

夫祖梨橘柚果蓏之屬實熟則剝則辱大枝
折小枝泄此以其能苦其生者也故不終其

天年而中道天自掊擊言掊取而於世俗者
也物莫不若是且予求無所可用久矣幾死

乃今得之幾死者謂尋常人不知我不材為
予大用以不材全生使予也而有有用且得有

大也耶若使我有用必且也若與予也皆物
不能此之大也

也奈何哉其相物也言汝與我同為天地間
用而我而幾死之散人又惡知散木言汝

為無用耶死之散人而不自知且又鄙匠石覺而診其
我為散木是自不知量也
夢覺而為弟弟子曰趣取無用
子說其夢
素九
子
言意思也謂

意思取無用而則為社何耶曰密若無言謂
為社者何也然直是以社毒於此木

不必聲彼亦直寄焉非是此木有心要作社
也以為不知己者詬厲也謂常人不知寄托

真是社以此名不為社者且幾有剪乎言此
而証害之也木即

譽之謂彼木所以保其天年者以不材而全
禁暴除非生故與眾異而人不知乃以利人長物不亦遠乎

此言櫟社之樹以不材而保其天年全生
遠害乃無用之大用返顯前之恃才妄作

要君求譽以自害者實天壤矣此莊生輕
世肆志之意正在此耳下歷言無自全之

意以喻已志此立言之指也
南伯子綦遊乎商之丘見大木焉有異謂有

象結駟千乘隱將芘其所賴言千駟之車馬
木結駟千乘隱將芘其所賴隱息于樹下而
樹之枝葉皆子綦曰此何木也哉此必有異
能芘蔭之也

材不知其不材故異之也夫仰而視其細枝則拳曲而

不可以為棟樑俯而視其大根則軸解言本

解散而不可以為棺槨啞其葉則口爛而為

傷嗅之則使人狂醒三日而不已言葉之惡氣薰人令

人狂醒如醉而不醒也子綦曰此果不材之木也以至

於此其大也嗟夫神人以此不材言子綦因試知其木

不材乃知神人以不材無用而致聖也宋有荆氏者宜楸栢桑

其拱把而上者求猿狙之取後狙之具也者斬之

三圍四圍求高名之麗屋棟也者斬之七圍八

圍貴人富商之家求禪傍乃棺木之全傍邊也者斬之

故未終其天年而中道之天於斧斤此材之

患也此甚言材之為害以見不材之得全也故解之解者祭祀

者天子有解祠謂解罪求福也出漢書郊祀記以牛之白顙言色不

者與豚之亢鼻言形不美者與人之有痔病者不

可以適河以人祭河謂人為巫祝也又漢書有為河伯娶婦選童男女之美者

殺之河中謂之通河此事或古亦有之此皆巫祝以知之矣所

以為不祥也言此三者小有不材足以全生况神人以無用而自全者乎

此乃神人之所以為大祥也

此極言不材之自全甚明材美之自害也

惟神人知其材之為患故絕聖棄智昏昏

悶悶而無意於人間者此其所以無用得

以全身養生以盡其天年也此警世之意

深矣

支離疏者此假設人之名也支離者謂其形體者謂其智也乃忘形去智

之頤頤頤頤也隱於臍肩高於頂兩頤隱於臍則其背儂可

知會撮髮髻也指天言背儂而項仰也五管在上謂五臟之

膺隨背而兩髀為脇髀大也言大腿為兩脇則形曲可知挫

鐵說天治解流衣也足以糊口鼓策播精言鐵

揀揀也此就其形之曲戾而可為之事也足以食十人言形曲鐵

故取值多可上徵武士則支離攘臂於其間

言形既支離故不畏
共遠故攘臂於其間
上有大役則支離以有
常疾不受功
言大役難免而
支離又以疾免
上與病者粟則
受三鍾與十束薪
言以疾則
多得其賜
夫支離其形者
猶足以養其身終其天年文況支離其德者
乎

素九

三二

此言支離其形足以全生而遠害況釋智
遺形者乎此發揮老子處衆人之所惡故
幾於道之意前以木之材不材以況此以
人喻亦更切矣

孔子適楚楚狂接輿遊其門曰鳳兮鳳兮何
如德之衰也來世不可待往世不可追也天
下有道聖人成焉
言天下有道則成
聖人之事業也
天下無
道聖人生焉
言天下無道則
聖人全生而已
方今之時僅免
刑焉
言方今之時僅能免
害足矣何敢言功
福輕乎羽莫之知
載
言福之自取其
易而又不肯受
禍重乎地莫之知避
言世
人之

素九

三三

迷胃禍以
求利也
已乎已乎
言自嘆其
當止也
臨人以德殆
乎殆乎
殆者危而不安也
言方今之時若
以德臨人
以才自用
其危之甚也
畫
地而趨迷陽迷陽無傷吾行
言方今之人
畫地而趨者
迷味
之甚也豈能放之而行哉
吾行卻曲
言行不
行則有傷
吾之固
有也
進貌
無傷吾足
言世道難行
若行之
適以傷
吾之足耳
山木自寇也

山以生木自膏火自煎也
膏以明故
自煎耳
漆可用故割之
漆以澤故
自取割之
人皆知有用之用而莫知無用之用也

此人間世立意初則以孔子爲善於涉世
之聖故托言以發其端意謂雖顏子之仁
智亦非用世之具不免無事強行之過也
次則葉公乃處世之人亦不能自全況其
他乎次則顏盍乃一隱士耳爾乃妄意干
時乃不知量之人也故以伯玉以折之斯
皆恃才之過也故不免於害故以櫟社山

木之不材以喻之又以支離疏曉之是涉世之難也如此故終篇以楚狂譏孔子意謂雖聖而不知止以發已意乃此老披肝露膽真情發現真見處世之難如此故超然物外以道自全以貧賤自處故避世無悶著書以見志此立言之本意也故于人間世之末以此結款實自叙也

德克符

此篇立意謂德充實於內者必能遊於形骸之外而不寢處軀殼之間蓋以知身為大患之本故不事於物欲而心與天遊故見之者自能神符心會忘形釋智而不知其所以然也故學道者唯務實德充乎內不必計其虛名見乎外雖不求知於世而世未有不知者也故引數子以發之蓋釋

未元

言

老子處衆人之所惡故幾於道之意也

魯有兀即介字乃剛足之人也者王台從之遊者與仲

尼相若常季問於仲尼曰王台兀者也從之

遊者與夫子中分魯言魯國從王台遊者與夫子相半也立不

教坐不議虛而往實而歸固有不言之教無

形而心成者邪謂教人不見於形容言語而但以心相印成者耶是

何人也仲尼曰夫子聖人也丘也直後而未

往耳謂直居其後未能往向於前耳丘將以為師此重言孔子未能忘

形師心形師心而況不若丘者乎奚假魯國丘將引

天下而與從之此形容孔子無我之意常季曰彼兀者

也而王音旺言勝也先生其與庸亦遠矣若然者

其用心也獨句言不同於人也若之何仲尼曰死生

亦大矣而不得與之變不為死生之所遷變雖天地覆

墜亦將不與之遺言雖天地覆墜之變亦不為之所遺累也審乎

無假而不與物遷審處也無假謂形骸之外至真之道超然出於萬物

之表故不命也。猶名物之化而守其宗也。謂其
 然物外不隨物遷唯任物自常。季曰何謂也。
 化而彼但守其至道之宗也。常季不解其仲尼曰。
 不遷之說。夫守真之旨。自其異者視之。肝膽楚越也。
 相遠。自其同者視之。萬物皆一也。自大道觀
 也。我皆一夫。若然者。且不知耳目之所宜。形骸
 體也。六根無用。故泯其見聞。而遊心乎德之和。謂
 故不知耳目之所宜。而遊心乎德之和。超
 乎形骸之外。而遊心於大物。視其所一而不
 化之鄉。太和元氣之境。大物視其所一而不
 見其所喪。但見其適真之所存。故不見其形
 之有。視喪其足。猶遺土也。言視喪其足若與
 所喪。已無干。猶遺土也。

常季曰。彼為已。止也。言止於以其知其心。
 謂彼不過以其所知。以其心得其常心。言即
 得其自己之心耳。以其心得其常心。彼所
 得之心亦尋物何為最之哉。言彼所得之心
 常人之心耳。物何為最之哉。亦人人皆有。又
 何有越過。仲尼曰。人莫鑑於流水。而鑑於止
 人之心哉。水惟止能止衆止。但衆人之心忘動如流水

而聖人之心至靜。如止水。故衆人之受命於
 心動而不止。唯聖人能為與止之耳。受命於
 地。惟松柏獨也在。冬夏青青。言獨者乃天
 雖萬物之多。而此真受命於天。惟舜獨也。正
 一之氣。獨在松柏。言受命於天。惟舜得
 句。幸能正生。以正衆生。天之正乃各正性命
 之正。故為正人。以其自正。夫保始之微。不懼
 故能正衆人之不正者。

之實。始者受命之元。即所謂大道之宗也。言
 道之微。驗惟不勇。士一人。雄入於九軍。將求
 懼是其實效耳。勇士一人。雄入於九軍。將求
 名而能自要者。而猶若是。以勇士不懼。比
 而況官天地。聖人為天。府萬物。歸一已。直寓
 六骸。假借象耳目。所謂如幻也。一知之所知。

知萬化。而心未嘗死者乎。死猶喪失也。謂衆
 為一致。而心未嘗死者乎。人喪失未真之心。
 唯聖人未喪。本有故。彼且擇日而登假。假猶
 能視萬物為一已也。彼且擇日而登假。退也。
 謂彼人且將擇日而登假。人則從事也。言人
 遠升仙。界而超出塵。凡也。人則從事也。之相
 從者。蓋從於彼。且何肯以物為事乎。
 形骸之外也。此篇以德充符為名。首以介者王駘發端。

只在末後數語便是實德內充故符於外而人多從之非有心要人從之也蓋忘形骸一心知即佛說破分別我障也能破分別我障則成阿羅漢果即得神通變化今莊子但就人中說老子忘形釋智之功夫素九即能到此境界耳即所謂至人忘已也此寓六骸象耳目一知之所知即佛說假觀乃即世間出生死之妙訣正予所謂修離欲禪也

申屠嘉兀者也而與鄭子產同師於伯昏無人此亦撰出其人各蓋從老子象人昭昭我獨若昏故以昏為聖人之名子產謂申屠嘉曰我先出則子止子先出則我止此重言子產不能忘我以功名自矜故其明耻與介者為伍故止其不與同出入也其明日又與合堂同席而坐言申屠嘉自忘其介而亦不知子產之厭也子產謂申屠嘉曰我先出則子止子先出

則我止今我將出子可以止乎其未耶且子見執政而不違也子齊執政乎子產見申屠嘉之不避已故明言之然以執政申屠嘉曰先生之矜人則形容子產之陋也申屠嘉曰先生之門固有執政焉如此哉申屠嘉曰子產之陋乃曰先生之門固有此不能相子而說子之執政而後人者也言但知有已之執政故以人不若已者此陋之甚也聞之曰鑑明則塵垢不止止則不明也久與賢人處則無過今子之所取大者先生也而猶出言若是亦不過乎此譏子產之不明也蓋聞老子自知者明之意笑子產了自知也意謂子產既避聖人之門而猶發言子產曰子既若是矣子產言申屠之廢人而猶攻堯爭善計子之不能自反而與人爭善猶攻堯爭善計子之德不足以自反耶德猶見識也謂申屠嘉既廢如此而不自反求諸已而猶且以聖自居將與堯爭善我計料子之知見誠愚而不自反也子產畢竟露出本來面目申屠嘉曰自狀其過以不當亡者眾狀者知已過之分明也謂若人能自知已過則人之過更有甚於我者如此見恕則以我之足

不當忘不狀其過以不當存者寡此句義似不順當去
 者衆矣一不字意謂若人不自狀其已過則責我太過則以我足當者寡矣知不可柰
 何而安之若命惟有德者能之若知我無可奈何而命之
 使然如此知命相遊於羿之彀中中央者中
 地也然而不中者命也羿之善射而人遊於必中之地不被射而
 死者亦幸而免耳以喻世人履危機當禍而
 免者亦幸耳謂我以不幸而不免者豈非命
 之有人以其全足笑吾不全足者衆矣我憐
 然而怒言始也人笑我以足不全我則佛然如怒而適先生之所
 則廢然而反言初未聞道故未忘人我今自入先生之門一聞大道則人我
 之見盡廢亡矣不知先生之洗我以善耶言不自知其先生洗
 我以吾與夫子遊十九年矣而未嘗知吾兀
 者也我與先生遊十九年向不知我之亡足也今子與我遊於形
 骸之內而子索我於形骸之外不亦過乎言我
 與子相知以心即當相忘以道不當取於形
 骸之間今子乃以形骸外貌索我不亦過乎
 子產楚然改容更貌曰子無乃稱子產聞說
 則中心愧

第一五六册 莊子內篇註 一五·一六三六

服而謝之曰子無乃稱謂再不必言也
 此章形容聖人忘功故以子產發之蓋實
 德內充形骸可外而安命自得以道相忘
 則了無人我之相此學道之成效也
 魯有兀者叔山無趾踵見仲尼曰子不謹前
 既犯患若是矣雖今來無及矣無趾曰吾惟
 不知務務謂務學道也而輕用吾身吾是以亡足今
 吾來也猶有尊足者存尊足蓋指性而言也吾是以務
 全之也夫天無不覆地無不載吾以夫子為
 天地安知夫子之猶若是也無趾自以所全者性真而夫子
 猶以形骸取之初以夫子為聖人之大
 不無不容不知其猶若此之區區也 孔子
 曰丘則陋矣夫子胡不入乎請講以所聞夫
 聞無趾之言知其為有道者故請入願講其所聞 無趾出孔子曰弟
 子勉之夫無趾兀者也猶務學謂務學道也以補
 前行之惡而況全德猶全體也之人乎無趾語老

六五九 龍藏

聃曰孔丘之於至人其未耶彼何賓賓以學

子為言初以孔丘為至人今見其未至也如此之見識何以賓賓恭謹以學子為

彼且斬以諛詭幻怪之名聞不知至人之以

是為己桎梏耶桎梏乃拘手足之刑言孔子專求務外之名聞而不務實

彼殊不知虛名乃諛詭幻怪之具非本有也如桎梏之於手足拘之而不得自在者也

老聃曰胡不使彼以死生為一條以可不可

為一貫者解其桎梏其可乎不可謂善惡是非也一條即

一貫也老子謂無趾何不以無死生志善惡之道以告之以解其好名之桎梏乎無

趾曰天刑之安可解刑舊主作型乃上模也此譏孔子乃天生我比

等務名之人安可解乎

此章發揮聖人忘名故以孔子為務虛名

而不尚實德之人故取人於規規是非善

惡之間殊不知至人超乎生死之外而視

世之浮名為桎梏蓋未能忘死生一是非

故未免落於世之常情耳聖人則不以此

素元

元

為得也

魯哀公問於仲尼曰衛有惡人焉謂醜貌曰

哀駘它丈夫與之處者思而不能去也言男

之相處則婦人見之請於父母曰與為人妻

不恐捨去言婦人見之寧為夫子妾者十數而未止也言婦人見之

妾者不止謂未有所長未嘗有聞其唱者也而先見聞於

一人也亦祇見隨於常和而已矣庸衆人而已無人君之位

以濟乎人之死言無勢位以無聚祿以望人

之腹望猶月望之望謂飽滿也言無位又以

惡駘天下既無利濟於人且又和而不唱言

向隨人自醜貌以駘天下之人知不出乎四域言無超出世間且

無專能常人之見識而雌雄合乎前雌雄猶言爭勝負也謂凡人

其人言此事之是非勝負不決者皆取決是必有異乎人者也言貌醜而

常合在前人從之者寡人召而觀之果以惡駘天

眾必有異乎人及召而觀之果然與寡人處不至以月數

下醜貌不見其所長

而寡人有意乎其爲人也及其相處月數則見其有可愛處但未

盡知不至乎期年寡人信之不期年則信之深矣國無

爭率即宰相掌一國之政事寡人傳國焉言以國事授之也悶然

而後應悶然若不悅其事也汜而若辭汜謂泛然不經心而若辭也

寡人醜乎言見彼之不在意故自愧醜也卒擗之國無幾何

去寡人而行寡人卹焉若有亡也言卹其去若已有所

也若無與樂是國也察其人之意益不以國爲樂也是何

人者耶謂不知是何等之人也仲尼曰丘也嘗

使於楚矣適見狔子食於其死母者少焉詢

若見死母之目不瞬也皆棄之而走不見已焉爾謂母之目

不見不得類焉爾言形體不同前者之食已也於母故皆棄之而走也

所愛其母者非愛其形也愛使其形者也形者

也使其形者真宰也言狔之子母乃天性之

愛也往日食於母何嘗不愛及今纒死始則

就之而食及見目之不瞬則知精神不在故

棄之而走是則死生不遠即棄之而走是知

所愛者非形骸乃愛使其形骸之真宰也

戰雖物之至愚尚知愛其天真而況於人乎

而死者其人之葬也不以娶資娶古訓壽乃

戰而死者以此爲送葬以儀言已失其勇又

無其尸似以此虛儀爲葬資則無其本矣

則者之履無爲愛之言別者無足跌而履亦無可用皆無其

本也以娶資則履爲無本之喻爲天子之諸

御不剪爪不穿耳言選天子之侍御者不剪爪不穿耳不欲毀其全體

將以要要謂真可愛者在本也娶妻者止於外不得復使言新婦之

寵也不作事務恐勝形全猶足以爲爾而況全德

之人乎言天子之御新婚之人不如此不足

德之人乎言魯君之愛駘它蓋忘形愛其形

之本也有難以言語形容者故夫子連以三

事喻其可愛之在本今哀駘它未言而信無功而親使

人授已國惟恐其不受也言哀駘它未與魯

此且無功即授之以國君一語而見信若

惟恐其不受豈無謂哉是必才全而德不形

者也哀公曰何謂才全言才者謂天賦良能

爲真宰是也言才全者謂不以外物

傷成其性乃天性全然未壞故曰全仲尼曰

死生存亡窮達貧富賢與不肖毀譽饑渴寒

暑是事之變命之行也

仲尼言才全而先言此十六事者蓋此諸

事皆成生傷性之事變而世人未有不被其傷損其性真者故先言之 日夜相

代乎前 此十六事人生於世日夜相代於前未嘗暫免者是皆成生傷性之具也

而知不能規乎其始者也 言上十六事日夜相代而以知規規

求之不知所由來蓋違其性真本不涉其變 故不足以滑和 滑音

汨濁也和謂本元中和之體也言以上諸事雖常情之變但其本無故不足以汨和

不可入於靈府 靈府所謂靈臺言諸變使之

和豫通而不失於兌 和者即中和之和謂性真達於事變渾然而不

失其體也豫者安然自得而悅豫也通者謂達於事變而不滯也兌者即老子玄牝之門

謂虛通應物而無跡者也言真人所使日夜以才全者蓋保其性真而不失也

無卻而與物為春 卻亦作隙謂縫隙也言真

人之一性綿綿日夜無際承嘗間斷但於應物之際春然 是接而生時

和氣發現令人煦然而化也 於心者也 時者謂接物應機時行時止與物

為構 是謂之才全 此言真人應物一味性德

矣 何謂德不形 此哀公 曰平者木停之盛也

其可以為法也內保之而外不蕩也 德者謂性之德

用也以性德之用難以言語形容故以水平為喻蓋言水之平者乃傳之盛謂湛淵澄靜

之至故可以取法為準言性體湛淵澄靜寂然不動則虛明朗鑑乃內保之而外境不蕩

為守宗保始之喻謂性靜 德之成和之脩也

言虛明朗鑑乃德之成蓋從中德不形者物知用功修而後得者非漫然也

不能離也 不能離者謂與物混一而不分故

人但見其物之變而不知性之真故其德不易形著於外所以人但見其貌惡

而不識其才德之全耳觀孔子對哀公之言發明中庸和也者天下之 哀公異日以告閔

遠道之意何等正大精確 子曰始也吾以南面而君天下執民之紀而

憂其死吾自以為至通矣 言自以為至通於道也 今吾

聞至人之言恐吾無其實輕用吾身而亡吾

國吾與孔丘非君臣也德友而已矣

此章形容聖人之德必須忘形全性體用

不二內外一如平等湛一方為全功故才全德不形為聖人之極致蓋才全則內外

不二德不形則物我一如此聖人之成功

所以德充之符也故魯君聞之亦能忘分

感化而友於聖人也

闔跂曲跂也支離形不全也無脰無脰也說衛靈公靈

公說之而視全人其脰也肩肩細小甕甕大

瘿言瘿如說齊桓公桓公說之而視全人其

脰肩肩故德有所長而形有所忘言二子醜惡之狀而

使二君說之反視為全人之不人不忘其所

忘所忘者性也言世人迷性真而而忘其所

不忘所不忘者形也世人忘此謂誠忘忘其所愛

而不忘其所以故聖人有所遊聖人遊於大道之鄉而忘

其物而知為孽知者以智巧揣摩人約為膠

以仁義結束人心謂之德為接以小惠要買

約膠固結而不解也德為接人心謂之德

於人也工為商工機關周取人之利謂之工

聖人不謀惡用智不斲惡用膠無喪惡用德

不貨惡用商四者皆偽以喪真淳故四者天

鬻也謂四者淳德乃天德也鬻猶售也天鬻

也者天食也謂天既售我以天德則天之所

既受食於天又烏用人言天生我性德自有

人之偽求之有人之形無人之情言聖人雖居人世

無人之情有人之形故群於人於衆人之中無

人之情故是非不得於身以形寄人心中起

故無人世之是非眇乎小哉所以屬於人也人在太

萬物之一數耳其最壯警乎大哉獨成某天

小者又何足以愛之警者警然超於物表也言性德廣

大矣此天德故由人而入於天

前雖以知忘形而知尚存未盡道妙故此

一章以忘忘知知忘則德自化方能合乎

自然以全天德其德乃充故如二君之見

二子能不見其形此所以為德之符也聖

人造道之極致至此方為究竟耳故以此

結一篇之義

惠子謂莊子曰人故無情乎

借惠子之問以結者因上文發

揮天德之全者乃絕情欲去人偏心與天游乃能充實其天德故恐世人將謂絕情則非人類矣故假惠子以發之故莊子曰然莊子乃故有之故謂本來無情耶莊子曰然莊子其問者蓋約人性本來離情絕欲故直然之

惠子曰人而無情何

以謂之人

惠子意謂世人若無其情則莊子非人也此俗人之常見也

曰道與之貌天與之形惡得不謂之人

道者性之

同有人之所當行也人稟此性而為人乃道與之貌即天與之形也既有此性豈非人乎

惠子曰既謂之人惡得無情

此惠子全不知道理與常人所

見一級謂既是箇人豈得無情者乎

吾所謂無情者言人之不以好惡內傷其身

常因其自然而不益生也

惠子意謂必有情欲乃可為人故以

無情不得為人為問莊子以正義答之曰我所謂無情者非絕無君親父子夫婦之情也蓋因世人縱情肆欲以求益生而返傷其生故我要絕其貪欲之情耳非是絕無人倫也

惠子曰不益生何以有其身

惠子又以為人必欲養其口

體乃可以有其身此全足常人之識見耳 莊子曰道與之貌天與

之形無以好惡內傷其身

莊子意謂人既道與之貌天與之形

矣苟無以好惡內傷其身如此則全生養身之至道又何庸益生為哉

乎子之神勞乎子之精倚樹而吟據槁梧而

瞑也莊子意謂惠子不能樂其天德而返外

其精神而倚樹據梧以逞辯論是非也 天選子之形子以堅白

鳴謂天選子之形賦以全德今乃捨之而返恣堅白之論以自鳴失之甚矣

此篇以忘情絕欲以全天德故其德乃充

前已發揮全德之妙故結以無情非人以

盡絕情全德之意所以警俗勵世之意深

矣

樂記

三言

莊子內篇註卷之三

莊子內篇註卷之四

素十

明匡廬逸叟憨山釋德清註

大宗師

莊子著書自謂言有宗事有君蓋言有所主非漫談也其篇分內外者以其所學乃

內聖外王之道謂得此大道於心則內爲

素十

聖人迫不得已而應世則外爲帝爲王乃

有體有用之學非空言也且內七篇乃相

因之次第其道遙遊乃明全體之聖人所

謂大而化之之謂聖乃一書之宗本立言

之主意也次齊物論蓋言舉世古今之人

未明大道之原各以己見爲是故互相是

非首以儒墨相排皆未悟大道持以所師

一偏之曲學以爲必是固執而不化皆迷

其真宰而妄執我見爲是故古今舉世未

有大覺之人卒莫能正之此悲世之迷而不解皆執我見之過也次養生主謂世人迷却真宰妄執血肉之軀爲我人人只知爲一己之謀所求功名利祿以養其形戕賊其真宰而不悟此舉世古今之迷皆不知所養耳若能養其生之主則超然脫其物欲之害乃可不虛生矣果能知養生之生則天真可復道體可全此得聖人之體也次人間世乃涉世之學問謂世事不可以有心要爲不是輕易可涉若有心要名干譽恃才妄作未有不傷生戕性者若顏子葉公皆不安命不自知而強行者也必若聖人忘己虛心以遊世迫不得已而應乃免患耳其涉世之難委曲畢見能涉世無患乃聖人之大用也次德充符以明聖

人忘形釋智體用兩全無心於世而與道

遊乃德充之符也其大宗師總上六義道

全德備渾然大化忘已忘功忘名其所以

稱至人神人聖人者必若此乃可為萬世

之所宗而師之者故稱之曰大宗師是為

全體之大聖意謂內聖之學必至此為極

則所謂得其體也若迫不得已而應世則

可為聖帝明王矣故次以應帝王以終內

篇之意至若外篇皆蔓衍發揮內篇之意

耳

知天之所為知人之所為者至矣

知天知人之知乃指

真知謂妙悟也天乃天然大道即萬物之所宗旨所為謂天地萬物乃大道全體之變故曰天之所為蓋天然無為而曲成萬物非有心也人之所為謂人稟大道乃萬物之一數持最靈者以賦大道之全體而為人之性以主其形即所謂真宰者故人之見聞知覺皆真宰以主之日用頭頭無非大道之妙用是知人即天也苟知天人合德乃知之至也

知天之所為者天而生也

知大道在人稟知而有生者也

人之所為者以其知之所知養其知之所不

知終其天年而不中道天者是知之盛也

知所

者在人日用見聞覺知之知也所不知謂妙性本有人迷不覺故日用而不知由其不知雖有故但知貪欲以養形而不知釋智遺形以養性故舉世昏迷於物欲哉生傷性不能

盡性全生以終其天年人者苟能於日用之間去貪離欲即境明心迴光返照以復其性

是知其知之所知養其知之所不知如此妙悟乃知之盛也

雖然有患夫

知有所待而後當其所待者特未定也

雖然有患

者意謂我欲以所知養所不知此還有病在何也以世人一向妄知皆恃其妄知強不知以為知未悟以為悟妄為肆志則返傷其性

必待真悟真知然後為恰當第恐所待而悟者未必真悟則恃為已悟則未可定也必若

庸詎知吾所謂天之非人乎所謂人之非天

乎且有真人而後有真知

意謂我說以人養天不是離人日用

之外別有妙道蓋天即人也人即天也直在悟得本來無二原無欠缺苟真知天人一體

方稱為真人矣

方稱為真人矣

此一節乃一篇立言之主意以一知字為
 眼目古人所云知之一字衆妙之門知之
 一字衆禍之門蓋妙悟後方是真知有真
 知者乃稱真人即可宗而師之也然知天
 知人即衆妙之門也雖然有患即知之一
 字衆禍之門也謂強不知以為知恃強知
 而妄作則返以知為害矣此舉世聰明之
 通病也

何謂真人

此下與起真人以示真人之不同也古之

真人不逆寡

寡謂薄德無智之惑不雄成雄

恃也成謂已為全德也不暮士

暮即謀士即

不恃已德以激世也

事謂無心於

不以事干懷也若然者真人如過而弗悔當

而不自得也若然者登高不慄入水不濡入

言真人無心以

火不熱是知能登假於道也

遊世此全無得

失利害之心以情不附物故水火不能傷若

此則遺物全性是知則能登遐矣道也

此真人即世忘

古之真人其寢不夢

夢發於

世之如此真人情不附物則妄

其覺無憂世人虛懷遊

想不生故寢無夢其食不甘

以道自娛故其息深深

之心故其食不甘以道自娛故其息深深

覺無憂其食不甘以道自娛故其息深深

綿綿之意息麓而淺則心浮動真人真人之

心泰定而不為物動故其息深深真人之

息以踵此釋上深深之意踵者脚跟也以喻

息之所自發處深不可測故心定而

不衆人之息以喉衆人之息在喉則麓淺之

亂衆人之息以喉至故心浮而妄動所以日

用心馳於物屈服者其噤言若哇心浮則言

而不知返屈服者其噤言若哇躁言不由

中則易屈服者咽喉也哇吐也其嗜欲

淺麓之言自咽而吐無根之言也其嗜欲

深者其天機淺言世人麓淺如此者乃嗜欲

然妙性皆墮妄知無真知也

此一節言真人妙悟自性是為真知者故

所發迥與世不同而以衆人觀之則自別

矣前云有患正恐未悟而恃妄知為得者

害之甚也故此雙明之

古之真人不知悅生不知惡死前略言真人

處世忘利害

此則言真人不但忘利害而且超死生以與大道冥一悟其生本不生故生而不悅悟其死本不死故其出不訢其入不距出入即生不惡其死子云出生入死由不悅生故不貪生訢猶猶貪也不惡死故不距距謂爪而不肯入也然然而往儻然而來而已矣儻然乃鶴冲舉刷無心遊世儻然冲舉出入死生如遊不忘其太虛了無罣碍故云如此而已矣素十

所始不求其所終以悟其生本不生故不忘其所始以生與道遊不見

有世可出混萬物而受而喜之忘而復之衆人念而復是之謂不以心捐道不以人助天是之謂真人心與道遊故不捐道捐棄也人即是天不假造作修為故不以人助天知

此乃謂之真人

此一節言真人遊世不但忘利害而且忘

死生故雖身寄人間心超物表意非真知

妙悟未易至此欲人知其所養也

若然者其心志其容寂其顙頰若然者言真人如此遊世

素十

五

其容貌與衆不同其心志筆乘作志言無心於世也其容寂言容貌寂然乃內湛而外定也其顙頰頰寬裕也謂其貌廣大寬容不拘拘之狀也此老子云孔德之容唯道是從也凄然似秋言其面嚴冷若暖然似春言近其中溫然暖然令喜怒通乎四時與物有宜人可親可愛也言無心於喜怒但隨物所感或而莫知其極喜或怒了無一定於中故曰通乎四時與物有宜而人不知無喜怒也故曰莫知其極聖人之用兵也

亡國而不失人心利澤施乎萬世不為愛人

言聖人無心御世與天施合德假而用兵即亡人之國而不失人心本無殺伐之心也縱思施萬世原非有意愛人故樂通物非聖人也所謂天生天殺之意也也有心要通於有親非仁也大仁不仁親者物非自然矣

仁也故曰賊天時非賢也揣度時勢利害不通非君子也明哲保身乃稱君子不通利害率意狂為非君子也行名

失已非士也偽行虛名而無實則非士矣亡身不真非役

人也亡已為人則人皆聽役若執已殉名則見役於物非役人者也若狐不借務光伯夷叔齊箕子胥餘紀他申徒狄是

役人之役適人之適而不自適其適者也此數
子者皆知之不真狗
名喪實去聖遠矣

此一節槩言所知不真不能忘已忘名有
心要譽徇名喪實皆非真知之聖也下又

言真人真知之不同

古之真人此下一節明真其狀義無可而不
朋而中不和若不足虛之而不承若一物與乎

與世容與其觚而不堅也觚者方也雖介然不張

乎施為其虛而不華也雖見施為而中心空

邴邴乎邴喜其似喜乎雖喜而無崔乎言折

下也其不得已乎雖謀下以接人共貧濇乎濇

濇如水之進我色也謂中心濇濇而和氣與

乎與之止我德也人與相處厲乎其似世乎

屬謂嚴整而不可犯警乎其未可制也警謂

亦似世之莊重也連乎其似好閉也連者收

以禮法拘制也攝檢束

六

之意雖收攝檢束但似悅俯好聞其實無所閉藏也下之悅乎忘其言也

若忘其言者以刑為體刑者不留其私謂

為其以禮為翼雖忘禮法猶假禮以知為時

真知時之可以以德為循循順機宜也以刑為

否以行止也以禮為翼以禮為翼者所以行世也言既遊世不可出

以禮為翼者所以行世也於禮法之外也

以知為時者不得已於事也言迫不得已

德為循者言其與有足者至於丘也丘高處

順機宜接引愚蒙令有識者皆可上進於道

故喻如有足者皆可引進於高處也此四句

釋上刑禮而人真以為勤行者也老子云用

知德四句之不動勤

勞也言真人遊行於世無心而遊

此一節形容真人虚心遊世之狀貌如此

之妙言雖超世而未嘗越世雖同人而不

群於人此真知之實也

故其好之也一其弗好之也一故者由上遊

世之工夫純

一故得天人合德也好之者天也弗好其一

者人也今皆一矣是謂之天人合德

也一其不一也一人合一而歸於道則萬物

渾然會歸於道也其一與天為徒既人合

人天為徒也其不一與人為徒謂天一人原

則以天而遊故與人為徒天與人不相勝

也此之謂真人素若超然絕俗則是以天勝人

不相勝必如此方是真七是以人勝天

此一節總結前知天知人工夫做到渾然

一體天人一際然後任其天真則在天而

天在人而人天地同根萬物一體故天與

人兩不相勝必如此真知妙悟渾化之極

乃可名為真人此豈可強知妄見而可比

擬哉此真人真學之全功故下章從死生

命也起至藏舟章末皆極口勉人學道要

做真實工夫

死生命也此下教人做了死生之工其有夜

旦之常天也夫命謂自然而不可免者且陰陽有夜旦太虛恒一而

無昏曉喻人形雖有生有死而真性常人之有

所不得與去皆物之情也謂真性在人天能與其間此人人同有之真體所

謂真宰天君是也此須養而後知彼特以天

為父言人人皆稟真性而有形而身猶愛之

而況其卓乎言此血肉之假身賴世之父而君載我之形卓然不屬形骸

者豈不知所養而尊之乎人特以有君為

愈乎已而身猶死之而況其真乎且以世人

盡忠者而以身死之况真君宰我之形而不

能忘形以事之忠之可謂不智之甚矣此言

激切之至人讀此

而不悟非夫也

此言真性在我而不屬生死者乃真常之

性也而人迷之而不悟嗜欲傷之而不知

所養豈非至愚也哉

如相忘於江湖

老子云失道而後德失德而後仁失仁而後義此取魚失

水如失道德而後仁義且以仁義相尚正似相濡以濕沫不若相忘於江湖以喻必忘仁

義而可遊於大道之鄉也與其譽堯而非桀也不若兩忘

而化其道無譽無非則善惡兩忘而與道為一乃真知之盛也夫大塊

也天地載我以形勞我以生佚我以老息我以

死故善吾生者乃所以善吾死也

言人生天地勞佚死

主皆自然而不可卻者命也此所謂人也苟知命之所係即道之在是知由人而即天也

若知天與人本無二致則渾然合道而不以人害天虛心遊世以終其大年生不忘道故

云善吾生者乃所以善吾死此其天人合德死生無變任造物之自然此知之至也

此言世人不知大道而以仁義為至故以

仁愛親以死事君此雖善不善故如泉涸

而魚以濕沫相煦濡也若能渾然悟其大

道則萬物一體善惡兩忘故如魚之相忘

於江湖如此乃可謂知天知人天人合德

而能超乎生死之外故在生在死無不善

之者也

夫藏舟於壑藏山於澤謂之固矣然而夜半

有力者負之而走昧者不知也藏天真於有

壑藏有形於天地如藏山於澤謂之固矣此常人以此為定見也然造化密移雖天地亦

為之變而常人不覺如有力者負之而趁昧者不知也藏小大有宜猶

有所避形與天地雖小大有宜皆不免於變若夫藏天下於

天下而不得所避是恒物之大情也若知此

地萬物皆與道為一渾然大化而不分是藏無形於無形如此則無避則如藏天下於天

下而不得所避矣此天地萬物之實際也故曰恒物之大情特犯人之形

而猶喜之若人之形者萬化而未始有極也

其為樂可勝計耶言大化造物千變萬化而人特萬物之一數耳而人

不知特以得人身為喜如此則萬物皆有可喜者其樂可勝計耶故聖人將

遊於物之所不得避而皆存善天善老善始

善終人猶效之言聖人心與道遊則超然生

物無非道之所在故天善始又況萬物之所

終無所不善者而人猶效之

係而一化之所待乎言大道之原乃萬物之根宗故云所係萬物非此而不能融貫而為一故云一化之所待此實天地萬物之大宗聖人之所宗而師之者此也可不悟乎

此發明大道無形而為天地萬物之根本人人稟此無形之大道而有生是為真宰

若悟此大道則看破天地萬物身心世界

消融混合而為一體若悟徹此理則稱之

曰大宗師是所謂大而化之謂聖者也至

此則無己無功無名逍遙於萬物之上超

脫於生死之途以世人槩不知此大道之

妙而以小知小見之自是不得逍遙各執

已是互相是非故喪其有生之主而要求

名利於世間故德不充符是則前五篇所

發揮者未曾說破故此篇首乃立知天知

人有真知方為真人直說到此方指出

箇大宗師正是老莊立教之所宗者如此

而已故此後重新單提起一道字來發揮

足見立言前後一貫言雖蔓衍而意有所

宗於此可見矣

夫道上文說了大宗師狀貌結了前義言大

化所待者何乃大道也故此下發揮大道之

妙以明萬物所係一化所待之義立意皆從

老子天得一有情有信此言大道之體用也

以清等來有情有信此言大道之體用也

情無形正指此也此從老子言有信謂雖虛

而有實體不無為無形湛然常寂故無為可

失其用曰信無為無形起乎名相故無形可

傳而不可受可得而不可見以心印心故可

言故無自本自根本自天然未有天地自古

受無得自本自根原非假借未有天地自古

以固存故先有固存神鬼神帝生天生地

變化不測為天在太極之先而不為高伏義

始於太極推之向上更在六極之下而不為畫卦

有事在故不以為高在六極之下而不為以固存

深包天地容六先天地生而不為久以固存

久長於上古而不為老萬化空移而此道湛然故不老 稀章

古帝得之以學天地恭贊化育 伏羲也 得

之以襲氣母襲取也氣母生物之本也 維斗

北斗天得之終古不忒忒差也北斗天極居

日月得之終古不息運行而不已 堪壞也

人而得之以襲崑崙此襲猶承襲 馮夷也

得之以遊大川肩吾也 得之以處太山黃

帝軒轅也 得之以遊雲天乘龍飛昇 頡頏也

得之以處玄宮禹強北海之神山海經云玄

青蛇踐兩蛇名曰禹強 得之立乎北極北海之極 西王母也

仙長得之坐乎少廣王母所居 莫知其始莫

知其終此二句總結上文列聖神人主持天

終此章從老子天得一以彭祖姓錢古長 得

之上及有虞下及五伯世傳彭祖壽八百歲 得

傳說賢相 得之以相武丁乘東維騎箕尾

素十

十一

而比於列星傳說一星在尾上言其

此明大宗師者所宗者大道也以大道乃

天地萬物神人之主今人人稟此大道而

有生處此形骸之中為生之主者所謂天

然之性以形假而性真故稱之曰真宰而

人悟此大道徹見性真則能外形骸直於

天地造化同流混融而為一體而為世間

人物之同宗者故曰大宗師者此也此大

宗師即逍遙所稱神人聖人至人所言有

情有信即齊物之真宰及養生篇生之主

若不悟此而涉人世必有形骸之大患顏

子心齊教其悟之之方既悟性真則形骸

可外故德充符前一往皆敷演其古今迷

悟之狀到此方分明說破一路說來方才

吐露所以云言有宗事有君正此意也此

上已發揮大道明白了然但未說進道工

夫故此下乃說入道真實工夫

南伯子葵問於女媧

此人名皆重言也揆出個人來設為問答不必

求其曰子之年長矣而色若孺子何也

問其年老

大而色若嬰兒借以發起必有所養所以發啟工夫也

曰吾聞道矣

要引人南伯子葵曰可得學耶

此因聞說聞學道也

言謂道豈曰惡惡可

二字皆平聲驚歎之意上惡字歎其道難言下

惡字歎其道不是容易子非其人也

言道非可學要是其人乃可

學况子非學道夫卜梁倚有聖人之才

才謂天賦

之根器猶俗云天資也

而無聖人之道言有美質而我無進道志向

有聖人之道而無聖人之才

言我有聖人之道而無美質故

多費苦工夫吾欲以教之庶幾其果為聖人乎

欲教卜梁倚以大道其亦可教但無志向論才亦庶幾可成第不知可能造就而為聖人

不然以聖人之道告聖人之才亦易矣

言道之人才德雙美者固是難得有此全賢則學之亦易矣

素十

十二

三日而後能外天下天下疎而遠故三日而可外此言教之一次也

已外天下矣吾又守之七日而後能外物漸

近於身故七日而忘已外物矣吾又守之九日而後能

外生字則切於已者故九日之功乃外已外生矣而後能朝

徹朝乎旦也徹朗徹也謂已外生則忽然朗悟如睡夢覺故曰朝徹朝徹而

後能見獨獨謂悟一真之性不屬形骸故曰見獨見獨而後能

無古今謂悟一真之性超乎天地故不屬古今無古今而後能

入於不死不生謂了悟性真超乎天地量絕古今則見本來不死不生

殺生者不死生者有形之累也既悟性真則形骸已外物累全消故曰殺生

則一性獨存生生者不生形化性全則與道冥一而能造化

生而一真湛然故曰生生者不生其為物也物指不死不生之道體也無

不將也謂此道體于變萬化化化無窮故無不將也將者以也無不迎

也在平人者日用頭頭左右達元故曰無不迎也無不毀也謂此道體陶鎔

萬化挫銳解紛故曰無不毀無不成也謂處現成不假安排其名為

櫻寧櫻者塵勞襟亂困橫拂鬱撓動其心曰櫻言學道之人全從逆順境界中做出

只到一切境界不動其櫻寧也者櫻而後成
心寧定湛然故曰櫻寧也者櫻而後成
者也 此釋櫻寧之意謂從刻苦境界
中做出故曰櫻而後成者也

此前論大道雖是可宗可師猶漫言無要
此一節方指出學道之方意謂此道雖是

人人本有既無生知之聖必要學而後成

今要學者須要根器全美方堪授受授受

之際又非草率須要耳提面命守而教之

其教之之方又不可速成須有漸次而入

故使漸漸開悟其三日外天下七日外物

九日外生死而後見獨朝徹此悟之之效

也既悟此道則一切處日用頭頭觸處現

成縱橫無礙雖在塵勞之中其心泰定常

寧天君泰然湛然不動工夫到此名曰櫻

寧何謂櫻寧蓋從襟亂境緣中做出故曰

櫻而後成者也觀此老言雖蔓衍其所造

道工夫皆從刻苦中做來非苟然也今人

讀其言者豈可槩以文字視之哉

上言入道工夫下言聞道蓋亦從文字中

悟來故以重言發之

南伯子葵曰子獨惡乎聞之

此問聞曰文媽
道之原答

聞諸副墨之子

副墨文字也言
始從文中來

副墨之子聞

之洛誦之孫

洛誦言包洛而誦習也意
謂誦習文字久而自得也

洛誦

之孫聞之瞻明

瞻明言見有明處乃
因文字有悟真也

瞻明聞

之聶許

聶許謂從耳聞聲入
心通而心自許也

聶許聞之需役

需役也役使也言心雖有悟必待驗之行事
之間一切處現前不昧與道相應然後造妙

也需役聞之於謳

於謳誦詠之意

於謳聞之玄冥

由涵泳而吟而有冥會
於心乃造道之極也

玄冥聞之參寥

參寥者空

廓廣大虛無之境
謂道之實際也

參寥聞之疑始

言入於無
始乃歸極

於此學道
之成也

此一節言聖人得此大道不無所聞蓋從

文字語言中有所發明以至動用周旋詭

吟咳唾之間以合於玄冥參於寥廓以極

於無始至不可知之地必如此深造實證

而後已如此殆非口耳而可得也是乃可

稱大宗師前來發明大道可宗悟此大道

者可稱宗師但未見其果有其人否耶恐

世人不信將謂虛談故向下撰出子祀等

乃實是得道之人以作證據

子祀子輿子犁子來四人相語曰孰能以無

為首以生為脊以死為尻也孰知死生存亡

為一體者吾與之友矣意謂從無形而通有

之所化故以無為首者從無有生也脊者身

也尻者尾也謂生之終也言誰能知此無生

之主者則可四人相視而笑莫逆於心遂相

與為友言心同道合子輿有病子祀往問之

素十

十四

此子輿
自歎造

物有力壯哉能使我於大化之曲僂發背此

中將以予為此拘拘之形也言形僂

于與言其病狀謂形已上有五管

偃僂殘廢且又癢癢言形曲則兩頤

管向願隱於齊限隱於齊下也肩高於頂

則兩肩聳贅指天而項縮故贅指天也陰

高於頂陽之氣有沴受形以陰陽之氣凌亂不和故

使我形骸如此其心閒而無事言以形廢而

之殘廢不堪也蹠蹠而鑑於井蹠蹠扶曳

足見其能以道自曰嗟乎夫造物者又將以

知不明又鑑於井子為此拘拘也世鑑於井自見其狀乃嘆曰

則現身如影矣夫造物者既拘拘為我此形

矣而又復使我如子祀曰汝惡之乎子祀曰

此殘廢之惡狀耶之嘆乃問之曰曰亡予何惡謂我心不但絕

然無惡而方浸假而化予之左臂以為雞子

素十

十五

若化予之右臂為
彈子即因之而求

鴉之言以彈擊
鴉以充矣也
浸假而化予之尻以為輪以

神為馬予因而乘之豈更駕哉
此言有道之士既視此身

如癱瘓而不足觀且又視之如影而不可執是則不但無累而且與之俱化故又能借假修真因此而求有實用是則此身雖為異物若果能化之則形神俱妙真人乘此以遊人世豈更駕哉
且夫得者時也失者順也安時而處

順哀樂不能入也此古之所謂縣解也
言真人忘

形適真形神俱妙不得失于心安時處順無往而不自得故哀樂不能入如此是古之所謂縣解者也言生累如倒懸超而不能自解者物有以結之
懸解而人不能解之者乃

自我以且夫物不勝天久矣吾又何惡焉
言人

任造比而遷故人不能勝天既不能勝則任之而已又何惡焉

此一節言真人真知形本無形今既適有

形則為生累故真人視之如癱瘓而不可

愛如影而不可執如此則但任造化之所

適了無得失之心故死生無變於已所以

安時處順哀樂不入此所謂縣解者也如

此看來人人本來天然解脫但人自苦於

形累而卒莫能自解者非天之過乃人自

結之耳且夫天人之際本來人不勝天吾

於此看破久矣雖有此假形吾有真用又

何惡焉此其所以為真人是可宗而師之

者也

俄而子來有疾喘喘焉死將
上言四人為友而子與之妙已

知之矣今又發于來二人其妻子環而泣之

犁往而問之曰叱避無怛化
叱避言呵斥其妻子使避之也

但猶驚也此言真人與造化遊非倚其尸而

與之語曰偉哉造化又將奚以汝為將奚以

汝適
言不知造化又將汝作何物也以汝為鼠肝乎
鼠肝極細

汝為蟲臂乎
蟲臂不堅子來曰父母於子東西南

北唯命之從陰陽於人不翅
止於父母彼近

吾死而不聽我則悍也建庚矣彼指造何罪

焉言造物亦非有心要死我也故曰何罪夫大塊天地載我以

形勞我以生佚我以老息我以死故善吾生

者乃所以善吾死也言造化既全我一生我任造化而遊是為善生既任化而生則不貪生故謂善生然夫大冶

死亦從化是為善死吾又何擇焉

鑄金踴躍曰我且必為鑊神劍大冶必

以為不祥之金今一犯偶然觸之人之形言

萬化之中偶然觸而曰人耳人耳夫造物者

必以為不祥之人言萬物不可勝數而自獨以人為善是不知道造化者

乃不祥今一以天地為大鑪以造化為大冶

惡乎往而不可哉言天地萬物俱在造化鈞陶之中何物而非哉

成然寐遽然覺言死

如此又何往而不可哉言死

覺故死但如寐生如覺夜旦夢

覺而已又何必取捨欣厭哉

此一節言真人所得殊非婦人小子之所

知故子犁叱避以形容其必有真知然後

五

十七

為真人必若子來之順化而遊死生無變

無生可戀無死可拒要學人必造到如此

超然獨得之妙純一無疵方為學問能事

之究竟處是可稱為大宗師矣

上言真人能順死生不知從何致此故下

以子桑戶三入發明乃方外了道之人所

能此段學問非方內曲士所知

子桑戶孟子反子琴張三人相與友曰孰能

相與於無相與無相與言大道無形之鄉相為於無相為

無為之境言大道寂寞孰能登天遊霧撓挑無極言超然世

外遊於萬物之表相忘以生雖生而不無所終窮言

與道遊於無始無終即此三人相視而笑莫

逆於心言道合心同遂相與友唯真人乃知

友莫然有間居頃而子桑戶死未葬孔子聞

之使子貢往待事焉夫子使子貢往弔以待葬事將盡禮也或

編曲或鼓琴相和而歌曰嗟來桑戶乎嗟來

桑戶乎而也已返其真而我猶為人猗猗者

也言汝幸已返其真而我尚且為人可歎也子貢趨而進曰敢問

臨尸而歌禮乎子貢執禮言臨尸二人相視

而笑曰是指子貢惡知禮意言禮之意重在返

也子貢返以告孔子曰彼何人者耶修行無

有言不檢於禮不能飾行故曰修行無有而外其形骸不以死

臨尸而歌顏色不變全無哀戚之容無以命之命名

知與他作何等人物彼何人者耶言畢竟是孔子曰彼

遊方之外者也言彼超脫凡情遊於世外者也而丘遊方之

內者也言未能超脫世網故云遊方內外內不相及言彼方

以世俗之禮加之則非所宜言不當也而丘使女往乎之丘則

陋矣言我本不當使女往乎此誠我之鄙陋見也彼方且與造物

者為人相者猶助也言造物本無形彼以而

遊乎天地之一氣言彼雖處人世其實心遊乎未有天地已前與大道

素

十八

混茫而彼以生為附贅懸疣贅疣乃山中之

為一也彼以死為决疣潰癰彼視身如

贅疣餘物也以死為决疣潰癰决潰方為大快活事又何以死為哀耶夫

若然者又惡知死生先後之所在言彼以生

脫形骸為輕舉返乎本來不生不死假於異

物以性真而借四大以成形託於同體言心

遊故云托忘其肝膽言以生為寄故不見有

遺其耳目言遊人如不聞返復終始不

知端倪言真人遊於大化之中返復往來無

手芒然彷徨乎塵垢之外逍遙乎無為之業

又烏能憤憤然為世俗之禮以觀示眾人

耳目哉言真人處世如寄以形骸為大患故

外適遠於無為寂冥之鄉又何能憤憤以世

俗之禮以示眾之耳目哉借重孔子此言乃

明方內夫子亦未嘗不知有方外之學也

此一節言方外真人之學逍遙物外自得

之妙非世俗耳目之所及故托孔子子貢發揮將以破迂儒執禮法之曲見以解憤憤之執情亦將使其自得超然之境斯正此老著書之本意也

子貢曰然則夫子何方之依子貢曰開夫子

道如此故問夫子孔子曰丘天之戮民也夫此

自處何方之依子貢曰夫免生累蓋懸之未

解乃天之戮民言未能忘桎梏也雖然吾與

女共之均之今且與女共遊於方外子貢曰

敢問其方脫之方孔子曰魚相造乎水人

相造乎道人之以道為命如相造乎水者穿

池而養給勞功用相造乎道者無事而生

定言人造乎道甚易放下故曰魚相忘於江

湖人相忘於道術穿池而養魚尚難忘不若

人能造乎大道浩然子貢曰敢問畸人子貢

大均則無不忘矣子貢曰敢問畸人意謂

方外之人乃獨行之君子故問畸人畸人

者畸於人而侔於天故曰天之小人人之君子人之君子天之小人也孔子言彼方外者亦畸人也但彼畸於人而侔於天若世之獨行君子於於自持不能道遠自在者是乃天之小人則為人之小人第未能與天為一耳

此一節言孔子方內之聖人亦能引進於

方外之學意謂世之拘拘者亦可與造乎

大道故以子貢之才智尚去道遠甚况其

他乎

下明方外之道方內亦有能行者第俗人

不識耳故借顏子發明孔子以開其迷意

若顏子之好學誠可以深造而自得也

顏回問仲尼曰孟孫才其母死哭泣無涕無

於中心不感全無居喪不哀無是三者以善

喪蓋魯國以善居喪之名以蓋魯國固有無其實而得其

名者乎名不副實回壹怪之壹謂一仲尼曰夫孟

孫氏盡之

言能極盡喪禮也

進於知矣

言世人但知世俗之禮而不知天今孟孫氏乃盡於知

夫已有所簡矣

言孟孫知其本無生死又何必以哀為禮故欲簡之而不得故人哭亦哭乃不得已而從俗之情耳今哀而不感則已有所簡矣

孟孫氏不知所以生

言以了悟不悟不生不知就生不知就死

不知就死

言以了悟不悟不生不知就生不知就死

若化為

言孟孫自視其形在大化之中若忽焉化為一物耳以待其所不知

之化已乎

言不知其所以生故今雖處形骸而已乎豈且方將化惡知不化哉

且方將化惡知不化哉

言方將化惡知有不有情識哉

方將不化惡知已化哉

言世人但知爾有焉方將不化惡知已化哉

吾特與汝其夢未始覺者

言特與汝其夢未始覺者移而念念已化哉

有駭形而無損心

到此方言孟孫之母雖死邪知且吾與汝皆在夢中而未覺者也

且彼

言且彼有駭形如豚子之視死母而走也若其天真之性湛然不遷所謂死而不亡故曰無損

有旦宅而無情死

言其生如且其形如宅存故曰有旦宅而無情死

孟孫氏特覺

言孟孫特覺無情死情實也

人哭亦哭是自其所以乃

言孟孫已知其母於人哭亦哭是自其所以乃

且也相與吾之耳矣

言且也相與吾之耳矣

庸詎知吾所謂吾之乎

言死生一條之理常人所能知之乎下

且汝夢為鳥而厲乎天

言吾之之意女未及為鳥則飛於天夢為魚則沒於淵

不識今之言者其覺者乎其夢者乎

言女方不識今之言者其覺者乎其夢者乎

初心造道功夫故如安排及夫統一到大化之境自然頓悟不假作為而自證入也

此一節言方外之學方內亦有能之者第在世俗之中常情所不識必有真人乃能知之故借重顏子與聖人開覺之此段最是惺悟世人真切處

上言了無生死乃造道之極要在頓悟下言世人必欲學道須將仁義恭矜智能夙習之事一切屏絕乃可入道

意而子見許由許由曰堯何以資汝何以資汝而子曰堯謂我汝必躬服也行也仁義而明言是

非許由曰而奚來為軹何軹助語辭言又夫堯既黜援其鬚則汝以仁義言以

遊夫遙蕩道遙恣睢縱橫轉徙變化之遠乎言汝已被堯以仁是非壞了汝本來面目而拘於仁義是非之場又何能遊於逍遙大道

之鄉意而子曰雖然吾願遊其蕃言雖不能入大道之與亦願遊許由曰不然夫盲者無以與夫眉目顏色之好瞽者無以與夫青黃黼黻之觀言汝心既盲故意而子曰夫無莊古之美之難以與大道也意而子曰夫無莊失其美據梁古之有力者之失其力黃帝之忘其

知言至人之善教能使人皆在鑪錘之間耳言上三人頓失其固有是庸詎知夫造物者之不息我黜而補我剝使我乘成以隨先生

耶言我今日幸得見先生豈非造物者補我許由曰噫未可知也言汝雖有志我為汝言

其大略不敢盡其底蘊試吾師乎吾師乎吾師乃大宗師也非堯可比整萬物而不為義澤及萬世而不為仁言堯諄諄以仁義為仁義以愛養萬物以為功吾大宗師則整粉萬物而

長於上古而不為老言未有天地覆

載天地刻雕衆形而不爲巧言大道生天上地化育萬物而無心故不此所遊已言靈物已下乃吾師之洪遊者如此而已

此一節言欲學大道必須屏絕有心要爲仁義恭矜智能之事方可超玄入妙而逍

遙乎大道之鄉蓋仁義智能乃功名之資世俗之所尚實爲大道之障礙故耳

顏回曰回益矣仲尼曰何謂也曰回忘仁義矣曰可矣猶未也言雖忘仁義則可許有他

日復見曰顏回他日又見夫子回益矣曰何謂也曰回忘禮樂矣言志禮樂則不拘拘於世俗也曰可矣猶未也言

忘人而同未忘已他日復見曰回益矣曰何謂也曰回坐忘矣仲尼蹙然也改容曰何謂坐忘顏回

曰隳壞也支體言忘形也黜聰明混知也離形去知同於大通言身知俱混物我兩忘浩然空澗內外一如曰大通此謂坐忘

仲尼曰同則無好也言身世兩忘物我俱空則取捨情盡故無所好

率

三

也化則無常也言物我兩忘則形神俱化則無已則物無非已故不常執我爲而汝果實也其賢乎言汝功夫到此丘實過於我多矣也請從而後也夫子自以爲不若亦願爲此也

此一節言方內曲學之士果能自損兼忘而與道大通雖聖智亦嘗讓之意謂此等

功夫非智巧可入也故前以子貢之不知今以顏子乃可入也

子與與子桑友而淋雨十日子與曰子桑殆病矣知其絕食也裹飯而往食之至子桑之門則

若歌若哭言歌之哀也鼓琴曰父耶母耶天乎人乎此鼓琴之曲也有不任其聲言餓而無力故不任其聲而趣舉

其詩焉趣舉其詩言氣短促舉詩而氣不相接也子與入曰子之歌詩何故若是言何故不成音韻也曰吾思夫使我至

此極者而弗得也言且歌且思使我如此之貧至極者不可得不知其誰使父母豈欲吾貧哉天無私覆地無私載

天地豈私貧我哉求其為之者而弗可得也
然而至此極者命也夫

此一節總結一篇之意然此篇所論乃大
宗師而結歸於命者何也乃此老之生平
心事有難於言語形容者意謂已乃是有
大道之人可為萬世之大宗師然生斯世
也而不見知於人且以至貧極困以自處
者豈天有意使我至此耶然而不見知於
時者蓋命也夫即此一語涵濶無窮意思
然此大宗師即逍遙遊中之至人神人聖
人其不知為知即齊物之因是真知乃真
宰即養生之主其篇中諸人皆德克符者
總上諸意而結歸於大宗師以全內聖之
學也下應帝王即外王之意也

應帝王

素十

三

莊子之學以內聖外王為體用如前逍遙
之至人神人聖人即此所謂大宗師也且
云以塵垢秕糠猶能陶鑄堯舜故云道之
真以治身其緒餘土苴以為天下國家所
謂治天下者聖人之餘事也以前六篇發
揮大道之妙而大宗師乃得道之人是聖
人之全體已得乎已也有體必有用故此
應帝王以顯大道之用若聖人時運將出
迫不得已而應命則為聖帝明王推其緒
餘則無為而化絕無有意而作為也此顯
無為之大用故以名篇

齧缺問於王倪四問而四不知此篇以無知
二字作眼目
此無知乃無心於世漠然而已齧缺因躍而大喜行以告蒲
衣子蒲衣子曰而汝也乃今知之乎言汝今日
乃知不知
之妙有虞氏不及泰氏向來世人祇知有虞
氏之為聖人而不知

不及秦氏也 有虞氏其猶藏也 善美 仁以要人 此言

之不齊處蓋以仁為善 亦得人矣而未始出

於非人 言有虞氏以仁要人雖亦得人且不

超出人世而悟真人之境也 泰氏其臥徐徐 徐紆

道妙以造非人之境也 其覺于子 自得 一以已為馬 一以已為

牛 其知情信其德甚真而未始入於非人 此

泰氏超越有虞虛懷以遊世心開而自得且

為馬則以馬應之未嘗堅執我見與物俱化

其知則非妄知而悟其性真然信指道體

而言前云有情有信是也此其體也至其德

用甚真不以人偽即已超凡情安於大道非

人之境而不墮於虛無且能和平光同塵而未

始拘拘自隘此泰氏之妙也蓋已得大宗師

之體而應用世間特推諸餘 以度世故云未始人於非人

肩吾見狂接輿狂接輿曰日中始何以語汝

日中始乃接輿所見之人 曰告我君人者以已出經也 常法

式程準 義度人 言人若治天下當以所出之

以此乃治天 孰敢不聽而化諸 諸猶之也言

人則人孰敢不接輿曰是欺德也 言若日中

聽而從其化那 真質之德蓋欺德耳謂人若恃已之

能治而欺其人將以不聽從也 其於治

天下也猶涉海鑿河而使蚊負山也 言大聖

以不治治之但以道在宥釋生使各安其性

各遂其生而已若以有心強治以為功則捨

道而任偽而猶越海之外鑿河則失其夫聖

大而在勞且如蚊負山必無此理也 人之治也治外乎 正而後行

正即前云正生以正眾生謂使各正性命之

意謂聖人但自正性命而施之百姓使各自

正之老子云清 確乎能其事者而已矣 確者

淨為天下正 命之正天然自足一毫人力不能與其開今

但使人人各悟性真則恬淡無 且鳥高飛以

為日化矣又何假有心焉之 避矰戈之害 麗鼠深穴乎神丘 社壇之下以

避熏鑿之患而曾二蟲之無知 言鳥鼠二蟲

人心以機械而欲取之故高飛深藏而避之

而人曾謂二蟲之無知乎百姓天性猶鳥鼠

也人君有心欲治之能不驚而 避之乎外篇馬蹄痛發明此意 此上二節言治天下不可以有心恃知好

為以自居其功若任無為而百姓自化老

子曰我無為而民自化清淨為天下正若

設法以制其民不但不從而且若鳥鼠而

驚且避之也

天根遊於殷陽地名至蓼水水名之上適遭遇也無

名人而問焉曰請問為天下無名人曰去女

鄙人也何問之不豫也豫者從容安詳之意而問之太倉卒也

予方將與造物者為人非有心於世也厭

厭不厭也則又乘夫莽眇之鳥乃道之取譬也以出六極

之外而遊無何有之鄉大道之鄉曠垠曠垠謂之無際也

野又何弔為音以治天下感謂也子之心為無名貴天

根則之愈平而無禮也言我雖處世但順造化而為人乘化而遊若厭而不欲為人則乘

大道而遊於廣大適道無為之境又復問天

又何以天下禍我之心而若此耶又復問根

又問必顯無名人曰無名因求教之汝遊心聞其說也

於淡謂恬淡寂冥之境合氣於漠漠冲虛也言順物合氣於虛

自然不可有心恃知妄為而無容私焉會萬物以為已大公均調而無

焉庸私而天下治矣必如此而天下自治

此一節直示無為而化治天下之妙欲君

人者取法返乎上古無為之化也

陽子居見老聃曰有人假若於此嚮向疾也

謂向道敏捷也彊梁勇為也物微事物透微也疏明疏通明達也

學道不勌如是者可比及明王乎老聃曰是

於聖人也言如此之人胥胥靡之罪役也易更番也技

丁技係繫係於市肆也勞形怵心者言嚮疾隔梁之人亦似胥

役之罪夫更番不暇工役之係肆勞苦形骸驚惕共心者也將此以比王自苦不暇安能

治民素手且也虎豹之文來田言虎豹因皮有文故招來田獵之災

獲狙之便捷也執爨音之狗言狗能執理來藉藉以

之也言獲狙因便捷故人得而繫之以教如

衣冠狗能執理人得而繫之以充田獵如

是者可比明王乎言若嚮疾之人可比明王

比明陽子居感然改容曰敢問明王之治言

是之人不可比明王敢 老聃曰明王之治功

問如何是明王之治 蓋天下而似不自已 縱有功蓋天下 而不自居其功 化貸者

與人萬物皆往資 而民弗恃 而民不 知恃類 有

之意 萬物 馮而不匱 使物自喜 但使物物自遂 自喜猶言帝力

莫舉名 而舉稱 測不可 測識 而遊於無有者也 無有

何有 立乎不測 測不可 測識 而遊於無有者也 無有

此一節發揮明王之治皆申明老子之意

以示所宗立言之本極稱大宗師應世而

為聖帝明王以行無為之化也

上言明王立乎不測而遊於無有如此乃

可應世以治天下但不知不測是如何境

界人亦有能可學而至者乎故下撰出壺

子乃不測之人所示於神巫者乃不測之

境界列子見之而願學即其人也

鄭有神巫曰季咸 神巫乃善相 知人之死生

存亡禍福壽夭期以歲月旬日 言相人最驗 刻期不爽

若神鄭人見之皆棄之而走 言畏其靈驗恐 說出不好之事

故皆走不 列子見之而心醉 列子將以為神 故心醉服也

歸以告壺子 此乃列子 曰始吾以夫子之道

為至矣則又有至焉者矣 意謂神巫起過 壺

子曰吾與汝既其文 言我之教汝者但外 未

既其實 其道之真實 而汝固也 將謂 得道歟 汝

謂已得 衆雌而無雄而又奚卵焉 言物有雌 雄乃能生

卵以此人有對待而相者乃見其禍福若 心能絕待又何從而相之如雌而無雄又何

焉而汝 以道與世亢 與人相 必信夫 必信故

相之也 示 故使人得而相汝 以不能忘已 要

因得而 嘗試與來以予示之 若來以我示之 看彼能測我乎

明日列子與之見壺子出而謂列子曰嘻 驚

也 子之先生死矣弗活矣不以旬數矣 言不 數

日即 吾見怪焉 吾見 見濕灰焉 言面如濕灰 絕無生機也

列子入泣涕沾襟以開先以告壺子壺子曰

嚮吾示之以地文此下三見壺子示之安心

觀乃安心之法也地文乃萌草之未出乎不

震動不正猶顯示也謂我安心於至靜一念

及無生機也是殆見吾杜也德機猶生也

又與之見壺子出而謂列子曰幸矣子之先

生遇我也有瘳矣言汝之先生幸遇我可全

然有生矣吾見其杜也絕活動也矣言我見其

乃有生機也列子入以告壺子壺子曰曷吾之以

天壤天壤謂高明昭曠之地此即觀也名實不入言性

存而機發於踵踵最深處也言自從至深

即止之是殆見吾善者機也言彼見吾善而

之以天嘗又與來明日又與之見壺

子出而謂列子曰子之先生不齊言精神恍惚

二十九

一也齊吾無得而相焉試齊且復相之言待精

而復相列子入以告壺子壺子曰吾曷示之

以太冲至虛莫勝言動靜不二也初偏於靜

觀雙運不二之境也是殆見吾衡也氣機也

測也下壺子又詳明前所示者乃三種觀法

故彼莫鯢桓桓言鯢魚之審處為淵

淵流水雖動而水性湛然不動此即動而

淵靜即靜而動動靜不二平等安心即末後

觀不二也淵有九種言定有此處三焉我

示之者乃三嘗又與來明日又與之見壺子

立未定自失而走壺子曰追列子追之不及

返以報壺子曰已滅矣言去之已已失矣言

得見矣吾弗及矣已不及已壺子曰曷吾

示之以未始出吾宗宗者謂虛無大道之根

六八九

曾之相即佛氏之
 攝三觀於一心也
 吾與之虛而委蛇
言我安
心於至
 虛無有之地但以虛體而
 示狀貌委蛇隨順彼耳
 不知其誰何
故彼
不知
 其誰
 何也
 因以為爭靡
言物之類靡
難於收拾也
 因以為波流

言精神浩蕩
 捉摸不定也
 故逃也
因此難測
故逃走耳
 然後列子自
 以為未始學
初則列子未得壺子之真實故
以神巫為至今見壺子所以示

神巫者雖善相卒莫能測識其端倪到此方
 信壺子之道大難測而始知自己從來未有
 學也而歸
辭壺子而歸
立志造修也
 三年不出
專一做
工夫
 為其

妻爨
言列子初恃自己有道以驕
其妻今能忘身為妻爨
 食豕如食
言無
心於

人
初未入道而有八物分
列之心今則分別情忘
 於事無與親
言無
心於

也
 雕琢復樸
先以雕琢復樸今
則還純返樸矣
 塊然
不識不
知之貌

獨以其形立紛而封哉
封即齊物之有封之
封謂受形骸是於大
 化之中乃立人我攬生是非固執而不化者
 猶有封之疆界也而今乃知此形為紛授而
 封豨一以是終
言列子竟此學
以終其身也

幸

干

此一節因上言明王立乎不測以無為而
 化莊子恐世人不知不測是何等境界為

何等人物故特換出個壺子乃其人也即
 所示於神巫者乃不測之境界也如此等
 人安心如此乃可應世可稱明王方能無
 為而化也其他豈可彷彿哉言此段學問

亦可學而至只貴信得及做得出若列子
 即有志信道之人也此勵世之心難以名

言矣
 上言壺子但示其不測之境下文重發揮
 應世之用

無為名尸
尸主也言真人先要忘
名故戒其不可為名尸
 無為謀府
言不
可強

無為事任
言不
可強
 無為知主
言不
可強

體盡無窮
言體會
於大道應
 而遊無朕
朕兆也謂遊於無物之初
安心於一念不生之地也

盡其所受乎天而無覓得
言但自盡其所受
乎天者全體不失

智謀之所聚曰謀府言一任
 無心不可以智謀為事也
 行任事謂有擔當則為累為患
 但順事而應若非已出者也
 以知巧為主也言順物
 忘懷不可主於智巧也
 化無有而遊無朕
 窮盡也

而亦未見有亦虛而已如此亦歸於虛而已
得之心也言一毫不可有加於
其間
至人之用心若鏡不將不迎應而不藏
故能勝物而不傷至人用心如明鏡當臺物
之未至亦不以心先迎即物一至妍醜分明
而不留藏妍醜之跡了無是非之心如此虛
心應世故能勝物而物卒
莫能傷之者虛之至也

奉

手

已前說了真人許多情狀許多工夫末後
直結歸至人已下二十二字乃盡莊子之
學問功夫效驗作用盡在此而已其餘種
種撰出皆蔓衍之辭也內篇之意已盡此
矣學者體認亦不必多只在此數語下手
則應物忘懷一生受用不盡此所謂逍遙
遊也

南海之帝為儵北海之帝為忽中央之帝為
渾沌儵與忽時相與遇於渾沌之地渾沌待
之甚善儵與忽謀報渾沌之德曰人皆有七

竅以視聽食息此獨無有嘗試鑿之日鑿一
竅七日而渾沌死儵忽者無而忽有言人於
大化最初受形之始也渾
沌言雖俄爾有形尚無情識渾然渾然無知
無識之時也及情實日鑿知識一開則天真
盡喪所謂日鑿一竅七日而渾沌死也則屬
以儵為火以忽為水渾沌為土似有理太犯
穿鑿只如
此解則已

此儵忽一章不獨結應帝王一篇其實總
結內七篇之大意前言逍遙則總歸大宗
師前頻言小知傷生養生而忘生之主以
物傷生種種不得逍遙皆知巧之過蓋都
為鑿破渾沌喪失天真者即古今宇宙兩
間之人自堯舜以來未有一人而不是鑿
破渾沌之人也此特寓言大地皆凡夫愚
迷之人槩若此耳以俗眼觀之似乎不經
其實所言無一字不是救世愍迷之心也
豈可以文字視之哉讀者當見其心可也

即予此解亦非牽強附合蓋就其所宗以
 得其立言之旨但以佛法中人天止觀而
 參證之所謂天乘止觀即宗鏡亦云老莊
 所宗自然清淨無為之道即初禪天通明
 禪也吾徒觀者幸無以佛法妄擬為過也

奉

三

子內篇註卷之四

音釋

頽皮變切 豨許豈切 媯居為切 躄居為切 躄居為切
音卞 豨希上聲 媯音為 躄音為 躄音為

音進躄相躄居宜切 儵式竹切
然切 音儵 音儵 音儵



龍池幻有禪師語錄

門人圓悟圓修等編

龍池幻有禪師語錄



清刻龍藏佛說法變相圖

龍池幻有禪師語錄序

史一

荆溪安節居士吳達可題于長安楨芳亭

昔牛頭一派橫說豎說總未達向上關捩子
古人云大唐國內不是無禪只是無師良有
以也馬祖會下出八十四人善知識各化一

史一

方黃蘗際猶謂正法眼藏寥寥數人夫得髓
傳心者兒孫猶若是而況得皮得肉得骨之
儔乎然觀傳燈諸書所載一葦渡江以來赤
縣神州衆生黑漆漆地者固多而具大根器
知有向上一着者亦不少五宗之中惟臨濟
尤峻絕痛快直下承當自臨濟立九傳而至
五祖演心心相印絕無烏焉成馬之弊何者
凡印有形則有差殊無象則無分別故下者
如印印泥上者如印印空虛空隨方圓以呈
名然空豈自爲方圓乎大都五宗絕盛於唐

綿延於宋而凌替於元元其後如中峰諸大老雖推爲人天眼目未見嶄然截出也沿至于今此道如綫矣莊子云北溟有魚其名曰鯤化而爲鵬九萬里風斯在下然聽其自化也使之化則非能鵬也宗家似之正嘉間天奇笑巖一二尊宿挺生其際遠接曹源近承臨濟正宗之綱藉以激揚不墜以余所聞笑巖咳唾如真虎踞地而吼百獸震慄以較裴旻之虎懸矣幻有禪師乃其的骨子也鍛鍊鉗鎚可謂妙密倘所稱深山大澤必生龍蛇非耶每與余問答如聲呼谷應形著影出不留一絲意根椿立嗚呼是其所以紹笑巖而起臨濟也嘗一巒知鼎味叩其玄扉則全帙在焉大率如刀斫水不見痕縫名爲作家不虛耳夫今衲子輩影迹所及輒能累人自了

者流往往沉埋絕壑結草孤峰不受塵世之譏嫌乃禪師獨遊五都朱扉間且以爲蓬戶也者業遊燕矣而門庭蕭寂衆未嘗登十輩意泊如也石門誦翠巖芝云廬山殿閣如生成食堂處處禪床折我此三門如冷灰盡日

史一

二

長廊捲風葉禪師庶幾近之此其事業之見於細微者也猶不測乃爾況大焉者乎是刻也不謀而成蓋有殊勝力焉無論牛頭以下非所擬倫即置之八十四人中應以正法眼藏相屬矣余聊引其端俾爲前茅若從禪師語錄中下一註脚是爲負禪師入地獄如箭射覽者倘作語言文字觀亦入地獄如箭射

龍池幻有禪師語錄目次

卷之一

住荆溪龍池山禹門禪院語錄

卷之二

住清涼山秘魔巖等處語錄

住燕山普照寺語錄

卷之三

閒談

卷之四

閒談

晚話

卷之五

晚話

卷之六

舉古

拈古

卷之七

徵古

頌古

代古

別古

機緣

畫像語

卷之八

書問

韻語

卷之九

駁語

卷之十

性住釋

物不遷題旨

養語

塔銘 附

龍池幻有禪師語錄目次終 史一

第一五六冊 龍池幻有禪師語錄

一五·一六三七

六九七

龍藏

龍池幻有禪師語錄卷之一

門人 圓悟圓修等編

南錄

萬曆元歲爲樂庵和尚越世師因掩室守制以三載爲期毘陵悟玄白居士過訪於關前

問曰昨聞禪師孝義特爲令師掩關守制堅確卓立脇不沾席可謂此心難得但未知此守制外別有所得否師曰別無所得曰得毋空過時光乎師曰亦未嘗空士欣然曰願聞不空所以師從容曰古語云自外入者名之爲得然此已躬之事人人本具個個不虧設爾發明只發明吾人人本有豈從外得耶吾謂別無所得者以此士領之有聞復問曰禪師於六祖所悟應無所住而生其心有所契否師曰事雖不合其理冥符經中所謂諸苦

史二

五

薩應如是生清淨心不應住色生心不應住聲香味觸法生心應無所住而生其心但於六根門頭於色聲香味觸法當無所住著而清淨心自現前矣又奚假生哉然生字作醒字看最好師又曰六祖得此源頭其來久矣方聞市人誦此不覺冥契遂訪黃梅五祖求印豈六祖纔聞是語始得未聞之先不得耶故先輩謂得失較量皆爲餘論士曰是知禪師工夫入手久矣未必無首悟之緣可得聞乎師云吾聞先輩悟道者如麻明道者似粟未有能形容悟迹者如僧問仰山學人還假悟否山曰悟則不無恐落第二頭何若靈雲見桃香嚴擊竹皆云悟道但不識道者爲何唯一智通老宿忽從夜半斗真云我大悟也我大悟也歸宗令人問伊悟個什麼乃曰尼

姑元來是女人做真可謂奇特君且謂此老會悟否此便是古人呈悟樣子悟本無迹亦不易言如圓覺云若言有證有悟即爲我相名未解脫四相未除便不能入清淨覺海吾將有悟迹呈之是剝肉作瘡藥過仍病也雖然但以始終緣會葛藤略呈所自可耳士云願聞師云余初身嬰勞疾百計求醫莫得少瘥先師初教叅父母未生前本來面目謂吾疾當自愈既叅日久轉加迷悶及閱諸禪宗語錄所觀種種差別公案皆瞞若面牆略無針劄可入延歷二年病亦不愈竊計死將在邇一日對觀音聖像燃香發願持菩薩名誓不倒臥以悟爲期夕死無憾由是尅勤精進歷二七日餘一夕經行方坐昏沉無奈忽聞琉璃燈花燁爆聲豁然有醒始知古人所謂

史一

六

直得虛空粉碎大地平沉十方無壁落四面亦無門若有一人發真歸源十方世界悉皆消殞等說皆非虛語於是只覺得此身若一丸水晶珠內外瑩徹無礙渾如浸在碧波之內相似頓見十方世界湛然一切平等清淨不動始可謂溪聲便是廣長舌山色無非清淨身行亦禪坐亦禪語默動靜體安然矣又豈有去來得失之可語哉更覓此虛損勞疾則寂然不覺其有矣然後閱佛經并諸祖師語錄乃至今所問之言皆如舊習略不見其難耳語方及此忽寺長老送茶至師云且截斷葛藤喫茶

斷葛藤喫茶

晚叅據座曰老僧年邁不得如諸方依時及節與你們說佛法提得起便與你們說幾句淡話提不起便休從今向去與你們說得十

二分與佛法相應說得成言如雲門大師云
乾坤之內宇宙之間中有一寶秘在形山如
此說話切莫作佛法道理會從今向去十二
分說得不成言與佛法不相應如雲門大師
云拈燈籠來佛殿裏將山門來燈籠上如此

史一

七

說話切莫不作佛法道理會正恁麼時汝等
作麼生會取咄直須中間截斷兩頭撇開始
得只恁麼卜度去有甚了時雖然如是老僧
今晚無可與你們商量得亦無可與你們說
得若論教旨但汝等體解便知要會禪宗各
自尋思悟去若只教老僧終日向你們碎叨
叨說去正如春禽畫啼秋蟲夜鳴有何意味
設有些些意味却又如臘月裏底扇子在
諸人分上總用不著且如即今向上一著子
還有可商量處麼若道有可商量豎起左拳

云也只是者個若道無可商量豎起右拳云
也只是者個衆中有會得者麼會得即向前
來與老僧通個消息一總不會老僧今晚失
利了也休休多說不如少說少說不如不說
珍重

室中一晚問知修二徒曰金剛經謂若以色
見我以音聲求我是人行邪道不能見如來
汝等信不知徒云怎麼不信師曰汝旣信難
道你我閉著眼塞著耳見如來耶知云何曾
要閉眼塞耳師急索曰華嚴經又道佛身充
滿於法界普現一切羣生前爲什麼汝等張
著眼而不見耶知云據某見處是佛見無我
是我見無佛師曰料掉沒交涉顧問修曰你
如何會修云據某見處道得一字即不出師
曰同坑無異土汝等且去異日再會來復召

曰殊不知是我見無佛并道得一字即不出道不得一字亦不出皆迷邊事又是佛見無我并道得一字即出道不得一字亦出皆悟邊事與汝等何預焉去

一晚同知修二徒至悟徒關房前竚立有間曰佛法二字雖不是偶然亦非特意會得但有個悟入處不妨信意拈來自然貼體隨分道出自然恰好所以大丈夫爲道迴別纒趨得源頭到手撩起便行不問如何若何老僧憶昔居臺山有一僧問三賢尚未明斯旨十聖那能達此宗未審如何是斯旨老僧即鳴指一下曰會麼僧云不會又鳴指一下曰知麼僧云不知老僧但向伊道具足凡夫法凡天不知具足聖人法聖人不會聖人若會即同凡夫凡夫若知即是聖人其僧矍然致敬

史一

八

倒身三拜直趨而去更不回顧俊哉汝等且道這僧如此去還曾悟得也未若道未悟他却恁麼去道他悟又悟個什麼來汝等試道看悟即起身一拜曰夜深天寒請和尚歸方丈師曰不是這等儻侗推開去便了的師乃舒一手曰我手却不是驢蹄悟曰恁麼道又爭得乃亦豎一指師曰也當不得知徒曰還許某甲進語否師曰道來知云雪中看月色師曰依稀彷彿顧修曰你也道得麼修即曰滿室不聞香師即轉身曰來日再商量

史一

九

次日晚叅師曰知徒第一座昨晚所進之語句意皆新大有來由甚愜老僧意即這一言可繼夾山船子之道所謂絲懸綠水浮定有無之意又語帶玄而無路舌頭談而不談者也雖然如是試更進一語始堪克紹洪規乃

召第一座來船子道直得藏身處沒踪跡沒踪跡處莫藏身又作麼生座曰去此二途恰好師曰恁麼則前言不應後語了也良久曰夜靜水寒魚不食滿船空載月明歸復曰有舊日葛藤與你們重理一遍古人云可言不可行不若不言可行不可言不若不行發言必慮其所終立行必稽其所弊其言即老僧前謂金剛華嚴二偈是也其行即此晚參開示室中辨驗工夫是也言則爲始行則爲終所以道發言非苟顯其理將啟學者之未悟立行非獨贍其身將訓學者道業之未成耳且如金剛經不可以色見聲求畢竟如何可以見如來耶若曰凡所有相皆是虛妄若見諸相非相即見如來且如爾我矚著眼現前無非色相又作麼生非得始可見如來耶既

不解非正如吾前所謂難道閉著眼塞住耳可以見得耶蓋金剛般若本是大乘終教一味談空與華嚴圓頓教相雖異究竟未始不同既同矣爲什麼矚著眼不見佛身克滿於法界普現一切羣生前耶不聞當初芙蓉訓師一日問歸宗和尚如何是佛宗曰我要向汝道汝還信否訓曰和尚誠言焉敢不信宗曰即汝便是訓曰如何保任宗曰一翳在眼空華亂墜你看這則因緣甚好消息汝等還曾體悉麼還曾悟得麼倘爾悟去即世間何法而不可通耶況大乘圓頓之不合哉所謂未有圓而不空空而不圓者也只如塵說刹說衆生說三世十方一切說可謂圓矣又我觀一切衆生具有如來智慧德相但以妄想執着而不證得既無執着豈非空乎況身意

諸情根一切空無性耶如金剛曰眾生眾生者如來說非眾生是名眾生如來說世界非世界是名世界所以謂未有空而不圓者也爾我若不悟去華嚴元是華嚴般若還他般若佛元是佛眾生依舊眾生於爾我何預畢竟作麼生是你們底悟處故曰學道須當有悟由還如爭鬪快龍舟雖然舊開閉田地一度贏來方姑休

小叅師云今辰擊鼓召汝等來別無他語爲某闍黎新年特特遠來與老僧拜節今既去當要大衆送一送伊我前晚爲伊舉一則古人因緣當面商量他又不會昨晚將如來兩段葛藤拈向伊又不肯理老僧今辰做得個新鮮夢子說與你們當初老釋迦和尚在靈鷲山中法華會上逞神通呈伎倆謂道我能

史一

十一

促一劫爲若半日能延半日猶如一劫我當初只作尋常說話不知不覺看過去了而今始知不然適老僧獨于方丈坐方眨眼打個瞌睡便做了兩個大夢頭一個夢夢至當年三十日去往檀越家打葛藤至晚未歸被一個老婆子變著臉死死把老僧推出門來却道即今已是臘月三十日晚了只管扯葛藤到幾時住家家戶戶俱要打疊過歲怎生容得你在此宿歇幸與得一根連枷竹柄子在手裏天上雪又落地下路又滑直得虎狼無辯高下不分以至半夜時分走得來山第二個夢却似正月十五大雪瀟茫之際朦朧月色之時老僧既出山打個之繞歸却從個板橋頭過見一隻虎張牙舞爪要過板橋不得皆著橋把坐久了打頓老僧也要從這條路

歸只得輕輕走過板橋了撫掌呵呵大笑曰
幸幸且道幸個什麼設若這虎歇却打頓掉
轉頭來時老僧性命安有得到今日也然這
兩夢未有人爲我原老僧試自原之頭一夢
即前晚關房前所作者是第二個夢但未暇
說得且送了你大師兄去後更原之

有徒圓因一日侵早至榻前謂某甲適有個
會處說與和尚正念了功課坐火爐邊暗究
不生不滅之理矇眼忽見火星一亮頓忘前
念覺得見色聞聲事事法法無不是某甲會
處今正對和尚說時又覺得不是了師曰你
且去把你是與不是都拈去了來再與我說
至第三日又來座前告云某始知得本來沒
有是與不是都是某自疑不了耳師曰你前
見火底意思還在麼因云在師豎起拳云見

史二

十一

麼因云見師曰見個什麼因云見和尚這是
拳頭師曰恰又不是了禮拜着因拜至地被
師一脚踏翻倒起來擬語師展兩手曰見個
什麼因更凝豎拳師喝曰出去

上堂舉女子在佛前出定話畢乃曰者一則
因緣諸方商略者極多判斷者恰少昨日見
個俗漢子出來便要將黃帝於赤水求玄珠
類女子出定以罔象爲罔明可發一笑老僧
輕輕向他道還曾夢見釋迦老漢麼老僧今
日爲伊判斷去也若謂罔明即女子女子即
罔明或有一個半個信亦未可知若說女子
從來未曾離佛亦未曾離女子一萬個却
有九千九百九十九個信不及即今現前有
信得者麼知徒出曰某甲數年前便會得則
不見有女子亦不見有佛師咄曰出定話

曰尚無定入況有出手師曰汝見處與老僧
初見處甚同許你具一隻眼雖然如是若論
佛魔齊掃迷悟兩空今時要實會到者田地
不道全無只是罕有師顧視左右云還見麼
不滯聖凡情卒易勸人除却是非難下座

史二

十三

上堂舉世尊勅阿難持鉢話師云當初世尊
涅槃時至文殊勸請世尊再轉法輪世尊云
文殊文殊汝將謂我四十年間曾爲說法耶
何故又請我再轉法輪所謂始從鹿野苑終
至跋提河於是二中間未嘗談一字衆兄弟
阿難當初問七佛儀式世尊召阿難阿難應
諾者是世尊爲阿難說了也未若道說了則
曾說個什麼來若道不說又召阿難作麼今
時有一等義學輩解道世尊不說處正是爲
阿難說了也若然須信三藏十二部一切修

多羅說亦不曾說矣雖然且道即世尊勅阿
難曰持鉢去者三字是說也是不說也下座
云叅

上堂舉城東老母話師咄曰者臭騷老婆你
看伊搽脂抹粉只顧裝模做樣作麼旣與我
佛同生而又同居一處却對人云不欲見佛
正所謂疎來好相見數往令人厭乃是終日
見之不耐見耳殊不知爾我而今要見如來
百計千方覓伊弗獲一見他把我如來不耐
見作賤以至如此老僧但耐如來當時亦
只是不曾見者婆子設見之決也放伊不下
務要鞭伊八萬四千拄杖一下也饒不得因
甚如此爲如來眼裏着不得者個設見之便
成禍害也兄弟莫謂如來當時不耐見伊只
如老僧眼裏亦着伊不得汝等知麼此事且

置兄弟汝等道者婆子眼裏見底如來是色質如來耶非色質如來耶較比爾我所見如來同耶異耶若道同則爾我皆已知如來當時在雙林滅度久矣若道異即同婆子回顧東西見底井十指中間見底又是那個如來

史一

十四

況金剛般若云若以色見聲求又不能也然此見如來之方且有二道耶兄弟爾我到者裏須當各各俱要理會得分曉若不會終爲塞礙有問曰爲什麼老母不欲見如來如來亦不說見老母乎師因頌云我佛初無半點私祇緣諱得者些兒既同生也不同死不說於人人不知下座

晚叅潘淨月相訪師拈拄杖入堂召衆云今晚無他說潘淨月同二道友特臨訪老僧彼善行醫治藥感彼遠來無可報伊老僧止

只得一個好藥方傳與他要汝等大家證明務召淨月在否月云在師曰我要傳方子與甚須也要你有藥始堪有用要藥也須預曾成備得始可臨時應用若謂採藥還要個法如樣子復召曰淨月月應諾師曰文殊當初

喚善財採藥便是法子樣子文殊一日謂善財曰你既去採藥但是藥便採來善財纔出門便走回謂文殊曰我觀大地山林草木大小昆蟲金石等類無不是藥未審要採那個藥殊云是藥但採來善財就于地上拈一莖

史一

十五

草度與文殊文殊接得拈起示衆云者一莖草也能殺人也能活人老僧始從過水拾得一根枯竹子在者裏也能殺人也能活人舉起云喚作拄杖子即觸不喚作拄杖子即背汝等衆中還有道得者麼良久云汝等既道

不得豈不是死了又召淨月曰你作文殊我且只做善財我把拄杖度與你月伸手擬接即被師攔頭着實打了一下月乃高叫曰阿耶阿耶者老和尚且耐且耐師呵呵笑曰且喜活也活也只消你一個活其他都死了也不妨你既活矣我却把藥方傳與你罷乃召淨月月應諾師曰通身是病通身藥咄一聲云者是方子遂舉拄杖曰只是不把金針度與人乃云者是我底本錢即轉身歸方丈晚參師曰昔有個道林禪師見秦望山長松盤曲如蓋遂棲止其上人皆謂之鳥窠禪師有一侍者名會通一日辭去林問曰你往何去者曰某甲自親和尚不蒙垂誨今往諸方學佛法去林曰若說佛法我者裏亦有少許曰那個是和尚佛法林於身上拈一莖布毛

吹之者即頓悟玄旨歇却去心然鳥窠當初膽量雖小也怪伊不得祇者一個侍者若去了自要飯喫爬上爬下便有多少煩難豈不慌惶當時連忙拈起莖布毛來務要束住伊不放伊去也老僧自揣膽量比鳥窠幸恢廓然者老山中不得幾個伴侶要且難住雖稍有幾個徒衆第恐相伴多日了也似伊要往諸方學佛法以故老僧新年頭將身子只得也抖擻一抖擻仔細檢點佛法則一毫無有如今若向老僧要布毛則現前徒衆且多一

史一

十六

晚叅舉馬祖自南嶽印心關化于江西一日讓和尚問衆云道一爲人說法也未衆答已爲人說法了讓云但未見人持個消息來一日密遣僧去探伊囑云若見伊陞座但問云作麼待伊有話記將來其僧一依所囑問之祖云自從胡亂後三十年不曾少鹽醬僧歸舉似讓讓然之師謂衆曰馬大師三十年不曾少鹽醬方可聚徒說法老僧者裏少鹽沒醬聚什麼徒說什麼法乃喚化油鹽僧出來僧出復曰近前來僧近前師曰馬祖三十年不少鹽醬也只是個化主老僧者裏也只是個化主老僧說法未滿一個月便斷了鹽幸是笑巖老人過世了設在時遣僧來探吾吾將甚話打發伊速道速道道得即不打道不得即三十拄杖僧云道不得師舉杖曰

史一

十七

者杖不堪打一下當十下遂打三下僧把拄杖一拽拽不去師云恰與你不得雖然爭之不足讓之有餘禮拜著僧禮拜起師曰是賊是淡僧擬開口師咄曰且如老僧與你們說幾句淺近底佛法似乎不解據你們底意思只要老僧說些深妙道理我又少鹽沒醬底幸記起訓蒙童語念與你們聽了各散去乃高聲唱云上大人丘乙己化三千七十士尔小生八九子佳作仁可知良久云去壬寅二月二日有在家居士數輩送友入山祝髮晚叅師入堂據座舉拂子曰某等三人發大菩提心特特遠來欲皈依老僧藉染作個圓頂方袍僧相既要離塵脫俗反邪歸正正是出類拔萃者也然此三人雖無妻室子女總是伊離恩割愛底時節即此一會諸上

善人大家結伴送伊來山亦要訪尋知識決
擇各自有一着生死大事未爲分外乃召諸
善人曰若說起各人生死大事不但汝等急
切在古亦然不見當初唐貞觀年間曾有個
居士特往山中訪石頭大師見即問云不與
萬法爲侶是什麼人石頭驀舒手按却伊口
伊即領悟不露一辭又去參馬祖見即也問
不與萬法爲侶是什麼人祖見伊已自務自
任乃與進一步云待汝一口吸盡西江水即
向你道士當下豁然乃曰從今後有男不婚
有女不嫁大家團圓頭共說無生話去也且
言馬大師與進一步更與伊進個什麼來蓋
謂你雖然孤迥迥赤條條無依無倚固是個
頂天立地底一個漢子不若口門再用放大
些不大則西江水吸不及肚皮也再要放寬

之一

十八

些不寬則西江水無以容你看馬大師形容
得伊好個大人氣相汝等莫謂我們不能比
得伊口門又窄肚皮也不甚寬豈似伊孤迥
迥赤條條無依無倚去汝等果爾膽怯老僧
如今與你們一丸安心藥喫汝等還曾聞毛
吞巨海芥納須彌之說乎毛與芥是無情之
物猶能吞能納又豈不開心包太虛量周沙
界之說乎昔李渤刺史曾問歸宗曰聞貴教
須彌納芥子則不疑芥子納須彌莫是妄談
否宗曰聞秀才讀萬卷書是否曰是宗曰觀
公身量如椰子大萬卷書著在何處還知麼
只這個肉團紋路所通六根門頭種種塵境
無不貫徹這一點虛處猶能包太虛周沙界
況此須彌巨海乎但這個肉團孔竅纔有些
些粘痰遮蔽了即平日六根門頭所攬底一

切塵緣等事毫無知覺便是昏天黑地作顛作狂去也且止是事你看老龐參馬祖後再見石頭頭云你自見老僧以來日用事作麼生士云若問日用事即無開口處乃呈偈曰
日用事無別唯吾自偶諧頭頭非取捨處處

文一

十九

弗張乖朱紫誰爲號丘山絕點埃神通并妙用運水及搬柴若以傳大士夜夜抱佛眠之偈較之則天地懸殊反不如個在家居士也且問汝等總是在家居士作麼生是日用事莫是從早晨睡醒了便要穿衣穿衣了便要喫飯喫飯了便要屙屎放尿屙屎放尿了便要迎賓送客迎賓送客了便要抱子引孫抱子引孫了或要燒火掃地從燒火掃地了或也要運水搬柴既在這行戶且莫說是與不是可謂無別若要唯吾自偶諧須見天地與

我同根萬物與我一體始相應耳頭頭非取舍只是見色聞聲處如水中鹽味色裏膠青水中月鏡中像取不得捨不得不可得中者麼得處處弗張乖舉拂子曰喚著拂子即觸不喚著拂子即背便是乖張底意思朱紫誰爲號蓋言天地日月由人分別物物頭頭法爾如然丘山絕點埃若人識得心大地無寸土若論神通并妙用運水及搬柴你看這個老頭子得了他兩個悟頭便有多少自在多少受用賣弄道運水搬柴總是伊底神通妙用就如一百觔底擔子他擔了何等穩當第二個在家居士便不肯如此承當去如老僧這裏現前一衆道友個個俱是頂天立地底大丈夫漢口門又闊肚子也大只是不肯承當當初子湖大師從半夜時分驚叫云有賊

有賊驚得那叢林僧衆亂跳捉賊趕賊被子湖驚搗住一僧緊緊抱住叫云捉得也捉得也其僧被子湖抱住却慌憚了儘力急救云我不是賊我不是賊子湖輕輕托開云是則是個賊你只是不肯承當又不見芙蓉訓問歸宗某自出家尚未識佛宗曰我向汝說汝還信否曰和尚誠言何敢不信宗曰即汝便是曰如何保任宗曰一臂在目空華亂墜大衆若論這個把手勸人行不得唯人自肯乃方親下座

晚泰上堂今晚不拏得拄杖來老僧恐你這幾個一總嚇散了老僧便住不成山也且道今日托物爲由承機而去者一節怕老僧拄杖子二節又怕榔子響便躲閃開了又一則如閒神野鬼二則如五千退席五千退席且

史一

于

置昔汾州無德禪師一日入堂謂衆曰老僧昨夢祖彌與我索羹飯喫庫子爲我買些葷牲以了其事黃昏時祭畢令庫子散其餘盤俱無納者禪師就庫司飲噉自若即寢息明辰侵早禪和子束裝散去怨語曰酒肉和尚豈堪依住耶唯慈明泉大道等七八輩在焉禪師乃陞座曰不消老僧一陌紙錢幾塊肉把這一隊閒神野鬼斷送去了也遂指住衆云此衆無枝葉唯有諸真實下座老僧如今不勞牽勛動骨傷神費力務去買紙錢刀肉

史一

于

來退伊只用得一根拄杖并木榔子足矣雖然老僧昨晚對伊道且將布袋口挽了趁你們氣力攀來高高闌起罷如今又不然難道老僧說法也欺汝等不濟而不說耶古人有云皇天無二道聖人無兩心且如何是皇天

之道聖人之心不聞法華所謂密雲彌布一
雨普潤斯非法喻齊彰佛天無二道乎蓋聖
與天只是一個無私而已豈有他乎老僧雖
不敢擬聖與天且如前晚爲水雲等對真說
話雖年老多忘一篇語中說差了三個字既
曰將錯就錯觀汝等恰似將個棗了渾吞在
肚裏了只不曾咬嚼一咬嚼耳雖不能如古
人青州布衫麻三斤栢樹子乾屎橛死貓兒
頭金剛圈栗棘蓬等又若鐵釘飯木札羹嚼
不爛咬不破雖淡無滋味吞又吞不得吐又
吐不得底語相同但肯相體我這三個字差
處雖不禁咬嚼輒不可輕放過去了這是老
僧底意思兄弟你們還知麼中峰大師有個
偈子念你們聽了去罷逆之則怒順之歡天
下人情沒兩般肯信順窮還逆至眼開休把

自心瞞去
上堂輒呼衆名畢曰俱在麼答在急索曰我
屎急且去著
晚叅曰且如早晨老僧相喚底意思汝等會
得也未且置是事我且問汝等連日作務勞
苦不易汝等看做是自己底事耶別人底事
耶衆俱答云是自己底事師曰幸爾你們不
曾看做別人底事若看做別人底事老僧明
日斷不要你們作務矣何故如此我蓋知汝
等一個個都是拋家棄業離恩割愛父母丟
在荒草裏猶不暇顧既出家來將要隨老僧
學道速圖發明生死一著大事詎有閒工夫
爲他人著忙耶喫了自己底飯打野裡去耶
汝等會得這兩轉語麼會得便請歸家穩坐
自在安閒若爾不會未免終日奔波外邊走

且如何是自在安閒人更說個比喻如叢林
堂中安了五百單厨下只有一個安閒自在
底燒火做飯也是伊淘米擇菜也是伊運水
搬柴也是伊刷鍋洗碗也是伊鋪堂搬運莫
不總是這一箇安閒底如六祖在黃梅春碓

文一

文二

雪峰在德山克飯頭馮山在百丈作典座法
演在白雲做磨主總是且如何是波波外邊
走底人正是如今孤迥迥紐著鼻子將個蒲
團在僧堂坐着不放叅底如牛頭未見四祖
馬師未遇南嶽俱朕未逢天龍等總是且如
何得兩般合轍相應去却不如個在家俗漢
子道個日用事無別乃至運水及搬柴不妨
便合轍了也而今人只言窮理汝等却不在
日用頭頭事物上體認向什麼處摸索老僧
只恐你們錯用工夫故此着急且日用事又

文一

文二

如何體認雖總不離根塵對偶纔有認着便
落緣塵分別影事上了楞嚴謂如第二個月
雖不曾離了月體要且不是真月只如離了
緣塵分別又向何處體認縱不緣塵了了分
明又恐落在識神設不明白了了又恐落在
無明大難大難却憶南陽忠國師一日喚侍
者三侍者三應諾國師曰將謂吾事負汝却
是汝事負吾且如老僧早晨相喚底意思與
國師喚侍者底意思何如鏡汝等從朝至暮
波波汲汲做來只是事負老僧還知麼頻呼
小玉元無事只要檀郎認得聲咄一聲下座
上堂舉南泉一日同歸宗麻谷去禮忠國師
泉於路上畫一圓相云道得即去宗往裏坐
谷作女人拜泉云恁麼則不去也二人爲伊
挽之而回更不復去歸宗當時頗奈繩頭在

南泉手裏只得隱忍而退但云是甚麼心行
洎後南泉又同魯祖杉山歸宗四人辭馬祖
各住庵去泉又於分袂處插下拄杖云道得
也被這個礙道不得也被這個礙那時節却
被歸宗拽起拄杖儘力著著實實打了一拄

杖曰者王老師又說甚麼礙與不礙老僧今
日暢快何似歸宗當時暢快若作歸宗只可
盡法又留什麼人情縱無氣力底拄杖更打
伊一兩下亦不爲分外者王老師慣得其便
不打更待何時舉了云即今家中還有王老
師麼若有請來老僧今晚更要與伊一頓爲
甚如此豈不聞東村頭人家失了火西村頭
人家未免着忙雖然如是路逢劍客須呈劍
不是詩人莫獻詩下座

看經次有慧侍者獻鮮笋茶師云此乃是天

降下從地湧出耶者云偶爾烹得恭敬和尚
問曰你早晚聽老僧說話曉得否者云不曉
得師舉匙挑起笋牙云你如何却曉得這個
者云現見師接曰既曉得我要喫他即送入
口云恁麼靈明又道不曉得者無語而退

晚叅師云兄弟事不如此古之住持爲衆說
話直得哀請懇求不得已而應命又曰從來
善知識亦無法與人說直要汝等自信自肯
然後相應如今老僧恰似有佛法無着處要
與你們則不待哀請懇求趕着你們來說也

火一

二十四

雖然爭奈老僧道心不能久遠不得長與你
們說話不可輕忽不當做一件事且如我昨
日偶問一泥水匠人曰你看者竹子如此擾
亂爲當風搖竹子爲是竹子搖風彼云是風
搖竹子予云若無竹子你又向何處見風乎

彼即笑云是亦有理兄弟彼是一個工作世
諦中八見說得有個道理便亦肯信更說個
竹子無知風本無我所知在我而不在風竹
便躊躇信不及矣正六祖所謂非風動非幡
動仁者心動不其然乎雖然這個說話亦是

史一

五

六祖當時應機建立之談未可以爲必然當
知我心既屬於動而知非風幡動者并知非
非風幡動者又屬誰乎不然又豈有兩個耶
古人謂此心尚不得以有無名之況可以動
靜名跡局之者乎古人有言喚作一物即不
中更曰不是心不是佛不是物良有以也今
直不聽動靜爲非心但聽爲心之影響耳要
識心體麼譬如一顆大清淨摩尼寶珠內外
光明瑩徹淨無瑕穢無所不燭上至佛祖聖
賢菩提涅槃真如般若等

云

云

下至天上人

間地獄餓鬼等趣以至世出世間一切等法
盡十方徧法界有情無情事事法法影子莫
不都映在這寶珠中汝等還知麼還見麼除
却內六根外六塵根塵不相偶時你又向何
處見得這個影子乎縱饒外絕諸緣內守幽
閒猶是法塵分別靈明影子若爾矇然不知
又是一個無明塊子若於此有個入處即內
六根外六塵中六識三六一十八更加地水
火風空見識七大徧週總成了二十五個圓
通法門一一法門皆有菩薩已證入矣惟楞
嚴教主勅文殊選擇圓通娑婆世界衆生當
機唯耳根爲最今日二月十九正是觀音大
士放身命底時節汝等若也要悟圓通今正
是時須從這裏入遂鳴指一下云聞麼良久
自答云聞又以指點空一下云不聞麼自答

云不聞乃曰聞性空時妙無比思修頓入三
摩地無緣慈力赴羣機明月影臨千澗水

四月八日上堂靈光耿耿智體如如今古洞
然聖凡靡間向上一著由來千聖不傳放下
便休是衲僧尋常本事遂舉拂子云汝等衆

史一

于六

中還見這個麼若言不見除是汝等生來眼
盲若言見山僧但向伊道個瞎若更有言除
却這兩瞎請師別道山僧更還向伊道個瞎
若於此未會須更聽山僧葛藤乃曰今辰四
月八日正是我釋迦如來當時示生降誕之
日捨身命處所以既從出家成道以來則有
曰淨法界身本無出沒大悲願力示有去來
又言法身無相藉法界以爲身心智無依等
太虛而爲量所言法界者即四聖六凡是也
上至諸佛下至一切含靈莫不總是我如來

一個根本法身更言法界有四所言事法界
理法界事理無礙法界事事無礙法界該盡
世間出世間法矣然總爾既是一個如來法
身則何處更有個衆生可度也耶以有大悲
願刀故示同人生死同人壽命同人好惡同
人取捨同人哀樂同人是非於是中間遂有
佛道可成有衆生可度然有衆生即有佛有
佛即有衆生皆不出我一念靈知之心所以
一念悟去即佛一念迷即衆生又一念善即
天堂一念惡即地獄所謂心佛衆生三無差

史一

于七

別即心即佛不其然乎山僧今日忽想起世
間前後不識有多少路見不平之輩務要別
尋一個人要與我老釋迦比勝負較優劣殊
不知我釋迦如來是何等一個面目還知我
釋迦如來脚跟立地處麼還會夢見我釋迦

如來頂相麼故云舉手攀南斗迴身倚北辰
出頭天外看誰是我般人師言至此起身讚
偈云天上天下無如佛十方世界亦無比世
間所有我盡見一切無有如佛者遂急索曰
雖然如是雲門大師來也乃擲拂子下座

晚叅靜虛王茂士從萬曆庚子冬渡江遠來
訪老僧於荆溪龍池山中同衆藜羹藿飯不
親文字唯事蒲團竹椅以至廢寢忘餐期於
徹證而後已一連住了八個月日乃因家間
世故尋逼而去在山時每勸老僧爲衆開示
并與徒輩說法當時老僧堅執不肯應命不
是不肯應命但當時我思無可與伊說得雖
然如今始有些些可說正要與伊說却又不
在此矣兄弟你道老僧當時無得說是耶如
今有得說是耶汝等試道看有云和尚當時

畢竟該說師咄云還知如今說底即是當時
不說底麼還知當時不說底即是如今說底
麼曰恁麼則和尚有說無說俱不可思議耶
師打一棒曰汝何著相見老僧嘴動便謂說
法見嘴不動便謂不說法耶更打一棒曰珍

重

六月六日師因施主入山請爲大衆陞座說
法師強據座曰山僧從住持來半月一陞座
五日一小叅今日施主勉令登座爲衆說法
恰似節外生枝大不疾溜良久云咦尋常日

之二

之三

午不打三更今日分明黑月當晝舉拂子召
大衆云會麼猛虎不喫伏肉不憶獵人未及
拔箭以割鮮正恁麼時當究不究烏又待夫
嘔屍爛而醜臭咄一聲下座
僧問如何是佛祖奇特事師曰蝦蟇捕大蟲

僧云恁麼則不爲奇特也師曰猫兒捉老鼠
僧禮拜起師振威一喝僧云和尚爲什麼放
某甲不過師急索曰老僧有事你且去

一日侍者圓地跪榻前懇曰某甲從出家學
道以來尚未有個入處望和尚方便使某日
用如何用心師曰汝若不會着衣喫飯屙屎
放屎須要老僧教汝老僧本分但只着衣喫
飯屙屎放屎隨緣度時而已別無甚神通方
便奇特巧妙處汝更有甚疑地曰只疑一句
偈云正恁麼時誰會得師曰你且去待別時
來與你說師一日見伊從方

去遂呼

某甲地即應諾走入門來師曰你去爲我喚
圓地來地踟躕曰某即是圓地師動容有問
曰你即是圓地我如何不認得你地復踟躕
無語師喝曰且去

史一

元

僧問如何是佛師云千峰雪色照人寒問如
何是法師云春水平江匝匝波問如何是僧
師云歸依似木人僧云學人不會師曰爭怪
得老僧乃叱曰禮拜了叅堂去僧禮畢纔行
師召曰闍黎僧回首師云虛生浪死漢去

持華嚴經僧至問學人久誦此經未諳四法
界旨師曰汝但從頭問來僧云如何是事法
界師豎起拳示之僧又問如何是理法界師
亦豎拳示之并問理事無礙法界洎事事無
礙法界俱以拳示之僧不省去問室中第一
座曰某甲久誦華嚴不明四法界旨來問堂
頭和尚凡四問四以拳示之何耶座云會麼
僧答不會座曰汝但從頭問來僧即問如何
是事法界座云即拳頭豈不爲所舉乎又問
如何是理法界座云即能舉又豈異於拳頭

乎又問如何是理事無礙法界座云即拳頭便是能所豈能所外別有一拳乎僧曰然則如何是事事無礙法界耶座云若言事事無礙豈輒豎拳豎指瞬目揚眉而已以至鞦韆舞笏打地擎叉把釣呈撓張弓放箭畫圓相作女人拜而四法界旨莫不該通攝盡又豈止在僧在俗是女是男燒香禮佛擊磬敲魚打鼓捶鐘吹螺奏樂迎賓待客抱子引孫梳頭洗臉喫飯穿衣搖綿織布績苧撚麻點沸調羹攢花簇錦抗土掘地種穀栽禾寫字讀書操戈放彈莫不咸承此力深契斯旨也其僧再拜退復至堂頭和尚處禮謝懺悔師云你去見何人來僧云某甲於和尚前未有入處蒙堂中第一座爲某甲開通一線師令侍者喚首座至責云汝何多事爲伊饒舌座云

和尚若嫌此等說以爲饒舌即華嚴楞嚴又何須讀師驀豎起拳云汝謂此是權耶實耶爲有耶爲無耶是多是少爲是爲非速道速道座擬議師即振威喝出

一日有客入山訪師從容語及禪門中事客

因歎息師云何也曰弟子曾閱傳燈錄當初大法鼎盛時前輩諸大老發明教外別傳之旨即激揚酬唱之語歷歷可觀洎至我明正德嘉靖間出個天奇老人并無聞笑巖二三老大似知有不肯草草只是未大發揚今時

大

三

少室但存規模體式虛行故事正是業識茫茫無本可據者也近年來有個杜撰長老做效成風出自少室到處行棒行喝懸知少室今時無此機竅第恐是無根之草終成敗壞師云不然當初釋迦老子成道後號召弟子

人天百萬說法如雲如雨應機似電似雷你看伊幾十年中間曾見個什麼師法又遇那個作家來便乃如此汝豈不聞佛說諸經教中皆謂佛從無量劫來無一如來不從承事過乃至謂三千大千世界無有芥子許地不

史一

手一

是伊捨身命處既是積功累德宿乘願力而來方乃如是安知今日行棒行喝又非宿乘願力如此乎而今且不獨一人兩人到處要行棒行喝兼老僧雖居於深山窮谷邇年以來也要行些棒喝且道老僧要行底棒喝是效伊杜撰長老行底是效吾師笑巖和尚行底是效德山黃檗臨濟大覺洎祖師如來行底若果從人學底即虛而不實終成敗壞所謂丈夫自有衝天志不向古人行處行然雖此事不可從人學亦須是棒頭有眼始堪行

耳唯古人行喝喝須徹骨所以馬祖一喝直得百丈三日耳聾古人行棒須要棒棒見血所以黃檗打臨濟大覺打與化便是樣子客曰爲什麼古人行棒務要棒棒俾伊見血今時行棒棒棒都在空裏師曰你且道打在空裏底棒亦有眼麼若無眼一棒打不著所在即禍生所以今時行棒與古時行棒甚異彼此只虛行故事耳有個比喻比如官廳前皂隸私受了犯人財賄棒棒只打在地上但只聽得響何曾打著個人不信試看棒頭上會有些血星兒麼

龍池幻有禪師語錄卷之一

音釋

瘥 楚懈切音爬 蒲巴切音

瘥 疾愈也 瘥 徒監切音

賄 葉背面相似 瘥 徒監切音

色

至

龍池幻有禪師語錄卷之二

史二

門人圓悟圓修等編

北錄

萬曆甲申歲師演法華妙典於秘魔岩寺時
有萬融首座病眼四十日既愈一日仍來座

史二

下展本聽講經師方陞座見之言曰且喜萬
融首座病眼重開幻人有賴彼悚身起立云
不敢師曰且問汝即目前所覩境界與向
未病眼時同耶異耶對曰無異師曰然正古
人所謂三十年前見山是山見水是水及乎
中間有個入處則見山不是山見水不是水
老僧今日休歇得見山依舊是山見水依舊
是水是也師乃說經不已及下座有空安禪
者詣方丈叩曰前言古人見山是山云云之
旨某甲實未明了願老師方便一指曰禮拜

著者禮拜起師問曰會麼云不會師曰近前
來安近前師豎起拂子云此是拂子打伊一
下復豎起云此還是拂子會麼云不會師乃
曰昔妙色國王欲求勝法恨不值佛帝釋遂
現藥叉形而為說法乃曰我肚饑不能為汝
說王遂呼廚吏作上膳奉之藥叉曰此非我
食人新血肉是我常食王思他人身肉俱非
我有遂將已所愛子及所愛妻皆與食之猶
未克足欲捨己身願乞先為說法帝釋見王
為法心切了無違拒遂捨藥叉形而現帝釋
本形一手托妻一手托子了無遺損爾果學
道欲圖個得力處亦須如此一迴始得者復
問學道人病苦到來如何排遣師曰今見吾
法門中人但得此些因緣福報便算了一生
修行事畢便為止足更不圖進復不覺察是

之與非只爾昏昏把日子靚過去了殊不審
一旦大限到來八苦交煎之際始悔之噬臍
不及矣且爾我手足晏安之時平懷適意處
得力不得力他人不知要在各各自已揣摩
檢點昧心不得欺人不得休把光陰虛度了
每見有登華座踞方丈曾作人天標榜者拈
椎豎拂談禪論道說得如瓶瀉水相似大有
可觀近似了了纔有些少病苦到來便見排
遣不下以至臨危之際不言可知矣不知素
日談禪論道種種好處向甚處去也蓋此等
流出家未有原志復不曾遇得真正明師點
化所以不能到究竟徹頭處耳既未有工夫
實驗而且無個把持處則憑何以排遣病苦
乎故吾學道人先自要具眼具眼則易得其
師得其師要求啟悟反掌無難矣所以古人

史二

二

纔掉得個源頭到手便歸家穩坐自在安閒
縱橫無礙左右逢源所謂行亦禪坐亦禪語
默動靜體安然矣縱有痛苦到來只若無事
人又奚假一毫之力用排遣哉故曰老僧自
有安閒法八苦交煎總不妨是也者再拜曰
某實同病苦但不解前謂源頭者何也師即
召空安安應諾師曰爲我喚空安來安曰更
喚某甲別無有也師云與汝說竟天晚珍重
萬曆甲申師在秘魔岩寺有王胡二善人入
山設齋備禮勉師陞座師乃曰若教幻人說
佛法無一字可語但問二善人每歲供送稻
糧與我僧喫將何所圖善人同聲應曰久聞
此山師德都是真實辦道者某等俗緣忙迫
未能學道唯減此口糧爲少助緣耳師回首
顧衆曰正可謂施主一粒米重若須彌山若

史二

三

然不辦道披毛帶角還信矣且如一粒米多
許大古人謂重若須彌者何蓋原蘇學士云
鋤禾日當午汗滴禾下土誰知盤中餐粒粒
皆辛苦也以今日觀之又翻成檀越心膏
血矣然吾惟患在今人不辦道耳且如我等
今日爲是捶鐘搥鼓集衆陞堂是辦道歟爲
是唱偈提科鋪文演義爲辦道歟又出口入
耳數墨循行是辦道歟披衣坐立束整威儀
爲辦道歟又敲魚擊磬誦經是辦道歟
迎齋獻供作梵持鈴爲辦道歟又書符發牒
掛榜揚幡是辦道歟醮星安土灑淨行香爲
辦道歟乃至禪堂止靜放參開單展鉢是辦
道歟打坐經行看經念佛爲辦道歟乃至廚
房炊齋備供煉醬調羹是辦道歟洗碗擇菜
運水搬柴爲辦道歟乃至庫司注記券疏因

果分明是辦道歟出入金帛取與米麵爲辦
道歟乃至方丈寢高堂居巨室是辦道歟登
華座拈麈尾爲辦道歟撫養老病誘挾後昆
是辦道歟量才授職察言辯色爲辦道歟姦
佞必除賢善必舉是辦道歟賞罰中節號令
密嚴爲辦道歟迎賓待客納衆招賢是辦道
歟尅己惠物下心一切爲辦道歟乃至靜室
穿破衲咬菜根是辦道歟打餓七喫水齋爲
辦道歟閉門靜坐一物不爲是辦道歟墾土
掘地攝散除昏爲辦道歟諸大德即爾我許
多出家之流反不如古時一個俗漢子却謂
道日用事無別唯吾自偶諧頭頭非取捨處
處弗張乖朱紫誰爲號丘山絕點埃神通并
妙用運水及搬柴且看這俗老漢得個什麼
消息便敢開大口謂搬柴運水猶屬彼之神

通妙用而況於吾儕在袈裟下者反不及乎
雖然這老漢最善畫龍猶欠點眼幻人今日
試與指破使汝等易會去日用事無別切忌
眼花唯吾自偶諧到此也未頭頭非取捨更
欠什麼處處弗張乖瞞吾不得朱紫誰為號

史二

只許你道丘山絕點埃自語相違神通并妙
用你是俗漢運水及搬柴合應如是且道這
個辦道說話在汝等諸人分上還曾有麼若
有須出來與幻人對衆通個消息若無切莫
因循造次各宜珍重尋思去乃下座

普照寺開示舉陶太史一日問師曰弟子未
有入處乞師指示浙音入與實同師以為實
乃云檀越即今坐在虛空裏耶時靜虛居士
在傍以為答錯了也師即曰將錯就錯何如
靜虛無語雖然據此一問無論錯與不錯良

史二

五

喻如人浴於大海患渴求教相似殊未知老
僧今日覓個出處不可得又何用入良久乃
召曰兄弟欲會大道當會吾心唯吾心原同
太虛洞徹無礙左右逢源淨裸裸赤灑灑露
堂堂明歷歷無拘束莫可把又豈有內外中
間三處而俾之趨向背離容有出入之迹者
乎正所謂取不得捨不得不可得中者麼得
惟僧惟俗誰得誰失大約今時人學道有二
岐路是大病痛非此即彼不可不知第一路
不肯反躬扣己自信自悟只要向他善知識
口裏討分曉求解會病在依他作解障自悟
門第二路先任了自己一個見解確定以為
主宰安頓在胸中了務要覓他善知識將個
圓木楔子恰好投入他者四方孔竅無論投
著投不著而不知正是個無明坑穿生死根

本蘊積日久永難拔除兄弟道無別體且觀此娑婆世上未悟之人純是一團情識意見所以同我者乃喜乃愛日親日近異我者乃違乃厭日遠日疎師復召曰兄弟果爾相信依教奉行將二岐路妄想境一一覷破迴光返照而無量法門莫不圓滿具足總是不思議境界又烏用別求知識開示種種方便然後悟哉唯惠汝等從無始以來情塵意識積習濃厚了不能似大丈夫有決烈勇敢之志提得起放得下但只如半死不活底人提起來恰似都捨不得放不下惟恐斷了命根相似故大慧禪師曰大段今時學道人多怕落空且如怕落空底還曾空得麼我笑巖和尚亦云只這怕落空底也須空却始所謂鯨吞海水盡露出珊瑚枝耳非是前輩和尚好

專以空教人也祇緣學道人曾中一毫頭能所著不得一毫頭知見存不得不聞安楞嚴破句讀云知見立知即無明本知見無見斯即涅槃信夫纔有些些能所知見留於曾次便成膏肓之病終為滯礙久之則不知不覺不可得而治矣但祇見得一切人說話不合我一切人行事不如我一切知識說話行事俱不合我矣如此則莫謂今時善知識一切人以至上古善知識聖人佛菩薩再出頭來亦有所不合矣汝等珍重

史二

六

癸卯八月十五日普照寺開示陞座祝香云此一炷香不從天降豈逐地生雖假如來身分上藉來還向自己信心中拈出藝向爐中端為供養本師釋迦世尊文殊普賢二大菩薩觀音大士護法韋馱西天東土歷代祖師

一切聖賢均沾供養次一炷香天不能蓋地不能載熱向爐中端為祝延今上皇帝聖躬萬歲東宮後主國太夫人文武官僚功勳內宰以至十方檀越咸增壽算又一炷香非金非木非自非他用山僧信手拈來端為供養

六二

七

笑巖堂上傳曹溪正脈三十二世月心寶和尚用酬法乳之恩兼太平堂上資秉教授承亂雪峰宗祖二十七世樂安悅和尚乃至荆山珂夢塘覺二大和尚以及天下諸善知識并大法師一切高人普同供養就座云靈光耿耿智體如如今古洞然聖凡塵間向上一著由來千聖不傳放下便休是衲僧從初本分以拂子豎起問衆云汝等即今還見這箇麼若言不見除是汝等生來眼盲若言見又是知見立知即無明本還知麼還會麼倘爾不會更聽山僧向下葛藤良久云且言昔日我釋迦如來出世本懷蓋為一大事因緣唯開示悟入佛之知見而已無論佛語蠢動含靈皆有佛性即裴休丞相亦曰血氣之屬必有知凡有知者必同體所謂真淨明妙虛微靈通卓然而獨存者也始知者一點靈明不昧之知在爾我莫不均稟共有為什麼却又

有佛與衆生之分也蓋有佛即有衆生有衆生便有佛既有衆生與佛之分所以便為衆生識見了則不得謂之佛知見矣試看世尊初一日在尼拘律樹下打坐有二商客倩人推車過了來問世尊曰曾見車過不世尊曰不曾見曰還聞不二不曾聞曰曾別去不云不曾別去曰曾瞌睡不云不曾瞌睡於是商人作禮世尊讚歎願云當如世尊覺而不見

遂獻寶珠而去故古德云即此見聞非見聞
無餘聲色可呈君個中若會些些意體用無
妨分不分好箇分不分話汝等會得麼還聞
世尊將說法華先從兩眉中間放一道白毫
相光照見東方萬八千佛土靡不周徧於彼
此國土衆生一切境界皆悉令見所謂一光
東照智境全彰如永嘉大師曰境非智而不
了智非境而不生智生則了境而生境了則
智生而了智生而了了無所了了境而生生
無能生生無能生塵遺非對了無所了念滅
非知知滅對遺一向冥寂閒爾無奇妙性天
然其曰今言知者不須知知但知而已如此
則可謂佛之知見者亦不可謂佛之知見何
也可謂佛之知見者知見立知也不謂佛之
知見者能侷真如也到此之際各自著些精

史二

八

采討個分曉好正所謂具足凡夫法凡夫不
知具足聖人法聖人不會聖人若會即同凡
夫凡夫若知即是聖人耳忽憶當初有箇智
通和尚在歸宗處從夜半驚叫喚驚衆曰我
大悟也我大悟也歸宗令僧扯住問悟個什
麼却答曰尼姑天然是女人做試問大衆且
道這個是悟不是悟此事且置山僧今日陞
座本爲大衆敷揚法化宜先舉三歸五戒大
綱略增幾句註脚云汝等善信男女可當各
各合掌胡跪分明諦聽師召云善男女等汝
輩既已發心持齋決志修行冀脫生死苦輪
必先歸依三寶佛法僧是也所謂佛者我所
指歸清淨法身毘盧遮那佛身非指釋迦化
身者也蓋爾我雖在釋迦世尊教化中咸承
彼力即未獲親證親悟終爲隔絕蓋已知彼

史三

九

當此周末時在西域雙林樹下涅槃久矣既已滅度屬人歸依者但教法存耳教法既存必有歸旨歸旨所在即如來法身亘古亘今未嘗生滅吾所指歸依者此耳汝等不聞遮那妙體徧法界以爲身乎蓋言法身無相藉法界以爲身者即四聖六凡皆合如來一體無二也夫四聖六凡爲十法界俱屬有情類中所攝然法身盡此則如來法又有不徧徧處也須知更有無情四法界即華嚴說理法界事法界理事無礙法界事事無礙法界是也然情與無情總屬如來法身爲一體者即今在爾我分上當又作麼生會合耶且如永嘉大師曰智非境而不生境非智而不了作麼生不合又豈有二體耶到此之際始知情與無情總屬如來法身當知爾我則通身都

在如來法身之中實無迴避處也則又當知離却如來法身即爾我這個身心且無棲泊處也信知是歸依佛即法即僧都在其間矣歸依法者即指心法非有別法可依歸也既知爾我這個身心在如來法身之中則又當知如來這箇法身又在爾我這一點靈竅心中矣所謂心包太虛量周沙界不其然乎又所謂心生則種種法生心滅則種種法滅除却心法則無別法可依歸也況慈悲喜捨等法又豈外是乎歸依僧者僧爲和合之義佛即法法即心心佛衆生三無差別又所謂即心即佛即境即心舉一而三言三即一者也如是則歸依佛竟歸依法竟歸依僧竟今屬八月十五日乃當今天下十三布政南北兩京選舉之辰如昔丹霞所謂即選舉亦何如

選佛耶所謂十方同聚會箇箇學無爲此是
選佛場心空及地歸擲拂子咄一聲下座

上堂師云鄙人將謂今時佛法門頭沒有可
商量人仔細檢點也有一箇半箇有僧出問
誰是一個師曰即今如鬧市街頭十字路邊

史二

十

盤膝坐地哇哇叫化錢者是誰是半箇曰即
今認住客塵煩惱確定以爲主宰者是或曰
若說佛法原不曾許汝有商量處烏用汝顛
言倒語有許多饒舌師曰我不恠你雖然說
得儘是你儘做得個膾子手何也任他佛頭
來魔頭來獅子頭象頭來牛頭馬頭人頭狗
頭羊魚頭鵝頭鴨頭既到汝案頭上一一儘
汝破除打發一邊去只恐汝把個死貓兒頭
便不能破除得打發不開去於此打發得開
去纔是好膾子手也或曰將那死貓兒頭來

史二

十一

著師乃笑曰果然不識有人於斯一似個無
尾巴底大蟲且道順毛還勒得伊麼有人於
斯一似個生鐵搨子有力者還拗得折伊麼
果乃順勒伊不得拗折伊不得只是有一人
搖頭不肯何也第恐將個臭鶻突布衫做了
貼體衣至死不肯脫總有青州布衫堆滿世
界也沒用處況今時善知識都只要抱不哭
底孩兒不敢觸著伊動著伊只怕退了伊底
道心又恐斷絕往來了不唯不我供養反被
伊生謗毀作禍害便不奈何若是拚捨性命
善知識則不然饒他是生鐵搨子須要誘引
伊一舉舉到那半天裏沒割殺處了始撒手
待伊自放下來務要跌折了他底又饒他是
箇無尾巴太蟲先須掘個坑子隱覆却候待
伊來陷入內務要使伊跳不出去直待伊計

窮力盡時且問他你還要活麼待伊領首時更曰且緩緩直須教伊命根斷如死灰了這臭鶻突布衫方得卸下始可謂我救得這死漢了也不然這畜生還躑跳在雖然說得也好只可惜今時末法世中無這等一個知識正所謂賢聖隱伏遇而不遇也恠伊說不得呵呵

李孟白大夫問老師修行多少年方纔得悟師云貧道修行未久亦無悟處雖然貧道自持齋出家學道以來不過四十餘年前二十年止入得個信位于晝夜十二時中猶不知其饑飽雖寒暑亦莫辨後二十年但醒得一病痛不從外入俱是自己心中所發近日又增得箇歡喜處始知得人人肚饑都只是要飯喫然又恰如人從半夜睡醒了只顧東

史二

十三

摸西摸信手摸著了自己底鼻孔不覺失聲呵呵一笑

士大夫有問云今日望師開示師云若說開示則現前種種物色原不曾有一毫遮蔽處若論佛法在老僧則一字也無不見當初老釋迦出廣長舌相徧覆三千大千世界談經不過三百餘會說法亦止得四十九年又誰知得是止啼黃葉及乎沒後結殺於人天百萬衆前拈華時竟無一人會得獨有迦葉破顏微笑而已孰又知是空拳誑小兒哉而今衆大夫若要向貧道口裏討能有多少汁水請不如各各安分休去歇去倘休歇不下可將佛祖聖賢一則半則無義味底爛葛藤於晝夜十二時中咬嚼去參悟去果能聽信拳拳依教奉行十年二十年若不悟去老僧替

你下地獄你若只似矮子看戲半信不信不肯扣已而叅只要向他善知識口裏討生死求決擇又貪著那一等瞎宗師開口向你說些有滋味底說話并有義路底言句管直保你到彌勒下生第二箇彌勒下生恐亦不能悟得莫恠老僧性燥不能一一為汝等備悉得

史二

十三

孫淇澳太史一日問及九峰勸石霜首座謂休去歇去云云首座謂明一色邊事九峰不肯何也師云欺他道眼不明耳公謂此可以說得否師云可與愚者道不可與智者傳公謂學生也不曉得師云貧道如今又不然止可與上上根人達而不可與中下之機言矣公領之相與一笑

李對泉太宰六月六日辦齋請師至問云禪

師今日有以教我否師云貧道教何敢當然有嗒焉放下一著可相勸耳何也蓋爾我始由最初一念之欲未能放下所以攝入父母胞胎有此色質以來念念輪迴無有休息以至臨命終時依然不能放下儼如落湯螃蟹致手足顛倒忙亂無措噬臍不及矣果爾相信先須要自己識得破決得斷頓把目前萬聚紛紛一切生滅之念嗒焉一齊放下便覺得於心無事於事無心自然了了分明當下豁達一無障礙矣

又問夢中不能作主者何也師曰設夢中果能作主得則又不得謂之夢矣昔所謂至人無夢者正以此有所檢耳又吾禪門下所謂打成一片寤寐一如者亦以此耳公曰何也師曰是吾叅禪人做工夫直須到這田地夢

中作得主正是打成一片寤寐一如之先驗也以至不二法門事理無礙惺寂雙流定慧等學是非一致物我同根萬物一體凡聖同源莫不一以貫之皆是打成一片事所謂若有一人發真歸源十方世界悉皆消殞若人識得心大地無寸土三界無別法唯是一心作縱橫無礙左右逢源且道又是第二著工夫實驗耶

又問古人因緣請示幾則令吾輩時時參究得否師曰若論古人易會方便則無如趙州但觀伊作沙彌童稚時初見南泉泉因臥次問沙彌自何來答曰從瑞像來曰還見瑞像麼答瑞像未親祇見個臥如來泉不覺涌身起坐問汝是有主沙彌是無主沙彌答是有主沙彌曰今主在何處云仲冬嚴寒和尚尊

史二

十四

體萬福且看伊作沙彌時利辯如此以至年逾八十猶未罷叅故復庵和尚有頌云趙州八十猶行脚只爲心頭未悄然及至徧叅無一事始知虛費草鞋錢蓋伊作善知識接物應機垂手處其圓徧之妙迥與他師不同故

住院後凡有僧到便問曾到此間麼答曾到州即云喫茶去又僧到便問曾到此間麼答不曾到州即云喫茶去居士還知趙州未嘗草草麼曰不知師云此可叅

史三

十五

又僧叅問如何是祖師西來意州云庭前栢樹子僧云和尚莫將境示人州云吾不曾將境示人僧云既不曾將境示人畢竟如何是祖師西來意州云庭前栢樹子居士會否曰不會師曰此可叅

又僧叅問狗子有佛性否州云有僧云既有

佛性因甚又撞入這皮袋州云爲伊知而故犯又僧叅問狗子有佛性否州云無僧云蠢動含靈皆有佛性爲甚狗子獨無州云爲伊有業識在居士曉得麼曰不曉得師曰此可叅

又僧問趙州一物不將來時如何州云放下著僧云一物不曾將來更放下個什麼州云放不下則擔取去居士還曾放下麼太宰無語

有客問某等修行當何用工師提起數珠曰會麼客曰會得師反詰曰汝作麼生會客曰若恁掐著數珠念佛有什麼不會師曰未也客云若更有別說某便不會矣師舉數珠掐曰但恁麼一粒一粒撥過去又有客如前問師曰但著衣喫飯是汝修行

用工處客云某鈍根不會此理師曰即這著衣喫飯工夫亘古亘今未曾少變初無汝用意著力處無汝安排造作處無汝迴避處無汝轉泊處無汝思前算後處有什麼不會又有客如前問師反詰曰汝擬修行圖個什麼客云冀會道耳師曰果欲會道直須放下這要會道底念頭便是真用工處若此用工自當會道客云奈要會道這一念放不下向師曰去汝正鬧在

有客問某留心此道有年矣不悟何也師曰不然我有個比喻比如南北兩京之間有箇庶民發意擬詣北闕面君既自不識所由兼乏指引出門却往南都走逾走逾遠轉急轉遲然南都之景像無差原非異國但反初心則究竟不是蓋爲打初發足處便背馳行錯

了而今請試檢點看果於世間功名富貴之
念輕微利欲貪圖之情澹薄正所謂狂心歇
處即菩提不然則如曰斑鳩樹上鳴意在麻
地裏終日行路何曾踏著一步終日喫飯何
曾咬著粒米是也然世出世間色空事理生
死得失好惡長短是非彼我情與無情等法
本是一貫行處雖如步步不同到後可言頭
頭不異耳不見大通和尚一日上堂云老僧
未行脚前見山是山見水是水中間得箇入
處見山不是山見水不是水洎至今日老僧
見山依舊是山見水依舊是水又僧問趙州
如何是道州云牆外底僧云不問這箇道州
曰你問那箇道僧云我問大道州曰大道透
長安是也

史二

十七

史二

十六

如來禪有祖師禪作麼生甄別師舒手班指
數曰余今年五十六歲矣客曰老師耳背那
傍有僧走過師驀扯住問今日是八月十五
否僧答云今日是十四明日是也師撒手對
客云唯這僧記得端的又有問祖意教意是
同是別師忽云好打好打客作色曰何只言
好打耶師豎起拳云不是拳頭定是巴掌客
揖之而去客有再扣之畢竟何以爲道也師
乃從容諭之曰道無方所無有形名指點伊
不得取舍伊不得是非伊不得向背伊不得
有無伊不得增減伊不得揀擇伊不得動靜
伊不得好惡伊不得逆順伊不得可否伊不
得進退伊不得語默伊不得思議伊不得垢
淨伊不得依倚伊不得營爲伊不得對待伊
不得偏黨伊不得閒忙伊不得前後伊不得

難易伊不得始終伊不得人我伊不得親疎
伊不得損益伊不得寤寐伊不得異同伊不
得男女伊不得老少伊不得得失伊不得新
故伊不得迷悟伊不得固必伊不得高低伊
不得貴賤伊不得果如是信得會得則無住
而非道也客又曰然則某意念不動時還是
道否師募以手插向腰間摸得箇虱子擲向
地云阿啞阿啞跌殺我耶跌殺我耶便休
有客問西來大意師指古鏡云是這箇客曰
奈某不會何師云爲汝未曾用工磨得客曰
某作麼生用工即得師云即目前古鏡弊復
急索曰還我西來大意來客有省曰我會也
我會也師云會即不無試說來客乃指古鏡
曰某既會矣奚又止在是師領之
客有問某心緒萬端不能歸一何也師曰不

見永明壽禪師謂未達境唯心起種種分別
達境唯心已分別即不生客曰我會也師曰
怎生會客云三界無別法唯是一心作師曰
又何曾會且問如何是汝心客云無心曰如
何是境云無境師曰汝何不問我客即問如
何是心師曰汝還見境麼問如何是境師曰
汝還見心麼客歡喜禮拜起師但與振威一
喝客不覺吐舌乃退
僧問九峰勸石霜首座云云而九峰不肯何
也師舉拳示之曰爲伊不識這箇僧云識得
史三
後如何師云石霜住持有分僧又曰聞毘陵
孫太史亦曾問此未知如何答伊師曰山僧
但答爲伊道眼未明耳僧云即如道眼明後
又作麼生師云則不見有休去歇去云云語
矣僧再擬開口師叱曰去汝不會我語

有客問今此四大幻身從何而有耶師答曰
從妄想有曰至百年後又從何去耶答如人
夢醒所作之夢事又從何去乎問此妄想從
何而生答從無有生曰無有妄想不得謂之
無有矣答妄想不出於無有此身則應常有
此身既非常有雖有而不為有矣當知無有
不復更無雖無而豈為無歟般若所為不有
不無者以此也孰又知夫妄想不有無有亦
不有矣

史二

十九

師一日過藪席見學者看書看教者即從容
諭之曰汝等看經書務先知其緩急道為急
務達者為先第一須用銷磨無量劫來種種
習氣對治一一病痛夫烘烘人我妄作毋使
一毫芥蒂留於胃次是急又如喫飲食一一
須是消化得便是爾我真實受用其他資談

柄長識見博學強記及無礙辨才皆為末事
可緩耳

師一日因諸士大夫請集於京西慈因談道
罷師因出袖中扇展之舉起問諸大夫曰請
問孔子當時還知有這箇麼眾俱默然唯
槐庭蔡大夫聳身又手云此學生不敢言師
云這算不得務須說出乃云若謂孔夫子當
時實不知有此師接曰以我為隱乎吾無隱
乎爾聳眾大夫咸舉首領之次日有湛然上
座至師所復徵曰設昨日士夫中有道老和
尚還知有這箇麼又作麼生師急索舉扇收
之縮袖對上座展兩手矚目視之移時直使
湛然無語臉上有熱色乃休
有謂官人祁奚度者日誦金剛般若最苦中
有間斷為告師云殊不知纔舉念要誦時便

間斷了也又云要得念念無有間斷直須是恒誦不已不欲滿耳可也

客有侍會禪會道者師一日忽邂逅途中因舉蘇學士考琴操善參禪話詰之曰即如琴操所答湖中境云云且置之勿論如東坡云

史二

二十

門前冷落車馬稀老大嫁作商人婦何謂也客曰好一箇光景師乃云若恁麼會禪會道較之琴操一觸便悟遂削髮爲尼去遠之遠矣客却問趙州當初勘破臺山婆子何者是趙州勘破處師呵呵大笑曰何與今日彷彿有如此耶遂不語掉頭別去

師一日對客語及曹操與楊修讀曹娥碑話師因嘆曰大段今時人不及古人多矣即如這八箇字總是閒文沒要緊事古人尚放伊不過務要明了纔休如曹操云有智無智較

三十里便識得也昨鄙人亦有兩句沒要緊說話凡對平常人則不敢舉但對具高明識見兼侍會禪會道者每舉東坡點琴操曰門前冷落車馬稀老大嫁作商人婦這兩語有甚蘊奧一百箇便有九十九箇未知下落若

曰即會得中什麼用都是閒言語夢葛藤會得會不得總與他没交涉鄙人且輕輕向伊道汝輩素日在背地裏密密底所做是什麼工夫也莫嫌不與汝說

史二

三

王墨池員外請師至慈因寺齋畢乃問云昔有僧問巴陵如何是道陵云如有眼人墮井又僧問老宿如何是道宿云五鳳樓前又僧問老宿如何是道宿云脚下泥深三尺師云吾不恁麼乃提數珠繞佛堂供桌走一轉云大段今時都要求會禪會道者多要求不要

會禪不要會道人似少然但不要會禪不要會道又烏用求雖然若論前輩明眼知識不同他要教人悟去恰似把得住底不見大慧令謙道者往張無垢處達書謙道者自謂我二十年來參禪未有箇入處此行又當荒廢意欲無行友人宗元者叱曰你途中便參不得禪耶你但去我與你同行至途中謙哀告曰我一生參禪殊無得力處今又途路奔波如何得相應去元告之曰但把你從前往諸方學底會底禪并圓悟與你說底大慧與你說底總不要理論拈放一邊途中有難行底事我都替你止有五件事替你不得須你自己擔當謙曰那五件事元曰著衣喫飯屙屎放尿拖箇死屍在路上行謙遂豁然打破漆桶不覺手舞足蹈元曰你此番方可達書宜前

矣吾且歸元即回徑山如何如何墨池領之師又云現前衆大夫素與貧道盤桓聞蘇雲浦居士識見高明久于此道多與作者游敢有少小葛藤請教往者蘇東坡今琴操參禪語前段弗問即東坡道門前冷落車馬稀老大嫁作商人婦琴操何所感遂削髮爲尼士不契師又云大慧當初道我平生好罵人大喜玄沙勘靈雲道諦當甚諦當敢保老兄未徹在此言可謂壁立萬仞及後來與靈雲會話了却云你恁麼方始是徹他後頭却恁麼撒屎撒尿因請益圓悟悟云他後來恁麼地我也不理會得大慧歸到寮忽悟遂去告圓悟云大段玄沙作怪悟云且喜你知也云云居士以爲如何士云師道靈雲已徹否師云徹士云既徹得非有辜玄沙乎師云居士將

謂吾所云微異不徹耶士無語遂問世尊救產難事曰吾從賢聖法來未曾殺生乃令人傳語至其婦當下便產何也師云是乃公私兩利何難會之有士云吾輩以此為難會久矣緣湛堂準曰設令人傳語未至先已產了

史二

主

又作麼生設令人傳語洎至不產又作麼生況雪竇又有頌云云師云此難乃湛堂雪竇公案非世尊公案也居士所以為難者蓋緣多了這兩轉葛藤又要管伊生又要管伊不生所以難吾今但據世尊語以為憑準不用這兩段葛藤直管教伊生不管伊不生便了所以易然即使要用這兩段葛藤貧道判之亦易何也即使其婦緣人傳語至便生或傳語洎至不生莫不皆承世尊之力其或不然即使其婦便產也與世尊沒交涉便不產也

史二

主

與世尊沒交涉吾所以判云甚易甚易

上堂拈拂子示衆云今時初心晚學既在此門中又都要求箇入處何不且看保福問長慶云盤山道光境俱忘復是何物洞山道光境未忘復是何物據二老總未勦絕作麼生得勦絕去慶良久福云情知你向鬼窟裏作活計慶云汝作麼生保云兩手扶犁水過膝若於此會得許你有箇入處倘未會更看老僧這拂子逞神通去也一時踣跳上三十三天繞須彌山洎四天下走一轉下來依然還落在老僧手裏却曰土曠人稀相逢者少珍重

示衆先輩多謂我宗無語句亦無一法與人久在學地聞之脫有不信即如道信年十四禮僧璨曰願和尚慈悲乞與解脫法門璨云

誰縛汝曰無人縛璨曰何更求解脫乎信於言下大悟且看悟底是什麼別又與伊說個什麼法來而今還有一個半個牢拴腰帶緊峭草鞋忙忙底貴圖叅求知識尋訪明師固是好事總是無繩自縛之流

上堂師云大段吾輩既擔箇學道之名必先於叅訪遇得箇出格宗師明眼知識庶不辜我生平行脚又當要具叅方眼自解作活計始得即如當初德山上堂曰問即有過不問又乖有僧出禮拜山便打僧曰某甲始禮拜爲什麼便打山曰待汝開口堪作什麼還知麼既來到這所在了須自有大方便有大作用有出身底活路始越得伊這圈纒過去果無些些傷鋒犯手處便可謂跳得金剛圈吞得栗棘蓬過得荆棘林許汝天下橫行去纒

有些些沾粘犯手且漫漫張大口說大話在上堂師云但凡叅方須具擇法眼目不要傳言送語問答之際須識來機出言務要斬截自然活鱖鱖地不見光孝慧覺至法眼處眼問近離甚處覺云趙州眼云曾聞趙州有栢樹子話是不覺云無眼云往來皆謂僧問如何是西來祖意州云庭前栢樹子上座何得道無覺云先師實無此語和尚莫謗先師好此是叅方作得主把得住者然法眼當時失却一隻眼我若做法眼纔見慧覺先道無處

文二

三四

便云始知上座在趙州住日尚淺所以不知便了又烏用許多葛藤云云此喚作賓看主太原孚上座叅雪峰纔至法堂上顧視雪峰便下看知事至明日入方丈作禮云昨日觸忤和尚峰云知是般事便休此可謂主看賓

便是作得主把得住活鱖鱖地有決斷具大
眼目堪為人師範者珍重

潘澹游居士共師對坐言及東坡訪佛印借

四大作禪床以致輸却腰間帶話師問居士

當初若作東坡又作麼生士云我若在那一

時自有方便師云連汝也不會士却問老師

若作東坡又作麼生師曰汝道我如今坐在

什麼處士無語

有僧問如何是西來意師云屋北鹿獨宿僧

云不會師云溪西雞齊啼

龍池幻有禪師語錄卷之二

音釋

搥 張瓜切音 券 區願切音 拍 乞洽切音 恰
搥 搥擊也 券 勸契也 拍 瓜刺也 瓜 按

日 芥蒂 上居拜切音 戒下當蓋切 勦 子了
拍 音帶與慧同 芥 小銀也 勦 切 焦

絕也 上聲

龍池幻有禪師閒談晚話序

史三

凝菴居士唐鶴徵撰

幻有禪師一日出閒談晚話相示問曰若何
余答曰言言甘露字字醍醐也從前諸尊宿
言句令人參求未盡者一切拈出又益之以

史三

妙語諦義剖肝瀝膽滴滴見血昔人謂老婆
心切信哉吾知徒衆中其多有憬然悟恍然
覺如雷震而萬物皆蘇獅吼而百獸咸伏者
矣然施教者譬之甘雨有應時不應時承教
者譬之良藥有當機不當機不可強之齊也
何者一雨也揅苗則甘登稼則苦矣一藥也
熱病而宜寒病則否矣故有上等醍醐飲之
翻爲毒藥者非醍醐之不佳也飲之者非所
當飲也古之善于開示者每令各呈所見隨
高下而指示之應時而雨沾之遂暢應病而

藥服之斯行蓋能審其時節因緣云爾諸徒
衆中得無有聞之如人嚼蠟鑽之如鼠入角
者乎安能與憬然悟恍然覺者同其饒益也
然余聞佛以一音演說法衆生各各隨所解
普得受行獲其利或有恐畏或歡喜或生厭
離或斷疑禪師自有神力不共法余未之能
知也禪師固曰禹門院裏禪大似他鄉村中
箇太醫無多方藥頭止有一帖平胃散不管
他風癆鼓膈四百四病一切雜症總與他這
一味藥頭茶湯粥飯醬醋油鹽閒忙動靜行
住坐臥到處着些直待他年深月久自然諸
病悉痊依還舊日無病之人蓋人固有言下
大悟者亦有久之始悟者志不墮而功不輟
則今日沃石劄針之語安知非異日發扁啟
絨之訣哉吾願諸徒衆慎毋深入寶山而空

手歸來又母使老和尚啼得血流而不如緘口可爾

萬曆壬子秋仲疑庵居士唐鶴徵書

幻有禪師閒談晚話二編序

予昔叅笑巖和尚於京師幻有兄侍焉無何予以病附餉舶南還而幻有兄侍和尚最久已而徧歷諸方歸老於龍池顧予衰耄臥疾深谷沾沾自濡不足幻有兄方慨然以建法

史三

二

幢立宗旨爲已任走使千里遺我閒談晚話二編徵言以弁昔人謂驅除雜語言而此編諄諄皆切要語閒談固如是耶得非因慈悲故有落草之談耶又德山云今夜不答話問話者三十棒茲乃終宵揮塵疊疊酬應忘倦

是且與德山相去多少即謂德山答話如雷幻有不說一字亦可也巖師往矣門庭有人予何幸樂觀其盛

萬曆辛亥孟冬日古杭雲棲寺法弟秣宏和南書

史三

三

龍池幻有禪師語錄卷之三

門人圓悟圓修等編

閒談

上堂師陞座祝香次乃云山僧今日強陞此座出乎不意蓋爲我笑巖和尚有未了底公案乃舉起拂子云此是我笑巖和尚使不了剩下底者箇夜來踉跳上非非想天然後從四大部洲走一轉穿却釋迦老子鼻孔今日既落在老僧手中不免舉似過也要與諸人共知見麼若喚作拂子即觸不喚作拂子即背今時有一等杜撰禪和便云喚作拂子山僧即豎兩指云恁麼則成兩箇又有等禪和不喚作拂子恁麼則心外還有剩法只如山僧前者拈出數珠向彼云還見者箇麼彼云是數珠山僧云還是麼彼云畢竟是數珠然

而不惟我祖師門下有背觸俱非之旨即如教乘中亦未首肯在不聞金剛般若云衆生衆生者如來說非衆生是名衆生即謂數珠爲數珠者如來說非數珠是名數珠耳數珠早晚向汝道是數珠來如山僧說即世間一切法難言說相離名字相離心緣相更喚作箇什麼如雲門大師云佛之一字吾不喜聞故不得已而強名之曰道曰心曰佛早是方便爲接引之辭即一大時教亦是止啼黃葉耳大眾今日既相從老僧在此同甘澹泊即古人云大家相聚喫葷葷若喚作一葷葷入地獄如箭射諸人若會得者一轉語即可拗折拄杖高挂鉢囊歸家穩坐去又何用南天台北五臺橫挑拄杖倒躡草鞋又要行甚麼驢脚馬脚去左右顧視云下間定磔上說

法各自奔忙也不差大有一件好笑事冬天
著領夏袈裟下座

戊申臘八日上堂祝聖云此一炷香天不能
蓋地不能載爇向爐中端爲祝延今上皇帝
聖躬萬歲仰藉現前大功德主太常唐公十

火五

四

八年來護法之念殊深爲道之心彌切薰之
地隣遠近十方檀越均此報答就座云靈光
不昧萬古徽猷本體洞然自他靡間向上一
着由來千聖不傳若其曲順機宜未免入泥
入水乃舉起拂子云汝等諸人還會得者個
麼良久云本有之性要會有什麼難蓋謂今
時人好聞義理禪并老婆說想起當初忠國
師好說老婆禪山僧今日也不免效伊去且
如達磨大師自南天竺國特特航海而至此
方只說直指人心見性成佛但未委指那個

史三

五

心見那箇性成什麼佛試看伊初遇梁武帝
問如何是聖諦第一義磨云廓然無聖帝云
對朕者誰磨云不識如此看來達磨大師大
似善治眼底一箇太醫但能刮磨去人眼中
底翳病外不能有光明與人可惜武帝護病
不肯容達磨刮磨去得眼中翳病奈何使達
磨未免一場懺懼而退所以遂擲蘆過江主
魏在熊耳山前面壁九年待得個慧可大師
出來做了箇割煞且言慧可大師爲求法故
立雪齊腰乃至斷臂托呈後云我心未安乞
和尚安心磨云但將心來我爲汝安可云覓
心了不可得磨云我與汝安心竟當恁麼時
則未見更有箇指心說話兼有箇見性成佛
底影子然而在明眼人亦自見得也止是與
慧可大師印正得箇無所得心者裏便是直

指心體處蓋言爾我人人本有底心本來沒有形相十方求之終不可得如人迷方謂東爲西方實不轉只是湛然不動原與太虛同體本來不會生本來不會滅無方無圓無大無小不垢不淨不增不減無在無不在無是無不是無欠無餘徧一切處而非一切處汝等還要見親切心體麼只是如今現在者裏歷歷孤明惺惺不昧聽老僧說法者是故楞嚴經云空生大覺中如海一漚發有漏微塵國皆依空所生可見十方一切微塵國土皆出在太虛空中者太虛又出在大覺海中止似一漚泡耳又云大圓滿覺應跡西乾心包太虛量週沙界大槩此心與大覺原同一體馬祖所謂即心即佛者此也如何見得蓋謂認得此廣大心體了便是大覺世尊所謂心

史三

六

外無別佛佛外無別心古人謂心佛衆生三無差別何謂衆生蓋謂迷此廣大心體了不能認得故謂之衆生楞嚴云棄却四大海水唯認者一浮漚四大之體爲自身相六塵緣影爲自心相甘作衆生只在四生六道之中出此入彼生生死死無有休息之時故此心佛衆生只是一體而有三名耳所以衆生在迷中此心不會虧欠了些些即在大覺分中也未曾有增添了些些只此大覺佛不是修成得的佛若是修成底還有壞日者是本源自性天真佛即是法身佛不是報化佛故云報化非真佛亦非說法者有問但未委法身佛還會說法否師云即溪聲山色水鳥樹林終日放光說法音吼動地自是汝未曾聞耳又問但未委性者爲何師云真性心地藏無

頭亦無尾應緣而化物方便呼爲智所謂真智無知無所不知所言法身者非單指太虛無物而言即三千大千十方諸國土總是一箇大法身耳何也以般若云色即是空空即是色故從本以來色心不二以色性即智故色體無形說名智身以智性即色故說名法身徧一切處所現之色無有分際故云色大法身大凡是見色便是見心故永明壽禪師所謂未達境唯心起種種分別達境唯心已分別即不生蓋謂汝等平昔所見現前種種物景不是自己分內具底便有分別心起耳故云若人識得心大地無寸土然則難道大地之土無了不成蓋即色即心故又若有一人發真歸源十方世界悉皆消殞在老僧則不然若有一人發真歸源築著磕著天地日

月萬物性情森羅萬象草木昆蟲樓臺殿閣凡有色質形像無非是此心此心即佛耳故教中云若有一人成佛時普觀大地有情無情皆悉成佛信矣山僧如此說成佛但容易了只恐汝等信不及不肯承當耳汝等還知麼夜來釋迦佛成道天明箇箇食香糜脰毛生在眼額上試問諸人知不知下座上堂師云古之天地日月猶今之天地日月古之萬物性情猶今之萬物性情天地日月固無變也萬物性情固無易也世既如此依然仍舊道至於今胡爲而獨變哉古人所謂人能弘道非道弘人操則存捨則亡然非道去人而人去道也正當恁麼時如何是道山僧所謂無心是道汝等人在日用中但得於心無事於事無心自然頭頭上現物物上

彰左右逢源縱橫自在拈來無不是用處莫
思議所謂著衣喫飯也是道屙屎放尿也是
道一動一靜一語一默在忙在閒無非是道
瞬目揚眉也是道豎拳豎指也是道行棒行
喝也是道舉椎舉拂也是道擊叉打地也是
道搖鈴杵鞦木毬也是道呈橈舞棹也是道
張弓架箭也是道隔江招手也是道吹布毛
看桃花聞擊竹也是道有一婆子供養老僧
三十年每令二八女子送飯伊喫婆子一日
囑令女子抱住云正恁麼時如何老僧云枯
木倚寒巖三冬無煖氣女子歸舉似婆子婆
云三十年來祇供養得個俗漢遂放火烧却
菴也是道東坡一日問道于子由子由報以
佛語曰本覺必明無明明覺居士欣然有得
於孔子之言曰詩三百一言以蔽之曰思無

史三

八

邪夫有思皆邪也無思則土木也吾何自得
道其唯有思而無所思乎於是幅巾危坐終
日不言明目直視而無所見攝心正念而無
所覺於是得道也是道一日有尼問趙州如
何是密密意州把尼臂捏一把尼云和尚還
有者箇在州云你還有者箇在也是道又僧
問趙州學人乍入叢林乞師指示州問你喫
粥也未僧云已喫粥了州云洗鉢盂去也是
道有問答云墻外底也是道透長安底也是
道五鳳樓前底也是道乃至在家男女迎賓
送客也是道抱子引孫也是道日應萬酬總
是道績紵撚麻也是道紡紗織布也是道刷
鍋洗碗也是道做飯燒茶也是道搬柴運水
也是道凡有施爲動作不施爲動作總是道
咳唾掉臂啗鼻子打噴嚏也是道東村頭張

史三

九

婆婆與西村頭李阿媽倚門相罵也是道鄉裏小哇哇搓成泥彈子燒路頭也是道不聞法華經云乃至童子戲聚沙爲佛塔皆以成佛道古人以蛇虎爲鄰也是道鷓鴣鳥見人飛去也是道不飛去也是道鴉子見人飛去不飛去總是道故龐居士云但自無心於萬物何妨萬物常圍繞鐵牛不怕獅子吼恰似木人見花鳥木人本體自無情花鳥逢人亦不驚心境如如只者是何處菩提道不成立珍重

小叅師云前者所言即心即佛昨又云無心是道兩種說話較來雖是古人先道過底本無分別然在老僧分上不會體帖得明白則未敢向諸人面前道出來大槩汝等本來不會苦心一迴雖爾聽得只作尋常容易放過

去了也怪伊不得在他古人三二十年除二時粥飯是雜用心工夫得打成一片既到者箇田地則觸處洞然頭頭是道非離真別有立處以立處即真故更說箇見性成佛且何者爲性即無分別智是非但智之一字即見聞覺知無非總是性體教中等間說見性聞性覺性以見即性性即見耳不可以見更見於見故楞嚴經中佛告阿難云若見是物則汝亦可見吾之見若同見者名爲見吾吾不見時何不見吾不見之處若見不見自然非彼不見之相若不見吾不見之處自然非物云何非汝性見聞覺知之義亦復如是以性體周偏滿法界故凡有所見即見性故金剛般若云凡所有相皆是虛妄若見諸相非相即見如來如來者即真如自性也汝等但

能於十二時中提得起放得下不作妄想之見不起分別之心即華嚴經云佛身充滿於法界普現一切群生前隨緣赴感靡不周而恒處此菩提座耳即當初東坡居士尚得道於子由云明目直視而無所見攝心正念而無所覺於是得道況吾輩爲離塵脫俗之流有何所爲而不會證得耶久立珍重

文三

十

小叅師云十方同聚會箇箇學無爲此是選佛場心空及第歸大槩汝等初未嘗辦得無求之念蕪未歇得妄想之心乍聞老僧說箇無心是道即心即佛則不易便信需用老僧重重勸誘方有入處所言學無爲者須是看他從上古人學底樣子昔者藥山打坐石頭見而問云你在者裏作麼山云一物也不爲頭云恁麼則閒坐耶山云閒坐則爲也又嚴

文三

十一

陽尊者問雲門一念不起時如何門曰須彌山又僧問趙州云一物不將來時如何州云放下著云既一物不將來更放下個什麼州云若放不下則擔取去又僧問雲門樹凋葉落時如何門云體露金風又馬祖問藥山近日見處如何山云皮膚脱落盡唯有一真實又見石頭頭云此之所見可謂協於心體布於四支且將三條篋束取肚皮隨處住山去山云某甲又是何人敢云住山頭云不然未有長行而不住未有長住而不行欲益無所益欲爲無所爲宜作舟航無久住此又臨濟問黃檗三三遭痛棒後見大愚得悟乃云原來黃檗佛法無多子大愚云者屎床鬼子纔問說有過無過又道佛法無多子見箇什麼臨濟向大愚脇下築三拳大槩直待證到心

空及第處爲了首纔是到家時節所言無心者若不得六塵境界現前要見吾心終不可得故云心由境現境由心彰凡是見境即是見心金剛經云應如是生清淨心不應住色生心不應住聲香味觸法生心應無所住而生其心但於六塵境上無取著念無分別心則得無方清淨故云色清淨故般若清淨般若清淨故法身清淨即昨日云理事無礙法界借桌子爲說者正要喻明即心即佛易曉故耳且言舉起桌子全體是一塊木頭舉起木頭通身是一張桌子以桌子外無木頭以木頭外無桌子以木頭喻理桌子喻事即事理無礙不差當此心外無佛佛外無心亦爾不但外之見色便是見心即內之五陰色外無心心外無色亦爾又不但在我一人獨占

了不成即而今現前人人各具一箇法界互攝互融俱不相妨礙又永明以一心爲宗萬法爲鏡以萬法照我一心以一心攝盡萬法信矣故永嘉大師云一月普現一切水一切水月一月攝是也珍重

小叅師云汝等但於十二時中第一要不起分別之念不作妄想執情則此心即是佛佛即是此心此心歷歷孤明惺惺不昧者是此心雖無形相亦不離形相即世間無一物不屬吾心以吾心之外無一物耳故謂此心即

史三

立

佛佛即此心故般若云一切智智清淨無二無二分無別無斷故即一切智一切種智在佛菩薩分上說唯佛能證一切種智故下一智字總在心分上說一云根本智一云無分別智一云真智所言真智者真智無知無知

則無所不知以無知在心以無所不知在佛
以無知故無所不知故云無二無二分無別
無斷故昔日馬祖所謂即心即佛者此也南
泉又謂不是心不是佛不是物者爲何以山
僧今日所言但指目前事事法法離言說相

十三

十三

離名字相離心緣相便休更不用說是心是
佛亦不用說非心非佛不見楞嚴經中文殊
所謂吾真文殊無是文殊無非文殊中間實
無是非二相若云是則有二文殊矣若言非
則即此文殊亦非矣你看臨濟大師則不同
他二者之言上堂則云汝等諸人赤肉團上
有一無位真人常從汝等面門出入初心未
證據者切須看看有僧問如何是無位真人
臨濟下禪床擒住見此僧眼目定動遂托開
云無位真人是什麼是乾屎橛便休珍重

上堂師云當初臨濟大師晚叅示衆云老僧
有時奪人不奪境有時奪境不奪人有時人
境俱奪有時人境俱不奪當時有僧問如何
是奪人不奪境大師便與伊下箇註脚云煦
日發生鋪地錦蓋謂日初出時照見山青水
綠柳暗花明朱紫玄黃森然滿目如成一片
錦繡相似者是一團境界言嬰兒垂髮白如
絲者者一句便是境勝奪人底說話又問如
何是奪境不奪人大師云王令已行天下徧
則率土之賓莫非王臣普天之下莫非王土
使天下皆知有個王在則萬緣自然寢息將
軍塞外絕煙塵者者一句見得有將軍一人
威震塞外總有萬頃煙塵自然頓息無餘便
是奪境不奪人也又問如何是人境俱奪大
師云并汾絕信即并汾兩地覓音信尚不可

得要見其人豈可得乎即獨處一方落地亦不可得所以境界亦無又問如何是人境俱不奪大師云王登寶殿當恁麼時滿朝朱紫羅列現前人境俱完矣野老謳歌正是太平之世則其境像可知在老僧今日好說現成話如何是奪人不奪境即僧問趙州如何是西來意州云庭前栢樹子如何是奪境不奪人即趙州當初問臨濟如何是西來意濟云却值老僧洗脚趙州象頭作聽勢濟云汝更要第二杓惡水潑那州休去如何是人境俱奪不見藥山當時叅石頭云三乘十二分教某甲已粗知其旨更聞南方說箇直指人心見性成佛實未明了望和尚指示石頭云恁麼也不得不恁麼也不得恁麼不恁麼總不得如何是人境俱不奪如藥山又如前問馬

祖祖云我有時教伊揚眉瞬目有時不教伊揚眉瞬目有時教伊揚眉瞬目者是有時教伊揚眉瞬目者不是藥山即當下開悟遂禮拜祖云你見個什麼道理便禮拜山云某甲在石頭處如蚊子上鐵牛相似此即人境都

在其中矣老僧末後更有一轉語在如何是奪人不奪境乃豎起拂子云汝等還見者個麼如何是奪境不奪人老僧當初不明得者箇拂子叅了三十年那時節止有老僧在如何是人境俱奪自擲下拂子七八年以來見

自己了不可得況有拂子如何是人境俱不奪舉起拂子云老僧今日方纔得伊力便是全體作用纔喚作拂子不妨又是老僧纔喚作老僧不妨又是拂子畢竟喚作老僧是喚作拂子是若道拂子畢竟還他是拂子老僧

畢竟還伊是老僧便成了凡夫着相之執分別妄想之見若道老僧即是拂子拂子便是老僧又成了籠侗真如顛預佛性青黃不辯黑白不分當此之際可謂一毫頭上現寶王刹坐微塵裏轉大法輪汝等衆中還有會得者麼若會得趁早出來與老僧通箇消息若一總不會得且喚侍者收起者拂子異日還可指示他人久立珍重

晚參師云金剛般若云應如是生清淨心不應住色生心不應住聲香味觸法生心應無所住而生其心然其心有真如心有生滅心有清淨心有分別心雖有種種不同究竟總是一心原無二道只是所生處不同故有異耳且言世間一切萬法總不出色聲香味觸法上盡無餘矣果於此色聲香味觸法上無

住着相無貪染念則所生乃是清淨心清淨心即真如心倘於色相一法上有所住着則分別心不得不生一有分別便有美醜好惡即醜惡色相厭惡棄捨無所繫心若其美好色相上則起愛念一有愛念便有貪染取着繫念不忘若生滅念起真如心隔絕清淨心則不現前矣聲香味觸法亦復如是汝等但於十二時中即色聲香味觸法上不起一毫住着念頭其清淨心自然發現以心清淨故則色聲香味觸法清淨以色聲香味觸法清淨故則般若清淨以般若清淨故則法身清淨一法身清淨故則多法身清淨以多法身清淨故恒河沙法身清淨一恒河沙法身清淨故百恒河沙法身清淨以百恒河沙法身清淨故則千恒河沙法身清淨以千恒河沙

法身清淨故則萬恒河沙法身清淨以萬恒
河沙法身清淨故則億恒河沙法身清淨以
億恒河沙法身清淨故則百千萬億恒河沙
法身清淨以百千萬億恒河沙法身清淨故
則不可說恒河沙法身清淨以不可說恒河

史三

十六

沙法身清淨故則不可說不可說恒河沙法
身清淨以不可說不可說恒河沙法身清淨
故則無方恒河沙法身清淨以無方恒河沙
法身清淨故則無邊刹海自他不隔於毫端
十世古今始終不離於當念師豎起拳頭云
還見者個麼智水湛然滿浴此無垢人汝等
且住更有 篇散說話與你們說了去你們
不論在家出家既然拋開了各自有箇家業
來在者裏相從老僧坐禪聽法時光易過莫
作等閒不覺又過了十日半月到來了我昨

史三

十七

日雖與你們說個即心即佛無心是道見汝
等似有如無全然不肯着一毫意念只教老
僧終日與你們口吧吧底說也沒有了日也
只要你們領會得體解得便不辜負老僧果
然不着意不體會老僧總有佛法亦無心情
說亦無一字可說矣若是汝等果然猛着精
彩在蒲團上做一回工夫直得白醜出於口
邊青草生於舌上千聖喚不回頭百鳥都無
尋處形同枯木心若死灰智閑遠水孤峰性
寂寒潭皎月然後眼如耳耳如鼻鼻如口口
如心如冷灰裏荳爆相似大死一回甦醒起
方纔合得無心是道即心即佛體貼相應不
會而自會不解而自解不假一毫勉強那時
節使老僧說佛法愈說愈有佛法不知從何
處來可惜汝等到那一時只是不要聽不欲

聞了故云丈夫自有冲天志不向古人行處
行又肯向人口裏討分曉求決擇在老僧到
那時方纔不怪得你不然不見當初石霜遷
化後衆議舉堂中第一座接續住持獨有九
峰處侍者不肯云待某甲勘過會得先師意
則可九峰對衆問云且如先師道休去歇去
一念萬年去寒灰枯木去一條白練去古廟
裏香爐去明什麼邊事首座云明一色邊事
九峰云恁麼即未會先師意在首座云粧香
來我若未會先師意香煙起處我脫去不得
首座當時便坐脫九峰撫首座背云坐脫立
亡即不無會先師意未在大槩斯事貴明道
眼爲木十年前老僧有云首座當時見九峰
問明什麼邊事只消輕輕豎起拳頭云止明
得者個事任伊九峰有無窮伎倆也只得舍

史三

七六

胡而退少他住持不得汝等豈可飽食終日
無所用心耶珍重
晚叅師舉昔日有僧問馬祖云離四句絕百
非請師直指西來意四句者何是有句無句
非有非無句非非有非非無句因者四句便
生出種種百非句來了四句既離百非自絕
大槩西來意總不出此四句外故僧以此來
問祖祖云我今日無心情與汝說得但問取
堂中智藏去藏云何不問和尚僧云和尚教
我來問藏云我今日頭疼不能爲汝說問取
海兄去海云我到者裏也不會僧回舉似馬
祖祖云藏頭白海頭黑便了汝等還知西來
意麼若道他答伊我見伊父子三人不曾承
當答個什麼若道他不曾答雁過久矣若老
僧則不然何務要當當做成了箇兒賣鴨蛋

去我若做馬大師待者僧來問我但輕輕向他道汝見老僧眉毛還在眼上麼他若再道個什麼但召他近前來待來時與他驀臉一搥云我只道你是個人不料汝是個野狐精不唯使者僧別有個生機亦弗致令黑漆墨地去老僧如此判斷衆中有會得者麼良久云若有人會得點取一甌茶來與老僧喫了史三十九敬去

上堂師云靈光耿耿智體如如今古洞然聖凡靡間若論即心即佛更無少法會逃化外玄機要知即事即理焉有一物度越環中妙旨若彼若此咸登般若慈航是實是權共到菩提覺岸何智愚之有隔奚纖悉之不周凡在法筵惟當顧鑒良久云嘆一聲將下座有問龐公云但願空諸所有慎勿實諸所無何

耶師云以世人見有爲有故云但願空諸世人情執以有爲有耳不是併去其所有之物故若併去其所有之物則以無爲無矣既以無爲無過緣則不應有若以有爲有離緣則不應無所以有既不有則無無也故云但願空諸所有慎勿實諸所無耳有問黃檗和尚云此心即法此法即心心外無法法外無心心自無心亦無無心者如何師云汝欲識心自合見法若能見法自合識心我故所謂無心是道者以此故也有問鱗甲羽毛普現色身三昧一切放下須知有向上一着子在師云汝還見老僧眉毛麼直饒汝見得老僧眉毛汝自己眉毛尚未照顧得在有問華嚴童子身中入正定壯年身中從定出壯年身中入正定老年身中從定出乃至東方世界入

正定西方世界從定出南方世界入正定北方世界從定出如何師云我故所謂汝等但於十二時中不生分別之念不作妄想之情盡虛空大地總是一真法界既屬一真法界世間更有何差別境現前爲對爲敵所謂法界一相便是如來平等法身依此法身說名本覺又云那伽常在定無有不定時纔見有對待境現前心生便是出定所在然方亦無定所故楞嚴云東看則西南觀成北所以云東方世界入正定西方世界從定出南方世界入正定北方世界從定出云云凡屬對待法中皆如此例即如善財繞妙高峰七日不得見德雲比丘忽一日向別峰相見亦是出定義下座云叅

之二

三

何是世間無生師云以生即無生無生即生故如中論云世間眼見劫初穀不生何以故離劫初穀今穀不可得若離劫初穀有今穀者則應有生而實不爾是故曰不生又世間諸法原不從自性生亦不從他性生亦不從共性生亦不從無因性生是故云無生耳大槩本無今有祇可說生不可說不生本有今無祇可說滅不可說不滅若本有今亦有便可說不生亦可說不滅若本無今亦無亦可說不生亦可說不滅耳故云知世皆無生乃是見世間也

史三

三

僧問文殊問庵提遮女曰生以何爲義女曰生以不生爲生義殊曰如何是生以不生爲生義女曰若能明知地水火風四緣未嘗自得有所和合而能隨其所宜是爲生義

